

falcornet

IO. ANTONII
MAGINI PATAVINI, MATHEMATICARVM
IN ALMO BONONIENSI
Gymnasio Professoris,

DE ASTROLOGICA RATIONE, AG
*vsu dierum Criticorum, seu Decretorum, ac praeerea de
cognoscendis & medendis morbis ex corporum cae-
lestium cognitione,*

OPVS AD EPHEMERIDVM SVPPLE-
mentum nunc primo editum & libris duo-
bus distinctum.

Quorum primus complectitur Commentarium in Claudij Galeni li-
brum tertium de diebus Decretorum: Alter agit de legiti-
mo Astrologia in Medicina vsu.

His additur

De annui temporis mensura in Directionibus: & de Directionibus ipsi ex
Valentini Naboda scriptis.

FRANCOVRTI,

Typis Wolfgangi Richteri, sumptibus Ioannis
Theobaldi Schönvverteri.

M. DC. VIII.

DE MEDICINA

PLINIVS.

TRISTOTELIS.

Handwritten text at the top of the page, possibly a title or header, which is mostly illegible due to fading and noise. It appears to contain the characters "Handwritten" and "15.1".

Small handwritten mark or signature in the bottom right corner, possibly a date or initials, which is mostly illegible due to fading and noise. It appears to contain the characters "15.1".



SERENISSIMO D.
DN. FRANCISCO
GONZAGÆ,
MANTVÆ ET MONTIS-
ferrati Principi.

QVAMPLVRIMOS fore non dubito, Serenissi-
me Princeps, quibus mirum videatur me de
Astrologiæ iudiciariæ parte illa scribere ingres-
sum, quæ Medicis, ac Medicinæ vsui, cum
præsertim Galeni librum tertium de diebus
Decretoriis illustrare commentariis fuerim ausus homo Me-
dicinæ artis prorsus ignarus. At vbi quæ me ad id audendum
causæ impulerint, isti probe norint, non solum mirari de-
sinent, sed meum probare ac laudare consilium incipient.
Multis equidem nominibus hanc prouinciam suscepi. Pri-
mum Damiano Zenario bibliopola, cui propitius vita fun-
cto sit Deus Opt. Max. meam obstrinxeram fidem, cum
primum meas ille Ephemerides denuo in lucem emissu-
rus esset, multorum illas non solum annorum incremento,
sed & institutionum ac tractatuum locupletare, qui & A-
griculturæ, & arti Nauigatoriæ, & Aeris mutationibus
dignoscendis, & rei etiam Medicæ inferuient. Sed quod
ad Medicinam attinet, propositum mihi solum fuerat
pauculis tantummodo paginis vniuersalia quædam man-

dare præcepta ad dignoscendos dies, qui propinandis medicinis, aut phlebotomiæ, aut alijs exercendis medicis functionibus magis minusve idonei ac felices essent, exemplum hac in re sequuto Stefferi, Carelli, Pitati, & aliorum, qui Ephemerides concinnarunt. Secundo loco quotidiano ferre conuitio à me flagitabant medicinæ candidati, qui me præceptore sunt in Mathematicis vsi, vt eos Astrologicis imbuerem præceptis iis, quæ ad rei medicæ vsum dirigerentur. Quibus cum ego nonnulla ab ijs in exercenda Medicina ex Astrorum cognitione obseruanda identidem subiicerem; meq; illi rogarent, & quem in hoc studio sibi legendum ac sequendum Auctorem compararent; ego, quos dixi, statim proponebam, atq; etiam, quando complures ab hinc annos editi illi, ac quia iamdiu nō amplius excusi, haud ita in promptu, atq; inuentu faciles erant, sæpe discipulis meis commodabam, vt inde, quod possent in hoc genere, desumerent. Sed cum in ijs euoluendis spe sua frustrati, partem illam Astrologiæ nihilominus desiderarent, quæ Medicinæ eam, quam ego & profitebar, & ijs ostenderam, vtilitatem afferret, quasi mecum expostulantes ad me confugiebant, & nihil eorum lectione tractatum se profecisse dicebant; in ijs enim pauca, & confusa se reperisse, quæ ad medicum negotium attinerent, quippe in ipsis omitti maxime necessaria, & leuia quædam, ne dicam puerilia, recenseri, ab Arabica illa ac superstitiosa astrorum scientia mutuo sumpta, quæ & veræ Astrologiæ candorem inquinauit, & Catholicæ Ecclesiæ iustissimam videtur ansam præbuisse, vt eandem ipsam non tam veram, quam notham, & falsam, ac superstitiosam Astrologiæ professionem Catholicis interdixerit. Inde factum, vt mecum complures eorum egerint, vt de hac Astrologiæ parte, quæ Medicinæ subseruit, meo more atque instituto vberius agerem, & certiora, ac potiora, quam alij in medium afferrem,

ferrem, nugis interim illis Arabum valere iussis, & leuioribus rebus prætermiſſis. Ego vero, ne amplius moleſtiã illam exorberem, diſcipulos in hac Aſtrologiæ parte abſq; certo aliquo eius Auctore erudiendi, atq; eadem quotidie repetendi, ſimul etiam ne libros à me ſuperius cõmemoratos diſcipulis iſſis cogeret identidem commodare cum periculo etiam ne mihi aliquot ex iis perirent, quod non raro uſu venit; Adde & quod multo maioris eſt momenti, cum Aſtrologiam prorsus neglectam à Medicis viderem, ita vt eorum pleriq; nõ dubitarent hanc vt vanam quandã artem ac temerariam inſectari, & gloriam quodammodo ex eius ignoratione, atq; imperitia ſibi aucupari, quin & ſcripto detertere eius ſtudioſos ne in hac ediſcenda tempus tererent (idq; eo cõgruius ferebam, quod in eorum numero complures eſſe intelligebã præclaræ, ac ſpectatæ in primis ſcientiæ viros, qui facile quidquid vellent, pro conciliata ſibi auctoritate iunioribus, atq; inexpertis perſuadere poſſe videbantur) feci nõ inuitus vt hanc à diſcipulis gratiam inirem, & partem hanc pro viribus elaborarem; quin etiam non ab re eſſe exiſtimaui Medicis iis, qui tanto cum ſupercilio in Aſtrologiam iuueherentur, alios opponere inſignes Medicos, qui hanc facultatem, & plurimi fecerint, & cum primis vtilem, ac neceſſariam eſſe Medicis non ſolum faſſi, verum etiam ingenuè fuerint profeſſi, quorum teſtimonia, & auctoritates id aperte comprobantes collegi ſimul, atque edidi, vt Medicos per Medicos redarguerẽ. Quæ etiam fuit cauſa, vt Galeni libellum hunc tertium de Diebus Decretoriis, quem ipſi germanum eſſe Galeni fœtũ negare, & inter ſpurios referre non poſſunt, commentariis illuſtrarim. Maxime autem omnium ad hæc elucubrandam officii mei munus impulit, neſas enim eſſe exiſtimabã quod à Domino talentum acceperam, eius tanquam à me in terris de induſtria abditi vtilitatem ſtudioſis inuidere, & quaſi ſce-

lus admittere mihi videbar, si Medicinæ ipsi hanc à me operam tantum non emissâ voce petenti denegarem, hoc præsertim tempore, quo in Astrologia Iudiciaria non ita libere versari Medicis licet, quemadmodum patrum nostrorû memorialicebat. Cur igitur hæc scripserim, causam vides, cur autem hæc eadem Celsitudini tuæ, Princeps Serenissime, nuncupata voluerim, facile suspicari potes. Iam pridem inter deuotissimos Serenissimi parentis tui clientes ego haud infimo, sed, quæ summa eius benignitas est, perhonorifico loco sum receptus, & dignus ab eo existimatus, qui te atq; Excellentissimū D. D. Ferdinandum fratrem tuum in Mathematicis erudirem. Ergo meæ mihi videbantur esse partes, summam meam in te obseruantiam quamprimum testatam posteris relinquere; atq; in rem meam maxime erat, tuum huic libro patrocinium asciscere, vt tutus à Zoilis; atq; obrectatorib. in manib. studiosorum versaretur; tuoq; in primis testimonio, tuaq; fultus auctoritate vnicuiq; facile persuadere posset, me Astrologiam ita profiteri, atq; exercere, vt eos terminos, ac fines ne latum quidem vnguem transiliam, quos mihi Catholica Romana Ecclesia circumdederat, cui ego iudicium ac sententiam meam in rebus omnibus, qua decet reuerentia, subiicio. Iure igituro optimo nihil decentius, nihil mihi consultius existimaui, quam si meas hæc vigilias Celsitudini tuæ dicarem. Claudēda nunc mihi laudum tuarum commemoratione esset Epistola, Princeps humanissime, si vel illæ meo indigerent præconio, vel ego ea essem dicendi facultate præditus, vt eas possem pro dignitate conscribere. Verum is est tuarum vere heroicarum virtutum fulgor, vt ad eas admirandas potius, quam commemorandas non me solum, sed eloquentissimum quemq; incitare videatur. Quas si quis in tuis præclarissimis dictis, factisve non posset, at in venustate, ac specie illa tua summo digna Imperio

rio contemplari abunde posset, in illa inquam & vultus tui vere regia maiestate, & totius corporis dignitate, quæ tuos ex nobilissima Italicarum Gonzagia familia depromptos, atq; etiam è Cæsareo genere delibatos spiritus tanquam egregia quædam pictura intuentium oculis offert, atq; egregie representat. Vnde illud dimanat acumen ingenii singulare, prudentia in adolescente senilis, altitudo animi incredibilis, facundia inenarrabilis, humanitas eximia, in fouendis studiis litterarû, litteratisq; viris summa alacritas. Quæ mihi spem haud exiguam facit, fore scilicet, vt huius libri patrocinium clementissime susceptum constantissime retineas, & mihi ad maiora meæ in te obseruantix edenda monumenta animum addas. Quod te vt facias enixe precor, quemadmodû Deum Optimum Maximum assiduus deprecor votis, vt tibi Nestoreos ac fœlicissimos elargiatur annos, meq; Serenitati tuæ humilime commendo. Bononiæ 24. Ianuarii 1607.

Serenitatis tuæ

addictissimus

Io. Antonius Maginus.



IOAN. ANTONIVS
MAGINVS CANDIDO
LECTORI S.

RACTATVRI nuncillam Astrologia partem, qua Medicinam
nō parum adiuuat, ingenii nostri vires debiliores esse agnoscimus
quam vt tanto ferendo sint oneri: quippe eruditi quidam homi-
nes huic parti adeo detraxerunt, vt vanam eam, falsamq, esse nō
communi solum plebecula, verum etiam doctiorum nonnullis iam pene persua-
serint. Nec mirum, quam plurima enim, qua nonnullorum temeritate in nobi-
lissimam scientiam irrepere incommoda, facillime rudiores praesertim potuerūt
detertere: quippe cum reperiantur complures, qui vix dum pralibata artis Ru-
dimentorum, seu Ephemeridum cognitione Astrologos se esse opinati, eo temeri-
tatis deuenerint, vt Calendaria, & Prognostica construere, & de reb. grauiori-
bus iudicia ab omni veritate aliena facere non sint veriti. Alii (grauius ausi ne-
fas) profana sortilegia, & damnatas artes varia superstitione, ac improbe exer-
centes sacrilegas suas praedictiones Astrologia nomine conati sunt occultare. Alii
deniq, saniore quidem consilio hanc nostram scientiam emens, & Medicinam
ipsam sine hac vacillare, Medicumq, ipsum tanquam caecum absq, ductore in in-
certum ferri probe cognoscentes, praecepta artis tradere, & Astrologiam Medi-
cina copulare audaciore quidem, quam feliciore conatu aggressi ac demum in
superstitiosas Arabum, & licentiosorum scriptorum ambages illapsi, ac immersi
permixtis vnde quaq, vanioribus iudiciis rem omnem confuso, ac incerto ordi-
ne tractauerunt. Hinc tot in ipsam Astrologiam conuitia, tam acerba cauilla-
tiones, atq, indigna calumnia originem traxere. Quasi quis diligentius animū
aduerterit, non artis, sed imperitorum artificum esse errat a facile cognouerit.
Sunt enim hac nostra tempestate nonnulli Astrologia omnis penitus inscii, licet
alioqui aliarum scientiarum cognitione pradii, qui publica voce contra omniū
peritorum, ac veterum tam Philosophorum, quam Medicorum auctoritatem
in Astrologiam inuehi, & nihil hanc pro Medicina posse, nullus esse vsui procla-
mare minime dubitent. Equidem complures, qui Philosophiam, ac Medicinam
aliqua cum laude & gloria publice profitentur, mirari satis non possum, dū anti-
quo-

quorum, & praedecessorum suorum sententiis scriptisq; Astronomicis multorum annorum experientia, & longa observatione comprobatis fidem omnem abrogant, cum tamen iis ipsis qui damnant nequaquam constet. Primos Astronomia fontes extremis saltem labris primum delibasse, ac pharmacis suis, quotidianaq; agrorum cura immiscuisse par erat, ubi per experientiam edocti palato suo nequaquam arridere sensissent, tum demum ingrati saporis causas asferre, ac qua in parte deficerent edicere ipsis licuisset. Cum igitur huiusmodi virorum, qui rem ipsam indicta causa damnarunt, sententia nihil morari nos debeant, sat egisse videamur, si quos Astronomia studiosi successu temporis uberrimos fructus ab hac scientia recipiunt, breuiter ostendamus. Per hanc enim Philosophia partem, Astrologiam dico, diuinam atque admirabilem Dei providentiam agnoscimus, ut qui caelo tanquam instrumento pulcherrima stellarum varietate adornato utitur, quo hac inferiora a se creata gubernet, ac moderetur: ideoque prefixum, accertum syderibus motum ordinemque praescripsit, quem tamen ipse inhibere, refrenare, & inuertere potentia sua (ut vocant) absoluta facillime possit.

Sic quondam motum Solis diurnum inhibuit, ita ut ipsum sisteret, quousque Iosue inimicos prosligasset. Sic miraculosum illum Solis defectum in morte Seruatoris nostri contra naturam ordinem euenire voluit. cum re vera in illud tempus luminarium incidere oppositio deberet. Cumq; caelum vario, ac concinno ordine, motuq; moueatur, & cum penetrot admiranda complectatur, quot stellas in se continet, cur hac frustra & sine causa ab illo omnis sapientia fonte esse facta suspicabimur? Cur vires caelo in humanam naturam, hoc est in corporis humani temperaturam, quas in cetera omnia, qua sub Luna sunt, natura constantia quotidie semperq; effundi videmus, denegabimus? Elementa profecto a vario syderum nunc ortu, nunc occasu affici nemo sana mentis negauerit: atqui hac eadem in nos agere quis est, qui non experiat? Qua fronte obscuro dissimulant Medicinae totius Principum auctoritates ac testimonia, Hippocratis dico, ac Galeni, nunquid hos damnabunt, quod Astrologiam Medicina coniunxerint, quos permulti quoque celeberrimi Medici sequuti olim fuerunt, & etiamnum sequuntur? Vnius Galeni auctoritas deberet sufficere, qui in libello, cui titulus est: Si quis sit Medicus, eundem esse Philosophum: deridet eos Medicos, qui negabant Medicis necessariam esse Astronomiam: quin etiam in libro octauo de ingenio sanitatis cap. 20. homicidas appellat Medicos Astronomiae ignaros. Peruoluant quaso attente tertium ipsius Galeni librum de diebus Decretoriis, quem breui commentario, quantum ad Astrologia cognitionem attinet, pro virili nostra dilucidorem reddere non grauabimur, ubi quidem satis clare percipient non tantum requiri in Medico simplicem aliquam Astrologia cognitionem: verum etiam geniturae ipsius agri inspectionem, ut faustos agri dies, ac infastos cognoscat, atq; etiam ut agritudinis exitum finemq;, vel ad salutem, vel ad mortem

prauideat Astrologicis coniecturis. Nunc autem praestantium Medicorum afferamus catalogum, qui Astrologiam laudarunt, ac cum medicina coniunxerunt, mihi à celeberrimo nostra aetatis Medico D. Hieronymo Rubeo Rauennate communicatum, qui maxima sui cum laude, atq. egrotantium utilitate Medicinam cum Astrologia quam egregie callet, exercet. Sic enim ait Rubeus:

Astrologiam plurimum Medicina utilem ac potius necessariam esse, qui Hippocratis, & Galeni libros legerit, negabit nemo. Hippocrates enim lib. 1. de Diata, astrorum ortus, & occasus Medicum cognoscere oportere, inquit, quo mutationes & excessus ciborum, ac potuum, & ventorum, & totius mundi, ex quibus sane morbi hominibus oriuntur, obseruare sciat, & libris de aere, aquis, & locis non semel, sed bis affirmat, non minimam partem conferre ad rem medicam, sed omnino plurimam: cum una cum temporibus, & ventriculi in hominibus mutetur: oportereq. solstitia cognoscere, & Astrorum exortus considerare, praecipue Canis, deinde Arcturi, & Pleiadum occasum: morbi enim in his maxime diebus iudicantur, aliiq. perimunt, alii vero desinunt, aut in aliam speciem, aliumq. statum transmutantur. Neq. vero haec scribit Hippocrates, ut ea solum dum adsunt, à Medico qualia sint, considerentur: sed etiam antequam adsint, ad praesagiendos, praecauendosq. morbos. Nam ait, sciens horarum mutationes, & Astrorum ortus, & occasus, ut unumquodq. eorum sit, praecognoscet utiq. annum, qualis nam ipse futurus sit. Sic si quis scrutatus fuerit, & prauiderit tempora de unoquoq. maxime sciet, & plerumq. sanitatem consequetur, & recta via procedet, non minima artis sua gloria. Praeterea cum scribit primo Epid. sect. 3. in principio, morbos cognosci non solum ex tota, sed etiam ex partiali, seu, ut alia habet versio, singulari constitutione caelestium, quid aliud innuit quam singulares cuiusq. geneses, praeter generalem constitutionem astrorum? Qui enim id ad temperamentum aeris referunt, frustra caeli nomen additum fateantur necesse est, satisq. fuisset dicere, constitutionem, quod plurimum breuitati Hippocratis conuenit: sed de hoc non valde pugnauerim.

Galenus vero ita aperte id tradit, ut negari omnino non possit si quidem lib. 3. de diebus Decretoriis cap. 6. scribit, ineunte alicuius morbo, si Luna ingressus, & transitus in loca illius genesis benefica maleficaue animaduertantur, salutare & molestos dies cognosci: neq. in morbis solum, sed in secunda etiam ualitudine. Quod quamquam ab Aegyptiis Astronomis inuentum esse dicit, se quoq. tamen obseruasse, & verissimum comperisse testatur.

Auicenna ad hos accedit, qui de causis pestilentiae scribens, & in canticis de aere affirmat, si stella quae dicuntur infortunata fuerint in locis suarum dignitatum, corruptionem animatorum significaturas. Si vero quae fortunata dicuntur fuerint ibidem, salutem eorum osensuras.

Petrus Aponensis in Conciliatore suo Differentia decima non solum idem affirmat, sed multis id rationibus comprobatur, latissimeq. in eos disputat, qui contrariam opinionem tuentur.

Guido

Guido è Cauliaco vir egregie doctus, qui cum diu Chirurgen in florentissimo tum Montispeffulani Gymnasio docuisset, Clementis Sexti P.M. chirurgus fuit, & de illa conscripsit opus ita insigne, ut olim praelegi in publicis Gymnasiis consueverit, de pestilentia tractans, qua suo tempore saeuit, eam potissimum Saturni, Iouis, & Martis congressui tribuit, qui in 14. Aquarii gradu praecesserat, testaturq. se de Astrologia librum fecisse.

Ioannes quoq. Arculanus Veronensis, qui Borso duce in Ferrariensi Gymnasio magna cum laude medicinam docuit, fecitq. Auicennam de febre pestilenti explicans, ab illius sententia, quam scripsimus, nequaquam recedit.

Hieronymus Manfredus Bononiensis Medicus, scriptis ad Ioannem secundum Bentiuolum Hannibalis primi filium, de morbu curandis proloquitur centum, idem testatus est.

Petrum Leonem, qui Nicolao Leonicensi teste, inter alios Medicina professorum maxima meruit Patavii docens stipendia, maximi Astrologiam fecisse, notissimum est, & ex Pauli Iouii elogiis facile cognosci.

Marsilius Ficini viri clarissimi grauis auctoritas hoc loco praetermittenda non est, qui passim & in Epistolis suis, & libris de tuenda valetudine producendaq. vita, & de pestilentia, Astrologia decreta ad Medicinam adiungit.

Matthaeus Curtius Tucinensis, cui tanta fuit eruditio, ut in omnibus Italiae Gymnasiis interpretando, ac disputando primum semper locum obtinuerit, dum Ioannis Picirrationes in secundo Aphorismorum, de diebus Criticis, refellit, sententiamq. Galeni ex tertio de diebus Decretoriis explicat, à Luna crises fieri in morbis ex illius cursu, & aspectibus tradit.

Idem de Martino Acachia Catalaunense Medico celeberrimo dicendum est, in primum librum Galeni ad Glauconem prope finem, de diebus item Decretoriis scribente, qui duplici nomine Lunam in morbis, praecipue acutis, habere imperium dicit, lumine & configurationibus, exactioremq. cognitionem Medico esse ab Astrologia petendam affirmat.

Hieronymo autem Fracastorio Veronensi, ob insignem doctrinam Magno appellato, a deo id verum visum est, ut omnem etiam morbi Gallici originem astris acceptam tulerit libro de contagiosis morbis, & in syphili versibus ita elegantibus Latine exarata, ut Petrus Bembus aliquando scripserit, eandem musam Virgilio, & Fracastorio fuisse ducem. Is igitur nihil aliud esse posse inquit, quod in tot regiones tanto inter se spatio distans potuerit aerem tam male afficere, nisi caeli & siderum constitutiones, & ea quidem, quae & raro accidunt, & magna, cum accidunt, possint efficere, & quidem hunc morbum antequam accideret, ab Astrologis fuisse praedictum tradit.

Ioannes Baptista Montanus item Veronensis eius aequalis, qui primo loco cum insigni laude Medicinam Patavii explicauit, in diebus Decretoriis ex secundo Aphorismorum declarandis, Astrologia utilitatem in Medicina maximam esse patefecit.

Quodum de Oddis Patavinum, ut his adiungam, & doctrina illius celebritas, & eadem cum superioribus sententia persuadet. Nam & Patavii publice medicinam aliquā diu docuit, & Venetiis multos eam annos exercuit, denuoq. ad Medicinam eandem explicandam à Senatu Veneto redire Patavium iubetur, ac pene compellitur. Is igitur suis de pestilentia libris, & singulares syderum constitutiones, aspectusq. narrat, quib. pestilentia solet generari, & ait potuisse ex variis euentis à se & aliis diuersis temporibus saepe obseruatis, si non demonstratione saltem ratione, non modicam fidem afferente, Galeni & Auicenna sententiam, de qua dictum est, comprobare, & à cauillis Pici Mirandulani tueri. Sed quia id longe ab eius tum instituto aberat, & quod ad dies Decretorios attinet, id Aphorismo vigesimoquarto secunda partis perfecerat, iure missum facere.

De Ioanne Fernelio tali ac tanto viro nihil est, quod dicam, quando ipse secundo de abditis rerū causis libro, id latissime & grauissime, ut solet, disputat, grauemq. esse illorum stupiditatem ait, qui sydera nihil in aera, nisi calorem, aut frigus, imbres aut siccitatem lumine motuq. suo inducere contendunt: nullamq. cognitionē, inquit, esse ad praecauendos persanandosq. pestilentes morbos, caelestis configurationis cognitione praestantiorē, pestilentemq. annum fore ex sola syderū commixtione, quae illius est procreatrix, prauiderē posse, obseruatq. omnes Aestates aque feruidas non esse, aut siccās, nec omnes Hyemes pariter rigere, aut humescere, idcirco non nisi diuersa syderum commixtioni eam diuersitatem acceptam referendam esse, aliamq. commixtionem imbres, aliam serenitatem inducere, aliam Austrinam, aliam Aquiloniam, aut tempestatem huiusmodi inducere, cum Solis cursus, & primus motus semper sui similes sint.

Iacobus Hollerius, Stenpanus Gallus, Philippus Ingrassias Siculus Archiater, celeberrimi Medici de pestilentia tractantes, idem testantur. Idem de diebus Decretoriis Ioannes Planerius Quintianus Brixienfis.

Hieronymum Cardanum Mediolanensem praetereo perinde ac omnibus notum, quando ipse, cum alibi tum in secundum Ptolemaei librum de Astorum iudiciis, de schemate octo laterum ad dies criticos, morbiq. progressum cognoscendum, pluribus tractauit.

Baccius Baldinus Cosmi Medicis magni Ducis Etruriae Medicus, dum librum Hippocratis de aere, aquis, & locis interpretatur, in eadem, qua superiores, sententia est, disputationemq. proponit, an Medico Astrologia Iudiciaria vocata, utilis sit, aitq. sententiā Galeni tertio de diebus Decretoriis sibi maxime placere, scilicet Iudiciariam Astronomiam esse medicinā maxime utilem, & qui eam damnant, sophistas esse, qui in plateis, & publicis urbium locis quotidie strepunt, ut ait etiam Galenus.

Succedat his Petrus Salius Diuersus Faentinus, Medicus plane egregius ac doctissimus, qui in libro de febre pestilenti, pestilentia censet aliquando ab astris, nihil inferioribus causis ad hoc conferentibus gigni, prout varia sydera, vel in
idem

idem coeunt, vel ad diuersa respiciunt, huiusmodiq; morbos ab Astrologis praedictos fuisse affirmat.

Idem Michaeli Mercato Miniatensi de pestilentia scribenti visum est, qui de praecauendis etiam venenis tradens, ex sententia Antonij Guainerij Medici centum iam & quinquaginta annis clarissimi, monet Principes, vt caueant, ne eorum geneses hostibus innotescant, inde enim magna eorum corporibus accidere incommoda.

Hucusq; Hieronymus Rubens. Sed his adiungi possunt à nobis alij quoq; Medici, qui Astrologia fauerunt, atq; etiam qui de diebus Decretoriis Astrologice tractarunt, vel Astrologia praecepta ad rem medicam facientia conscripserunt. Itaque

Arnaldus Villanouanus Astrologica quadam ad Medicinam facientia in suo medicinalium operum magno volumine conscripsit.

Bernardus Gordonius in suo Lilio medicina quadam Astrologica ad medicinam attinentia tractat de prognosticis particula quinta cap. 6. & seqq.

Iacobus Antonius Mariscottus Florentinus Medicus interpres illius libelli de decubitu ex Mathematica scientia Galeno adscripti se Astronomia fautorem declarat, dum ait, illum libellum esse magna experientia, plerisque tamen neglectum, quia pleriq; etiam diuina sunt Astrologia ignari. E quibus aliqui ob id ipsum quod illam ignorant, eandem etiam contemnunt.

Franciscus Valesius lib. 7. controuersiarum medicarum & philosophicarum c. 18. censet non esse aspernandas Astrologicas obseruationes in sanguinis missione, & expurgatione: atque lib. 10. comprobat Galeni opinionem de diebus Decretoriis, nempe illos à caelesti causa dependere, hoc est, à motu corporum caelestium.

Petrus Forestius Reip. Delfensis Medicus Astrologiam professus fuit cum Medicina coniunctam, & in quodam suo opere statum mulieris Astrologice examinat, quæ ab anno 16. suæ ætatis usq; ad annum 27. perpetuo lecto decubuerat.

Cornelius Gemma Louaniensis Medicus, Philosophus, ac Mathematicus insignis, ac filius Gemma Frisii Medici, ac Mathematici egregij, quantum Astrologiam tanquam Medico summe necessariam magnificerit, apparet præcipue in 1. lib. Artis cyclognomica, dum c. 8. sic scribit: Patet usus eiusdem Luna vberimus in arte Medica, quod post coniunctionem Solis & Luna commodiores ferme sint vena sectiones, purgationes per vrinam atque sudorem, & quacunque à centro corporis ad eiusdem circumferentiam ducunt, propter motus Lunaræ analogiam: Contra digrediente Luna ab opposito Solis magis & vomitus solent succedere, & alui purgatio, si modo & ægri vires, morbi tempus, & viriisque natura vniuersa consentiat: nec interim obsint congressus malefici, vel irradiancium syderum loca. Nec dubium quin & Planetae, vel stella cetera pari profusus ratione ad Solem collata, vel ad Eclipticam vires ubiq; particulares

conferant, unde in rebus natura arcana plurima colligantur, præsertim quæ in dierum Criticorum ambiguo lapsu, in excitandis tempestatibus cæli, & popularibus morbis, in adhibendis humano corpori salubribus medicamentis exigi consueverunt.

Luctus Bellantius Medicus Senensis scripsit de diebus Decretoriis quadam, quæ habentur in opere Luca Gaurici de eadem materia, atque etiam de iisdem diebus Criticis egit idem Bellantius in suis questionibus de Astrologica veritate contra Ioannem Picum Mirandulanum questione 14. art. 3. & 4.

AVCTORES QVI EX PROFESSO DE ASTROLOGIA MEDICO NECESSARIA conscriperunt, atque de diebus Decretoriis Astrologice tractarunt.

Hermetis seu Mercurii Trismegisti Iatro-Mathematica, hoc est Medicinæ cum Mathematica coniunctio interprete Ioanne Stadio. Hic liber habetur in Isagogicis Ephemeridum Io. Stadii, & est idem cum libello à Thoma Boderio inscripto Mercurii Trismegisti de decubitu infirmorum, & cum ipsius Boderii opere impresso.

Hippocratis de significatione mortis & vitæ secundum motum Lunæ & aspectus planetarum Lugduni 1550.

Prognostica de decubitu ex Mathematica scientia liber Galeno adscriptus. Venetiis apud Damianum Zenarium vnâ cum Ioanne Hasfurto. Et habetur etiam cum operibus Galeni.

Amicus Medicorum Ioannis Ganiueti Lugduni 1550.

Io. Hasfurti Medici de cognoscendis & medendis morbis ex corporum cælestium positione libri 4. Venetiis apud Zenarium.

Abrahe Auenaris de luminaribus & Criticis diebus Venetiis.

Ioannis Guidonis Villariensis Medici Parisini de temporis Astro- rum annique partium integra atque absoluta animaduersione libri duo Parisiis 1543.

Astrologiæ ad Medicinam applicatio brevis, deque conuenientia earundem canones aliquot Iacobi Scholl. Argentorati 1537.

Artificium de applicatione Astrologiæ ad Medicinam deq; conuenientia earundem Georgii Collimitii Tansteteri Medici, & eiusdem de ratione dierum Criticorum, & de ministratone pharmacorum & phlebotomia. Argentorati 1531.

Medicina Astrologica Cornelii Schylandri Medici Brabantini, Antuerpiæ 1575.

Augustini Nyphi Sueffani Philosophi & Medici de diebus Criticis, seu decretoriis. Venetiis 1519.

Friderici Chrysogoni Iadertini Medici de prognosticis ægritudinum per dies Criticos. Venetiis 1528.

Lucæ Gaurici de diebus decretoriis tractatus duodecim. Romæ 1545.

De ratione & usu dierum Criticorum opus recens natum, in quo mens tum ipsius Ptolemæi, tum aliorum Astrologorum hac in parte dilucidatur. Authore Boderio Parisiis 1555.

Michael Angelus Blondus Medicus de diebus Decretoriis & Criticis Romæ 1544.

Augerii Ferrerii Tolosatis Medici de diebus Decretoriis secundum Pythagoricam doctrinam, & Astronomicam observationem Lugd. 1602.

Federicus Bonaventura Vrbinas in sexto libro sui tractatus de Octimestri partu disputat, ac agit de diebus Criticis à cap. 6. vsque ad c. 46. & defendit Galenum contra Ioannem Picum, Fracastorium, Manardum, Valeriolam, & Valesium, quam disputationem ante editionem præsentis voluminis mihi videre non contigit, quamuis inter meæ bibliothecæ libros haberem opus illud Bonauenturæ de

Octimestri partu ex dono ipsius mei Auctoris mihi ab
Auctore ipso dono missum,

INDEX



INDEX
CAPITVM TERTII
LIBRI CLAVDII GALENI,
DE DIEBVS DECRETORIIS.

CAP. I.

Q	<i>Vid ostensum superioribus libris, quid hoc agendum.</i>	Pag. 1
2	<i>De vi astrorum in hac inferiora corpora, & maxime de Solis & Luna actione.</i>	4.
3	<i>Quo tempore Luna actiones fortiores, aut imbecilliores existant.</i>	18.
4	<i>Quo tempore Luna in nos agere incipiat, quotque diebus.</i>	22.
5	<i>Mensem, & inferiora omnia per septimanas à Luna immutari.</i>	26.
6	<i>Qui salutare, aut infecti dies sanis, aut aegrotis futuri sunt, ex Luna pronunciari posse.</i>	32.
7	<i>In acutis morbis summam vim obtinere septimanas: in diuturnis ortus syderum, quibus anni tempora variantur: itemq. illis coincidentes plures inesse indicatorios, in his circuitu magis septimanarum fieri indicationem.</i>	39.
8	<i>Primum diem inter indicatorios non enumerari, & qua causa dierum coincidentium.</i>	43.
9	<i>Cur vigesimus fortior vigesimo primo, & quod septimana, ac cetera tempora indicatoria integris diebus nequeant numerari.</i>	48.
10	<i>Quibus, & qua de causa tertium hunc de diebus indicatoris librum Galenus composuerit.</i>	57.
11	<i>Aduersus eos, qui nugantur de numerorum dignitate.</i>	58.
12	<i>Quae haectenus monstrata sunt, & cur quaterniones aliqui ceteris necessario iungantur, aliqui separentur.</i>	59.
13	<i>Quis proprie acutus morbus, quis tardus, quis brevis, quis longi temporis dicatur.</i>	60.



IO. ANTONII MAGI-
NI PATAVINI MATHE-
MATICARVM IN ALMO BONO-
NIENSI GYMNASIO PROFESSORIS COM-
mentarius in Claudio Galeni de diebus Decretorii
Librum Tertiũ.

ARGVMENTVM LIBRI.

Agit de cœlesti ac de materiali causa dierum Iudicatoriorum, ex quibus & ipsorum ordo & facultas pendet vniuersa.

CAPVT I.

Quid ostensum superioribus libris, quid hoc agendum.



VI iam causas, cur non in omnibus diebus morbi iudicentur, considerare melius esse duxerit, is hæc sibi composita esse censeat. Et quidem inuentionis dierum decretoriorum principia fateri conuenit, quemadmodum etiam superiore commentario dictum est. Sunt autem genere duplicia, nempe experimentum

& ratio. Experimentum sane, quod non omnes similiter dies de morbis decernant euident affert testimonium: quodque circuitus septimani validissima sint virtute præditi: post hos quaternarii: quidam vero extra hos coincident: imo quod nec omnes septimanæ inuicem separentur, sed aliquæ ipsarum etiam coniungantur: nec omnes quaternarii, sed ex ijs quoque alij seiungantur, alij coniungantur: insuper quod acutis morbis impari dierum numero, longis pari iudicia maxima ex parte accidant. Omnia huiusmodi, quæ prius recensui, experientia satis approbat.

IOANNIS ANTONII MAGINI COMMENTARIVS.

CVm eam Astrologiæ partem, quæ medicus maxime indiget, pertractare nobis proposuerimus, operæ pretium visum est primo loco cruditissimum libellum

libellum Tertium de diebus Decretoriis Galeni pro virili exponere, is enim totus fere Astrologicus est, ac tanta doctrina præditus, vt validissimū sit testimonium, hunc Medicinæ Principem non vulgarem operam Astronomiæ locasse: sed ad intima eius penetrare voluisse.

Porro vt etiam illis satis fiat, qui in reliquis Galeni libris, maxime in duobus præcedentibus de diebus Criticis parum versati sunt, non ab re fore iudicauimus nonnulla, quæ ad maiorem huiusce nostri commentarioli intelligentiam facerent, primum præfari.

Crisis itaque Græca vox est, idem latine sonans quod iudicium, decretum, vel censura. Vt enim in iudicio faciendo requiruntur actor, reus, testes, & iudex: similiter & in crisi eadē videntur reperiri. Actor n. est virtus regitiua, reus est morbus, vel morbi materia, testes sunt signa crisis, iudex est Deus & Medicus, & crisis est iudicium inde sequens. Auicenna tradit aliam similitudinem, nempe Regem, tyrannum, ciuitatem, bellum & victoriam. Virtus & natura est tanquam Rex: corpus ægrum est tanquam ciuitas: morbus seu natura morbi est ceu tyrannus: bello, quod inter Regem & Tyrannum ciuitatem obsidentem oritur, assimilatur pugna inter naturam & morbum, quæ accidentia timorosa efficit: cuius belli terminus tandem ipsa crisis est.

Definiunt autem nonnulli, crism esse pugnam inter virtutem & morbum, vel vt alii dicunt, alterationem humani corporis ex tempore propemodum factam vel ad salutem, vel ad mortem ægrotantis.

Alii affirmant, crism esse velocem & vehementem motum morbi cum infirmus ad sanitatem, vel ad mortem deducitur. Mors autem, vt dicit Auicenna, est prædium completum ægritudinis supra naturam ipsam: Vita autem dominium est naturæ supra materiam morbi peccantem. Ex quibus sane definitionibus colligitur, in ipsa crisi dari tres motus, quorum primus est motus agitatiuus vehemens: nā fit vehementior febris vel morbus cum vehementioribus accidentibus, ex quo virtus digestiua digerēdo materias, & separando ac excernēdo omni conatu bonam à mala, dirigit illas ad vias ductuum, qua materia repugnante causantur ex agitatione illa sua accidentia critica. Secundus est motus localis, quo expulsiua virtus expellit vel permutat materiam peccantem. Tertius motus est alteratiuus, id est mutatio ægritudinis ad sanitatem vel ad mortem. Quamobrem quilibet ex his motibus dicitur à Galeno, alijsq; interdum crisis, interdum vero aggregatum ex omnibus tribus his motibus dicitur perfectiori modo crisis, prout illam accepit Gal. cap. 8. i. lib. de criticis.

Est autem crisis duplex, vna, quæ fit ad salutem quæ simpliciter dicitur crisis. alia vero, quæ fit ad mortem, & hæc non simpliciter dicitur crisis, sed mala crisis.

Cæterum non datur crisis in omnibus morbis, nam cum sit velox mutatio, non potest illa fieri in morbis immaterialibus, & complexionalibus, vt in ephemera, quæ vna die terminatur, nec in hætica, quæ paulatim ægrum consumit, neque etiam in morbis continuitatis solutæ, & quibusdam aliis, sed datur proprie crisis in morbis seu ægritudinibus, in quibus est pugna, inter virtutem & materiam expellendam, vt in morbis acutis, qui in decimaquarta, vel vigesima, aut vigesima prima terminantur, & in aliis quoque, quos medici recensent.

Diuiditur præterea crisis multipliciter, nempe respectu naturæ morbi, vel à virtute forte vel debili, vel respectu ipsius materiæ, & varietatis illius, quas diuisiones recenset Cæsar Optatus, aliique, & longum foret singula hic repetere.

Ficit autem crisis iuxta naturam seu essentiam materiæ, nam si fuerit sanguinea, fiet per fluxum sanguinis vndeunque erumpentem, vtpote vel per nares, per menstrua, per hæmorrhoidas, aut per apostemata sanguinea. Si fuerit cholericæ, fiet crisis per vomitum, per secessum, per sudorem, vel per mutationem ad istericiam, scabiem, cholicam, herisipelam. Si fuerit materia melancholica, fiet crisis per secessum, vlcera melancholica, hæmorrhoides, apostemata, & varices. Si phlegmatica, tandem fiet crisis aut per vomitum, tumorem pedum, aliorumque membrorum, apostemata phlegmatica, paralyfim, spasimum, &c.

Causæ crifium principales sunt efficiens & formalis, nempe virtus cœlestium corporum ac eorundem influentia, & virtus regitiua corporis morbum præscribentis: materialis, & est ipsa materia peccans, faciensq; morbum: finalis est sanitas proprie, & interdum, sed per accidens, mors.

A crisi dicuntur critici dies illi, in quibus accidit crisis, qui etiam dicuntur decretorii, id est, iudicarij. Diuiduntur autem dies à Medicis in Criticos, Indicatiuos, Intercidentes, Prouocatorios, & vacuos. Critici sunt, vt diximus, in quibus expectanda est crisis, quæ vt plurimum accidit in diebus septenariis vt 7. 14. 21. 28. vel 20. & 27. & hi dicuntur critici vere & radicales. Indicatiui sunt inter hos medij, qui sic dicuntur, quia indicant, & demonstrant, quid futurum sit in die critica proxime sequente, nunquid in ea futura sit crisis, & an bona vel mala, cito vel tarde, & qua euacuatione vel permutatione fieri debeat. A nonnullis autem dicuntur critici secundarij, seu minus principales, quia in illis fit leuis pugna, & cernuntur vestigia alterationis materiæ ad bonum vel malum. Sunt autem Indicatiui quartus respectu septimi: vndecimus respectu quarti decimi, decimus septimus ad vigesimum, vel decimus octauus ad vigesimum primum, vt alij volunt, vigesimus quartus ad vigesimum septimum, vel vigesimus quintus ad vigesimum octauum. Dies intercidentes sunt, in quibus solet venire crisis, sed per accidens propter fortem causam, quæ impedit, ne materia possit criticare in die determinato & proprio, hi sunt 3. 5. 9. 13. & alij impares. Prouocatorii sunt dies, in quibus honor nocius mouetur, & virtutem laceffit, & prouocat ad pugnam, & sunt in cholericæ dies, qui procedunt de tertio in tertium, in melancholicæ seu quartanæ de quarto in quartum, & in phlegmaticæ singuli dies. Tandem vero vacui dicuntur illi dies extra enumeratos, in quibus quid in natura nihil noni tentat, quia nec causæ efficientes, nec materialis mouet. Sunt autem hi primus, 2. 8. 10. 12. 16. 18. 22. qui etiam possunt fieri critici per accidens ob velocitatem, vel tarditatem motus Lunæ, sicut patebit in progressu huius operis, vbi veram dierum criticorum causam, & indicatiuorum ex Astrologica disciplina ponemus.

Hæc, quæ nunc recensuimus, faciunt ad intelligentiam præsentis capitis & contextus, in quo Galenus testatur, euidentissimam, & apertissimam esse dierum criticorum observationem, & sic quoque indicatiuorum, quorum singuli per septimanas, seu iuxta septenarij numeri progressionem procedunt. Sed tamen

Indicatiui initium ducunt à quarto, & procedunt per numerum septenarium. Quod autem Galenus singulas septimanas non accipiat ab inuicem distinctas, sed aliquas coniunctas, patet infra suo loco, vbi cur ita fieri velit recensemus, reliqua vero huius contextus sunt intellectu facilia.

Porro causas horum ratione nobis indagantibus, duo prima omnium quæ fiunt, primordia esse statuenda videntur: Inordinatum videlicet, quod ex hac mundi materie proficiscitur; ordine vero quodam, ornatuque procedens semper, quod cœlestibus originem refert acceptam: omnia siquidem in hoc orbe ab aliis decus, ornamentumque capeffunt. Atque iam & nunc ex his duobus principiis, quæ experientia cognita sunt, & ratio suppeditaui, omnium, quæ (ratione & experientia ipsa) in diebus decretoriis intelliguntur, causas inuenire conabimur, hinc facto sermonis exordio.

Cum Galenus proposuerit, se inquisitum causas horum dierum decretoriorum experientia manifesta constantium, proponit primo loco, duo esse primordia statuenda, vnum quidem inordinatum ex hac mundi materia proficiscens, quasi dixerit causam materialem; alterum vero ordinatum, quod cœlestibus originem refert acceptam, vt est causa efficiens, quæ sunt corpora cœlestia, ex quibus sane duobus causis pendet natura & varietas horum dierum criticorum, Indicatiuorum, intercidentium & reliquorum. Cæterum iure merito vocat Galenus materiam mundanam inordinatam, quasi erroribus plenam & ordinis expertem & erroneam in suis operibus respectu nimirum materiæ cœlestis perpetuæ & ordinatæ. Et hoc sane dictum est secundum Aristotelis mentem & veritatem ipsam, & habetur præsertim hæc distinctio in libello illo de Mundo Aristoteli attributo cap. 2.

C A P. II.

De vi astrorum in hæc inferiora corpora, & maxime de Solis & Luna actione.

Omnium certe superiorum astrorum potentia fruimur.

INTELLIGIT Galenus per superiora astra non tres illos planetas tantum, quos communis Astronomorum schola respectu Solis superiores appellat (diuidunt enim Astrologi Planetas in superiores ac inferiores, & qui supra Solem collocantur, superiores, vt sunt Saturnus, Iupiter & Mars, qui vero infra, vt Venus, Mercurius ac Luna terris proxima, inferiores dicunt) sed omnia simul astra respectu Regionis elementaris superiora vocat, vt non tam planetas singulos, quam stellas omnes fixas comprehenderet.

Cæterum testatur Galenus apertissime paucis his verbis, inferiorem hunc mundum infra Lunæ concavum, superioribus astris, id est cœlesti regioni, & stellis in illa collocatis subesse ac obedire. Neque id Philosophorum aut Theologorum sententiæ repugnat. Aristoteles enim primo Meteororum in hæc verba scribit: De necessitate iste mundus, continuus est superioribus latioribus, vt omnis ipsius virtus gubernetur inde: & idem secundo de generatione ait: Motus Cœli & aliorum planetarum in obliquo circulo est causa generationis & corruptionis re-

rum

rum infernarum. Secundo etiam Cœli confirmat per motum Solis in obliquo circulo fieri generationes, & corruptiones. Præterea & Aueroes secundo Cœli sic ait: Manifestum est, quod generatio cuiuslibet speciei istius mundi non perficitur, nisi per aggregationem motuum corporum cœlestium. Idem quoque duodecimo Metaphysicorum Commentario 18. ita scriptum reliquit; Sol & aliæ Stellæ, quæ sunt principium vitæ cuiuslibet viuētis in natura, & calor Solis & stellarum diuisus in aqua & terra generat animalia. Nihil igitur hic à Philosophorum mente alienum dixit Galenus, ut neque etiam à Theologorum; Dionysius enim in quarto de Diuinis nominibus confirmat, corpora cœlestia esse causam eorum, quæ fiunt in hoc mundo, & Diuus Augustinus libro tertio de Trinitate ait: corpora crassiora & inferiora per superiora subtiliora & potentiora quodam ordine regi. Communiigitur Philosophorum, Medicorum ac Theologorum sententia receptum est, ex Solis aliorumque siderum motu ac lumine plantas, animalia & quæcunque mundus hic genuit, alitque corpora, mutationes subire, statum habere, & suæ durationis rationem, ut adolescant, ut iuuenta consent, & senecta tabescant, & ita rebus singulis à natura cœlesti definitum esse exitum, definitamque periodum. Non est autem huius loci docere, quomodo Cœlum agat in elementa, elementa quoque corpora, ut sunt mixta, perfecta, & imperfecta; an scilicet sit vniuersalis vel particularis inferiorum causa, & an solo lumine ac motu agant siue afficiant sidera & stellæ. De quibus si quis curiosius velit inquirere, Lucii Bellantii doctissimas Quaestiones Astrologicas euoluat, is enim firmissimis argumentis conuincit Cœlum non tantum vniuersalem, verum etiam particularem esse causam horum inferiorum, illudque non tantum lumine ac motu agere in hæc inferiora, sed & influentia & figura, ubi per influentiam intelligit quandam occultam proprietatē, quæ varia est, variosque producit effectus, pro diuerso Cœlorum motu, & variabili siderum habitudine: per figuram vero aspectus planetarum & situs eorundem in Mundo insinuat. Cæterum Astrologorum Princeps Ptolemæus hanc Cœli in subiectam materiam actionem vulgarissimam esse notissimamque præsupponit; ait enim in initio secundi Capituli primi Libri Apotelesmaticorum, in confesso esse apud omnes, Cœlum immediate afficere elementum ignis & aeris, atque hæc duo elementa cœlitus affecta agere in terræ & aquæ globum, illique insita animantia & inanimata. Sunt autem Ptolemæi ipsius verba hæc ex Valentini Naibodæ versione: Facile patet scilicet breuiterque perspicuum fieri potest omnibus, quod ex ætherea & æterna natura vis quædam diffundatur, transeatque in omnia terram ambientia, & in vniuersum mutationibus obnoxia corpora, qualia sunt prima sub orbe Lunari posita, elementa aeris videlicet & ignium, quæ Cœli motibus concluduntur, agitanturque & rursus concludunt suoque motu coagitant reliqua omnia, terram scilicet & aquam, & quæ in illis producantur germina & animalia. Hucusque Ptolemæus; è cuius verbis luce meridiana clarius liquet, corporum nostrorum, aliarumque rerum terræ degentium mutationes, alterationesque non fieri immediate à Cœlo, sed per ambientis nos aeris commutationem, ut scilicet actio cœlestium in hæc terrestria sit mediata, ac primum ad nos perueniat per interiectum & excalescens, affectumque aerem. Existimat autem Ptolemæus Cœlum in nos agere non solum per qualitates primas, sed & per idiotropias, hoc est per facultates quasdam específicas & occultas, ut videre est in expositione particularium ipsius præceptorum.

Verum qui maxime hunc orbem exornat, & concinnat, & disponit, est Sol, quippe Veris, Æstatis, Autūni, ac Hyemis autor alius nemo extat, nec alius tam manifesto vel ex terrestri limo animalia generare potest, neque fruges maturare, neque ad coitum & generis procreationem animantia prouocare.

Dixit Galenus omnia superiora astra, id est Cælum vniuersum agere in hæc inferiora, nunc Soli particulatim primas tribuit, aitque illum præcipue hunc modum disponere, quod is veluti Rex in vniuerso mundo imperium tenens, in medio consistens throno ac sede, per efficaciam sui luminis vniuersis hisce terrestribus vitam impartitur, quod quatuor anni tempora Ver scilicet, Æstatem, Autūnum ac Hyemem conficiat, quod viuientia omnia ad coitum ac sui generis appetitionem prouocando excitandoque procreationem ac propagationem omnium faciat; frugesque etiam, id est omnia inanimata maturescere seu propagari efficiat. Sic Aristoteles secundo de generatione & corruptione de Sole etiam ait: Accedente Sole propius ad nos ad punctumque verticale, omnia oriri, germinare ac pubescere videmus: abscedente vero tabescere atque marcescere. Manifestum est igitur Solem innati caloris & spiritus obtinere imperium, quippe qui dum ad nostrum verticem accedit, mundum exultare, terram lætari, plantas reuiuiscere & repullulare faciat, tunc enim omnem fieri generationem, innatum calorem augeri, & virtutes omnium rerum inualescere experimur: contra vero discedente Sole à nostro vertice, naturam mœrere, aues conticescere, plantas exarescere, frontes defluere, marcescere, putrescere, natiumque calorem imbecilliorum fieri, ac virtutes debilitari. Solitaque æthereum spiritum in omnes Mundi partes diffundit, quo cuncta ad generationem & vitam excitantur, vegetantur, & viuificantur; cum ipsius enim radiis diffunditur lux, calor, & viuifica virtus, quæ cuncta gignuntur, nutriuntur, crescunt, appetunt, sentiunt, & mouentur. Quatuor autem anni temporum vicissitudo tribuitur Soli propter eius proprium motum, quo annuo spatio per obliquum circulum discurret, aunc Australem, nunc Borealem partem viuifico lustrans radio ac lumine; cuius quidem circuli duæ sunt extremæ metæ interuallo 47. circuli partium ab inuicem seiunctæ, quarum altera nostrum verticem proprius respicit, vbi scilicet initium est Cancræ & Tropicus æstiuus, circa quem Sol efficacissime excalefacit, propter radiorum cum terra propiore copulationem ac vicinitatem, tum etiam propter longiorem eius supra terram moram, ob diuersum æstiuorum longitudinem: altera vero metæ à nostro vertice longius recedit, ibique initium est Capricorni, & tropicus Hyemalis, quem Sol attingens obliquos admodum in terram eoque imbecilliores radios proiicit spargitque, tum etiam ob paruam supra terram moram & dierum breuitatem exili ac debili calore terram afficit. Sed de quatuor anni constitutionibus distinctim ac fusius in tractatu nostro particulari agemus. Ptolemaus autem dicto secundo capite primi libri Apotelesmaticorum non solum à Sole effici hæc quatuor anni temporum vices affirmat, sed & quotidianam ipsius circa terram conuersionem quotidie idem operari in elementis & mixtis corporibus in sublimari Mundo positis, pro ipsius ad nostrum verticem habitudine; ac Solem efficere quatuor insignes dici varietates quatuor anni temporibus similes: sicut enim ipse in quadrante annuo vernales humiditates natiui caloris adauget, ita in primo

primo diei quadrante ab ortu ad meridiem, cum humiditates noctu exortas absumere prorsus nequeat, dum eandem paulatim à terra eleuando desiccant, videtur aerem humectare; at in secundo anni quadrante æstiuo scilicet prout Solis calor plurimum augetur, ita quoque in diei quadrante à Meridie ad occasum summus viget calor: in tertio vero quadrante Autumnali sicut Sol humiditates natui caloris demolitur & exsiccat, imminuitque; ita in tertio diei quadrante ab occasu ad mediam noctem siccitates per diu introductæ prævalent humiditatibus nocturnis: in quarto denique anni quadrante frigora hybernalibus correspondent atque consentiunt frigoribus mediam noctem subsequens. Sed & Galenus in sexto Epidimiorum confirmat partes diei naturalis partibus ipsius anni correspondere; matutinum scilicet tempus assimilari Veri, quo homo latius exsurgit sanguisque mouetur, & læta sunt omnia, post Meridiem vero calorem ingentem bilemque feruere, ac prima noctis parte melancholiam dominari, hominem arescere & contristari; post mediam vero noctem pituitam vigere, & iucundam mortalibus quietem concedi. Et hæc de annua & diurna Solis actione, quæ euidenter in animos oculosque hominum incurrit, dicta sunt, quibus pro colophone addimus præclarum Solis encomium à Plinio libro secundo Naturalis Historiæ capite secundo ita descriptum: Eorum (scilicet errantium) medius Sol fertur amplissima magnitudine ac potestate, nec temporum modo terrarumque, sed siderum etiam ipsorum Cœlique rector. Hunc mundi esse totius animi ac planius mentem, hunc principale naturæ regimen credere decet opera eius æstimantes. Hic lucem rebus ministrat, aufertq; tenebras, hic reliqua sidera occultat, hic vices temporum annumque semper renascentem ex visu naturæ temperat, hic Cœli trisitiam discutit, atque etiam humani nubila animi serenat, hic suum lumen ceteris quoq; sideribus fœnerat, præclarus, eximius, omnia intuens, omnia etiam exaudiens, &c.

Magna sane & Lunæ opera in hanc rerum substantiam apparent, verum Solis effectibus posteriora: etenim menses hæc perpetuo disponit; idq; euidenter adeo in marinis animalibus quamquam & ipsum Solis beneficio habet: nouum enim ipsa lumen sortitur, cum Sole primum fruitur; tanta vero eius portio semper illuminata est, quantam Sol aspicit, prorsus autem deficit, lucisque expers redditur, ubi terra suo interuentu ipsam obtenebrat.

Post solem Galenus tribuit Lunæ proximam facultatem agendi in hac inferiora, quas Lunæ vires omnibus perspicuas non tantum in animata diffundit, sed & inanimata, & verbi gratia, maria, flumina, lapides, aliæque huiusmodi varie afficere videmus. Afirmat autem Galenus, atque id ex opinione Ptolemæi omniumque Astrologorum, Lunæ opera Solis actionibus multo esse posteriora inferioraque: Luna enim, sicut & cæteræ stellæ omnes, Soli tanquam Regi suo, à quo ipsa lumen recipiunt, parent ac subsunt: nam quicquid luminis inest Lunæ dum fulget id omne à Sole, pro varia ac diuersa sui ab illo elongatione, haurit ac mutuatur, cum enim spissum sit ac opacum ipsius corpus, idcirco proprium splendorem aut calorem nullum habet. Quod sane singulari Dei prouidentia factum est; si enim proprio frueretur calore, cum terræ sit vicinissima, vt in confesso

f. flo est, singulisque mensibus senel ad nostrum verticem ad Cancrum scilicet accedat, & ab eodem remoueat in signo scilicet Capricorni, æstus caloris ad instar Solis & frigus hyemis in terram effunderet, vnde ob tam continuas inæqualitates animalia ac plantæ ægerime subsisterent, viuerentque. Luna autem actionem in terrestria confirmat Aristoteles libro de generatione animalium capite quarto sub finem his verbis: Luna autem principium est propter Solis societatem, receptumque lucis; fit enim quasi alter Sol minor, quam obrem conducit ad omnes generationes perfectionesque: calores enim & refrigerationes, cum moderatione quadam, generationes, sine moderatione, corruptiones efficiunt. Theophrastus etiam Aristotelis auditor in libello de signis pluuiarum sic ait: Verum signa maxime peculiaris à Sole & Luna accipiuntur: etenim Luna noctu est veluti Sol alter, atque ea de causa mensium (synodicorum) initia sunt frigidiora, &c. Vnde patet clare Theophrasti sententia, nempe Lunam agere in hæc inferiora, quatenus luminis Solaris fit particeps, atque ea pro varia luminis mensura varie disponere, vt omnis eius actio ad synodicum mensem non ad periodicum sit referenda. Præterea & Plinius capite nono secundi libri de Mundi historia, fufius de Lunæ operatione agit, dicitque; Luna sidus esse terræ familiarissimum, & in tenebrarum remedium ab natura repertum; ac causas exponit, cur nunc crescens, nunc senescens sit, modo curuata in cornua, modo æqua portione diuisa, modo sinuata, & alia, quæ per diem in Luna obseruantur.

Sed ad verba Galeni reuertamur, qui tria hic docet, primo Lunam beneficio & adminiculo Solis menses ordinare ac constituere; secundo lumen eandem à Sole acquirere, dum primum ab illo seiungitur, aut recedit, ipsiusque portionem tantam illucescere, quantam Sol aspicit; tertio illam lumine destitui, vbi terra suo interuentu ipsam obtenebrarit. Quod ad primum attinet, sciendum est, duplicem esse apud scriptores mensem, alterum quidem Solarem, quorum duodecim annum Solarem, qui 365. est dierum, cum vnus diei quadrante, constituunt; alterum vero Lunarem, de quo hic nobis est mentio. Atque hic Lunarior mensis varie rursus diuiditur, alius enim est, qui periodicus dicitur, seu mensis peragratoris, quo scilicet Luna vnicam absoluendo reuolutionem reuertitur ad idem principium in Zodiaco, id quod fit diebus 27. horis 7. min. 40. est enim diurnus Lunæ motus ab Æquinoctio numeratus grad. 13. min. 10'. 35". alius vero mensis synodicus appellatur, & respectu Solis absoluitur, estque temporis spatium, quo Luna à coitu Solis digressa denuo ad coniunctionem eius peruenit, & completitur dies 29. hor. 12. min. 44'. est enim motus Lunæ diurnus à Sole grad. 12. min. 11'. 27". qui dierum numerus, seu mensis Synodicus duodecies repetitus conficit dies 354. & hic est annus Lunarior, seu spatium temporis duodecim lunationum. Vtebantur quondam hoc anno Lunari Græci, Iudæi & antiqui Romani, quem vt deinde ad Solarem reuocarent, certam quandam intercalandi rationem, inter se tamen non nihil diuersam obseruabant, prout fufius Macrobius & Theodorus Gaza, vbi de mensibus agunt. Cæterum deficit hic annus Lunarior dierum 354. à Solarior diebus 11. vnde si nunc altero, nunc tertio anno integra illi Lunatio adiciatur, constituet annum, quem ex tredecim Lunationibus compositum vocant Embolismalem. Sed & alius apud scriptores mensis Lunarior superest, quem mensem apparitionis dicunt, atque hic à primo momento nouæ, seu nascentis Lunæ incipit, & definit in illud temporis punctum, quo

Luna primum radiis Solis inuoluta, ab oculis conspectuque nostro euanescit. Sed hunc mensem apparitionis incertum esse quotidianæ observationes edocent, & erudite demonstrant. Astronomi, triplici enim de causa Lunam à sua coniunctione cum Sole quandoque citius, quandoque tardius nobis apparere, aut ad coniunctionem denuo properantem ab oculis nostris disparere affirmant: quarum vna est Zodiaci obliquitas, sub quo Luna permeat, & inclinatio Horizonis loci, vt si contingat Luminarium coniunctio in medietate Zodiaci ascendente, quæ est ab initio Capricorni ad finem vsque Geminorum, tunc occidente Sole Luna tardius occumbet, ideoque longius à Sole remota apparebit, contrarium vero accidet in altera medietate Zodiaci descendente: altera causa est latitudo Lunæ ab Ecliptica, Borealis enim latitudo confert vt Luna citius, Australis vt tardius conspiciatur: tertia denique ratio est velox Lunæ tardiorque motus, dum enim velociori motu mouetur, citius sese ab implicatione solarium radiorum explicat: tardius vero, si contra. Iam vero si omnes hæ causæ conspirauerint ad accelerandam Lunæ visionem, eadem die tum vetus tum noua Luna conspici poterit; sed si duæ dictarum causarum concurrant, altero post coniunctionem die Luna apparebit; at si contra duæ retardent, tertio, si omnes simul contra apparitionem Lunæ coniurarint, quarto à coitu cum Sole die in oculos incurret. Sed de his vberius in Theoricis nostris Planetarum, quo Lectorem remittimus. Galenus autem paulo inferius ait, Lunam in omni coniunctione per triduum sub radiis Solis delitescere, quo triduo à mense synodico sublato, relinquuntur dies 26. h. 12. min. 44. pro mense illuminationis; sed & de his latius infra.


Ad secundum Galeni documentum nunc accedo, de splendore scilicet atque illuminatione Lunæ, quam ait lumen à Sole pro vario ad ipsum accessu, recessuque mutuari; id quod conforibus ac lippis, vt aiunt, notum est: cui enim non liquet in deliquiis Lunæ totalibus, quæ fiunt Luna in eadem recta linea cum Sole ac terra intermedia constituta, illam lumine à Sole hausto penitus destitui? qui enim fieri possit, vt terra intra vnum ac alterum luminare posita, Sol Lunam radiis suis ac splendore solito illustret? Verum nisi Luna sic ex aduerso Soli in linea perfectæ diametrali opponeretur, sed vel versus Boream vel versus Austrum declinaret, vt plurimum ei ratione latitudinis contingit, tunc quidem non impediente vilo medio, tota illucesceret ac lumine à Sole mutuato potiretur. Non negamus tamen inesse Lunæ peculiare quoddam ac proprium lumen, sed per obscurum, vt in deliquiis etiam talibus in quibus tetro quodam & horribili colore cernitur, videre est. Quod autem ait Galenus, tantam Lunæ portionem illucescere quantam Sol aspicit, id in controuersia esse videtur; perspectui enim euidentissime demonstrant Lunare corpus irradiari à Sole semper paulo plus hemisphærio, causamque esse aiunt quod huius corpus illius quantitatem plurimam excedat: verum non posse à nobis integram hanc partem illuminatam conspici nisi in plenilunio, in confesso est, ex mutatione enim interualli ac distantie Lunæ à Sole oritur inæqualis ac dispar illuminationatio, vt præclare Vitellio in suis opticis demonstrat. Sed de varia illuminatione Lunæ paulo post.

Cæterum tertium Galeni membrum, quo ait Lunam omnino lumine destitui ob umbræ terræ interpositionem, id iam patet ex superioribus. & si cuipiam omni-

no satisfactum non sit, Astronomiam Ptolemæi & Copernici, ac Theoricæ Planetarum adeat, ibi enim hæc ex professo fufius explicantur.

Quapropter, vt illa distat à Sole, omnes mutationes suscipit: etenim plena est cum diametra est; æqua portione diuisa seu semilunaris, Græce *διχτομος*, cum quadrangula est; vtrimq; gibba, cum triangula, & falcatam speciem refert, vbi sexangula est: Atque nunc primum noua est, cum post Solis congressum apparet, obscurata omnino cum Solis lumine circumuallatur.

Agit hic Galenus de illuminatione & phasibus Lunæ pro varia eius ad Solem, habitudine ac distantia. Cum itaque hæc nocturna fax à Summo Creatore in tenebrarum remedium creata sit, noluit tamen eam semper integro lumine à Sole accepto illucescere, sed vices quasdam & incrementa decrementaque lucis ei adscripsit, idque non sine summa providentia, confert enim illa Lunæ varietas ad discernenda cuiuscunq; mensis tempora, & tum etiam alias habet commoditates, quas Philosophis, Astronomisque perfectas nunc omitto. Hinc ait Cicero, Lunam vbique gentium accretione & diminutione sui luminis quasi fastorum dies notare, & esse perpetuum quoddam ac manifestum calendarium. Verum enimvero cum paulo ante dixerimus Solem illuminare semper medietatem aut paulo plus corporis Lunæ opaci & minime translucidi, illam scilicet eius partem, quæ Soli obuersa est, reliquo interim latere aut Lunaris corporis parte, quæ à Sole auersa est, semper remanente obscura & opaca: fit inde vt Luna in oppositione cum Sole posita semper obiiciatur visui nostro illa pars illuminata, tunc enim visus noster medius est inter Solem Lunamque, & pars illa seu medietas fulgens ac relucens tum Soli, tum nobis obuersa est & opposita: at in coniunctione pars illa à Sole illuminata eidem quidem obuersa est, sed nobis inconspicua: tunc enim reliquum Lunæ opacum ac obscurum nobis opponitur, ideoq; nullam eius illuminationem conspiciamus. Verum recedente Luna à coitu, sensim paulatimq; luminis eiusdem accretionem cognoscimus, adeo vt perueniente illa ad Solis diametrum, vbi fit pleniluniū, totam eius illuminationem videamus. Tum vero diametrum prætergressa denuo lumen suum sensim amittit, prout nobis apparet, vsque dum rursus Soli coniungatur, & illi connexa à nostris oculis euanescat. Fulget autē Luna semper auersa à Sole cornibus eo quod pars illuminata semper Solem respiciat, verguntq; cornua à discessu illius à Sole, versus ortum, & paulo ante coniunctionem versus occasum, & obtinent tam in crescente, quam in decrecente Luna variam habitudinem pro varia illius ab Ecliptica remotione, ac pro diuersa Zodiaci cum Horizonte inclinatione, tum vero etiam penes alium atque alium situm eiusdem in Eccentrico; quæ omnia fufius explicantur in Theoricis Planetarum, Poterimus autem ex hac figura omnem hanc varietatem comprehendere.



Cæterum sunt illa Galeni verba de Lunæ affectione sic exponenda. Ait enim Lunam esse plenam cum diametra est, id est quando est in diametrali aspectu, seu oppositione cum Sole: deinde æqua esse portione diuisam seu *διχοτομοῦ*, hoc est dimidiatam, cum quadrangula est, intelligit cum tetragonum seu quadrangularem aspectum cum Sole constituit, & ab ipso gradibus 90. distat, vt ex superiore diagrammate liquet: sed tum reuera non conspicitur tota medietas Lunæ irradiata, sed totius corporis quarta pars, seu hemisphærii illuminati media portio, rotunda enim longius remota videntur plana. Ait præterea vtrumque gibbosam conspici actumidam, cum triangula est, hoc est dum triangulari aspectu Solem intuetur, & ab eodem abest gradibus 120. tunc enim nec in cornua declinata nec dimidiata, sed tumens & vtrumque gibbosa conspicitur. Affirmat denique Lunam falcata referre speciem, dum sexangula est, cum scilicet in sextili est aspectu cum Sole, & ab illo gradibus 60. elongatur; quo tempore in falcem, seu cornua, semper à Sole auersa, inclinata, apparet. Variantur itaque phasæ Lunæ hoc ordine: cum primum à Solis congressu dilabitur, vtrumque in cornua seu falcem protenditur ad sextilem vsque aspectum cum Sole; inde vero accrescente eius lumine fit *διχότυμος*, id est illuminatur media pars hemisphærii, in recessu scilicet eiusdè à Sole graduum 90. seu quadrato aspectu, postmodum accrescente adhuc splendore Lunæ, gibbosa ac intumescens conspicitur: ad distantiam scilicet trinæ cum Sole configurationis, tandemque ad oppositionem cum Sole perueniens, integra seu plena lumine apparet, vt conspiciuntur est in pleniluniis.

niis. Tum vero diametrum Solis prætergressa easdem phases inuerso tamen ordine denno conficit; sit enim primum gibbosa in altero triangulari aspectu, deinde diuidua in tetragono seu quadrangulâ, tandem vero corniculata in hexagono, vbi paulatim deficiens, & coitum Solis appetens postremo penitus euanescit.

Igitur fructus auget, increasatque, animantia implet: ad hæc menstruorum statum tempus mulieribus conseruat. Item comitialium circuitus custodit, inde, quod Solis plus vel minus participat; omnia siquidem quæ facere nata est, vbi falsis figuram repræsentat, languida fiunt, valida omnia cum plena fuerit. Quapropter & fruges interea adauget, maturatq; celerrime: mortua corpora putrefacit, somnoque sopitis sub eius lumine, vel aliter diutius immoratis, pallorem & capitis grauitatem conciliat.

Enumerat Galenus complures Lunæ effectus & vires, quas præ cæteris sideribus in hac inferiora exercet ac mouet, suntque hæc ita euidentes, vt ne quidem ab illis, qui Astrologiæ aduersantur, negari possint. Primo igitur Luna fructus auget & increasat, atque animantia implet. Hoc autem efficit dum lumine augetur, ab interlunio scilicet vsque ad plenilunium; sed dum à plenilunio tendit ad Solis coitum, & lumine destituitur, tunc minus humorum prædictis rebus impartitur, eorumque corpora attenuat, & exinaniri facit. De hoc ait Plinius libro 2. cap. 41. Naturalis Historia sic: Iam quidem Lunari potestate ostrearum, conchyliorumque & concharum omnium corpora augeri & rursus minui: quin & foricum fibras respondere numero Lunæ exquisiuerunt diligentiores; minimumque animal formicam sentire vires sideris interlunio semper cessantem. Sed & capite 99. eiusdem libri sic scribit: Quo vera coniectatio existit, haud frustra spiritus sidus Lunæ existimari: hoc esse quod terras saturaret, accedensque corpora impleat, abscedens inaniat: ideo cum incremento eius augeri conchylia, & maxime spiritum sentire, quibus sanguis non sit. Sed & sanguine hominem etiam cum lumine eius augeri aut minui: frondes quoque ac pabula sentire in omnia eadem penetrante vi. Quod autem hæc infecta mutationem hanc Lunæ experiantur, affert rationem expositor Plinius: quia cum sint nata ex patri ac limosa materia, quam Luna informauit, ac veluti prædisposuit, dominatur enim omnibus humidis corporibus, cumque ipsa sit architectrix horum corporum, nihil esse mirum si iuris aliquid in illa sibi reueruet ac retineat. Aristoteles etiam de crusta intestis seu testatis in plenilunio semper plenioribus, capite quinto libri quarti de partibus Animalium sic ait: habet enim idiam inde ab ortu naturæ & plenilunio vberius, non quia per id tempus copiosius pascuntur, vt quidam putant, sed quod noctes tepidiores sint propter lucem pleniorum, calorem enim desiderant. Quod autem & sanguis, testante Plinio, & cerebrum & humores augeantur in homine cum lumine Lunæ & minuantur, satis notum experientia quotidiana est, sentiuntque id optime ii, qui membrum aliquod luxatum, fractumve, aut alioquin male affectum habent.

Secundo, Luna menstruorum statum tempus mulieribus conseruat. Quod men-

menstrua recurrant singulo mense mulieri ipsa patienti adeo notum est, vt nullam mereatur confirmationem: recurrere autem illa & sentire Lunæ ætates vel inde patet, quod puellis in prima quadratura, iuuenibus seu adolescentioribus in secunda, mulieribus adultis in tertia, reliquis in vltima soleant euenire; quod tamen moderationem suscipit pro diuersa mulierum complexione & natura.

Tertio, Luna comitialium circuitus custodit. Comitialis, quem Græci *ἐμ-
ανειαν* vocant, est morbus cerebri auferens sensum, motum & erectionem toti corpori cum perturbatione motus maxima, propter oppilationem factam in ventriculis cerebri non principalibus. Ita definitur à Bernardo Gordonio, & addit morbum ipsum aliquando seruare periodos & non seruare: alias enim motum Solis sequitur, vt dum quotannis redit, quod rarum est, alias pro Lunæ cursu aduenit nunc in prima quadra, nunc in secunda, nunc in reliquis, pro varietate humorum peccantium, ideoque hoc morbo laborantes Lunatici solent appellari. Aiunt alii malo huic subiectos esse eos maxime, qui in interlunio nati sint; vnde Serenus Poeta canit:

*Est subiti species morbi, cui nomen ab illo,
Quod fieri nobis suffragia iusta recusat:
Sæpe etenim membris acri languore caducis
Concilium populi labe horrenda diremit.
Ipse Deus memorat dubia per tempora Lunæ
Conceptum talis, quem sæpe ruina profudit.*

Sed Ptolemæus cap. 18. Apotelesmaticorum lib. 3. De vitiiis ac morbis animi, vult non solum Epilepticos furiosos ac Lunaticos à Luna & Mercurio inconiunctis, seu nullo inter se aspectu configuratis, sed cum maleficis etiam varie commixtis effici, vt in dicto capite fusius patet.

Quarto Luna ferarum occisa corpora in tabem visu suo resoluit. Id etiam Plinius dicto libro cap. 101. asseuerat. Quod autem ferarum cadauera exposita Lunari lumini citius putrescant, quam quæ eidem non sunt exposita huius causam reddit expositor Plinii his verbis: Luna enim res suo humore sub calido conspergit & non resoluit: putredo autem tantum fit ab humido alieno, resolutio iam natiuo calore, qui illud humidum moderatur ac gubernat: extincto enim calore natiuo relinquitur frigus & humidum alienum quod vtrumq; Luna suis radiis auget, ergo etiam putrefactionem auget.

Quinto somno sopitis sub eius lumine vel aliter diutius immoratis pallorem & capitis dolorem conciliat. Hoc quoque apud Plinium habetur dicto capite: & causa est, quod dolorem capitis lumini suo diutius inhaerentibus maximeque dormientibus conciliat, nimia & superflua cerebri humectatio vitio natiuo humore, vnde si quis diu multumque radiis Lunæ se exponat, apoplexiam & paralyin patietur. Veteres autem noctu cœnare consueuisse ex Atheniensi testimonio constat, quod Luna præcipuam ac maximam concoctionis vim habeat.

Hæc Galenus Lunæ operationes refert, plures Plinius dicto 101. cap. & Ptolemæus cap. 2. primi libri Apotelesmaticorum recensent. Dicit Plinius Lunam glaciem refundere, id est, liquefacere, propter humorem scilicet subcalidum sui luminis: præterea omnia humifico spiritu laxare ac flaccida reddere. Cæterum quod ætus maris reciprocos regat ac moderetur Luna, tam iuxta sui lumi-

nis incrementum, quam respectu diurnæ reuolutionis suæ, seu transitus per angulos, id copiose docet, probatque tum Plinius capit. 97. Libri secundi naturalis Historiæ, tum Ptolemæus loco supra citato. Extant etiam neotericorum quorundam de hac re vberiores tractatus, qui omnes aquarum fluxum ac refluxum tum Soli, tum vero maxime Lunæ adscribunt, vt magnopere sit admirandum tantam aquæ maris molemi Lunarisi globi viribus ac vi, occulto quodam consensu, sursum eleuari ac intumescere, quantam quis credere possit. Refert præterea Plutarchus mulieres parientes in Plenilunio facilius euadere. Sed de particularibus Lunæ qualitatibus Macrobius sub finem septimi Saturnaliorum vberime pertractauit, plurimique alii de iisdem fusius egerunt. Ptolemæus autem tum de Luna, tum in cæteris omnibus vbique fere sententias suas Physicis rationibus confirmauit.

Iam vero si hæ vires & effectus luminarium, quos modo Galenus recensuit, perpetui sunt ac notissimi, cur reliqua sidera, quæ eiusdem sunt pulchritudinis, puritatis, perpetuitatis ac lucis, Saturnum dico, Iouem, Martem, Venerem ac Mercurium, & innumera octauo Cælo inhærentia astra, frustra ab omnipotente & sapientissimo Numine creata esse contendemus? Afirmat Aristoteles primo de Partibus Animalium, singula naturæ opera non esse temere, sed ad certum finem condita; nihilque in his caducis rebus, licet abiectissimum exiguumque; inueniri quod certo vsu ac fine destituatur; nunc si vires corporibus cælestibus, longe eaducis istis nobilioribus, in hæc terrestria denegamus, in quem usum obsecro à diuino rerum opifice excitata illa esse suspicabimur? Nunquid vt splendore suo diuinum testarentur potentiam. Certe in tanta siderum octauo Cælo affixorum copia, non est credibile voluisse Deum horum quinque Planetarum lumine tam egregium reliquorum splendorē exornare. Sed esto; accrescant gloriam sui creatoris (id enim impium foret negasse) cur singulis singuli Cæli erant adscribendi? Poterant vna cum aliis stellis octauo Cælo inseri, poterant eodem cum illis ordine motuque; ferri; nihil opus erat Saturnum 30. annorum curriculo integram suam reuolutionem absolvere, frustra Ioui duodecim, Marti duo, Veneri ac Mercurio vnus prope annus pro reuolutione cōcedebantur. Quid? quod Planetæ nunc directo feruntur gressu ac motu, nunc firmi consistunt, nunc retrocedunt, aliquando longius & alias propius à terra absunt & elongantur, necnon & Sole semper per Eclipticam incedente, ipsi tamen nunc ad austrum, nunc ad Boream minus magisque, nunquam tamen vltra sex gradus, ab Ecliptica discedunt: infinitos denique tum inter se tum cum affixis stellis aspectus ac habitu diuines constituunt. Nunquid tot tantasque horum siderum apparentias, ac tam insignem motuum varietatem, quæ certissimas tamen regulas ac leges perpetuamque analogiam obseruat, certo vsu carere negabimus, contemnemus, deridebimus & explodemus? Quin potius longæ Astrologorum, qui artem ipsam infinitis edocti obseruationibus exsfluxere, experientiæ credimus, ac vnicuique stellæ suam peculiarem vim ac naturam à reliquis diuersam, & ad temperandum multæplici ratione lumen & actionem Solis ac Lunæ optime accommodatam, inesse concedimus. Quorum auctoritas si non sufficit ad euellendâ sinistram illam opinionem, quam plerique immerito de diuina Astrologia conceperunt, D. Thomæ profecto testimonium de astrorum vi in hæc inferiora apud illa valere debet; is enim lib. 2. de Cælo, Lectione 16. dum Auerroem, qui astra eiusdem

dem esse speciei afferebat, reprehendit, sic ait: Dicit Auerroes in suo Commentario, quod omnes stellæ sunt eiusdem naturæ in specie, quod quidem manifeste est falsum: primo quidem quia si essent eiusdem speciei, haberent easdem specie operationes, & eisdem effectus, sicut patet in omnibus rebus naturalibus eiusdem speciei.

Deinde & idem Doctor Angelicus distinctione 17. articul. 2. lectione 10. ita scripsit: Dicendum est ergo, quod omnia corpora cœlestia secundum communem virtutem luminis habent calefacere, sed secundum alias proprias virtutes singulis corporibus attributas habent non solum calefacere & infrigidare: sed & omnes alios effectus corporales efficere in istis inferioribus. Est & alius D. Thomæ locus de effectibus siderum: primo enim libro de Generatione & Corruptione, Lectione 24. ita scriptum reliquit: Habent etiam aliæ stellæ specialem effectum in aliquibus elementis, sicut Sphæra Solis, in qua est effectus caloris, & est nata mouere ignem: & Sphæra Lunæ est nata mouere aquam, sicut ad sensum patet: alia autem Sphæra quinque Planetarum nata sunt mouere aerem, & ideo aer tot à diuersis motibus mouetur. Est enim in aere frigus congelatiuum ex Sphæra Saturni, & æstus ex Sphæra Martis, & temperies in calido ex Sphæra Iouis, & temperies in frigido ex Sphæra Veneris, commixtibilis & passibilis facili ex Sphæra Mercurij. Sphæra autem stellarum fixarum, quæ est octaua, in qua sunt multæ imagines & figuræ, mouet terram, vnde & in ipsa figurantur imagines multæ in generatis. Cæterum inuenere solentes Astrologi artifices Saturnum temperaturæ esse frigidæ ac siccæ, quæ melancholiæ proprie competit, & hinc maleficam ipsi naturam adscripserunt: Iouem esse summe temperatum, ac proinde beneficum: Martem esse calidæ ac siccæ temperaturæ, ideoque adurentem ac cholicum; naturam Veneris esse calidam ac humidam, eaque de causa beneficam: Mercurium denique esse varium ac mixtum, ac proinde nunc beneficum, nunc vero maleficum. Vnde permixtis hisce & inter se contemperatis naturis, tot ac tanti adeoque diuersi per omnem mundi machinam sentiuntur effectus, vt credi vix possit. Qui tamen à Solis Planetis absolute nequaquam excitantur, sed habent & cæteræ Stellæ fixæ non infimam partem ac locum in gubernandis, immutandisque hisce inferioribus, vt Philosophi, Medici, Astrologi, Historiæ ac rei rusticæ Scriptores ac Poetæ passim attestantur, dum admirandos ac euidētissimos Pleiadum, Hyadum, Caniculæ, Orionis, Arcturi, aliorumque insigniorum siderum effectus vbique commemorant. De Canicula, quam Sīrium dicunt, sic ait Plinius libro secundo Naturalis Historiæ capite 40. Nam Caniculæ exortu accendi Solis vapores quis ignorat? cuius sideris effectus amplissimi in terra sentiuntur. Eruent maria eo exoriente, fluctuant in cellis vina, mouentur stagna: Canes quidem maxime in rabiem agi non est dubium. Optime itaq; Hippocrates hoc tempore medicamenta purgantia vetat, dum ait: Sub cane & ante canem difficiles sunt medicationes; & alibi præcipit in diutandis tempestatibus huius sideris ortum & occasum obseruari. De Arcturo etiam Plinius dicto libro cap. 39. sic memorat: Arcturi vero sidus non ferme sine procellola grandine emergit. Vnde Virgilius libro 1. Æneidos: Arcturum pluuiasque Hyadas, dixit, & Pleiades etiam quasi pluuias dicuntur: idemq; etiam Virgilius nimbosum seu pluuiorum Orionem primo Æneidos appellauit. Sed ad Galenum.

Vtigitur Luna Solis auxilio in omnibus indiget, ita Sol ad nullam rem maximam vel alterius cuiusdam astri vel ipsius Lunæ operam desiderat. A nullo enim impeditur quo minus æstatem faciat, cum in vertice nostro constiterit, aut frigus adducat, si humilis feratur, aut æquinoctium vtrumque disponat, si mediocriter obliquus sit.

Lunæ vim præcipuam à Sole, à quo lumen suum pro varia ab ipso distantia suscipit, dependere non est dubitandum, sed hanc ab aliis etiam Planetis ac fixis varie moderari certum est. Solem autem non indigere Lunæ, aut alterius cuiuspiam astri adminiculo ad rem aliquam maximam ac summam absolvendam in confesso est. Præcipuas enim qualitates, vt Ver, Æstatem, Autumum ac Hiemem, quomodocunque cum astris congregiatur, semper efficit. Verumtamen quotidiana experientia nos docuit Æstatem interdum calidiorem, interdum vero remissiorem esse, ideoque Solis ætiones à cæterarum etiam stellarum commixtione affici & moderari: Nam si Mars anno alicui dominabitur, & Soli vel per præsentiam, vel radiis aliquo modo commixtus fuerit prope nostrum verticem, tunc certe extreme calidam Æstatem efficit; sic Saturno prædominante, & Soli quoquo modo coniuncto, hiems erit acerbissima ac frigidissima: & ita de aliis anni temporibus. Sed de his in tractatu nostro de mutationibus temporum. Bene itaque se habet, quod ait Galenus, Solem à nullo posse impedi, quominus dum ad nostrum verticem accesserit, puta in Cancro, Æstatem faciat, licet ætas illa futura sit vel clementior, vel ardentior pro varia reliquorum siderum cum Sole commixtione ac habitudine. Sic quoque dum ait Solem frigus adducere, si humilis eius cursus fuerit; siue dum fuerit in Capricorno declinante à nostro vertice, & hoc verum est, sed frigus illud vel remissius est, vel horridum, sæuumque pro naturâ Planetarum. Soli commixtorum siue configuratorum. Verum quod affirmat Solem æquinoctium vtrumque constituere, cum mediocriter obliquus videtur, intelligendum est, dum ille fuerit in Æquatore circulo, tunc enim mediocriter obliquus est eo quod æquali distantia positus sit inter duas metas maximæ Zodiaci obliquitatis, quæ sunt tropicus tum Cancræ, tum Capricorni.

Sed ipse velut Rex quispiam maximus est, Luna vero vt Hyparchus (quasi subprincipem dicas) non exiguus: inter illum enim & nos media constituta, terrestrem regionem merito gubernat, non potentia cæteros Planetas, sed vicinitate exuperans.

Cum Sol medium locum obtineat inter Planetas, videtur quasi Rex quidam illis imperare, quippe præstantior est illis tum luminis copia, tum magnitudine. Suis enim radiis qui splendidissimi sunt ac purissimi vniuersum orbem intuetur, cæterisque etiam Planetis ac fixis lumen suum largissime elargitur, ideoque Sol quasi solus in mundo lucens appellatur. Magnitudine autem non solum terram, sed & cætera omnia astra excedit; terram enim ipse 140. vicibus ex mente Tychonis Brahe superat, licet antiquitas 166. vicibus illa maiorem esse existimauerit. Sed stellæ fixæ 68. vicibus terrestri globo sunt maiores, ex eiusdem sententia, licet aliter antiqui senserint; & Saturnus, qui cæte-

cæteris Planetis maior est 22. vicibus eundem superat. Longe igitur magis & terram & stellas omnes Sol ipse Rex omnium excedit. Præterea Sol non solum stata quattuor anni tempora constituit, & dici, noctisque auctor est, sed reliquis etiam Planetis leges præscribit in motibus vniuscuiusque obseruandas. Nam Luna hanc obseruat legem, vt dum Soli coniungitur, vel ipsi è regione opponitur, semper in Apogæo aut altiore sui Eccentrici parte reperiatur, dum tetragonam cum eodem radiationem constituit, Perigæum seu infimam sui Eccentrici partem occupet. At duo inferiores Venus & Mercurius bis Solis coniunguntur, dum circumcurrunt suos Epicyclos, in medio scilicet sui cursus velocissimi, & tunc summam eiusdem partem occupant, & in medio suæ retrogradationis, & tunc in infima eiusdem parte versantur. Non possunt autem hi duo longius à Sole recedere, quam ferat Epicyclorum suorum amplitudo: Venus scilicet ad distantiam graduum 488. ac Mercurius ad distantiam graduum 28. Tribus autem superioribus talis est ordo ac lex à Sole præscripta, vt dum cum ipso coniunguntur, in Epicyclorum suorum fastigiis, dum eidem opponuntur in infima eiusdem parte versentur.

Cæterum quod Luna agat personam Principis, respectu Regii Solis imperii in gubernatione horum terrestrium, id è superioribus, vbi de Lunæ viribus egimus, satis manifestum est. Verum illam medium inter nos & Solem locum obtinere, id absolute verum non est; nam ex probata Astrologorum sententia constat Solis à terra distantiam completi semidiametros terræ 1150. & Lunæ maximam ab illa remotionem esse semidiametrorum pene 60. non erit igitur æquo spatio ab utroque seiuncta, nec inter nos & Solem media. Dicemus itaque Galenum non voluisse intelligi medium illud tanquam absolute & perfecte medium, sed vulgato more medium dixisse, quod inter vnum ac alterum terminum quauis distantia distet.

Ad hæc ait Galenus Lunam non potentia cæteros Planetas, sed vicinitate superare: quam vicinitatem respectu terræ intelligit, illi enim Luna cæteris Planetis propinquior est. Ostendit autem euidentissime se magnificare aliorum etiam Planetarum vires, vt quos potentia Luna esse potiores affirmat.

Huius rei gratia omnino frigus locum nostrum occupat, cum Sol ad Hiemalem plagam declinauerit, tunc calor omnino nos exercet, vbi supra verticem nostrum, aut prope ipsum fertur.

De hoc superius egimus, causamque attulimus, cur Sol hieme frigus, æstate calorem afficiat, de quattuor autem anni temporibus agemus latius in tractatu nostro particulari de temporum mutatione.

Luna vel particulares cuiusque mensis dies disponit, parue mutationis facultatem habens: eamque non simpliciter ex se, verum ex Solis aspectu consequitur.

Quemadmodum Sol generales temporum mutationes decernit, dum per Zodiaci signa discurrit, Ver scilicet, Æstatem, Autumnum ac Hiemem efficiens, vt sæpe ante dictum est; nunc remissius, nunc intensius qualitates suas immittens, pro vario nunc ortu, nunc occasu cum stellis fixis, ac diuersa etiam configuratione cum cæteris Planetis; ita Luna particulares cuiuscunque mensis

dies disponit, ait Galenus, hoc est, quotidianas aeris mutationes cæteris paribus efficit, inhabilis enim est ad præcipuas Solis qualitates immutandas, sed potius Solis aliorumque siderum virtutes ob suam à nobis propinquiorem distantiam, in hæc inferiora deferunt, & sic ab iisdem varie affecta crebras mutationes & momentaneas quodammodo, ob velocitatem suam, crebramque ac subitam variationem ac progressus, efficit. Primum itaque observanda est qualitas aeris, quam generalis quattuor anni temporum constitutio penes Solis per dodecatemoria, seu signa Zodiaci transitum efficit; huic adiungenda sunt peculiariora quædam ac generaliora anni temporibus adiuncta effecta, quæ cuilibet Horizonti particulariter eveniunt à proprietate stellarum fixarum, quæ quotidie cum Sole exoriuntur, & occidunt, quæ optime cognoscuntur ab iis, qui aeris mutationem diligentius quotidie in aliquo determinato loco observarunt, certum enim est hæc eadem statis anni diebus recurrere, si semel alicui sæculo & loco aptentur. Ut verbi gratia Sol exoriens cum aliqua fixa, puta cum arcturo, Hædis, Orionem, Asellis & similibus, ciet tempestates certas, quæ ad easdem vices redeunt iisdem diebus anni quam proxime, atque hæc est luminis celestis actio primaria & perpetua permanensque & in singulis Horizontibus statis temporibus recurrent; quæ tamen magis minusve variatur à Syzygiis luminarium, & transitibus Planetarum, eorumque cum ipsis luminariis configurationibus, ac cum stellis fixis habitudinibus. Atque hæc omnia quotidie alterare possunt actionem illam luminis primariam singulis annis recurrentem. Sed de his latius in tractatu nostro de aeris mutatione.

CAP. III.

Quo tempore Luna actiones fortiores, aut imbecilliores existant.

VEHEMENTIORES itaque mutationes eveniunt, ubi ipsa cum Sole coit: insuper in apparitionibus plenilunij; minores his contingunt, dum *dyotomos* seu dimidia apparet: imbecillæ dum utrinque gibba, & falcata videtur.

Quæ faciendæ sint coniunctiones & oppositiones luminarium vel inde patet, quod vehementiores in illis, Galeno & omnibus Astrologis attestantibus, mutationes fiunt; sic minores accidunt, dum luminaria fuerint in quadrato aspectu, & Luna dimidiata conspicitur, exiles vero ac obscuræ dum cornicularis videtur, in hexagonis scilicet luminarium configurationibus. Cæterum in coniunctionibus Luna magnopere impeditur, quominus possit influere & vires exercere in hæc inferiora, nihil enim luminis tunc à Sole haurit, quod nobis transmittere possit, unde omnia humidam & aquosam habentia substantiam plurimum tunc patiuntur, ut supra dictum est. Egroti etiam illo tempore peius solito se habent, & qui de electione temporum in pharmacis exhibendis & venæ sectione tractant, præ cæteris iubent dies illos euitari, quibus Luna sub radiis Solaribus delitescit, tum vero maxime propter partilem, seu exactam coniunctionem: aiuntque nonnulli ægrotos illos vel morituros, vel gravissimo morbo detinendos, qui in Solis & Lunæ coniunctionibus primum decumbunt. Sed &

qui

qui in iisdem coniunctionibus nascuntur, debiliores sunt, & raro durabiles, idque propter nimiam siccitatem extat etiam testimonium doctissimi Medici Federici Chryfogoni Iaderdini, qui dum confutare proponit mentem Galeni medicinale, sic ait: Primo quia Luna in illis duobus diebus (occultationis) plus operatur mali, quam in quocunque alio die. Vnita enim sunt duo luminaria in vnum effectum producendum: ex quo non solū quatuor elementa contremiscunt: verum etiam omnia elementata patiuntur. Retia in mari, & omnes panni corroduntur: aeres alterantur: infirmi, & debiles resoluuntur, & omnia humidam substantiam habentia diminutionem suscipiunt manifestam. haecenus ille. Sed & Guido Bonatus consideratione 79. scribit, infelicitatem Lunæ ex coitu Solaris provenientem cæteras Lunæ infelicitates superare. Verum, enimvero luminarium oppositio seu plenilunium licet evidentes mutationes faciat, non tamen adeo nocet ut nouilunium seu coniunctio, & ægroti etiam minus illo tempore patiuntur, quam in Lunæ dispartitione, & qui plenilunii tempore primum adversa valetudine affliguntur, non admodum grauit ac periculose laborant. Infantes tamen plenilunii tempore editi, ut experientia constat, non sunt admodum durabiles, sed patiuntur à nimia humiditate, ideoque sæpius ægitudini à superflua humiditate ortæ subiiciuntur. Quanti autem fiant ab Astrologis coniunctiones & oppositiones luminarium in definiendis aeris mutationibus, demonstrat clare Ptolemæus 1. libro sui Quadripartiti, cap. 10. & sequentibus, ubi pro diiudicando statu singulorum quattuor anni temporum in genere, plurimum etiam respicit ad coniunctiones & oppositiones luminarium quæ proxime præcedunt ingressum Solis in quattuor Zodiaci cardinales troparum & æquinoctiorum notas; tum etiam in dignoscenda temporum mutatione, quæ ad singulos menses synodicos accidit, iubet ut consideremus singulas coniunctiones & oppositiones, neque consequenter negligit tetragonas etiam radiationes, ut suo loco dicemus.

Nam validissima eorum quæ prius erant, mutatio committitur, dum Luna cum Sole coit, ac eius lumine circumuallatur, quippe quæ prius apparebat, nunc nulli conspicitur. Dein diametra Lunæ statio tanquam distinguens, in binasque partes secans contrarias maximæ Lunæ dispositiones, aliarum omnium est validissima, quod verò incrementum, diminutione maxime sit contraria dispositio, ostendere non est opus.

Reddit rationem Galenus, cur in luminarium coniunctione contingant in rebus inferioribus, & præcipue in aere validissimæ mutationes, & sic toto illo tempore quo Luna manet occultata, aitque id euenire, quia Luna prius, id est antequam à radiis Solis obumbraretur, conspicua erat omnibus, & lumen à Sole haustum in terram diffundebat, & in coniunctione non amplius conspicitur, sed à Sole occultatur, ideoque effectus illius impediuntur. Post coniunctionem tribuit præ cæteris vim maiorem oppositioni, seu plenilunio, quod diametra Lunæ statio distinguat totum Lunæ statum in duas partes contrariorum dispositionum; pars enim illa Lunaris cursus, quæ est à coitu ad oppositionem, incrementum luminis illius dicitur, altera vero pars ab oppositione ad coitum, decre-

mentum luminis Lunæ appellatur. Est autem validior Lunæ status in opposi-
tione & efficacior, quam sit in coitu (licet maiores, vt diximus, contingant muta-
tiones in coniunctione, quam in plenilunio) quod tunc Luna luminibus plena
maiores habet potentiam influendi in hæc sublunaria: estque tunc eius lux ita
illustris ac densa, vt vmbra excitare sufficiat, & homines noctu etiam negotia-
ri possint. Cæterum etsi potentior sit Luna ipso plenilunii tempore, quando sci-
licet est in diametro aspectu cum Sole, est tamen ad nocendum prona ob aduer-
sos Solis radios, quos excipit, diametralis enim aspectus perfectæ est inimicitie
ac summæ malus. Vnde & ægri tunc male se habent, licet non tantum, quantum
in nouilunio, breuius enim est tempus oppositionis & cito labitur, at in coniun-
ctione non item: latet enim Luna aliquandiu & ante & post perfectam coniun-
ctionem, sub Solis radiis, ideoq; toto illo tempore ob luminis Lunæ priuationem,
validissimæ fiunt alterationes in hisce inferioribus.

In plenilunio autem potentior est Luna ante perfectam oppositionem, quam
sit immediate post illam, habita similitudinis ratione, & seruata quantitatis
luminis æqualitate; prius enim adhuc augetur lumine, post vero lumine de-
crescit.

Deinde post hunc congressum, & plenilunium, duæ dichotomi,
medium vtraque secans, augmenti tempus prior, diminutionis
altera.

Dux sunt medietates Lunaribus cursus à Sole, vna incrementi, altera decre-
menti, vt diximus; vtraque autem rursus subdiuiditur, in illis scilicet terminis
vbi Luna sit dimidiata, adeo vt quattuor in vniuersum efficiantur quadrantes,
nempe duo augmenti luminis, ac totidem decrementi. Primus quadrans est à
coniunctione vsque ad gradus 90. distantie Lunæ à Sole, seu vsque ad primam
quadraturam, vt aiunt; alter est ab hac vsque ad oppositionem; fit deinde ab op-
positione ad secundam quadraturam tertius, & est elongationis Lunæ à Sole
graduum 270. quartus autem est à secunda quadratura ad coniunctionem
vsque.

At omnium extremæ, imbecillimæque aeris nos ambientis con-
uersiones in falcatis, & in vtrinque gibbis apparitionibus fiunt: ma-
gis autem in vtrinque gibbis, nulla siquidem in eis magna mutatio,
sicut in falcatis apparet.

Vt igitur euidentissimæ sentiuntur mutationes in nouiluniis & pleniluniis,
minus vero euidentes in quadraturis, ita debiliores ac obscuræ seu imbecilles ap-
parent mutationes aeris in falcatis & vtrinque gibbis apparitionibus, vt ait Ga-
lenus, hoc est, in sextili ac trino aspectu Lunæ cum Sole; in sextili enim falcata
est & inclinata in cornua, in trino autem gibbosa est vtrinque ac curua. Ratio
illa esse potest, quod validior est aspectus oppositus cæteris, deinde quadra-
tus, debiliores vero sunt hexagonus & trigonus. Vbi obseruatione dignum
est, quod monet Galenus, nempe maiores mutationes sentiri in hexagono, seu
sextili aspectu Lunæ cum Sole, quam sentiantur in aspectu eius trino, cum ta-
men experientia cõstet trigonum validiorem esse hexagono. Sed huius ratio est,
quod Luna in distantia à Sole ad 60. gradus, seu in sextili aspectu vel appropinquit
occul-

occultationi, vel ab eadem discedit; dixit autem supra validissimas fieri mutationes, dum Luna à radiis Solis occulta est. Cæterum quantum possint quatuor illi Lunæ status, coniunctio scilicet, oppositio, & vtraque quadratura, vel inde patet, quod Ptolemæus pro diiudicanda aeris mutatione iubet ad dicta tempora, seu ad dictos quatuor Lunæ status Cœli figuras constitui, quod in trino & sextili aspectu, ut debilioribus, non duxit esse operæpretium. Vbi hoc addimus, quod ideo validiores effectus sentiuntur in dictis Lunæ stationibus, quia Lunæ circuitus à Sole assimilatur quodammodo cursui annuo. Cum enim Sol cōstituatur quattuor anni tempora distincta, ex transitu scilicet per quattuor principales Zodiaci notas, quæ sunt duo tropica & duo puncta æquinoctialia, sic etiam Luna per hæc principalia puncta, coniunctionem scilicet, oppositionem, & duas quadraturas, discurrens suas etiam mutationes (Sole tamen imbecillius) efficit.

Quare nec Aratus male ipsas neglexit, tanquam imbecilles existentes; conuenitque eos laudare qui de eis scripserunt, tanquam ne vel minimum quidem omittentes.

Galenus singulari modestiæ exemplo non reprehendit Aratum, qui falcatas & vtrinque gibbas Lunæ phases, id est sextilem ac trinum aspectum neglexit, tanquam exiles & imbecilles effectus parturiçtes; laudibus tamen effert illos, qui de illis etiam egerunt, ut qui ne minima quidem præterire voluerint. Vnde colligitur in artibus nihil esse ita exiguum, quod merito sit negligendum.

At in pleniluniis conuersiones, & his adhuc magis in congressibus, proprium hoc præter cæteras habent: illa si quidem celeritimas statim mutationes faciunt: congressus vero inæquales & diuturnas.

Facit nunc comparationem mutationum illarum & eff. ctuum, qui à pleniluniis & nouiluniis dependent, atque mutationes in plenilunio celeritimas esse, in coniunctione vero inæquales & diuturnas. Huius autem diuersitatis causam iam subdit, dum ait.

Quid enim ante Lunam apparentem manifesto pronuncies: non est: longum autem hoc tempus occultationis est, integri fere signi spatium explens; mutationem vero ex incremento ad diminutionem punctum exacte definit, liquetque hoc Lunam momentaneo tempore pertransire.

Dicit itaque mutationes in nouilunio ideo diuturnas esse, quod occultatio Lunæ & emersio non fiat in momento, sed ad longum temporis spatium, quod per sæpe integrum signum seu gradus 30. expleat: in quo intervallo, nihil esse quod pronuncies de statu scilicet temporis, sed expectandam esse Lunæ è radiis Solis emersionem; de qua infra capite quinto agemus. Oppositiones autem ait esse celeritimas, quod mutatio Lunæ ex incremento ad diminutionem, seu decrementum contingat in puncto, hoc est momento, quod est dum Luna Soli è linea perfecte diametrali opponitur, & ab illo distat exacte gradibus 180. Ceterum incrementum & decrementum luminis Lunæ prope perfectam oppositionem difficillime distinguere possumus, quod Luna vno die & ante & post exactam oppositionem plena lumine appareat; sed discrimen illud ab habitudine Lunæ ad Horizontem cognoscemus, nam ante oppositionem Luna iam multo ante So-

lis occasum orta supra terram apparet; verum elapsa oppositione, Sole iam infra Horizontem demerso, Luna etiam aliquantisper latet, ac tardiuscule conspicitur.

Itemque vere celeres plenilunii mutationes sunt, diurnæ coniunctionales: nam occultationis tempus sibi ipsi simile est, & primæ apparitionis tempus occultationi vicinum est, tum propter paruitatem eius particulæ quæ de tota Luna apparet, tum ob luminis imbecillitatem, tum ob breuitatem temporis, quo supra terram fertur.

Magis dilucide quæ superius dixerat, hic explicat, dicens vere celeres esse plenilunii mutationes, nouilunii autem diurnas: totum enim temporis interuallum quod ab occultatione Lunæ ad emerisionem usque intercedit, sibi ipsi simile est, hoc est eadem, toto illo tempore quo Luna sub radiis Solis permanet, aeris qualitas & constitutio durat. Deinde aliam adhuc rationem adfert, cur tempus nouilunii longius sit, quod scilicet Luna post primam apparitionem occultationi seu occasui vicina sit, tum propter paruum Lunæ portionem, quæ illo tempore illustrata radiis conspicitur, tum ob lumen imbecille, ac obscurum, tum vero ob breuitatem temporis, quo supra terram extat: videmus enim Lunam recentem à Solis occasu statim etiam sub Horizontem mergi.

C A P. IV.

Quo tempore Luna in nos agere incipiat, quotq; diebus.

TERTIA igitur crisis euadet; cum in toto mense status in secundo die accidet: quo primo & manifesto Luna, & longo satis tempore supra terram iam apparet, & lumen sensibile de se mittit, ad hæc vmbra euidenter ostendit.

Crisim Galenus hoc loco vocat non illam quæ in morbis, sed quæ in aere sit, quando scilicet sensibilis in aere mutatio persentitur, id quod ipse paulo post confirmat, dum ait, omnem velocem mutationem crisim appellari. Vnde optime dixit tutam crisim euadere aeris, id est, tuto nos de aeris constitutione posse pronunciare, cum status in secundo die accidet. Intelligit autem per diem secundum non primam illam Lunæ apparitionem à Solis coniunctione, quæ debilis est, ut supra dixit, sed alterum à prima emerisione diem: tunc enim Luna manifesto & satis longo tempore à parte Occidentis supra terram conspicitur, & sensibili lumine fulget, demerso enim Sole infra Horizontem occiduum aliquam vmbra efficit. Ab illo igitur die de toto mense iudicium sumere iubet.

Primus autem dies tamdiu Lunam supra terram vagantem habet, quamdiu is adhuc quoque Solis lumen, quod post occasum est, retinet: quare in hoc Luna simul cum Solis lumine occidit sæpe, vero & prior est occidua: primum vero manifesta in secundo die apparet, nunc quidem magis, nunc vero minus.

Causam nunc subdit, cur de primo apparitionis Lunæ die non possit ita tutum sumi iudicium de aeris qualitate futura, ut de secundo, & hanc esse ait, quod Luna prima suæ emerisionis die parum supra terram immoratur, ac nonnunquam tantil-

tantillo solum tempore, quo Solis in terra reliquum lumen, quod post occasum eius restat, perdurare solet, ita ut Luna quasi simul cum Solis lumine occidat, & non perraro etiam, antequam lux illa Solis evanescat, infra Horizontem demergatur: atque tunc secundo apparitionis die vere manifesta est, & aliquanto diutius supra terram restat, magis autem aut minus pro varietate causarum quas subdit.

Atque hoc ei accidit tum longitudine à Sole recessus, qui ob peculiarem Lunæ motum fit (non enim ex æquo semper mouetur) tum propter latitudinis immutationem, tum propter signorum occasum non æquali tempore euenientem, insuper ob præteriti congressus tempus. Vnde non semper vnum tempus est, quo clare Luna conspicitur: sæpissime autem triduo in coitu Solis remorata, plane inuisibilis est, quo nondum hæc terrena immutare potest.

Supra capite secundo de variis causis apparitionis Lunæ nunc maturioris nunc tardioris egimus, ubi de mense Lunari apparitionis loquuti sumus: superuacaneum autem foret eadem hic repetere.

Cæterum de finali superioris particulæ clausula, non ita bene ab interprete translata & in latinum sermonem conuersa, sic scripsit Federicus Bonauentura in annotationibus libelli Theophrasti de pluuiarum signis. Quibus (scilicet causis apparitionis Lunæ) sic explicatis ita concludit: *τοῦ πῖπαι δὲ τῆς ἡμέρας τὰς πρὸς σύνοδον ἢ ἀόρατος γίνεται τελείως*, quæ verba non ita ego accipio, ut Galenus dicat Lunam sæpissime triduo in coitu Solis remorari, quemadmodum credit interpres, atque quod magis mirum est, doctissimus Manardus & Græcarum literarum scientissimus, qui epist. 5. lib. 15. Galenum his verbis protulisse scripsit, Lunam magna ex parte tribus diebus à coitu luce carere, quam etiam opinionem Planerius, ut vidimus, secutus est: verum arbitror ego Galenum longissimos occultationis limites exprimere voluisse: tribusque diebus Lunam luminis expertem permanere dixisse, ut mox concluderet tempus actionis ipsius, id est illuminationis mensem, & tempus peculiari circuitus, scilicet mensem periodicum in vnum fere redire: quo pacto si Galeni locus accipiat, patet nullam esse in eo difficultatem, quamobrem & verba sic erunt interpretanda: In totum autem Luna tribus diebus circa coitionem inuisibilis permanet, aduerbium enim illud *τοῦ πῖπαι* significare hic *ὅλος*, id est omnino & in totum, ut sæpissime solet apud Græcos auctores, non *ὡς ἐπὶ τὸ ὅλον*, id est vt plurimum, quod longe minus frequens est, satis ex iis quæ diximus, atque ex tota Galeni disputatione, disputationisque ipsius scopo fit perspicuum. Cum enim quattuor sint tempora Lunaris apparitionis, patet prima die & quarta ineunte rarissime contingere, vt Luna conspiciatur, quoniam difficile est omnes causas vel simul consentire, vel dissentire: itaque falso Galenus asseruisset, sæpissime tribus diebus sine luce Lunam esse: ita enim sæpissime quarta ineunte appareret: quin etiam & vnam tantum causam habere locum non est facile: quod vero duæ simul coeant, id sæpissime euenit, vnde & frequentior apparitionis terminus, vt Fracastorius quoque in Homocentricis capite 20. docuit, secunda erit dies, quemadmodum per belle Galenus indicauit, ipsam præ aliis accipiens. Hucusque

Bonauentura. Iam vero dum Galenus ait, Lunam illo tempore, quo sub radiis Solaris occultata defidet, non posse hæc terrena immutare, videtur quasi palinodiam canere, & sibi metipsum contradicere, utpote qui supra capite tertio affirmat magnas in aere mutationes fieri, dum Luna Soli coniungitur, & sub eiusdem radiis latet. Quam diuersitatem ut componeret Planerius, distinguit Galeni sententiam, dicitque ipsum supracitato tertio capite de illis mutationibus agere: quæ fiunt in Luna respectu luminis Solaris, prout scilicet est vel plena lumine, vel media portione diuisa, vel repente nulla, non autem de mutationibus quas Luna in hisce inferioribus excitet, de quibus in hoc textu loquitur. Sed, pace tanti viri dixerim, laterem lauat Planerius, nec videt suam hanc expositionem corrumpere, & à sequentium Galeni verborum textu penitus obui, dum idem capite proxime subsequente ita differit: Cæterum aera nos ambientem magnas suscipere mutationes, dum Luna primum occultatur, & rursus primum apparet, nemo mortaliū ignorat, &c. Voluit itaque Galenus innuere Lunam toto suæ occultationis spatio magnam in aere mutationem efficere, & consequenter etiam in hisce inferioribus, ut quæ ab ipso aere alterantur; neque enim immediate, sed aere prius affecto terram ipsam Luna afficit & moderatur. Quamobrem melius Galeni opinionem assequuti esse videbimur, si dixerimus voluisse eundem hoc loco insinuare Lunam radiis Solis cinctam terrena ipsa non posse immutare, habita scilicet ratione luminis, quod à Sole mutuatur, cum supra capite secundo ipse dixerit Lunam augere, fructus & animantia implere, prout Solis plus minusve participat, validaque omnia esse cum lumine plena fuerit, languida vero dum falcata & paucolumine prædita apparet; igitur languidissima ubi nullo lumine affulgebit. Deinde vero cum dixit Lunam silentem magnas in aere mutationes efficere, voluit id fieri ob luminis Solaris absentiam seu priuationem, & frigiditatem Lunæ noxiā. Fiunt itaque magnæ mutationes in hisce inferioribus patiunturque illa plurimum absente Luna, quæ dum sub radiis est, in meliorem statum mutare, seu conuertere hæc terrena nequit, quousque Solis lumine denuo illustrata, eadem illa sensum alteret foueatque mutuato, & alieno lumine. Bonauentura profecto libro superius citato duplicem adfert superiorum Galeni verborum sententiam, cuius nos expositionem, cum de re nostra sit & huc quam maxime faciat, non grauabimur hic adscribere; nam inquit: Cum vero scribit (Galenus scilicet) Lunam circa coitum tribus diebus sine lumine esse, ac per id temporis non tantum habere virum, ut possit hæc nostra alterare: dupliciter verba intelligi possunt, ut vtro modo intelligantur, omnis, ut reor, tollatur contrarietas. Primum quia tribus expletis à coitu diebus, quarta currente, sextilem efficit luna cum Sole configurationem, iure tribus à coitu diebus nullam fieri à Luna alterationem scribit Galenus: terrenis enim rebus Luna mutationem infert ut plurimum quarta, quemadmodum superius ex Theophrasto monebamus: unde tribus præcedentibus diebus non potest, aut minus potest aërem alterare: in aspectibus enim ipsis & dichotomis potissimum alterationes fiunt, ut superius vidimus; atque hoc pacto sententia erit res naturales circa lunæ coitum mutari, inde vero totis tribus diebus, quibus Luna sine lumine esse solet, nullam fieri mutationem, quoniam circa quartam effici mutatio debeat; quæ tamen omnia ut plurimum locum habere dicenda sunt, cum alioqui omnibus diebus mensis, non in iis tantum, in quibus aspectus cadunt, mutari possit insigniter ob materiæ inordinationem status aeris.

Secundo quia capite tertio de tempore coitus Galenus sermonem habens dixit, *οὐδὲν γὰρ ἔχεις σαφὲς ἀποφῆσαι πρὶν φανῆναι τὴν σελήνην*, id est, nil enim aperte pronuntiare poteris, antequam Luna appareat, non incongruè affirmabimus locum de quo agimus non esse simpliciter intelligendum, vt scilicet sensus sit, Lunam circa coitum hæc inferiora non alterare, videlicet nullo modo alterare; sed subaudiendum erit ex superioribus aduerbium *σαφῶς*, quo pacto erit sententia Lunam in coitu non alterare manifeste, quod est, adeo vt à nobis possit de mutatione quam portendit, indicium sumi ab ea vllum, vnde alterabit quidem Luna de Galeni mente terrena hæc circa coitionem, sed alteratio illa, quia lumine caret, non poterit, antequam fiat, à nobis præiudici, qui ex lumine & colore eius cornuumq; figura & conditione, aliisq; eiusmodi signa captamus futuræ mutationis &c.

Et quodam modo tempus, tum peculiaris eius circuitus, tum in nos actionis in idem recidit, etenim circuitus vicenis diebus septenisq;, & tertia fere diei parte peragitur, in tanto enim tempore totum signiferi circulum percurrit: at quo nobis lucefcit circuitus, quod is quoq; eidem conueniat numero plane intelliges, si occultationis tempus de toto mēstruo eximas. Quod autem mēstruum tempus non omnino triginta diebus cōstet, sed minus vnus diei fere dimidio, Hipparchus integro vno libro demonstrauit.

Galenus mensem peragationis Lunæ ait esse dierum 27. & horarum 8. fere, æqualem fere tempori illo, quo Luna suas vires in hæc inferiora exercet, quod temporis spatium alias mensem illuminationis diximus, id est circuitum illum, quo Luna nobis illucefcit. Hunc autem inconstantem esse tum nos supra demonstrauimus, tum Galenus hic affirmat, & producitur dictus mensis illuminationis, si à mense synodico, qui est dierum 29. cum dimidio fere, seu horis 13. abstuleris tempus occultationis Lunaris sub radiis solaribus, quod Galenus hic largo modo dierum trium assumpsit, licet esse possit nonnunquam vnus diei, sæpius duorum, & perraro quatuor. Relinquentur itaq; pro mense illuminationis dies 26. cum dimidio: ita vt differentia horum duorum mensium sit horarum tantummodo 20. Vt autē insinualet Galenus hos duos menses nō esse reuera & absolute æquales, adiecit illam particulam, quodammodo, seu propemodum. Verum enim vero mensem hunc synodicū esse dierum 29. cum dimidio, id non solum Hipparchus, sed & Ptolemæus ac neoterici omnes vno ore fatentur, licet de minutis non omnino conueniant, quod tamen Medicorum parum interest. Cæterum doctissimi illius Hipparchi monumēta iniuria temporis intercidunt; ad cuius imitationē Ptolemæus, circa Galeni tempora, suam magnam constructionem conscripsit, in qua sæpe Hipparchi meminit: quem etiam Plinius, vt accuratissimum Astrologū sæpius laudibus effert, tum vero maxime libro secundo Naturalis Historiæ capite vigesimo sexto ait, Hipparchum optime demonstrasse cognitionem siderū cum homine, nouam stellam suo æuo genitam obseruasse, posteris stellas annumerare ausum fuisse, ac sidera ad normam expandere: Cœli deniq; per amplam descriptionem posteris in hæreditate reliquisse.

Quin & vulgus iam prope vniuersum nouit mensem alium, quem

κυλλδρ Græci nominant, quasi mutilum & imperfectum, dies viginti-nouem obtinere: alium, nempe absolutum, triginta. Nam vniuersos amborum dies quinquaginta nouem esse oportet, siquidem vterque omnino triginta, minus dimidia diei parte continet.

Supra in expositione capitis secundi diximus ex mense synodico, qui est dierum 29. horarum 12. min. 44. duodecies sumpto, confici annum Lunarem dierum 354. Vultus autem, vt has fractiones euitaret, sumebat alternatim hos duodecim menses, vnum dierum 29. & alterum dierum 30. & facta omnium aggregatione conficiebat annum Lunarem dierum 354. Ex qua vulgari mensium lunarium acceptione confirmat Galenusensem verum Lunarem esse dierum 29. cum dimidio: collatis enim duobus mensibus, vno dierum 29. & altero dierum 30. cōficientur dies 59. quorum dimidium est dierum 29. cum horis 12.

C A P. V.

Mensem & inferiora omnia per septimanas à Luna immutari.

QUEM AD MODUM igitur annum integrum Sol disponit, ita Luna mensem, immutatione per septimanas ei accidente. Nam à prima apparitione ad dichotomum, & ab hac ad plenilunium, vtrūque quidem per se tempus est dierum septem, ambo vero quatuordecim. Simili modo, si inde, vbi ipsa equali portione mensem diuidit, vsque ad secundam dichotomum connumeraueris, septem & hos inuenies dies, reliquos etiam qui vsque ad absolutam Lunæ occultationem sunt, septem.

Perpulchre Galenus inter se confert periodum Lunæ à Sole, quem mensem synodicum dicimus, & periodum annuam, qua Sol peragrat totum Zodiacum, nempe diebus 365. & quarta fere diei parte. Sicut enim integer Solaris cursus distinguitur in quatuor quadrantes pro accessione Solis ad quattuor puncta Zodiaci principalia, quæ sunt initia ♈ ♎ ♊ ♋: ita Luna in peregrinatione sua à Sole vsque ad eiusdem coniunctionem, quatuor quadrantes mensis synodici constituit, coniunctionem scilicet, oppositionem, & duas quadraturas. Nam si spatium synodici mensis dierum 29. cum dimidio, diuiseris in partes quatuor æquales, colliges quadrantem eius esse dierum 7. & horarum 9. licet Galenus integram tantum hebdomadam neglectis 7. horis assumpserit. Primus itaque quadrans mensis synodici numeratur à coniunctione Lunæ cum sole vsque ad primam quadraturam, & continet integram hebdomadam ac insuper 9. horas: secundus est à quadratura prima vsque ad oppositionem seu plenilunium, qui aggregatus priori quadranti, constituit duas hebdomadas integras cum horis 19. Tertius Lunarum quadrans incipit ab oppositione, & definit in secundam quadraturam, quousque numerantur à coniunctione proxima hebdomadæ tres, dies vnus ac tres horæ. Quartus denique quadrans, à secunda quadratura vsque ad sequentem denuo coniunctionem numeratur.

Ceterum vt quadrantes anni reuera inter se sunt inæquales; sic & hi mensis Lunarum

naris quadrantes æquales esse nequaquam possunt, si veros & apparentes vtriusque; Luminaris motus spectemus, non fictos illos & æquales, ab artificibus & Astrologis inuentoribus ideo excogitados, vt per hos ad verorum motuum cognitionem peruenirent.

Enimvero hoc nostro sæculo Sol quadrantem Vernalem, qui computatur ab ingressu Solis in primum Arietis punctum, vsque ad ingressum eiusdem in primum punctum Cancræ, absoluit diebus 92. ac horis 20. quadrantem Æstiualem vero à dicto puncto vltimo vsque ad ingressum suum in primum Libræ punctum absoluit diebus 93. ac horis 11. Autumnalem vero ab hoc puncto vsq; ad introitum in primum Capricorni punctum conficit diebus 89. horis 19. ac deniq; Hyemalem finit diebus 89. ac horis 4. Eadem ratione Lunæ hebdomadæ seu quadrantes tam in quavis lunatione, quam facta comparatione vnus mensis synodici cum quocunque altero, varie differunt ac dissimiles sunt. Accipiamus, verbi gratia, mensem Ianuarium anni 1606. (quo hæc commentamur) in hoc fit nouilunium die 8. horis 8. ac minuti 33. post Meridiem, & primus quadrans Lunaris est dierum 7. horarum 4. & minuti 8. secundus dierum 8. horarum 4. minuti 9. tertius dierum 7. horarum 10. minuti 49. quartus denique dierum 6. horarum 16. ac minutorum 17. Erit igitur totus mensis synodicus verus & apparens dierum 29. horarum 11. ac minutorum 23. Atque hæc varietas etiam in reliquis mensibus alterius cuiuscunque anni cernitur. Quod autem Galenus censuerit, quadrantes Lunæ dierum præcise septem non esse, vel inde patet, quod cum non lateret ipsum, aggregatum quattuor quadrarum, seu dies 28. non convenire absolute, neque cum mense synodico, neque cum mense illuminationis, vsu pauerit sargo quodam modo hebdomadas. Cæterum perbellè Galenus comparationem instituit anni & mensis respectu temperaturæ vtriusque; ita vt qualitas quattuor anni quadrantum correspondeat quadris Lunæ totidem; ac prima quidem Lunæ quadratura, Hyemi, secunda Veri, tertia Æstati, quarta denique Autumno assimilatur. Id quod Aristoteles etiam affirmavit, dum capite secundo libri quarti de generatione animalium ait Lunam Æstatem ac Hyemem per mensem non alter facere quam Sol per totum annum. Neque aliud est discriminis inter hanc Solis & Lunæ operationem, nisi quod efficacior est Solis actio, Lunæ vero debilior. Sol enim ex accessu suo recessuque à nostro vertice, quattuor anni partes, seu stationes euidentissimas ac maxime perceptibiles efficit: Luna autem pro accessu suo recessuque à Sole, hoc est pro augmento decrementoque sui luminis à Sole mutuati, easdem quidem temporis vicissitudines efficit, sed longe debiliores ac magis obscuras. Porro nouilunium & plenilunium duobus solstitiis iure merito comparatur, illud quidem hyberno, hoc vero æstiuo; & pars quidem altera mensis à nouilunio ad plenilunium, dum Luna augeatur lumine, correspondet medietati anni à bruma ad Æstatem: altera vero mensis portio à plenilunio ad nouilunium, quo tempore lumine Luna sensim destituitur, æquiparatur alteri medietati anni ab Æstate ad Hyemem, id quod etiam infra apud Galenum capite septimo videre est. Vnde quadraturæ Lunæ inter coniunctionem & oppositionem intermediæ, duobus punctis æquinoctialibus æquipollent: vt enim in his Sol mediam obtinet distantiam inter humillimum & altissimum situm suum respectu verticis, & moderationem quandam in aere conciliat, sic Luna in quadraturis lumine semiplena est: & moderate aerem afficit.

Primus itaq; Lunaris quadrans ab interlunio ad primam dichotomiam seu quadraturam hiemalis est; frigidus scilicet & humidus, secundus ab hac quadratura ad oppositionem vernalis est, & calidus ac humidus: tertius a plenilunio ad secundam quadraturam æstivalis est, & calidus ac siccus: quartus deniq; ab hac quadratura ad interlunium, autumnalis est, & frigidus ac siccus.

Cæterum æra nos ambientem magnas suscipere mutationes, dū Luna primum occultatur, & rursum primum apparet, nemo mortaliū ignorat; maxime ii quibus hoc studii est, agricolæ & nautæ, qui stasin, id est statum aeris tunc vocant, cum Luna primum apparens secundum aliquem ventum stet.

Constat quotidiana experientia Lunam, dum primum occultatur, plerunque facere aeris mutationem, quæ deinde perseueret vsq; ad primam eius emersionē; quo tempore obseruandum erit qui ventus spiret, is enim per totum illum mensem perdurabit. Verum à quo die præcipue iudicanda sit totius mensis Lunaris constitutio, videtur adhuc in dubio esse; auctores enim inter se parum concordare videntur. Plinius enim libro secundo capite 47. Naturalis Historiæ sic ait: De ratione eorum (scilicet ventorum) menstrua quarta maxime Luna decernit. Hoc est, vt ait commentator Plinii, qui venti staturi sint per totum mensem, iudicatur ex iis, qui spirant quarto die post nouilunium, illi enim vt plurimum toto mense spirant; quartus enim dies indicatiuus mensis est. Sic Virgilius de quarto eodem die cecinit.

Sin ortu in quarto (namque is certissimus auctor)

Pura, nec obtusis per Cælum cornibus ibit

Totus & ille dies, & qui nascuntur ab illo

Exactum ad mensem pluuia, ventisque carebunt.

Sed & huic opinioni de die quarto subscribit Beda, licet Theophrastus & Luncanus tertium diem à nouilunio iubeant considerari. Theophrastus enim in libello de tranquillitatis & serenitatis signis ita scribit: Et si tertius ineuntis (synodici mensis scilicet) dies splendidus fuerit, prælagium est serenitatis. Idem in libello de signis pluuiæ ait: Iam vero & Luna exoriens, cum orbem impleuerit, eadem indicat: nam si imbecillior facta, ignea & flammea apparuerit, ventum; si atra & obscura, pluuias decernit. Idemque noua monstrat, cum ignes colligere incipit, eo quod tertius mensis dies prædicit. Hucusque Theophrastus. Verum rem si ipsam diligentius rimemur, nullam hic opinionum differentiam deprehendemus: nam licet alii tertium, alii quartum diem obseruari iubeant, omnes tamen illum diem intelligi voluerunt, quo primum Luna corniculata apparet, siue is quartus sit, siue etiam secundus. Cæterum non permittemus duximus Planerii in superiorem Galeni contextum explicationem, ait enim ille Lunam tum primum occultari & apparere, cum gerit cornua & falcata est, circa sextilem scilicet eiusdem cum Sole configurationem, vultque hunc locum aduersari capiti tertio, vbi Galenus ait omnium extremas obscurissimasque aeris nos ambientis conuersiones in falcatis & in vtrinque gibbis apparitionibus fieri. Sed respondendum est, quod etiam si Luna primum appareat falcata, & eandem quoque speciem referat, cum est in sextili (licet hic non sit tantum incuruata & acuminata, quantum in prima sui apparitione, sed aliquando

crassior & fecundior, vt ita dicam, pectore) distinguendas tamen esse has appellationes, vt scilicet intelligamus nouam seu recentem Lunam, cum primum apparuerit: corniculatam autem falcique similem, cum sextilem cum Sole aspectum constituerit. Quam distinctionem ab ipso Galeno haurimus, qui supra c. 2. sic inquit: & falcatam speciem refert (Luna) vbi sexangula est, atque tunc primum noua est, cum post Solis congressum apparet. Est itaq; mens Galeni in supra citato 3. cap. in falcatis Lunæ apparitionibus, hoc est circa hexagonam seu sextilem configurationem, imbecilles fieri mutationes, respectu scilicet aliarum validiorum mutationum, quæ in nouiluniis, pleniluniis & quadraturis accidunt. Sed hoc in loco affirmat magnas aeris nos ambientis mutationes in prima Lunæ tum occultatione tum apparitione euenire, quod hæc alterationes sint coitus Lunariorum, de quo alibi fusius egimus, non autem falcatæ configurationis.

*Cynthia si cornu, quod se sustollit in altum,
Incuruum specie velut annuat, adfore Cælo
Sæua procellosi prædicet flabra Aquilonis.
Rursus eo veniet pluuius Notus, hanc vbi partem
Pone supinari conspexeris, inque reclinem
Sponte habitum; verum si lumen tertius ortus
Proferat, atque Dea conuoluat circulus oras
Suffusus rurilo, mox tempestate sonora
Spumofum late pelagus canescere cernes.*

Quin etiam hæc in eodem libro scribit:

*Non vnum deprenta diem tibi signa loquuntur
Sed qua signa nouo dederit nox tertia motu
Quartave, sustollat medios dum Cynthia vultus,
Durabunt Cælo: medio quæ edixerit ore
Ignes in plenos: hinc in dispendia rursus
Altera prouisa signantur tempora Luna.
Illa dehinc donec germani luminis ignes
Accedat Phæbe, mensis postrema notabunt.*

Non ad omne tempus, quod ab initio est vsque ad finem, primæ apparitionis signa sufficere ait: sed dichotomos & plenilunia mutationes quasdam adferre.

De prima Lunæ apparitione, quas tempestates factura sit, ex Arato adfert Galenus, qui ait; si Luna dextrum seu superius cornu quasi incuruatum habeat (id quod non nisi de falcata Luna potest intelligi) à Boreali parte Aquilonem flaturum, id est, ventos futuros. At si idem cornu incuruatum terram respexerit, ab Australi parte Notum pluuiis grauem aduenturum. Verum si post tertium occultationis diem Luna circulo quodam sub rubeo cincta primum comparuerit, tempestates horridas adfuturas. Hæc primis illis versiculis Aratus indicat: in subsequentibus vero affirmat signa deprenta, id est, temporis alicuius obseruatam constitutionem. non solum vnum diem indicare: sed qualis fuerit aeris conditio tertia nocte (qua scilicet Luna post coniunctionem primum apparuerit) talem statum futurum succedentibus diebus vsque ad primam Lunæ cum Sole quadraturam; à qua deinde iudicium esse desumendum ait, vsque ad oppositionem,

& ab hac vsque ad alteram quadraturam: à qua denique de cæsi duo mensis vsque ad coniunctionem iudicandum censet. Colligimus autem ex his Arati versibus non desumendum esse iudicium de toto aliquo mēse synodico ab vno aliquo termino seu statione Lunæ, vt Plinius & Virgilius innuunt, sed quadraturas etiam & plenilunia suas mutationes efficere. Cui suffragatur testimonium Theophrasti, in libello de signis pluuiarum sic dicentis: Quamobrem ab interlunio, tanquam à principio contemplationis initium ducere conuenit, terrenis enim rebus Luna mutationem infert, vt plurimum quarta, sin minus, octaua: atque si per id temporis non fit mutatio, certe fiet in plenilunio: item à plenilunio ad octauam mensis decrefcentis, ab octaua ad quartam, inde ad numiniam, id est, ad silentem Lunam redeundum est.

Omnis autem velox mutatio crisis appellatur, & statum quidem in Luna falcata potissimum dicunt: deinde ad plenilunium transferunt similiter vocantes, hoc enim validas vires etiam obtinet: hoc autem imbecilliores quidem sunt semilunares stationes, attamen & hæ quoque de aere decernunt. Quare mensem à Luna immutari secundam septimanas iam est perspicuum.

Crisis vox est generalis, quæ non solum ad morbos, vt passim apud Galenum, verum etiam ad aerem, vt hoc in loco, refertur: omnis enim velox aeris mutatio crisis appellatur. Dantur autem quattuor principales crises in toto cursu Lunari, & prima est cum Luna falcatam refert speciem, seu in prima apparitione, & hanc statum appellant, quod ex ipsa decernatur temporis, seu aeris mutatio subsequutura vsque ad secundam quadraturam, vbi fit altera crisis: at tertia fit in plenilunio, quarta vero in secunda quadratura, duratque vsque ad proximam Lunæ disparitionem.

Omnium autem cresium validissima est, quæ fit cum Luna falcata est, nam quæ in plenilunio & quadraturis fiunt, prima sunt imbecilliores. Porro concludit Galenus mensem, hoc est, aeris constitutionem in quouis mense secundum septimanas immutari, quod termini illi, in quibus crises accidunt, à septem dierum numero siue septimana parum absint.

Quod autem aliæ res vniuersæ inde quoque mutantur, omnibus non perinde constat: sed iis, qui huiusmodi accurate obseruariant, inconfesso est. Ad hæc post feminis conceptionem omnis imprægnatio, insuper nihilominus hæc & post partum adauctio.

Item omne actionis initium magnas alterationes in septimanas circuitus obtinet. Quæ namque quotidie omnibus, quæ subsistunt, incidunt, horum causam Luna habere obseruata est, maximeq; tetragonis & diametris stationibus ea immutans. Nam si Luna in Tauro existente semen concipiatur, vel partus, vel omnino alterius cuiusdam principium contigerit, magnas eius mutationes faciet, quando signiferum percurrans in Leone, Scorpio, & Aquario fuerit. Verum in Leone tetragonos, id est quadrata statio, septimanæ vnus existit. In Scorpio diametra, duas septimanas habet. Ita quoq; in Aquario se-

rio secunda quadrangularis statio in tertiam septimanam procedit, idq; necessario, quod Luna sicut ante diximus vicenis diebus septenisque, & particula quadam adiecta, maxime tertia diei parte, vniuersum signiferi ambitum peragit. Si namq; in toto tempore totum orbem pertransire oportet, constat quartam ipsius partem in septem prope dies eam expedituram.

Proinde huius te admodum meminisse ad futura conuenit, nempe Lunæ transpositionem tetragonam non diebus septem integris circumscribi.

Hucusque maximas Lunæ vires pro varia eius cum Sole habitudine in aeris mutatione didicimus: atqui cum hæc inferiora omnia ab aere plurimum & præcipue afficiantur, qua ratione primam ac præcipuam actionem in hæc terrestria à Luna proficisci pernegabimus? Atque licet isthæc Lunæ actio non ita euidenter in quorundam maxime imperitiorum ac vulgi sensum incidat, ab Astrologis tamen ita firmis ac certis rationibus, longaque ac indubitata experientia rerum magistra perspecta est, vt dubium de ea reliquum esse non possit. Quibus si fidem auctoritatemque derogamus, non video cur eandem arti etiam medicæ non abnegemus, quæ non minus coniecturalis est & obseruationibus constat, quam hæc nostra Astrologia.

Admiranda igitur, nulloque modo damnanda est diligens Astrologorum in obseruandis, explicandisque cælorum motibus ac varietatibus solertia; qua hoc tandem assequuntur, vt maximo cum valetudinis suæ emolumento ægritudines aduenturas præuideant, præuistas animo forti ac constanti (temperatura primum corporis ad easdem lenius excipiendas optime munita) expectent, præsentibus denique facilius, citiusque effugiant, ac ab iisdem liberentur.

Ad hæc post seminis conceptionem, &c.

Exponit nunc Galenus ac recenset illa, quæ mutationem à Luna secundum septimanas circuitus, hoc est secundum quadraturas & oppositiones sortiuntur, dicitque huic iterationi maxime subiici conceptionem seminis, editionem partus, & omne denique actionis initium. Qua in re ab Astrologorum doctrina parum, aut nihil recedit, licet enim illi in quocunq; rei alicuius principio non solum Lunam, sed reliquorum etiam Planetarum conspirationem attendant & examini subiiciant, præcipuas tamen vires actionemque euidentiores ac præcæteris magis relucens Lunæ variis de causis attribuunt; illa enim humidis omnibus, qualia sunt, quæ ortui vicina sunt, nascique primum incipiunt, maxime prædominatur, deinde & corporibus eorumque augmentationi, ob luminis sui augmentum decrementumque per belle assimilatur, tum verò maxime parti vegetatiuæ, quæ in ortu hominis magnopere potest ac viget, ex Philosophorum omnium sententia dominatur. Porro autem Astrologi singularum rerum exortus tanquam principium sumunt, in eoque lucem & calorem cœlestem ipsis rebus recens exorientibus primitus impressum, perdurare tantisper volunt, donec ipsæ permanerint; sed huic luci ac calori primario superuenit deinde lux & calor secundarius, qui succedentibus temporibus res iam natas inque lucem productas subinde aliter atque aliter afficit, prout ipsorum siderum positus continenter variatur: neque tamen calor ille cœlestis vnicus & primarius seu materia

primitus impressus villo modo à variis succedentium temporum constitututionibus extinguitur, sed progressu temporis aduenientibus cœli actionibus ac luce secundaria alteratur potius, varietque non minimam adducens differentiam diluitur. Cæterum primum illud principium mutationum omnium superuenientium fundamentum est, & veluti materia quædam, ex qua reliqua omnia pululant, germinant, & enascuntur, & qua cessante, hæc etiam esse desinunt. Quamobrem periti Astrologi futuros euentus cuiuscunque rei definire volentis officium fuerit, vnicum illud ac stabile principium exacte perpendere, idemq; cum reliquis superuenientibus vbique ac semper recte contemperare: in quo radices quæsiturum utpote durationis, qualitatis futurorum euentuum ac reliquorum huiusmodi reperiet; nam vnaqueque stella societatem retinet cum iis dicti principii locis, quorum ab initio gubernationem sortita est: inimicitiam autem conseruat cum iis, cum quibus ab initio hostili radio configuratur, dissidet, rem illa quacunque ratione aduerfatur. Hinc enim & quæ ad promouendam vel illam primitus ortam, & quæ ad destruendam sunt idonea probe innotescet.

Nam si Luna in Tauro existente semen concipiatur, &c.

Adfert nunc Galenus exemplum alterationum illarum, quæ respectu Lunæ contingunt, & quidem à partu hominis; ait enim si tempore partus alicuius Luna reperta fuerit in Tauro, natum illum, vel quicquid illud erit, quod Luna sic constituta ortum habuerit, magnas mutationes subiturum, dum Luna peragruerit Leonem, Scorpionem, & Aquarium, quorum signorum duo, Leo scilicet, & Aquarius tetragonam radiationem cum Tauro constituunt, Scorpium vero diametram. Ratio autem huius est, quod cum Luna ab initio familiaritatem contraxerit cum signo Tauri, vbi tunc dominium acquisiuit significandi, & impri-mendi super complexionem dictæ rei eodem tempore exorientis, seu principium habentis, sit necessàrio, ut eadem incurrente in signum ipsi Tauro aduersarium, siue illud quadratum sit, siue oppositum, res illas alteratis humoribus patiatur, & debilitetur. Sic etiam si quispiam in ægritudinem inciderit, cum Luna in aliquo gradu Tauri constituetur, is vbi eadem consimilem gradum seu in Scorpione signo opposito, seu in Leone vel Aquario, signo quadrato occupauerit, male sentiet, & humores in peius mutabuntur. Atque hæc quidem à Galeno allata sunt, ut constaret actiones Lunæ in septimanas circuitus confici, hoc est, singulis septem diebus propemodum euariari. Vbi Astrologi studiosos admonemus necessarium esse, ut in computandis hisce hebdomadibus, quæ ex accessu Lunæ ad loca quadrata & opposita confurgunt, ad veros Lunæ motus, non ad medios, ut Galenus hic fecit, respiciamus, veri enim motus nunquam iidem sunt, sed semper alterantur, ut alibi ostendimus.

C A P. VI.

Qui salutares aut infesti dies sanis aut ægrotis futuri sint, ex Luna præ-nunciari posse.

Porro illud denuo repetendum est, quod nos quoque obseruantes verissimum semper esse comperimus, ab Ægyptiis Astronomis inuentum, Lunam non modo ægris, sed etiam sanis dies, quales tandem futuri sint, posse præ-nunciare. Si enim ad Planetas tempe-

ratos steterit (quos iam & ἀγαθούς Græci nominant, salutare Latini) faustos ac bonos dies producere: si ad intemperatos, graues molestosque.

Galenum diligentem Astrologiæ operam nauasse tum in doctissimis suis operibus hinc inde, tum vero maxime ex huius loci testimonio sit manifestum; id quod de semetipso dissimulandum esse non duxit, neque id ignominia sibi, sed laudi potius futurum existimauit, ut non immerito explodendi sint quidam nostræ ætatis Medici, qui ut ignorantiam suam aliquo modo videantur obtegere, Astrologiam ipsam non solum medico necessariam esse negant, sed mendacem illam, falsamque esse impudenti ore proclamare non erubescunt. Sane si iidem illi diuinam hanc scientiam cum Galeno sæpius experimentis comprobassent, non solum veram illam esse & ipsi inuenissent, sed utilem etiam & Medico maxime necessariam: quippe quæ tum salutare, tum in faustis ægroti dies indicet, & quem finem tandem ægritudo sortitura sit, vel ad mortem, vel ad salutem manifestis argumentis doceat. Nec mirari satis possum Ioannem Manardum, Medicorum sui temporis non postremum, ita apertum & iuratum Astrologiæ hostem se profiteri, ut pestem illam Reipubl. & virus nocentissimum appellare non sit veritus, cum tamen ipse nihil solidi contra afferat, sed ad Ioannis Pici & Hieronymi Sauonarolæ coætanæ suorum scripta contra Astrologiam sese referat. Quorum alteri Pico scilicet doctissime respondit Lucius Bellantius Medicus Senensis, & argumenta Pici non solum egregie conuulsit, sed & omnem hanc nostram scientiam maxime muniuit. Alter autem Sauonarola nihil nouum à Pico attulit, sed quæ hic diffuse, eadem pene ipse paucioribus chartis protulit. Manardi itaque partes erant propriis argumentis & experientiis artem illam conuellere, quam ipse tantopere exosam aliorum auctoritate condemnat. Sed videamus nunc quæ ipse Epistola quinta libri decimiquinti contra præsentem contextum Galeni, quem non est veritus Præceptorem impudenter abnegare, inutiliter effutiuit: licet Galeni laus & gloria tam excello loco sita sit, ut à Manardi, viri alioquin doctissimi, calumniis nequaquam sit passura. Sed quomodo (inquit Manardus) possunt hi dies (critici scilicet) certi quippiam habere, si verum est aliud, quod experientia obseruatum dicit Galenus, Luna beneuolos Planetas respiciente, bonos & sanis & ægrotis dies contingere; si ad maleficos respiciat, malos & contristantes? Ex hoc enim plerumque euenit, ut laudati ab Hippocrate dies maligni sint, & quos ipse vituperat, boni. Sed heus Manarde, veram ne semper horum criticorum dierum ab Hippocrate assignatorum rationem experientia cognouisti? Profecto si ingenuus es, dissimulare non potes, criticos illos dies sæpiissime dummodo expertus sis, ab Hippocratis opinione discedere & diuersos esse. Nam & Cornelius Celsus Alclepiadi Hippocraticam horum dierum obseruationem repudiantem subscripsit: & multi præterea (referente Augerio Ferrerio Medico Tolosate) non vulgaris doctrinæ & nominis sui temporis medici in paucissimis egrotantibus veritatem horum dierum criticorum agnouisse se fatentur; nec non & Federicus Chrysogonus in libello de prognosticis ægritudinem per dies criticos, cap. 5. hos Hippocraticos dies decretorios in controuersiam vocat. Cæterum Astrologi omnes dierum criticorum rationem ad Lunæ motum referentes, illos dies notant, quibus Luna peruenit ad vtramq; tetragonam, & ad diametram stationem respectu loci, in quo inchoante morbo reperiebatur, ideoq;

primum tetragonum attinget nonnunquam septimo, & interdum octauo die,
 diametrum vero nunc decimoquarto, nunc decimoquinto, & alterum tetrago-
 num alias vigesimo, & alias vigesimoprimo die, ac tandem vigesimo septimo vel
 octauo ad suam epocham reuertetur: & hanc rationem video probatores tum
 Astrologos tum Medicos sequi: quin & Augerius Ferrerius eandem comprobat
 his verbis: quam methodum recentiores multi medici, & Astrologi cæteris omni-
 bus præferunt & extollunt mirum in modum, atq; vt ingenue fatear, experimen-
 to sæpe comperi morbos iudicium distulisse, donec Luna motu suo peruenisset
 ad quadratum, vel oppositum stellæ cum qua fuerat, cum primum ægritudo in-
 ciperet, aut idem omnino punctum attigisset. Quod frequenter contingebat die
 octauo & quindecimo, & decimo septimo, & vigesimo, & vigesimoprimo, & vi-
 gesimosecundo, & cæteris indifferenter, vt non mirum sit Hippocraté sæpe deci-
 mum septimum & vigesimum, & alios qui his correspondent, tanquam decreto-
 rios obseruasse: sed causam agnoscere non potuit, quod suo tempore Planetarum
 motus non bene comperti essent. Hæc est igitur Astrologorum sententia, Lu-
 nam in principio ægritudinis cum malefico aliquo Planeta coeuntem, aut in eius
 quadrato aut opposito existentem maximas alterationes producere, cum ad ho-
 stiles alios aspectus prouenerit, siue decretorio, siue non decretorio die id con-
 tingat, vt cum Luna in prima accessione iungitur Marti, tetragonos postea eius
 radios oppositione attingens, miras tragœdias excitabit, & mortem læpe afferat,
 cum beneficorum radij Lunam non fouebunt. Hæc Ferrerius. Verum enimue-
 ro, vt ne cui possit suboriri dubium, quos beneficos & salutare, & quos malefi-
 cos, seu infestos Planetas vocent Astrologi, monendum duximus, Iouem ma-
 xime ac Venerem, deinde & Mercurium & Solem, quando bene affecti sunt, &
 Ioui ac Veneri benigne conciliati beneficos appellari; Martem vero atq; Saur-
 num, sicque denuo Solem & Mercurium, dum male positi, & Saturno, aut Marti
 sinistre commixti sunt, maleficos nuncupari.

Pingamus enim homine quodam nascente salutare Planetas in
 Ariete, malignos in Tauro esse: is homo nimirum, cum Luna in A-
 riete, Cancro, Libra & Capricorno fuerit, pulchre deget: cum vero
 Taurum ipsum vel tetragonum aliquod vel diametrum signum oc-
 cupat, male tunc & moleste vitam transiget.

Planetæ omnes ab initio nascendi familiaritatem requirunt cum illis locis,
 in quibus in dicto initio vel inveniuntur, vel aspectu aliquo copulantur. Quam-
 obrem si contigerit Lunam vel quemcunque alium vitæ significatorem, aut do-
 minum per loca fortunata decurrere, quæ benefici Planetæ tempore nascendi,
 vel corpore, vel radio possidebant, non tantum sextili, aut trigono, sed etiam qua-
 drato, opposito, vel antisicio: tunc bene habebit natus. Sed & idem etiam intel-
 ligendum est, quando Luna vel vitæ significator per directionem fertur ad octa-
 loca benefica, tunc si quidem natus optima fruetur valetudine: & effectus is à
 directione dependens multo erit & diuturnior & efficacior euentu illo, qui per
 transitum significabatur; directionum enim significata in annum integrum &
 ulterius etiam, transituum vero in dies singulos, vel complures incidunt, vel ab-
 soluuntur. Iam vero si Lunæ, vel Solis, vel vitæ significatoris, aut domini ascen-
 dentis directio vel transitus per loca infausa contigerit, quæ ab initio malefici corpore

pore vel radii, noxiis sc. vt quadrato vel opposito, & nonnunquam textili vel trino, dum modo adsit inimicitia, obsidebant: male tunc natus vitam transiget; ac directio quidem longiorem morbum, transitus autem breuiorem adferet.

Atque iam morborum initia huic cum Luna in Tauro, Leone, Scorpio, & Aquario fuerit pessima: sine periculo autem & salutaria sunt, cum Arietem, Cancrum, Libram, & Capricornum Luna permeat.

Hoc est si contingat morbum aliquem initium sumere, cum Luna fuerit in loco alicuius malefici in natiuitate, vel eius quadrato, aut opposito radio, tunc quidem pessima erit ægritudo & lethalis. Verum si quispiam ægrotare primum coeperit Luna possidente locum, quem benefica in radice tenuerat, aut radio aliquo aspexerat, tunc ægritudo erit sine periculo & ad sanitatem cito terminans, dum modo benefica illa nullam cognationem cum morte ab initio habuerit: potest enim & benefica nocere interdum, & maleficam induere naturam, cum scilicet domina est loci mortis, aut maleficis stellis aliquo modo permiscetur. Extat autem Aphorismus cum hac Galeni doctrina consentiens in centiloquio, quod sub Ptolemæi nomine circumfertur, estque talis: Morbus qui cœpit cum Luna fuerit in eo signo, quod malefica aliqua tenuit in genitura, tunc in quadrangulo, aut diametro eius grauiissimus futurus est; si autem malefica respicit periculosus: si in loco ubi genituræ tempore benefica fuerit, sine periculo erit. Accedit huc quod & transitus Solis per loca maleficorum genituræ, noxius est, ac tum quidem maxime, cum Sol vitæ dominium acquisiuit: nec non & transitus malefici alicuius per loca luminarium radices infaustus est, sen per locum ascendentis aut diametrum eius aut tetragonum: quinetiam si malefica aliqua ingreditur illum locum, ad quem directio ascendentis vel alterius cuiuspiam vitæ significatoris illo anno peruenerit, præsertim si id ad initium anni, quo Sol ad locum natalitium reuertitur, acciderit, infausta erit talis progressio. Sed hæc à nobis fusius c. 20. cum sequentibus nostri tractatus describentur.

Cæterum non ab re erit videre, quæ contra præsentem Galeni contextum scripserit Manardus Epistolarum libro 15. Epistola quinta, cuius hæc sunt verba: Ex hoc enim plerumque euenit, vt laudati ab Hippocrate dies maligni sint, & quos ipse vituperat, boni. Sicut etiam ex alio Astrologorum dicto, à Galeno non minus recepto. Afferunt quippe iidem Ægyptii Astrologi, quoties id signum, in quo boni Planetæ fuerint, natiuitatis alicuius hominis tempore Luna in sedere, bonos dies illi homini futuros, atque de diuerso males, quoties in eo signo fuerit, in quo mali Planetæ erant, dum homo nasceretur. Idem iudicantes ex signis, quæ de quadrato vel aduerso primordia illa signa respiciunt. Vt si Arietem boni Planetæ tenuerint hora natiuitatis, & mali Taurum, quando Luna in Ariete, Cancro, Libra & Capricorno fuerit, bene cum homine illo agetur, quando in Tauro, Leone, Scorpio, vel Aquario, male. Quid igitur certi relinquetur diebus Hippocratis, si in vno Lunæ circuitu vix decem supererunt dies, qui ex cœlesti causa non impediuntur? Sed cum duo sint secundum Astrologos beneuoli Planetæ, Iupiter & Venus, duo maleuoli Saturnus & Mars: fingamus aliquā Planetis his quattuor diuersa signa tenentibus, vt me hæc scribente contingebat: Iupiter enim in Scorpione, Venus in Libra, Saturnus in Cácro, & Mars

erat in Virgine: nullus ei nato, quocunque ægrotauerit tempore, ex notatis ab Hippocrate diebus relinquetur, qui à proprio significato non detorqueatur. At dixerit forte quispiam per bonos hosce influxus iuuari bonos Hippocratis dies, per malos malitiam malorum augeri. Sed dicat mihi, quidnam fiet si cum bono influxu malus dies, vel cum malo bonus coniungatur? Mixta inquit ex bono & malo proueniet operatio. Verum, nonne hoc est Hippocraticas obseruationes peruertere? & ordinem omnem ab eis auferre, atque Medicum à propria professione ad supputandos cœlestes motus euocare, & in hanc necessitatem adducere, vt cuiuscunque ægroti curationem accepturus est, natalem horam cognoscat, & planetarum loca cum stylo & abaco in eadem hora peruestiget? Verum & morborum initia non minore diligentia erunt obseruanda, quum iuxta Astrologorum & Galeni sententiam bona futura sint, his orientibus signis, in quibus boni Planetæ fuerunt tempore natiuitatis: & mala illis orientibus, in quibus mali fuerunt collocati. Idemque iudicandum de signis quæ vel ex aduerso, vel ex diametro respiciunt. Tanti autem momenti esse Galenus putat principia, vt ab his fere dependere dicat vniuersam ex crispis diebus prognosticationem. Magnas enim quæ in quadratis, vel in aduersis locis sunt mutationes, in bonis principiis bonas, in malis malas esse arbitratur: vt & hic illud dici possit, quale fuerit principium, talem & exitum. Quare principii hora erit cum astrolabio à Medico accuratissime cognoscenda, & quod signum in ea oriatur, solertissime inuestigandum: hoc enim perditio, simul omnis dierum iudicialium ars deperibit: alioqui eo etiam habito ruitura, si horæ principii magis standum sit, quam diebus ab Hippocrate scriptis. Hucusque Manardus, qui illud in primis molestè ferre videtur, determinatos Hippocratis dies decretorios ab Astrologis excludi: & eosdem varie permutari pro diuersa Lunæ cum cæteris Planetis configuratione. Verum si Manardus, vt par erat, Medicinæ Astrologiam coniunxisset, longe diuersum sensisset, & dies illos Hippocraticos non euertere, sed pro vario syderum habitu moderari intellexisset. Nequaquam enim tot tantique lunaris circuitus dies à cœlestibus causis, vt ait ipse, impediuntur, neque enim semper Lunæ congressus cum maleficis dies infelices efficit; nam si Luna à malefico aliquo impedita morbum concitauit, dum eadem deinde cum alio malefico alterius ab illo naturæ congreditur, non augeat morbum, nec immutat, sed in eodem relinquit statu. Sit exempli gratia ægritudo biliosa, qualis à Marte excitatur, iam vero dum Luna Saturni pituitosos humores fouenti copulatur, non sentiet ægrotus alterationem: sicque etiam contra decumbens pituitosa ægritudine, Saturnina scilicet, Luna accedente ad Martem non sentiet ille mutationem in peius. Nam quæ ratione Marsigneus pituitosas fouebit ægritudines? Alterum est quod Manardum ab Astrologia deterret, nempe oportere Medicum, qui Astrologiæ studeat, versatissimum esse in calculo Astronomico, & auocari eundem à solita professione, cum astringatur ad examinandas cuiuscunque ægroti genituras. Præclare profecto. Ergo ne ita oscitanter de re adeo magni momenti tractandum est? De vita & salute hominis, hoc est de summa rerum agitur, cui si Medicus opportuno tempore & conuenienti medela subuenire nesciat, quid aliud agere dicetur, nisi hominem ad orcum demittere? Quot passim quotidie miserrime decedunt, qui nisi in Medicorum ignorantium manus incidissent, facile poterant letho cripi & conualescere? Nisi Manardus noster

noſter Galeno impudenter renunciaſſet, ad octauum librum de ingenio ſanitatiſ ipſum remitterem, vbi Galenus ait Medicos Aſtrogiam ignorantes peiores eſſe ſpulatoribus & homicidis, non cognoscentes neceſſaria requiſita ad Medicinã. Nunquid Medicus, qui temperaturam ægroti, quam ex Aſtrogia optime poterat diſcere, ignorat, facillime contraria medicamenta ægrotò præbere poteſt, & ita lethum eidem propinare? Neque tamen aſtringendos abſolute Medicos arbitrarer, vt ſingularum qui ſuæ curæ ſunt, natiuitates ſerupuloſe diſcutiant, id enim nimii foret oneris, ſed vt id ſedulo præſtent, quod pro temporis anguſtia facillime poſſant, prout nos in ſequenti tractatu de Aſtrogia & Medicinæ conſenſu monebimus. Interim tamen non ab re erit illorum ſaltem, quorum ordinariam curam gerunt, horam natiuitatis cognoscere & vitæ ſignificatores dirigere, vt morborum maxime principalium tempore præcognito, facilius poſſint aduenienti malo obeiam ire & reſiſtere: vt ſi verbi gratia viderint ſignificatorem aliquẽ vitæ, qui vt plurimum eſt vel Sol, vel Luna, vel Horoſcopus, deſerri per diectionem ad corpus vel aſpectum aliquem malefici Martis, morbum acutum & ardentem ſignificantis, poſſint tunc temperaturam nati ad ſuſtinentum morbi impetum componere, & corpus ipſum refrigerantibus, aut venæ ſectione, ſi ita viſum fuerit, ita præparare, vt ægritudinem ſuperuenientem lenius ac moderatius ferat, & excipiat. Cauillatur poſtremo Manardus principia morborum, ac medici partes eſſe vult illa principia Aſtrolabio obſeruare; quaſi vero non ſufficiat, principium hoc cognouiſſe ad communis horologii ſonum, quod abunde ſufficit ad cognoscendos dies decretorios, qui ad Lunæ poſitum radicale in dicto morbi initio referuntur, & ad præſagiendum morbi terminum, an ſcilicet ad ſalutem, an vero ad mortem cõducatur, veluti fuſius in ſubiecto tractatu patebit, ca. 14. & ſequentibus. Caterum vt Medicorum omnium auctoritates pro Aſtrogia videatur ſuſtulſiſſe Manardus, cum Galenum ipſum de Aſtrogia inſcitia arguere nequeat, Hippocratem tacite condemnat, quem ſi quando de conſtitutione Cœli locutus ſit, de aeris conſtitutione loqui affirmat. Ita non veretur præceptorem ſuum ignorantia accuſare, cuius ne ipſe teneatur authoritate ac teſtimonio, ſenſum verborum ipſius in alienam ſententiam conatur detorque. Ait Hippocrates primo Epidimiorum ſectione tertia in principio morbos cognosci non ſolum ex tota, ſed etiam ex partiali, ſeu vt habet alia verſio, ex ſingulari conſtitutione cœleſtium. Quid hoc eſt aliud dicere, niſi præter generalem aſtrogum cõſtitutionem, particulares etiam cuiusque geneſes obſeruandas eſſe? vel ſingularem Cœli conſtitutionem ad illud temporis momentum, quo quis ægrotare cœperit, attendendam? Videant igitur noſtri temporis Medici, quantum à vero præceptorum ſuorum tramite aberrant, dum negligunt Aſtrogiam medicinæ coniungere: ſed ad Galenum reuertamur.

Ad hæc alterationes magnas, quas in tetragonis & diametris per ſeptimanas fieri diximus, in lethalibus quidem morbis lethales & ipſas, in ſalubribus bonas euenire neceſſe eſt. Quamobrem Hippocrates etiam damnat maxime mutationes, quæ in diebus decretoriis ad peiora declinant: quippe quod lethalis morbi ſymptoma ſit, quemadmodum, vt arbitror, benigni contrarium.

Non potest Medicus ab ipso statim morbi exordio de fine eiusdem vel ad salutem, vel ad mortem determinare, ac proinde dies decretorios expectat, ut de morbi conditione certior euadat: sed Astrologus ab ipso principio immediate iudicat, si ne futura ægrotudo lethalis, an vero ad salutem terminatura: maxime si figuram natiuitatis ægri examinarit, & loca maleficorum noxia & beneficorum salutifera didicerit, & quo cuiusque Aphetæ aut vitæ sustentatiui directio progressa sit, examinarit: nam si vitæ significatorum aliquis ad locum malefici in faustum impeerit, & simul adsint sub morbi initium certa mortis indicia (qualia in tractatu subsequente c. 21. 22. & 23. adferemus) valida erit mortis venturæ significatio: contra si directiones faustæ, & nulla adsint, incipiente morbo, signa mortem minitantiæ. Quam ego iudicandi rationem certiore esse, quam Medicorum à posteriori coniecturam arbitror: quid enim prohibet quominus vel in morbo lethali septima dies, quæ decretoria est, possit esse fausta, & morbi sæuitia non nihil intermitteri, cum sæpe sæpius eueniat, ut Luna illa die beneficis stellis coniungatur: & tamen superueniente postea infelici stellarum habitu morbus vires acquirat, & mortem in decima quarta inferat?

Quod si quis & huius ipsius causam, cur quadratæ & diametræ stationes sint potentissimæ quærat, is longissime à proposita disputatione digreditur. Nam in præsentia non primas causas omnium quæ ad astronomiam pertinent, sed quæ proposito nostro utiles sunt inquire cogitamus. Vtiles autem causæ sunt, quæ septimanæ naturam interpretantur.

Non adstringit Galenus Medicum ad tantam subtilitatem, quantam Manardus videtur requirere, sed sufficere ait, ut ab Astrologo nonnulla tanquam certa & experientia comprobata recipiat, & ea tantum scrupulose perquirat, quæ ad medicinam maxime conducant. Superuacaneum enim foret, si medicus causas singulorum, quæ ab Astrologis afferuntur, velit cognoscere, ut si inuestiget cur trinus & hexagonus aspectus proficuum & salutis, quadratus & oppositus maleficus & noxius ab illis censetur. Sufficit ut Medicus in his Astrologorum experientiæ per rationem comprobatæ acquiescat; interea tamen si cuiquam lubeat principia Astrologiæ, quam vocant Iudiciariæ, ex fundamentis cognoscere, is recurat ad primum librum quadripartiti Ptolemæi, aliosque scriptores, qui de illis ex professo tractant.

Rursus igitur eas in summam colligamus. Lunæ tetragonæ & diametræ stationes in principiis bonis bonas faciunt alterationes; in malis malas. Atque hoc præterquam quod Astronomis in confesso est, integrum est & tibi obseruare. Sin autem huiusmodi nec obseruare volueris, nec iis qui obseruauerunt, fidem adhibere, indubie sophistarum ubique nunc obstrepentium aliquis es, qui ratione manifesto apparentia nos approbare postulant, cum è contrario ex euidenter apparentibus, de additis ratiocinandum esset. Ita suo quæque res principio circuitus sequentes vniuersos consonos habet.

Repetit ea, quæ paulo ante dixerat, nimirum Lunæ tetragonas & diametras stationes.

stationes in principiis bonis bonas facere alterationes; in malis malas. Quæ autem sint principia bona, quæ mala, ex supradictis Galeni facile est intelligere; bona enim erunt, si Luna in genitura vel in morbi initio bene affecta sit & cum beneficiis Planetis aliquo modo copuletur; tunc enim ubi ad quadrata & opposita loca peruenierit, optima contingent sympto nata, & ægritudo in melius commutabitur: mala autem erunt principia, quando Luna qualicunque modo maleficis Planetis copulabitur; tunc enim in quadratis & diametris eiusdem stationib. acerbæ accident symptomata, & ægritudo in peius declinabit, sicut videre licet cap. 17. sequentis tractatus. Postremo tandem inuehitur Galenus in illos, qui eius sunt perueicaciæ, ut nec ipsi obseruationibus vacare nec obseruatibus credere velint, & hos merito sophistas seu cauillatores appellat: estq; hoc genus hominū adeo perficiæ frontis, ut laudem sibi ac gloriam ex aliorum calumniis existiment prouenire.

CAP. VII.

In acutis morbis summam vim obtinere septimanas, in diuturnis ortus siderum, quibus anni tempora variantur: itemque illis coincidentes plures inesse iudicatorios, in his circuitu magis septimanarum fieri iudicationem.

CIRCUMITIVVM alii numero quodam dierum constant, alii mensium: Iam vero qui dierum numero constant, septimani sunt, & Lunæ modo incedunt, qui autem mensium ad Solem referuntur, eodem modo euenientes.

Distinguit morbos Galenus, & alios dicit esse, qui diebus mensurantur, ut sunt qui intra mensem finiuntur, & hi secundum septimanas pro Lunæ cursu alterantur, quatenus scilicet ipsa ad quadratas & diametras stationes peruenit: alios vero, qui mensium numero finiuntur, & hi ad Solem referuntur. Augustinus Niphus libro primo de diebus Criticis Enunciato nono distinguit morbos è materia emergentes penes tempus, in diarios, hebdomadarios, menstruos, & annuos; & diarii quidem dicuntur, qui intra diem apti sunt desinere, ut angine & nervorum resolutiones, & id genus alii, quos perperacutos Medici solent appellare, quia accidentia habeant sequissima: Hebdomadarii sunt, qui septem dierum spatio fini consuevere, & hos Medici peracutos vocant, quod in illis accidentia non sunt extremæ vehementiæ aut sæuitiæ, ut in perperacutis, sed sæua tamen cum vehementia, ut sunt pleuritis, phrenesis, & quædam apostemata hepatis, præterea etiã apoplexia, bubones pestilentiales & alii nonnulli, quorum quidam terminantur etiam quarto die. Menstrui sunt, qui infra mensem desinunt, ut die decimoquarto, vel decimoseptimo, vel vigesimo, vel vigesimoquarto, vel vigesimo octavo, & hi dicuntur acuti, neque sunt à principio ad finem æquales, sed nunc molesti sunt, nunc mitescunt, nunc leuiiores sunt, nunc grauiiores, pro diuerso Lunæ, quam sectatur, habitu. Anni denique morbi sunt, qui intra annum desinunt, & Solis peragracionem per signa Zodiaci eiusque configurationem cum reliquis Planetis sequuntur. Accedit his aliud morborum genus, quod annis mensuratur: qui morbi cum ultra annum producantur, & chronici sint ac longi, ideo Planetis tardioribus, ut Saturno, Ioui ac Marti assignantur.

Iterum enim ab Hippocratis verbis initium sumendum, ætiusus mor-

morbos dicentis Hyeme solui, Hyemales Æstate. Hoc quidem longorum morborum, & quasi dicas annaliū iudicii statum tempus est, quemadmodum acutorū decimusquartus dies. Tempus enim quod à mensis principio ad usque plenilunium est, totius Lunaris circuitus dimidium existens, eandem rationem habet cum interuallo, quod ab Hyeme ad Æstatem vsq; intercedit: quin etiam à plenilunio ad usque occultationem tempus, spatio quod ab Æstate ad Hyemem vsq; porrigitur, proportionem respondet.

Facit nunc comparationem morborum annalium cum morbis Lunaribus, seu menstruis: vt enim totus Solaris circuitus toti Lunari assimilatur, ita partes partibus etiam correspondent, nam dimidium mensis correspondet dimidio anni: vnde in acutis morbis se habet dies decimusquartus, vt in annuis spatiū sex mensium Solarium, & sicut quidam morbi acuti soluuntur die decimaquarta, ita nonnulli annui finiuntur transactis sex mensibus, sicq; Æstiuī morbi Hyeme, Hyemales Æstate soluuntur. De comparatione autem mensis Lunaris cum cursu Solis annuo, quam hic Galenus instituit, agimus supra capite quinto huiusce tractatus.

Sed horum vtrumque bifariam sectum, in acutis morbis septimana est: in diuturnis clarissimorum siderum exortus, quorum ratione Ver, Æstas, Hyems, & Autumnus describuntur. Non enim pari dierum numero hæc secundum vllius Astronomi sententiam diuisa sunt: verum manifestis circumflui aeris mutationibus distinguuntur.

Quemadmodum in omni mense Lunari quattuor sunt quadraturæ seu hebdomadæ: ita Solaris annus, vt sæpius iam dictum est, quattuor quadrantes, totidem anni temporibus cōgruentes continet; quos Ptolemæus & optimi quique Astrologi metiuntur ab ingressu Solis in quattuor puncta cardinalia, quorum duo sunt Æquinoctialia, vt Arietis & Libræ initia; duo autem tropica, vt Cancrī & Capricorni exordia. Verum Hippocrates & antiqui complures quattuor anni tempora ab exortu & occasu illustrium stellarum fixarum capiebant: & Hyemem quidem à Vergiliarum, seu Pleiadum occasu matutino inchoabant vsque ad Æqui noctium; Ver autem ab Æquinoctio Verno vsque ad exortum Pleiadum matutinum; Tum vero Æstatem ab exortu Pleiadum vsque ad Arcturi matutinam apparitionem, atque Autumnum denique ab hoc termino vsque ad Pleiadum occasum matutinum. Hæc autem anni tempora tali ratione ab Hippocrate & antiquis diuisa non solum sunt inter sese eodem tempore quantitate discrepantia, sed etiam pro climatum ac locorum varietate insigniter differunt; eo quod dictæ stellæ fixæ eodem sæculo nunquam vno eodemque die annuatim exoriantur & occidant: vt interim nihil de alteratione ortus earundem ob motus tarditatem pro diuersis sæculis proferam. Non est itaq; tuta hæc Hippocratica anni diuisio, sed consultius erit sequi anni partitionem ab ingressu Solis in quattuor notas cardinales, quam Ptolemæus & vniuersa propemodum Astrologorum schola vnanimi consensu amplectitur.

Rursus & alio modo: quemadmodum septimana acutorum morborum decretoria est, sic temporis annui mutatio diuturnorū morborum

borum erit solutoria: vt in Hyeme quidem constitutum morbum Ver soluat: in Vere conflatum Æstas: simili ratione per Æstatem contractum, Autumnus: in hoc paratum Hyems.

Vult Galenus, vt quemadmodum in acutis morbis septima dies decretoria est vel ad salutem vel ad mortem; ita in morbis diuturnis & annuis processus Solis ad sequentem anni quadrantem pro salute vel morte decernat. sed hac in re tutius erit respicere ad partitionem annui spatii per dodecatemoria, seu signa Zodiaci. Fingamus exempli gratia, hominem aliquem morbo, qui diuturnus futurus sit, occupari, dum Sol possidet gradum 15. Capricorni, is certe insignem mutationem sentiet Sole ingrediente gradum 15. Arietis, quando scilicet ad proprium tetragonum peruenit. Cæterum firmiore coniectura de morbo iudicium feret Medicus, si ad reliquorum etiam Planetarum cum Sole configurationem respexerit. Decumbat nunc aliquis die 6. Ianuarii anni 1604. dum Sol obtinet gradum 15. ♄, quo tempore ipse Sol dominium vitæ obtinens peruenit ad quadratum Martis. Considerabimus autem reliquorum Planetarum habitudinem ad Solem. Cum itaque Sol defluat à dicto Martis tetragono, qui est in gradibus 13. ♀, & Veneri corporaliter applicet, non iam spe fruemur decubitu hunc post summa discrimina ad salutem terminaturum. Verum si Venus abfuisset, iam de morte successura nullum erat dubium. Porro quadratum Solis deinde considero (prout in morbis acutis, Lunæ motum ac statum sequentibus, diem septimam, seu quadratam configurationem) & video die quarta Aprilis anni dicti 1604. Solem ad gradum 15. Arietis accedere, & quadratum cum loco Solis ab initio aspectam constituere: reliquorum autem Planetarum ad Solem habitus talis est. Saturnus trina radiatione Soli configuratur, cui deinde succedit trinus Iouis ad eundem. Neque Saturnus hic obest, cum contrariæ naturæ sit Marti ægritudinem inferenti. Spes igitur adhuc salutis superest, quam deinde Mars, Soli ab initio morbi inimicus, omnino tollit: is enim in gradu vigesimoprimo Libræ retrocedens, ac Soli die nona subsequente obuiam diametra radiatione factus, ægroto lethum comminatur: dummodo ægritudo in dictam diem protrahatur, grauissimum enim mortis periculum subest die mensis septima, siquidem tunc Luna gradum decimum septimum Cancri possidens in vtriusque, & Martis & Solis tetragono constituitur. Iudicium itaq; non incertum Medicus proferet, si ægroto circa illos dies (septimum vel nonum mensis Aprilis) decessurum affirmauerit.

Cæterum singularum partium bifariam diuisarum partes mensis quaternionibus proportionem respondent. Quin astrologis etiam dicitur, quem in modum anni temporis cuiusq; & initium & finis, syderum clarorum ortu & occasu describitur, in eundem quoq; cuiusque medietas, alterius rursus sideris exortu distinguitur.

Annus vniuersus, de veterum sententia in duas potissimum partes distributus est, in Hyemem scilicet, & Æstatem: nam pro Solis à vertice nostro recessu sit Hyems, dum Sol circa Solstitium Hyemale, quod est Capricornus commoratur, & pro eiusdem accessu ad verticem, seu ad Tropicum Cancri sit Æstas. Cæterum cum veneranda antiquitas, sensu ipso & experientia approbante probe cognouisset

uisset gradum illum caloris, qui Aestatem efficit, multo ante in aere vigere, quam Sol ad Aestium Tropicum accederet; sicque etiam gradum frigiditatis, qui Hyemem constituit, multo ante dominari, quam Sol ad Capricornum perueniret, idcirco Aestatem coepit, dum Sol in diu Tauri signum occuparet, Hyemem vero dum locum oppositum, seu medietatem Scorpii obtineret. Cumque illis saeculis exortus Vergiliarum cum medietate Tauri, occasus vero cum Scorpii medietate conueniret, ideo non inepte in anni diuisione hoc potissimum fidere vsa est, cuius emersione Aetatem, occultatione Hyemem, quod in his magnae fierent in aere mutationes, inchoari decreuit. Exortus itaque Pleiadum partitur fere per medium illum quadrantem anni, qui est ab Aequinoctio Verno vsque ad solstitium Aestium; & occasus earundem diuidit alium quadrantem ab Aequinoctio Autumnali vsque ad solstitium Hyemale. Sed & reliqui duo quadrantes partiendi sunt, & illius quidem à solstitio aestiuo vsq; ad Autumnale Aequinoctium diuisio quadrat cum exortu Caniculæ; alter autem à brumali solstitio vsque ad Aequinoctium Veris, prope Aquarii medietatem, & Fauonii flatum diuiditur. Atque hac ratione octo erunt anni partes, prout in textu Galenus innuit. Cæterum rectius feceris si hasce octo anni partes ab ipsis dodecatemoriis, seu Zodiaci signis, non ab exortu stellarum fixarum sumptis: stellæ enim fixæ sedes suas permutant respectu punctorum Aequinoctialium: & licet priscorum saeculo cum hac octogena anni diuisione prope conuenirent, hæc tamen ætate admodum inæquales redderent has anni partes. Nam pars illa anni, quæ ab Aequinoctio Veris vsque ad exortum Pleiadum antiquitas complētebatur propemodum dies 44. hoc saeculo diebus pene 28. aucta est, & constituit fere dies 72. Verum ut dictum pars anni accreuit, sic pars Aestatis ab exortu Pleiadum vsque ad solstitium Aestium totidem pene diebus 28. destituitur. Sicque etiam reliquæ partes anni inæquales factæ sunt respectu exortus memoratarum stellarum. Tutius est itaque parti annum respectu transitus Solis per duodecim signa Primi Mobilis, quibus deinde comparandi sunt exortus & occasus illustrium stellarum fixarum, ut qualitates ipsarum anni partium cognoscamus.

Itaq; vnuerfas particulares morborum mutationes vel tanquam ad proprium ipsorum principium, vel tanquam ad ambientis nos aëris conuersionē euenire necesse est. Quæ igitur ceu ex proprio ipsorum principio sunt, Lunam sequuntur; quæ vero ab aëris nobis circumflui conuersione, in toto quidem anno Solem, in singulis autem mensibus Lunam.

Distinguit mutationes particulares, quæ in morbis eueniunt, dicitque eas accidere vel respectu initii ægritudinis, prout Luna ad quadratos, seu ad diametram stationem peruenerit: vel quidem euenire à mutatione temporis, ut si quis ex ingressu vel Veris, vel Autumni vel alterius stationis ægrotare incipit. Atque hæc quidem ægritudines quatenus diurnæ sunt, à Sole regulantur per totum annum sed in singulis mensibus ad Lunæ motum respiciunt.

Hic iam accedit mutationes validissimas esse, quæ videlicet cuique per septenos dies proprie contingunt, quamuis etiam ipsis quodam-

dammodo contrahiscantur, quas aer excitat. Quare merito inde quod semper eodem modo accidunt, in id, ut in pluribus morbis fiant, decidunt. Adhuc autem magis ipsarum ordinem perturbat accessio-
num violentia, crises prærumperere compellens, ut in sermonis processu dicemus. Ad hæc varius in ægrotos admissus error tum ab ipsis Medicis, si Medici appellandi sunt, non artis corruptores, qui hoc sæculo permulti sunt: tum nihilo minus exiis, qui laborantes peccant: quin & propter ministerum quandoque, & propter aliquid eorum, quæ extrinsecus accidunt, ut prius diximus. Igitur septimanarum circuituum virtutem mirari conuenit, si tot causis eos inter-rumpentibus multo tamen aliis fortiores inueniuntur. In acutis quidem morbis coincidentes decretorii plures sunt, quoniam & corpus mutationi accommodum est, in motu & perturbatione vehementi constitutum; in longioribus, vita & ordine magis septimanarum circuitus procedit.

Contextus hic Galeni nulla Astrologica dilucidatione indiget, ideoque ab eius expositione, quæ Medicorum est, data opera supersedebimus, ut & in plerisque sequentibus. Iam tum enim à principio nobis proposuimus ea tantum in hoc Galeni libro exponere, quæ ad Astrologiam pertinent, ne in alienam messem demisisse falcem videremur.

CAP. VIII.

Primum diem inter iudicatorios non enumerari, & quæ causa dierum coincidentium.

QUAPROPTER ab acutis denuo incipiamus omnium consequenter decernentium dierum causas inuestigantes. Iam quidem in primo febres diarias solui contingit, non tamen iam cum certamine & perturbatione effatu digna, quanquam nonnulli Hippocratem quoque dies decretorios in epidemicorum primo enumerantem, & primi meminisse putant, duplici nomine errantes. Circuitus enim primus, & non dies primus manifeste scriptus est in parium, impariumque dierum catalogo. Quemadmodum igitur in parium enumeratione primum circuitum præfatus quartum diem inducit: ita in mentione imparium, tertium. Adhuc vero magis ignorant, quod à fronte operis prognostici descriptum reliquerit de facie emortua. Quod si ob huiusmodi causas hæc faciei species orta est, vna die nocteque iudicatur, non intelligentes loco verbi, probatur & cognoscitur, dictum esse. Hos igitur nullos faciamus. Principium autem dierum, qui cum agitatione quadam acute morbos mutant, tertium à principio statuere oportet, veluti prius etiam dictum est: qui

nullam iam cum prima septimana communionem habet, sed ex co-incidentibus existit. Siquidem quaternio, quod septimana in duas partes secta absolvitur, ideoque permagnam facultatem obtinet, in priore sermone dictus est. Tertius vero & quintus, licet alia nulla ratione, quam quod iudicia cum accessionib. fiunt, coincidunt, non minus quarto die decernunt: quoniam hoc ipsum & ab experientia testimonium habet, & ratione contemplantibus non obscura eius causa est.

Nam perturbationis violentia naturam ea, quæ molestant, etiam ante tempus propulsare compellit, quippe virtus ipsa est alienorum expultrix, quemadmodum in opere de naturalibus facultatibus antea demonstratum est. Tempus autem actionis post finem alterationis facultatis est, tunc enim functionem obire omnibus secundum naturam absolutis, ostendebatur, cum illa ab actione destiterit. Verum ante perfectam coctionem interim, quæ offendunt, amoliri cogitur, ut interdum concoctione iam absoluta, moratur adhuc, & lente propter imbecillitatem munus subit. Vtrumque autem in ventriculo clare licet contemplari: instigatus enim concoctionis tempus non expectat, sed protinus etiam idoneum cum eo, quod molestat, excernit & ubi iam satis concoxerit, interdum lente ac cunctanter superfluum, imbecillitatis vitio expellit. At, cum naturali habitu fruitur, perfectæ concoctionis tempus, ipsius recrementorum expulsio nis terminus est, quem neque prævertit, neq; præsentem adhuc moratur. Cæterum ut in ventriculo, sic in singulis totius corporis partibus alienorum expultrix facultas esse ostendebatur, quæ meo sane iudicio & crism in morbis efficit: atque propterea optime fiunt crises, cum iam omnia in animantis corpore concocta fuerint. Prævenire autem crism, quod Hippocrates προειρηγνῶσθαι, quasi dicas prærumperere appellare consuevit, malum est: nam idonea simul cum iis, quæ lædunt, excernuntur: sitq; hoc natura incitata vel ab exteriori quodam, vel ab iis quæ in ipso corpore detinentur. extrinsecus igitur est Medicus, qui parum recte quippiam fecerit, æger, famuli, atque alia, quæ proprie exteriora nominantur: in ipso autem corpore sunt morbi ipsi, eorumque causæ & accessiones. Considera iam mihi tale quid in natura accidisse, quod hominibus infirmis contingit, qui à fortioribus quibusdam intempestive ad congressum irritati, imparati, pugnando superantur. Quinetiam onus deponere quis volens, interim vel inuitus cum eo concidit. Item vehementius quis currens, deinde seipsum retinere nequiens, inuitus in conuallem delatus est. Omnia hæc exempla sunt malorum iudiciorum, de quibus in opere de crisi-

bus copiosius dicturi sumus. Sed nunc quoque necessarium dicetur, cum instituerim, quidnam verbo *προσέχρηται* Hippocrates sibi velit interpretari. Etenim fieri non potest, ut qui de diebus decretoriis quippiam referre aggressus sit, nihil de crisi etiam dicat, vel qui de crisi doceat, non etiam de diebus decretoriis verba faciat. Verum sermo ad propositam institutionem semper reuocandus est, & tantam adhaerentium mentionem facere oportet, quanta necessaria esse videtur. Vnum iam ex illis quæ naturam stimulant, & veluti provocant, accessio est, nullam quietem, nec moram concedens, verum incitans, mouensque, & veluti dixeris, pugnam indicens. Vnde acutorum morborum in diebus imparibus iudicium contingit, in his enim & accessiones sunt. Quæ igitur causa sit, ob quam in acutis morbis tertio quoque die plurimum accessiones fiant, in longis autem vel quotidie, vel quarto quoque die, non promptum est inuenire, nec in præsentia disquirere necessarium. Quod vero sic eueniunt, oculis vsurpare licet (& ad præsentia rationem ex principio habet) si enim ponamus, ut etiam apparet, secunda ab initio accessio, ad tertium diem delabatur, tertia ad quintum, quarta ad septimum, quinta ad nonum: omnes autem in impares incidunt. Cum ergo natura non conuenienti semper tempore de morbis decernat, sed concitata plerumque alias ab aliis causis, à quibus accessio in morbis acutis maxime cōtinua redditur (ostensa vero est in impares incidere) in imparibus acutorum morborum plurima iudicia fieri ratio est. Non quod dies ipsi primariam decernendi virtutem non habeant (semper enim huic animum adhibere oportet,) sed quia per accidens aliquod sic eueniat. Prædixi autem, opinor, manifesto iam hoc accidens: siquidem ratio, qua morborum iudicia frequentissime in accessionibus accidunt, hæc autem in dies impares incidunt, eadem in morbis acutis imparibus diebus crises contingunt. At si dierum numerus ipse decernendi facultatem haberet, non frequenter diebus imparibus, raro paribus, verum perpetuo imparibus, nunquam paribus, de acutis morbis iudicium fieri oporteret. Neque enim septimi vel quarti numerus, crisis author est: sed quod Luna innouante & immutante terrena, motuum quoque circuitus ad hos principes numeros venire contingat, merito in ipsis tanquam stata alterationum tempora inueniuntur. Quippe non à numeris, sed à Luna mutationes terrenis adueniunt: at cum in motu mutans consistat, tempus mutationibus necessario coniunctum est, quare etiam numerus necessario. Non igitur, quod omnis par numerus fœminam, impar masculum referat, acutorum iudicia imparibus diebus accidunt: neque e-

nim impar absolute pari fortior est, neq; si fortior, iam fœmininus imbecillior: neque, si fœmininus quidem hic, masculus autē alter sit, acutos morbos in masculis numeris iudicari, diuturnos in fœmininis, rationi consentaneum est. Omnia enim quæ de numerorum virtute nugantur, tam facile absurda esse deprehēdimus, vt mihi subinde mirari subeat Pythagoram illum tam sapientem virum numeris tantum tribuisse. Atque nunc aduersus ipsos etiam nobis nugari non vacat: nam satis est ad rem institutam terrena Lunam alterare, & in septimanis potissimum magnas parere mutationes, postin quaternionibus exiguas, ad hæc crism accessione plurimum indigere; item accessiones tertio quoq; die in morbis acutis euenire; his etenim subiectis acutos morbos in imparibus diebus magis ad iudicium tendere necessitas erit. Huius rei gratia tertius & quintus merito decernunt, non ex lunari circuitu decernendi potentiam sortiti, sed vel quod ob violentiam accessionis tertius crism quarto die futuram præuertat: vel & per quem, quod natura, dum quarto die lassæ nec incitata conquiescit, quinto ad iudicium commoueatur; nam hic vero decretorio tardius venire, tertius paulo magis anticipare conspicitur: atque ambo crism obtinuisse, quod vicini ambo vere decretorio, accessiones susceperint. Iam vero & nonus inter duos decretorios septimum & vndecimum, medius vel non factum in septimo die iudicium, vel vndecimo futurum ipse sibi vëdicat: rarius quidem septimi sæpe vndecimi crism assumit. Etenim septimi diei propria crisis, non ad nonum, modo pauci errores cōmissi sint, vnquam peruenerit: sed hoc in libris de criubus declarauimus: vndecimi vero ē contrario, cum & ex æste omnia gesta sint, & violenta noni diei accessio inuadat. Porro iudicia in huiusmodi diebus propter accessionum vehemētias incidere clarissime demonstrat, quod videlicet in diuturnis morbis non similiter eueniunt. Sicut enim accessionum vehementia, ita dierum quoque coincidentium numerus in illis exoluitur: sic rursus accessionum vehementia crism alio, quam statu, tempore fieri compellit. Quare in omnib. fere diebus peracutos morbos iudicari, videre licet, quoniā vltimus ipsorum dies decretorius est septimus, & ante hunc nō quartus modo, sed etiam tertius, quintus, & sextus aliquando decernunt. Quin & de primo, an decerneret, inter Medicos, vt dicebatur, quasi sum est. Reliquis itaq; secundus ordine decretorio indubie elapsus est: fit autem, si vis, & primus. Sed tertius, quartus, quintus, sextus, septimus omnes decernunt. Ac omnes dies post morbi principium in peracutis propter accessionum vehemētiā decernere videntur. Ergo sextus ē, & si nec inter decretorios, qui circuitu constant, nec impari

impari numero ascribatur, tamen & ipse persæpe decernit: quoniam intra peracutorum terminum cōtinetur. Vniuersi autem tales morbi, alterum duorum habent, vel synochon, id est, febrem cōtinentem (ita n. appellant, quæ à prima cōstitutione eundem tenorem sine manifesta declinatione ad crīsim vsque, vti diximus, seruat) vel febrem aliam, quæ etsi manifestas habeat declinationes & accessiones, non tamen tertio quoq; die manifestas tantum habet, verum in ipsorum dierum quoq; mediis, quemadmodum & semitertiana. Proinde prima peracutorum differentia, velut vna quædam est accessio: quam obrem nihil, quātum ad accessionem pertinet, impares paribus præstabunt, cum febris singulis diebus æqualis existat. Secunda etsi per triduum magnas habeat accessiones, & veluti principia circuituum, tamen medius ipsorum dies tantam & ipse in acutis morbis accessionem frequenter affert, vt etiam magnis aliorum quorūdam morborum accessionibus nihilo sit inferior. Cum igitur morbus velut ad septimū festinat, & secundum ipsius rationem in eodem iudicādus est: mediæ vero accessionis magnitudo naturā ad crīsim ante suum tempus venire compellit: vel extrinsecus aliquid euenit, ipsam irritās: sic crīsis sexto die prærupet. Atq; hæc tanto peior est ea, quæ septimo futura erat, quanto magis ipsam præuertit. Pessima vero crīsis secundum aliam rationem sexto die accidit, quam in opere de iudiciis plenius enarrabimus: quippe ad illud proprie pertinet bona, malāq; iudicia distinguere, hic tantū de diebus decretoriis differere statuimus. Sed quia semel de sexto die vniuersa dicere parauimus, hoc quoque adhuc summam adiungemus. Inuadunt quidam morbi secundum diem primo grauiorem habētes, quartum tertio, & totas accessiones in diebus paribus, qui lōgorum quidem morborum naturam, quemadmodum in commentariis de crīsi ostendemus, habent: iudicium tamen præuertunt, vt acuti, propter accessionis vehementiam: hi etiam secundo die interficiunt, & quarto, sed sexto plurimos. Etenim in secundo die natura quodam modo valida adhuc est, item in quarto adhuc valida magis, quam in sexto, sed nondum in certamen venire audet: at in sexto accessionis vehementia frequēter eam ad certationem prouocat. Quare alterum è duobus sustinet, vel in ea concidit, & prius quam, quæ offendunt, excreuerit, extinguitur; vel plurimum ex eis propulsat, reliquum vero adhuc non potest, verum imbecilla, & defatigata prorsus cadit, & languida iacet. Deinde, si quo modo postero tempore recreari ac refici potuerit, paulatim morbum concoquit: quod si morbi reliquæ eius robore maiores sint, tamdiu æger superuiuet, quamdiu natura adhuc sufficere potest.

potest, morietur tamen postea. Iam vero de diebus coincidentibus abunde dictum est.

Cum in præsentī capite Galenus nihil astrologicum adferat, sed tantummodo causam dierum coincidentium medicam explicet, non est quod huic immoremur. Medicorum enim interest hæc aliunde petere, cum nostri instituti sit illa, quæ ad Astrologiam in hoc Galeni libello pertinent, tantum explicare.

C A P. IX.

Cur vigesimus fortior vigesimoprimum; & quod septimana, ac cætera tempora iudicatoria integris diebus nequeant numerari.

CV R autem & vigesimus & vigesimusprimus, multo magis vigesimus decernat, explicabo. Primum, quoniam huiusmodi morbus diuturnus iam est, ipsas accessiones dies pares excipiunt; deinde quod septimana non integris septem diebus constet (veluti prius expositum est) nouit hoc quoque Hippocrates; Cum enim dixisset in opere prognostico; Hi vero ex acutissimis morbis per quattuor in viginti ex additione proueniunt; his subiungit; Verum huiusmodi supputatio per integros dies nimirum fieri non potest, quippe cum nec annus, nec menses ipsi integris diebus numerari possint. Vtigitur annus ad trecentos sexaginta quinque dies particulam diei, maiorem quarta, adiectam habet: tum mensis ad triginta dies absoluehdos vnus dimidium desiderat; sic & septimana sexta maxime diei parte, vt septem integros habeat, indiget. Quamobrem fit vt tres septimanæ non vnum, & viginti dies integros, sed minus fere tota dimidia parte vnus consequantur. Ob quod etiã numerum huiusmodi non magis viginti, quam vni & viginti diebus vicinum, vtrique parti conuenire videas. Nam cum totus Lunaris circuitus septem & viginti diebus & adhuc tertia vnus parte absoluator, ideoque septimana quælibet septem diebus minus sextante constet, tres septimanæ viginti dies, & dimidium habebunt. Quoniam igitur vigesimus exactam periodum propinquam sibi vendicat, tales iam morbi inueterascent, & accessiones paribus diebus accipiunt: quorum vero accessiones in imparibus eueniunt, horum & iudicia ad vigesimumprimum delabuntur.

Galenus cum Hippocrate tam vigesimum, quam vigesimumprimum diem, à die inuasionis morbi, decretorium constituit, licet plus virum vigesimo tribuat. Sed Archigenes prætulit vigesimumprimum, & Cornelius Celsus ac Ferrerius vigesimumprimum potius experientiæ, quam vigesimum respondere attestantur. Porro Galenus duplicem adfert rationem, cur vterque dictorum dierum possit decernere, quarum prima medica est, vt patet in textu: altera vero à motu Lunari dependet, qui non constituit hebdomadas dierum præcise septem, sed singu-

singulis hebdomadibus deficiunt horæ quattuor. Cum enim cursus Lunarum perficiatur diebus vigintiseptem & triente, seu horis 8. si hoc tempus per quattuor hebdomadas diuiserimus, fiet quælibet illarum, dierum sex & horarum 20. Quamobrem cum tres hebdomadæ complectantur dies 20. cum dimidio, fit vt vigesimus & vigesimus primus, ex mente Galeni, possint decernere. Verum enimvero cum ipse moneret hebdomadas secundum medium Lunæ motum: & conuenientius sit verum eiusdem motum respicere, non obscurum erit posse tam vigesimum, quam vigesimum primum, nec non & vigesimum secundum diem decernere. Ex omnium enim Astrologorum sententia constat, Lunam, dum mouetur velocissime, peruenire ad suum tetragonum dextrum die vigesima, sed dum mediocriter vel tarde incedit, attingere tetragonum die vigesima prima vel etiam secunda. Cæterum non solum tetragonam & diametram Lunæ cōfigurationem decet considerare, sed & cæteros Planetas omnes; tum vero maxime illum, qui morbi author est: cui si Luna vel corpore, vel maleficis radiis postmodum iungatur, siue id decretorio, ab Hippocrate & Galeno præscripto: siue alio quocunque die contigerit, tunc quidem æger male & cum periculo vitam sustentabit.

Non solum autem Lunæ circuitus, sed menstruum etiam tempus apparitionis virtutem quandam in nos possidet, vt prius docuimus: ipse etenim signiferi circuitus accommodatissimus est vnicuique rei propriis principiis: menstruale vero tempus, quo Luna conspicitur, ambientem nos aerem immutans, omnibus ex æquo hominibus communem effectum ostendit.

Vult Galenus Medicum obseruare non solum Lunæ cursum secundum signiferum, quatenus scilicet illa peruenit ad tetragonas & diametram stationem, respectu suæ epochæ, quam incipiente morbo obtinebat, verum etiam habitudinem ipsius Lunæ ad Solem, omnibus ex æquo hominibus, vt recte Galenus ait, communem; alia enim Lunæ consideratio, ab initio morbi scilicet, cuiuslibet ægroto solum propria est. Vnde non minus mutationem sentiet æger, dum Luna tetragonum cum Sole vel diametrum aspectum constituerit, quam cum eadem ad proprium suum quadratum, seu oppositum, respectu morbi inchoantis peruenit; sicque duo vel plures ægroti habebunt dies decretorios tum diuersos inter se, respectu loci radicalis Lunæ ad morbi initium, tum vero communes, quibus scilicet Luna cum Sole vel corpore, vel radiis congreditur: & hisce diebus quisque pro sui morbi natura alterationem sentiet, eo quod in configurationibus Lunæ cum Sole aer nos ambiens plerumque immutatur.

Demonstratum est autem & hoc tempus viginti & septem dies propemodum continere: ideoque septimana eius minor adhuc prius dicta merito euadet. Siue enim ad triginta tres illos, qui circa coitionem sunt dies, in quibus nihil adhuc de aere decernitur, auferre cogites: siue à viginti nouem & dimidio, reliquum tempus, quo Luna manifestum de se lumen præbet, priore modo septem & viginti dies: altero viginti sex & dimidium habebit.

Mensem illuminationis diebus 26. cum dimidio conficimus hic tum 4. cap. huius libelli recenset Galenus. Verba autem illa huius contextus [siue enim à

triginta] perperam de Grægo in Latinum sermonem conuersa esse testatur Federicus Bonauentura in annotationibus libelli Theophrasti de pluuiarum signis; & affert ipse nostro quidem iudicio longe meliorem conuersionem, quæ talis est: [Siue enim à triginta diebus auferre volueris tres illos dies circa coitum, in quibus ambiens aer sine iudicio est, &c.] Frustra igitur contendit ex hoc loco Planurius Galenum sibi ipse contradicere, prout cap. 5. retulimus, diluit enim, ac scrupulum omnem locus hic submouet potius, quam augeat, vt optime Bonauentura censuit.

Quoniam ergo mutationes corporibus nostris accidere diximus quasdam proprias, quasdam communes: proprias, quæ tanquam ad propria principia spectent: communes, quæ ad communem ambientis vsu: ad eundem modum vtrosq; Lunæ circuitus fieri contingit, & communes propriis paulo breuiores esse. Atque sciam ex septimanæ numero quippiam auferetur. Nam si propriæ communis admisceatur, sitq; paulo diuturnior, ita quoq; septimanam imminui, & veluti in medio quodam propriæ & communis consistere, necesse est. Voco autem propriam, quæ ex signiferi circuitu proficiscitur, nam is cuiq; nostrum virtutem affert: communem, ex menstruo tempore ortam, quam supra recensui nequaquam septem & viginti dierum esse. Nam si à menstrui tempore exacto, quod ad triginta dies integros vnus dimidium maxime requirere dicebatur, tres, qui circa coitum sunt, dies ademeris; reliqui videlicet viginti septem minus diei dimidio erunt. Itaq; hoc tempus non menstruale totum in septimanas diuiditur. Quare commune tempus septimanæ, quod ærera immutat, minus erit eo, quod singulis est proprium: quamquam & hoc virtutem habere dicebatur, ideoque non nihil ex alterius septimanæ tempore confringere: vt medium vtriusque, quod velut mistum ex eis, plus sexta parte septimanæ demat. Ac exactam quidem, vel misturam, vel ablationem Deus tantum nouit: quantum vero humana coniectura indipisci licet, præstet circuitum earum communem, medium inter vtraque collocari.

Galenus, non contentus acceptione septimanarum à motu Lunæ per Zodiacum dependentium, à quo propriæ nostrorum corporum mutationes dependent, nec etiam acceptione septimanarum, quæ à mense illuminationis colliguntur, à quo mutationes omnibus hominibus communes proueniunt, effinxit mensem alium medicinale ex duorum illorum mensium mixtione: idq; eo consilio fecit, quod videret neutram dictarum hebdomadarum cum morborum temporibus satis probe conuenire: quæ enim à motu Lunæ per Zodiacum dependet, plus iusto excrefcit, & quæ ab illuminatione, deficit. Mensis itaq; medicinalis medius est inter vtrumque, & dies 26. ac horas 22. continet, sicque ex mente Galeni dies decimusseptimus, vigesimus, & vigesimusquartus inter decretorios maxime numerantur; decimusoctauus vero, & vigesimusprimus ac secundus postponuntur.

Cum ergo apparitionis manifestæ & efficacis tempus sit dies vigesimus sextus & dimidius: signiferi vero circuitus expleant viginti septem dies cum tertia vnus parte, liquet medium ipsorum fore vigesimum sextum diem, ad hæc dimidium, ac tertium maxime ac duodecimam vnus diei partem. Siquidem vbi vtroq; tempore coniuncto dimidium acceperis, medium ipsum inuenies.

Exemplum huius Galeni contextus tale est:

Dies Horæ

27	8	Circuitus Lunæ per signiferum
26	12	Mensis apparitionis

53 20 Summa vtriusque

26 22 Dimidium seu mensis medicinalis Galeni.

Dimidium igitur aggregati, quod ex additione vtriusque mensis, tum circuitus Lunæ, tum mensis illuminationis provenit, completitur dies 26. & horas 22. estq; id, quod Galenus ait, dictum dimidium, seuensem medicinale continere dies 26. & dimidiam, ac tertiam necnon duodecimam vnus diei partem. Nam dimidium diei est horarum 12. tertia eiusdem pars horarum octo, ac duodecima deniq; pars horarum 2. quæ omnia simul iuncta constituunt horas 22.

At hoc tempus medium à viginti septem diebus duodecima maxime vnus diei parte deficit: quia si in quattuor ipsum diuidas, exactum septimanæ tempus offendens, non sexta modo vnus diei parte, sed etiam maiore indigens.

Mensis hic medicinalis Galeni deficit à diebus viginti septem, duodecima vnus diei parte, id est, horis duabus. Quemensem si in quattuor partes diuideris, tempus vnus septimæ colliges, quod à septem diebus plus sexta parte vnus diei, id est plus horis quattuor, deficit, vt paulo infra patebit.

Sumatur enim ex viginti sex diebus & dimidio, & ex vnus diei tertia & duodecima parte, pars quarta, erit sane tempus dierum sex, & dimidij & quintæ partis, & particularum minorum insuper adiectarum, quæ sunt sexagesima prima, deinde centesima vigesima, ducentesima quadragesima. Idem tempus & hoc dici possit dierum sex, & dimidij, & sextæ partis diei, & vigesima quartæ & quadragesima octauæ.

Definit adhuc Galenus eandem septimanam medicinale aliis fractionibus, aitque illam esse dierum sex, & dimidij, & quintæ partis, adiectis insuper particularibus, sexagesima, centesima, vigesima, & ducentesima quadragesima. Miror autem Galenum tanta verborum prolixitate in re parui momenti abuti, poterat enim laconice eandem septimanam definire esse dierum sex, horarum 17. & dimidiæ; cum quo numero tot superuacaneæ fractiones exacte coincidunt. Nam media pars diei est horarum 12. quinta eiusdem pars est horarum quattuor, ac minutorum 48. (diuiditur enim omnis hora astrologice in sexaginta minuta vt vulgo notum est) sexagesima vero diei pars minuta 24. continet: centesima & vigesima 12.

ducentesima deniq; & quadragesima sex. Quæ omnia in vnâ summam reducta constituunt horas 17. & dimidiam horæ partem, vt hic vides.

	H.	M.
Dimidia pars diei, hoc est horæ—————	12	0
Quinta pars diei, seu horæ—————	4	48
Sexagesima pars diei, siue—————	0	24
Centesima & vigesima pars diei seu—————	0	12
Ducentesima & quadragesima diei pars—————	0	6
	<hr/>	
Summa omnium—————	17	30

Adest autem huiusmodi tempus à septem diebus vnus diei quadrante, & si exacte computes, sexagesima parte, centesima vigesima, & ducentesima quadragesima.

Id est, ad complendam diem septimam in hebdomada medicinali desunt horæ sex cum dimidia, vt facillime patet, si subducantur horæ 17. minuta 30. ab horis 24. Cæterum horæ sex cum dimidia non efficiunt sexagesimam diei partem; & centesimam vigesimam, ac ducentesimam quadragesimam; & vt bene Manardus admonet, delendum est in Græco codice *ex*, in Latino centesimam vigesimam. Continet enim sexagesima pars diei minuta horæ 24. & ducentesima quadragesima minuta sex; quæ aggregata faciunt minuta 30. seu dimidiam horæ partem.

Quæ cum ita se habeant tres septimanæ viginti diebus, & sexta vnus diei parte comprehenduntur. Proinde si hunc in modum exacte rationem ineamus, trium septimanarum numerus paululum viginti dies excedet, atque his multo magis, quam viginti & vni erit proprius. Iam sane ostendi secundum rerum veritatem, & Hippocratis sententiam, nullam horum supputationem per dies integros fieri posse, hoc est, absolute citraque facturam, neque septimam, neque quaternionem, neque mensem, neque annum, neque alium quemuis numerum.

Cum Galenus faciat hebdomadam medicinalem dierum sex, ac horarum 17. cum dimidia, erit spatium duarum hebdomadarum dierum 13. & horarum 11. atque tres hebdomadæ constituent dies 20. horas 4. cum dimidia. Perperam igitur in textu Galeni dicitur tres septimanas continere dies 20. & sextam vnus diei partem; quibus si addideris quadragesimam octauam, errorem sustuleris.

Omnis autem Galeni disputatio de mense hoc medicinali ideo instituta est, vt vigesimum potius diem, quam vigesimum primum inter decretorios numerandum esse ostenderet; ex quo sequitur decimum septimum, qui huius indicatius est, non autem decimum octauum, qui vigesimi primi index est, corroborari. Dies autem medicinalis Galeni est horarum tantummodo 23. & minorum 4. fere, siue horarum 23. cum decima quinta horæ parte; atq; integra mensis medicinalis series talis est.

Prima hebdomada.	D. H. M.		Tertia hebdomada.	D. H. M.	
	0.	23. 4		14.	10. 4
	1.	22. 8		15.	9. 8
	2.	21. 13		16.	8. 13
	3.	20. 17		17.	7. 17
	4.	19. 21		18.	6. 21
	5.	18. 26		19.	5. 26
Secunda hebdomada.	6.	17. 30	Quarta hebdomada.	20.	4. 30
	7.	16. 34		21.	3. 34
	8.	15. 39		22.	2. 39
	9.	14. 43		23.	1. 43
	10.	13. 47		24.	0. 47
	11.	12. 51		24.	23. 51
	12.	11. 56		25.	22. 56
	13.	11. 0		26.	22. 0

Porro hunc mensem Galeni non solum Petrus Aponensis, Manardus, Cæsar Optatus, & omnis fere Medicorum schola, sed & ipsi Astrologi tanquam commentitium, portentosum, & ab omni veritate alienum reiiciunt ac contemnunt: quorum omnium rationes in medium adferre non est huius loci, ne actum agere videamur. Satis est monuisse dies decretorios à vero Lunæ motu desumendos esse, vt vt illi nonnunquam ab Hippocratis & Galeni dieb. decretorii paululū diuersi sint ac dissentiant. Sunt autem illi dies decretorii 7. 14. & 20. ac nonnunquam 21. deinde 27. vel 28. & indicatiui horū seu iudicarii sunt 4. 11. 17. vel 18. & 24. vel 25. ita vt quartus indicatiuus sit septimi, vndecimus decimiquarti, decimus septimus vigesimi, vel, vt alii volunt, decimus octauus vigesimiprimi, vigesimus quartus vel vigesimus quintus vigesimi septimi, vel vigesimioctauī; atque hi quidem dies iudicarii dicuntur decretorii minores. Cæterum primus dies decretorius ex Lunæ peragratione ad primam quadraturam colligitur, estque dies septimus vel octauus, eiusque indicatiuus est quartus, quod illo temporis spatio Luna perueniat ad medietatem sui tetragoni, seu ad gradus 45. nunc enim indicat, quæ futura sit crisis die sequente decretorio, quando scilicet quadratum suum, respectu loci, quem in primo ægritudinis aggressu obtinebat, attingit. Alter autem dies decretorius principalis erit dies decimus quartus vel decimus quintus, quo Luna, pro velocitate vel tarditate sui motus, perueniens diametrum occupat illius loci, quem primo morbi die obtinuerat; estque huius diei decretorii index dies vndecimus vel duodecimus, dum scilicet Luna medium tenet spatium inter primam quadraturam & oppositionem. Porro tertius dies decretorius erit ille, quo Luna ad secundam quadraturam accesserit, estque is vel vigesimus, vel vigesimus primus, nec nō etiam vigesimus secundus. Indicatiuus autem huius decretorii erit ille, quo Luna medium interuallum inter diametram & alteram quadratam configurationem obtinuerit. Postremo vero, quo die Luna ad suam epocham, seu principium reuerfa fuerit, & hic erit decretorius, cui index erit ille, quo eadem in medio spatio inter vltimum quadratum, & locum radicalem collocatur. Sunt itaque in vniuersum

sum octo anguli totius lunaris cursus obseruandi, quorum singuli distant ab inuicem gradibus 45. Horum autem angularum quattuor continent duas quadraturas, & oppositum loci Lunæ radicis, in quo radicali loco Luna primum angulum efformat: atque hi anguli per septenos fere dies proficiuntur: reliqui autem quattuor anguli in medietatibus singulorum quadratorum figurantur. Ceterum hanc criticorum seu decretoriorum, nec non & indicatiuorum dierum rationem elicit Cardanus, & post illum Naiboda, ex capite 12. seu contextu 63. secundi libri quadripartiti, seu de Astrorum iudiciis Claudii Ptolemæi, qui locus ex Naibodæ versione talis est:

» Tertia ratio est qua adhuc subtiliores indicationes intensio-
» obseruantur. Contemplamur autem hanc partem tum per Solis Lunæque parti-
» culares non solum interlunii & plenilunii; sed his quoque interiectas, hoc est qua-
» dratas configurationes; ubi animaduertendum est, ut plurimum depromere sese
» harum significationum mutationes ante tres, aut etiam post tres nonnunquam
» dies itineris erga solem ad æquilibrium exæquati.

Quibus verbis ex supradictorum opinione voluit Ptolemæus indicare in examinando aeris statu, & partibus mensium perpendendis obseruandas esse non solum quadratas Lunæ ad Solem radiationes, verum etiam coniunctioni, oppositioni, & quadraturis interiectas medietates, ut quæ nobis indicare soleant eas aeris mutationes, quas Luna factura est, ubi adepta fuerit inde proxime sequentem tetragonum vel oppositionem, ut fusius apud Naibodam declaratur. Cardanus autem, dum hunc locum commentatur, ait obseruandum esse Lunæ locum ad illud temporis momentum, quo quis ægrotare incipit, moxque determinandos esse octo illos angulos per continuam 45. graduum additionem ad dictum Lunæ locum; cum quibus angulis ubi planetarum aspectus comparaueris, iam tibi constabit de salute vel morte ægri, de longitudine seu breuitate morbi, nec non de eiusdem prauitate ac lenitate. Iam vero ut etiam rudioribus in hac arte satisfiat, explicandam duximus Galeni, & probatissimorum Medicorum opinionem ac sententiam de die septimo, an scilicet ille inclusive ad diem inuasionis morbi, an exclusiue numerandus sit. Ut si quispiam ægrotare cœperit die primo alicuius mensis hora meridiei, in controuersia est, sitne assumendus dies ipse septimus mensis currens, an potius dies septem absoluti, hoc est dies septimus completus à morbi initio, ut scilicet crisis futura sit transacto die septimo ad vnguem ab hora inuasionis morbi. Ait Galenus mutationes in morbis fieri per septimanas. Quæ sententia omne tollit dubium, ac expresse docet, septem dies integros ab initio morbi numerandos esse, & crism circa septimanæ finis exitum & alterius principium, non autem sub diei septimi principium subsequituram. Id quod clarissime demonstratur ex diei decimi quarti assumptione, qui duplum temporis spatium, respectu diei septimi, debet comprehendere, duas scilicet hebdomadas integras. Verum si septimum diem currentem, initio ab ipso inuasionis die factò assumeremus, decimum quartum eodem modo supputantes, tunc quidem inæqualia forent dicta spatia, ac in primo sex dies tantum, in secundo septem numerarentur. Verus itaque terminus futuræ crisis erit in exitu septem dierum à morbi inuasionem. Crises autem non sunt in instanti, sed in sensibili aliquo temporis spatio, ideoque rationi consentaneum est posse easdem nonnunquam horis aliquot ante septem dierum completorum termi-

terminum inchoari, & in diem octauum produci, idque pro varia ipsius materiei affectione. Qua ratione & septimus dies currens pro decretorio assumi potest, licet non septimi initium. Adfert de septimo die completo exemplum Cardanus libro secundo Commentariorum in Apotelesmata Ptolemæi textu 63. vbi ait Antonium de Campionibus ægrotasse primum die 10. Maii hora octaua P.M. anni 1553. deinde eundem in septima, cum nondum Luna peruenisset ad nonagesimum gradum distantie, ob motus tarditatem, sed ad Leonis initium, deterrime se habuisse. Erat autem sub morbi initium Luna in grad. 10. 8, ac die decima septima ad eandem horam octauam post Meridiem, obtinebat grad. 3. 12. 52. Verum si Galeni hebdomadam sequemur, quam dierum 6. horarum 17. 3. 0 esse vult, fuisset tunc Luna in grad. 29. 5. 8 & prope Leonis principium, idque die eadem decima septima, hora vna & dimidia post mer. Porro & in sequenti Cardani exemplo idem confirmatur, de assumendo scilicet die septimo completo. Ait enim quandam ægrotasse die 23. Martii, hora 3. post Meridiem, & eundem die septima longe deteriore usum valetudine, quod tunc Luna esset cum cauda, & vacua ab aspectu Iouis ad diametrum Veneris tenderet, idque die mensis trigesima, elapsis scilicet septem diebus à die inuasionis morbi. Sed & Federicus Chrysogonus idem aperte confirmat, qui capite nono de prognosticis ægritudinum per dies criticos, dum de mense peragratiōis verba facit, dierum 29. ait. In quo quidem mense apparent omnes periodi febris tertianæ, & quartanæ, & dies critici omnes, maxime in septima, & decima quarta completis diebus, qui maxime obseruandi sunt. Cæterum vt dubium omne de diebus hisce criticis si quod adhuc latet, ex animis omnium auferatur, dabimus nos exemplum huiusmodi:

Sit morbi alicuius initium die prima Ianuarii anni 1606. ipso meridiei momento, quo Luna possidet grad. 15. \sphericalangle Iam hunc locum pro primo angulo assumemus, ac reliquos ita (temporis etiam momenta, quibus Luna illos angulos ingreditur, obseruantes) determinabimus.

Angul.	Locus S. G. M.	Tép. P. M.	
1	\sphericalangle 15	1 0 0	Radix seu locus Lunæ ad initium
2	☾ 165	4 4 20	Semitetragonus 1. sinist. Indicatiuus 1.
3	☾ 15	7 5 5	Tetragonus sinister. Decretorius 1.
4	☾ 165	10 7 27	Semitetragonus scd's sin. Indicatiuus 2.
5	☾ 15	13 15 10	Diameter seu oppositus. Decretorius 2.
6	☾ 165	17 5 18	Semitetragonus 1. dext. Indicatiuus 3.
7	☾ 15	20 23 40	Tetragonus dexter. Decretorius 3.
8	☾ 165	24 17 34	Semitetragonus 2. dex. Indicatiuus 4.
	\sphericalangle 15	28 6 10	Reditus ad Epocham. Decretorius 4.

Contingit itaque primus indicatiuus, die quarta mensis hora 4. 2. 0. post Merid. hoc est ab inchoato morbo die quarta; & primus dies decretorius incidit in diem septimum mensis ac horas 5. minuti 5. post Meridiem, id est in diem septimam currentem ab initio morbi, non transactam. Secundus indicatiuus acci-

dit die decima labente, & decretorius secundus die decimatertia nondum absoluta. Tertius dies indicatiuus incipit post inchoatam decimam septimam à morbi initio, & tertius decretorius prope finem vigesimi diei currentis.

Postremo tandè quartus indicatiuus accidit die vigesima quarta labente ab initio ægritudinis, & quartus dies decretorius, qui est reditus Lunæ ad suum initium, contingit die vigesima octaua currente, id est post completos dies viginti septem, horas sex, ac sextam horæ partem à primo ægritudinis puncto. Sequimur autem dies naturales, horarum scilicet 24. Vade luce meridiana clarius est, hos ipsos dies parum à Galeni & Hippocratis dierum enumeratione differre, quicquid enim differentiæ est, id in secundo die tum indicatiuo tum decretorio accidit, qui secundum verum Lunæ cursum die decima & decimatertia, & ex illorum opinione die vndecima & decima quarta eueniunt. Iam vero dies hosce criticos Astronomicos cum Galeni doctrina conuenire, vel ex quinto capite libri huius sit conspicuum, dum quattuor præcipuos dies decretorios hisce verbis confirmat: [Nam si Luna in Tauro existente semen concipiatur, vel partus, vel omnino alterius cuiusdam principium contigerit (puta ægritudinis) magnas eius mutationes faciet, quando signiferum percurrans in Leone &c.] Nihil autem mirum est, Galenum non astringere Medicos, vt secundum verum Lunæ cursum quadratas Lunæ ac diametram stationem inquirant, id enim grauissimi erat oneris illis maxime temporibus, quibus nullæ coelestium motuum extabant Ephemerides, è quibus vera Lunæ ac reliquorum Planetarum loca possent excerpere: id quod nostra ætate facillimum est ob Ephemeridum copiam, quæ nisi suppeteret, paucos reperiis, qui ad deligenda Tabulis Astronomicis vera Planetarum loca sufficerent. Quamobrem & Galenus, dies criticos secundum medium Lunæ motum definiuit, eadem ratione, qua vulgus & imperitiores nonnulli ab æactis proximi nouilunii diem persæpe (licet non raro aberrant) solent definire: quos Medicorum nonnulli Astrologiæ ignari imitati, dies criticos vel maturiores vel tardiores incertis rationibus ascribunt, nunc copiam materiæ peccantis, nunc errorem ægro, vel famulorum egro seruietium incusantes: qui si Astrologiæ principia primis labris attigissent: proculdubio tarditatem illam seu velocitatem, ad tardio rem vel maturiorem Lunæ decursum referrent.

Cæterum non est prætermittendum esse permultos Astrologos, qui non contenti figura octangulari, aliam sexdecim angulorum ad initium morbi constituent, permotia auctoritate Auctoris centiloquii, qui aphorismo 60. ita scriptum reliquit: Super ægrotis criticos dies inspicere, ac Lunæ peragrationem in angulis figuræ sexdecim; vbi enim eos angulos bene affectos inueneris, bene erit languens, contra male si afflictos inueneris. Supputato itaq; Lunæ loco ad ægritudinis initium, addunt eidem decies sexies grad. 22. cum dimidio, & sic angulos sexdecim constituunt, in quibus sane octo illi, quos supra memorauimus, continentur. Sed hæc sexdecagona Zodiaci partitio, quamuis à nonnullis grauissimis viris, vt à Pontano, Lucio Bellantio, Trapezuntio, Nipho Ferrerio, aliisque recipiatur, Federicus tamen Chrysogonus contra eandem capite septimo libelli de Prognosticis ægritudinum disertissime disputat; ac Thomas Boderius in libello suo de ratione dierum criticorum eandem refellit, aitque se, licet frequentissime horum sexdecim angulorum vires pertentauerit, nunquam tamen illos virtutem decernendi habere inuenisse. Sed neque semitetragonæ radiationes Federico Chrysogono proban-

probantur, quatum vice, vna cum Boderio hexagonos & trigonos Lunæ radios magni æstimat. Lucas Gauricus autem longe diuersam à reliquis omnibus opinionem de sexdecagona hac figura recenset, & aphorismum supradictum multo aliter explicat, & sexdecim illos angulos ita tuetur. Primum constituit esse locum illum signiferi, in quo Luna hora decubitus inuenitur; Secundum quando Luna ad proprium quadratum peruenerit; tertium quado oppositum, quatum quando alterum tetragonum obtinuerit, eruntque nunc quattuor anguli efformati: totidem deinde recenset, quando Luna ad Solis coniunctionem, quadratum sinistrum, diametrum, & tetragonum dextrum accefferit, & hac ratione octo angulos stabiliiuit: reliquos autem octo efformat, cum Luna ad synodicos congressus, & singulos maleficarum stellarum Saturni scilicet ac Martis hostiles radios peruenerit. Atque hæc Gaurici sententia, licet à mente auctoris centiloqui fortasse sit aliena, non est tamen aspernenda; neq; enim solum cum Galeni, sed etiam cum omnium fere Astrologorum dogmatibus consentit. Et licet prædicti auctores videantur inter se discrepare, in præcipuis tamen angulis omnes consentiunt, è quibus primarii dies decretorii colliguntur; tetragonæ enim & oppositæ Lunæ radiationes fortes motus & veras crises efficiunt, septima, decima-quarta, & vigesima prima die circiter.

CAP. X.

Quibus & qua de causa tertium hunc de diebus indicatoriis librum Galenus composuerit.

QVI iam disputationis huius subtilitati succenset, ac difficilem eam existimat, hunc nemo ipsam addiscere cogit, verum primus huius operis liber ei sufficit. Quod si non laboris fugitantiore sit, secundum quoque adiciat, à tertio autem abstineat. Nos siquidem hæc paucis plane, iisque inuitos, scripsisse affirmamus. Vos ô Dii immortales nouistis; vos in testimonium voco, hæc me amicorum quorundam precibus vehementer adactum scriptis mandasse.

Ecce tibi vsque à Galeni temporibus Medicorum de Astrologia peruersa opinio, timet enim Galenus, ne sibi vitio vertatur, quod librum hunc astrologicum conscripserit, ideoque se amicorum precibus adactum & inuitum hæc se scripsisse affirmat. Verum si rem ipsam penitus introspeciamus, non video cur Medico à zolis istis sit metuendum, eo quod illa, quæ per experientiam & practicam, vt dicunt, vera esse cognouit (vt sunt hi dies critici) per theoreticam etiam addiscere, causasque illarum rerum cœlestes inquirere gestiat. Quin imo & Galenus ipse supra affirmat, se Lunæ aliorumque Planetarum vires in hæc inferiora cognouisse. Neque dubitandum est, fuisse etiam Galeni ætate nonnullos, maxime Egyptios, qui de medicina Astrologica ex professo conscripserint, vt fortasse Hermes, aut Mercurius Trismegistus de infirmorum decubitu: quem antiquissimum auctorem Stadias & Ioannes Boderius in latinam linguam conuerterunt. Sic etiam liber ille, qui sub Hippocratis nomine circumfertur, de statu ægrorum secundum motum & dispositionem Lunæ: necnon & alter, qui inter Galeni spurios est, de infirmorum decubitu, si non sunt dictorum virorum, at certe antiquissimorum virorum esse conuenit.

CAP. XL

Auersus eos, qui nugantur de numerorum dignitate.

NAM stulti nimirum essemus, si huiusmodi sermonem vulgo conuenire arbitremur; quoniam illi vnionem, matris expertem, dualitatem numerum inaudire suauius est, & alia ratione vnitatem formam esse, dualitatem materiam infinitam: deinde trinitatem absolutam harmoniam, vel perfectum numerum, & primum, aut solidum, aut planum. Quicquid enim in mentem ipsis venit, dicunt, alii aliud, & Mineruam aliquem numerum appellant, alterum Dianam, alium Apollinem. Quemadmodum igitur hoc non ignoramus, ita dicere dedignamur, cum nullam demonstrationem scientificam huiusmodi placitis adducere queamus. Et amicis frequenter ipsa re ostendimus, huiusmodi frigidis sermonibus vtenti, siue quemuis numerum laudare, siue reprehendere voluerit, procliuē esse. Nam periculum est, ne eo stupiditatis veniant, qui huiusmodi nugantur, vt cum vel de septimana, vel de alio quouis dixerint, non contenti solis huiusmodi ineptiis, addant Pleiadas septem & vtramque Vrsam *ἑπτὰ στέρες*, id est septistellam: etenim sic nominant, immo & Thebarum *ἑπτὰ πύλον*, quasi dicas septiportarum meminerunt. At quid ad rem propositam spectat, si Pleiades septem sint; Dionem laterali morbo laborantem septimo die de morbo iudicium sustinuisse? etenim alias nono, alias decimo die crīsim habuit. Quid autem similitudinis est, si septem Nili sint ostia, Theonem pulmonis vitio ægrotantem septimo die iudicatum fuisse? nam aliquando quarto, interdum quinto, morbi iudicium accepit. Verum, vt in aliis omnibus duplex vitii cuiusque ac prauitatis natura est, excessus & defectus: ita hic quoque nonnulli eos, qui veritatem de septimana dicere conantur, prorsus auersantur, quippe qui sermonem quemlibet summo odio prosequuntur: nonnulli in tantam nugacitatem incidunt, vt etiam ea, quæ ad rem nihil pertinent, commemorent: vtrique Vrsæ, inquit, septem stellæ sunt; primum sane verum non est, sed hoc extremam eorum inscitiam coarguit. Esto iam verum, sed neque Bootes, neque qui ipsas Vrsas transiit Draco, septem stellas obtinet. Pari modo nec Corona, nec Ophiuchus, nec Cancer, vel Leo, nec omnino vllum ex duodecim signis, in quibus Planetæ feruntur. Et si illa terrena exornare, atque etiam disponere non Astronomis modo, sed etiam Philosophis clarissimis in confesso habetur. Quamobrem nec recipiendi sunt nugatores, nec cogendi, qui huiusmodi speculationem semper refugiant.

Etiā-

Etiamsi Galenus vires nullas inesse numeris acerrime & oblitinaciter attuleret, sunt nihilominus hac nostra tempestate complures, qui numeris non postremas vires tribuunt: quorum coryphæus est Augerius Ferrerius, qui existimat Hippocratem dies suos criticos in numerorum doctrina Pythagorica fundasse: unde in opusculo suo de diebus decretoriis ita scriptum reliquit: Quapropter cum Glenus numerorum vim deridet, se ipsum & Hippocratem deridere videtur; & alibi. Ego vero quantum per experientiam cognoscere potui, deprehendi morbos esse aliquos, qui dies criticos ex arithmetica Pythagoricaque ordinatione imitentur; alios qui Lunæ motum sequantur. Vides ergo quantum tribuat numeris Ferrerius, qui cum satis apte, non autem superfluo, ut alii nonnulli, de hac materia scripserit, non est quod diutius hisce immoremur; & qui hanc numerorum rationem curiosius inquirere volent, dictum Ferrerii libellum de diebus decretoriis adeant; qui licet probabilius argumentis demonstret dies nonnullos criticos rationem numerorum Pythagoricam sequi, sum tamen ego istius opinionis, dies potius intercidentes (ut Medici dies illos intermedios solent appellare) hanc numerorum rationem imitari, quam dies decretorios & iudiciarios.


CAP. XII.

Quæ hætenus monstrata sunt, & cur quaterniones aliqui cæteris necessario iungantur, aliqui separentur.

AME itaque veritatem ipsam, quantum homini licet, inuentam esse puto: quam quidem & Hippocrates prius cognouerat, sicut & præscriptis verbis indicauit: vulgare autem Medicorum genus præ segnitie ea subticuit. Enimuero nec aliud quippiam ab Hippocrate frustra scriptum inuenio, nec illud, quod vlla horum computatio totis diebus fieri nequit. Atque principium non Astronomicis tantum, vel naturalibus Philosophis, sed agricolis quoque, & nautis, hominibusque omnibus receptum assumi, Lunam videlicet terrestrem plagam, veluti hyparchum quendam magni Regis Solis, gubernare. Huiusce circuitus dies decretorios sequi monstrauimus: ad hæc coincidentium dierum causas indicauimus: item, cur tres septimanas ad vigesimum, non ad vigesimum primum potius Hippocrates voluerit deducere. Cæterum his demonstratis nullum adhuc negotium est inuenire, quare primam septimanam à secunda separet, hanc autem tertiæ coniungat. Neque enim secundam primæ, crisi ad quartumdecimum diem perueniente, coniungere ratio postulabat, neque tertiā à secunda remouere; cum vigesimus magis, quam vigesimus primus iudicia excipiat. Quoniam vero inter septimanas ipsas duæ quidem primæ separantur, tertia vero copulatur, perspicuum est quaterniones quoque nonnullos necessario coniungi, alios separari. Itaque secundus quaternio & primus coniungentur, quod vnus septimanz primæ bifariam di-

uisæ particula vterque sit: tertius à secundo disiungetur, quoniam & septimana secunda à priore separata est. Tertius autem quarto copulabitur, quoniam secundæ septimanæ vterque particula est. Hic itaque rursus quartus propter tertiam septimanam secundæ coniunctam, quinto copulabitur: Adiungetur etiam sextus quaternio quinto, in decimoseptimo die, tanquam tertiæ septimanæ pars vterque existens.

Repetit Galenus nunc ea, quæ in superioribus capitibus dixerat, Lunam scilicet tanquam Solis vicariam, terrestrem hunc mundum gubernare, eiusque circuitum dies Decretorios sequi, quod hi secundum septimanas procedant, licet ipsæ septimanæ integros dies septem non complectantur, quemadmodum supra in 9. cap. demonstratum est, vbi septimanam de mente Galeni definiuimus esse dierum 6. horarum $17\frac{1}{2}$. quo fit vt ipsæ septimanæ non sint omnino distinctæ sed implicatæ. Enimvero licet prima septimana separetur à secunda, cum non deficiat ab integris diebus septem nisi horis $6\frac{1}{2}$. attamen secunda non potest esse distincta à tertia: quia cum desinat ipsa secunda post dies 13. & horas 11. dies illa decima quarta, in quam desinit, cum non sit absoluta, euadit simul principium tertiæ hebdomadæ. Qua autem ratione id à Galeno acceptum fuerit, explicauimus capite superiore. Præterea eodem modo in quaternionibus, hoc est in diebus indicatiuis, qui secundum numerum quaternarium proficiscuntur, idem obseruatur à Galeno, vt scilicet naturam sequantur ipsarum hebdomadarum quas secant; quod melius ex subiecta figura cognoscet, quam longa verborum copia, vbi series quattuor hebdomadarum, & octo quaternionum in mense Galenico conspicies.



Contra hanc hebdomadarum Galenicarum & quaternionum rationem disputat Federicus Chrylogonus capite quinto de Prognosticis ægritudinum per dies criticos: quem qui volet adeat.

CAP. XIII.

Quis proprie acutus morbus, quis tardus, quis breuis, quis longi temporis dicatur.

QVAPROPTER. ad bonam victus rationem instituendam vtilissimum est iudicii tempus præcognoscere: num vero acutum, vel diuturnum, vel alio modo, morbum nominare conueniat, qui vi-

gefi-

gesimo die, verbi gratia, iudicandus est, id nihil ægro præsidii affert: potest enim quispiam ne locutus quidem, immo qui nec prorsus cogitauerit, qui nam ipse vocandus sit, probum victus modum ægro instituere, modo nihil ex aliis præterierit, quæ huc conferre videntur.

Iam sane veritatem simul & vtilitatem exposui, sophisticarum autem nugarum finis iam esto, post hæc ostendentibus nobis hoc in loco, quantum plerique Medici ea, quæ conueniant, ignorent. Putant enim acutum vocari morbum, qui celeriter iudicatur: contrarium huius diuturnum. At veritas non ita habet. Est siquidem morbus quidam breui tempore durans (Græci brachychronion appellant) non tamen omnino acutus. Huic contrarius est morbus diuturnus, vel multo tempore durans (Græce chronios vel polychronios, vel quomodocunque aliter quis vocare ipsum malit) acuto alia morbi natura nullum proprium nomen sortita, opposita est: idque merito euenit: nam acuti morbi (qui vt Archigenes quidem describebat, cum velocitate est periculosus: vt Hippocrates autem, cum febre continua euenit) accidens necessario erit, vt celeriter iudicetur. Etenim ex motus specie acutus nuncupatur. Quiescere autem celeriter ipsi est necesse, vt qui ad proprium finem properet: nam idem est celeriter moueri, ac ad terminum confluere. Erit iam omnino brachychronius, alia tamen atque alia ratione, & acutus & brachychronius dicetur: nam propter motus celeritatem acutus: quod vero diu morari is, qui celeriter mouetur, non potest, brachychronius appellabitur. At ei natura alia morbi coniuncta est: multæ siquidem febres diariæ ex frigore quodam vel adustione partium exteriorum, vel labore breui, vel vigilia, vel tristitia, vel ebrietate, vel ira, vel id genus similibus proueniunt, paruæ simul, & breues, & periculis prorsus vacuæ: atque nemo has, vel idiota, vel Medicus acutum morbum vocare consuevit. Itaque acutus à brachychronio morbo clare in his ipsis distinctus est: tardus autem cum polychronio, seu longo confusus est, quanquam non eandem notionem obtinet: siquidem acutus tardo, oligochronios, id est, exigui temporis, polychronio oppositus est. Omnis ergo acutus plane exigui temporis morbus est, & omnis diuturnus necessario tardus: non tamen, si brevis temporis, acutus statim est: neque si tardus, longi temporis. Proinde ex tali immutatione non admodum manifesta compluribus Medicis, non appellationes tantum, sed rerum quoque ipsarum dignotiones, confusa fuerunt.

Totum hoc caput postremum Galeni Medicum est, & à nostro instituto alienum, quippe qui ab initio huiusce commentarii diximus nos ea tantum explicaturos, quæ ad rem nostram, hoc est, Astrologiam facerent: vt aliqua ratione Medicis in illa parum versatis subueniremus; quos nunc precamur ne sinistre interpretentur, quicquid à nobis hucusq; dictum est: & si per otium licet, euoluant etiam tractatum subsequenter ipsi præcipue scriptum; cuius præcepta si deinceps in arte Medica exercenda obseruarint, maiori certe cum gloria ac languentium comodo medicinam administrabunt.





IO. ANTONII MAGI- NI PATAVINI MATHE- MATICARVM IN ALMO BONO- NIENSI GYMNASIO PROFESSORIS,

DE

Legitimo Astrologia in Medicina vsu; liber Vnus.

PRÆFATIO.

Neq̃uam præcepta de Astrologia in Medicina vsu explicemus, necessarium nobis visum est, vt summatim prius ostendamus, quibus Astrologia partibus Medicus in primis indigeat. Primum itaque temperaturam nati, cuius ipse Medicus curam gerit, debet inuestigare; quam licet à posteriori, ex præceptis Medicis facile queat cognoscere, tutius tamen fecerit, si coniecturis Medicis ac Physicis adiunxerit etiam causas cælestes à genitura nati dependentes. Deinde conducit vt à cælesti Planetarum constitutione ab initio nascendi cognoscat, quibus morbis ac malis à natura natus subiiciatur. Tertio conuenit, vt animaduertat prorogatores vitæ, qui tunc cum in hanc lucem emergit, dominium susceperunt, & an robusti sint ac fortes, an vero debiles, ac quousque possint vitam Astrologicis coniecturis producere siue sustentare, necnon etiam quibus temporibus seu annis nati impingant in loca anaretica, seu infausta, & quæ mala vel agritudines illis temporibus sint allaturi. Quarto momentum temporis, quo aliquis in aduersam valetudinem incidit, à Medico diligenter obseruandum est, ex quo non solum causam agritudinis ac eiusdem essentiam (si figuram cælestem ad dictum momentum constituerit) ediscet, verumetiam de longitudine vel breuitate morbi, ac de termino eiusdem vel ad mortem vel ad salutem certior fiet. Quinto diligens cura adhibenda est, vt dies criticos Medicus cognoscat, sic enim statim à morbi initio de diebus vel infaustis, vel salutiferis iudicium ferre poterit. Sexto & ultimo dies ad exhibenda pharmaca magis idonei seligendi sunt, ne tempore incongruo & agro aduersanti agritudinem potius promoueat, quam subleuet. Porro infinitas aliorum, qui hanc Astrologia partem tractauerunt, ineptias

ptias ac superstitiones hic missas facimus: quorum omnium errores persequi ta-
 diosum foret, nobis suffecerit ea tantum adferre, quibus Medicus necessario in-
 diget, & quacum ratione naturali congruunt. Neque est quod sinistre aliquis
 interpretetur, arbitrari me necessarium esse, ut Medicus genituram nati, vel
 agri sua cura commissi inspiciat & examinet: id enim reliqui omnes, tum Me-
 dici, tum Astrologi, qui hac de re egerunt, faciendum esse censuerunt; necnon
 & Galenus capit. 6.3. lib. de diebus decretoriis (quem nos Commentario Astro-
 logico illustrauimus) innuit, ut genitura ratio habeatur. Vnde non est, quod
 Medicorum aliqui cauillentur, Astrologiam à Sacrosancta Ecclesia condemna-
 ri: ideoque boni Christiani officium esse eandem non solum appernari, sed can-
 peius & angue fugere. Nam licet merito & sanctissime à Sancta Matre Ecclesia
 prognosticationes & iudicia natiuitatum circa actiones humanas, quæ à volun-
 tate nostra, & libero arbitrio dependent, condemnentur; nequaquam tamen
 illa hanc Astrologia partem, quæ ad sanitatem humani corporis facit, Medico
 interdixit. Interesse autem Medicorum, ut temperamentum nati cognoscant,
 ut tempus agritudinis successura prouideant, ut quibus maxime malis natus
 expositus sit, addiscant, nemo est qui nesciat. Nisi enim illa diligenter inuesti-
 garent, non possent temperamentum nati ita accommodare, ut agritudini ven-
 tura ferendo esset, nemo enim sane mentis negauerit, posse contrariis medica-
 mentis naturam hominis ita disponi, ut morbum superuenientem facilius ferat.
 Taceant igitur, qui non veritatis, sed calumniandi causa in hanc scientiam pro-
 fano ore debacchantur, & Medici ad studium hoc, à quo maxima gloria
 ipsorum pars dependet, alacriori impofterum animo
 accedant.





INDEX
CAPITVM LIBELLI
DE LEGITIMO ASTROLO-
GIÆ IN MEDICINA VSV.

CAP. I.

De temperamento corporis ex constitutione Planetarum in genesi nati cognoscendo.
Pag. 66.

- 2 De vitis & morbis corpori in genere. 68.
- 3 De cecitate & visus debilitate. 70.
- 4 De sterilitate & genitalium vitis. 71.
- 5 De vitiligine, lepra, impetigine, aliisque leuioribus vitis. 72.
- 6 De morbis in specie. 73.
- 7 De vita prorogatoribus, & locis prorogatoris. 75.
- 8 De locis, qui vita prorogatoribus occurrunt, & anareta, seu vita abscissores appellantur. 77.
- 9 De distinctione malorum occursum, qui vita prorogatoribus contingunt. 80.
- 10 De colligendo tempore agritudinum vel mortis ex directionibus insausis. 82.
- 11 De reuolutionibus annuis recte hoc saculo instituendū. 83.
- 12 De qualitate & effectibus reuolutionum annuarum quoad vitam nati, ac valetudinem. 84.
- 13 De conicienda qualitate agritudinis, vel mortis ex mala directione. 87.
- 14 De momento temporis, quo quis primum decubuit, diligenter obseruando. 89.
- 15 De essentia seu natura agritudinis ex figura ad initium morbi erecta cognoscenda. 92.
- 16 De quatuor anni temporibus a Sole per Zodiacum discurrente factis, ac de quatuor diei quadrantibus, qui totidem anni temporibus assimilantur. 95.
- 17 Criticos dies penes verum Luna motum determinare, in morbis praesertim acutis, qui Luna motum sequuntur, & ex consequenti dies malos ac bonos pro aegroto enunciare. 98.
- 18 In chronicis, & diuturnis morbis Solis motum praecipue vel alterius Planeta morbum facientis obseruari. 102.
- 19 An futurus sit morbus diuturnus, vel brevis. 104.
- 20 De magnitudine & malignitate agritudinis, seu morbi in genere, & an sit curabilis & ad salutem terminans, an vero incurabilis & ad mortem aegrum conducentis. 105.
- 21 Aphorismi particulares seu indicationes Astrologicae de decubitu lethali respectu locorum gentium, & annuae reuolutionis. 108.

- 22 Aphorismi particulares, seu indicationes Astrologicae de decubitu lethali ex sola figura
ad morbi initium constructa præarumpentes. 110.
- 23 Particulares aphorismi seu indicationes salutis. 112.
- 24 De tempore salutis vel mortis particulariter indagando. 113.
- 25 De electionibus in medicina & cura ægrotantium faciendis; & primo de confortandis,
& coadiuvandis virtutibus corporis per influxum debitum. 114.
- 26 De electione temporis ex astris, quo pharmaca, quibus humores superflui & damnosi
in corporibus humanis expelluntur, exhiberi consule possunt. 116.
- 27 De eligendo tempore maxime ad phlebotomiam, seu vena sectionem ex astrorum positu,
accommodato. 118.
- 28 De curatione particularium morborum secundum astra, ut facilius, & citius quoad fie-
ri potest, cura efficiatur. 120.

CAPVT I.

De temperamento corporis ex constitutione Planetarum in genesi nati
cognoscendo.

COMPLEXIO, seu temperamentum hominis est cognita mixtura quatuor
primorum & naturalium humorum nostri corporis, sanguinis scilicet, pi-
tuitæ, atræ bilis, seu melancholicæ, & flauæ bilis, seu cholæræ, secundum tamen
harmoniam specificam, ut unus ipsorum humorum cæteris secundum magis, vel
minus prædominetur. Quod sane hominis temperamentum, ut est in singulis
diuersum, propter multiplicem ac variabilem astrorum positum, ita in vnoquo-
que aliis etiam de causis, quæ sunt parentum varia affectio, educatio, victus ratio,
& loci, ubi natus degit, natura, potest aliquam variationem suscipere. Verum no-
stri erit instituti cœlestes tantum causas persequi; quæ in re Ptolemei ac probatissi-
morum Astrologorum vestigia insequemur.

Primum itaque pro diiudicanda nati temperatura duo Zodiaci loca in genesi
eiusdem præcipue sunt obseruanda, horoscopus scilicet seu gradus ascendens, &
locus Lunæ; sed primas signo horoscopanti merito concedimus, ea tamen lege,
ut non solum illam Zodiaci partem, quæ in linea Horizontali ortiva tempore ge-
niture emergit, sed totum illud spatium, quod inter Horizontem ipsum, & se-
cundæ domus cuspidem est, sollicite examinemus, plus semper virium partibus
horoscopi vicinioribus, quam remotioribus tribuentes. Tum vero & disposito-
res dictorum duorum locorum, qui sunt horoscopi & loci Lunæ domini, sunt
attendendi. Ac denique tum Planetarum, tum etiam stellarum fixarum habitu-
do ad dicta loca & ad ipsos dispositores est perpendenda, ut scilicet præ reliquis
obseruemus illos maxime Planetas, qui horoscopo adsunt per præsentiam; hi ce-
nim cæteris sunt valentiores, potentioresque in huiusce rei significatione; & sic
etiam eos qui Lunæ corpore coniunguntur; tum vero & illos qui cum horosco-
po tum Lunæ radio aliquo copulantur. Sed & stellæ fixæ, quæ cum dictis locis
sub eodem circulo positionis cooriantur, sunt examinandæ, nec qualitas tum
quadrantis Lunarum ad Solem, tum quadrantis annui, in quo scilicet Sol versa-
tur, est prætereunda. Sol namque in quadrante Verno caliditatem ac humidi-
tatem, in Æstiuo caliditatem & siccitatem, in Autumnali frigiditatem & siccita-
tem, in Hyemali denique frigiditatem & humiditatem conferre solet. Ex his
enim

enim omnibus summa cum diligentia accurateque discussis, qualitates, in temperatura nati prædominantes, facillime colligemus. Et si contigerit, vnum aliquem Planetam plura præ ceteris obtinere suffragia, ille profecto plus est reliquis in hac qualitarum significatione poterit, ideoque augenda semper ac multiplicanda sunt eiusdæ testimonia, perinde ac si duo vel plures essent Planetæ eiusdem nature. Porro malefici Planetæ dictis locis, vel consentientes vel prædominantes, tum corpore, tum nocivis radiis, noxias etiam qualitates, & distemperiem (quod illorum est ingenium) in complexione nati solent excitare. Simples autem singulorum Planetarum significationes in hac materia, ex Ptolemæi doctrina, sunt huiusmodi.

Saturnus Orientalis, vel fixa de eius natura, humidiores & frigidiores dat temperaturam; Occidentalis vero humidiores.

Iupiter vel Venus Orientalis, vel fixa eiusdem nature crassam magis ad calorem & humorem declinantem adfert; Occidentalis vero humidiores.

Mars Orientalis, vel fixa Martia calidiores & sicciores temperaturam facit, sed Occidentalis sicciores.

Mercurius Orientalis vel fixa ipsius nature tribuit complexionem magis ad calidam accedentem, & Occidentalis sicciores.

Jam si aliquis horum Planetarum Lunæ configurabitur, faciet illa generaliter temperaturam viscidiores & robustiores; si Soli, caliditatem & siccitatem pro sua natura ille tribuit, licet aliter operetur respectu quadrantis, quem in Zodiaco tenet, Luna autem peculiare donat qualitates pro situ suo erga Solem: nam in prima quadratura à coniunctione frigidum, & humidum temperamentum efficit, in secunda calidum & humidum, in tertia calidum & siccum, in quarta vero seu ultima frigidum & siccum. Correspondent enim hi quattuor Lunæ quadrantes, totidem anni quadrantibus, pro ut diximus in Commentariis capitulis quinti libri tertii de diebus Decretoriis Galeni, id quod à Ptolemæi doctrina non differt.

Sed & Planetarum qualitates plurimum à signis, in quibus hæreat, alterantur; ut, si verbigitæ Planeta calidus signum similiter calidum obtinuerit, qualitas illius ad calidum magis cooperabitur, si frigidum calore eiusdem plurimum remittet, aduersante signi facultate nature ipsius Planetæ. Naturam autem signi à trigonorum ingenio proficiscentem potius, quam ab anni quadrantibus comprobo; signi enim natura, pro situ eiusdem in anni quadrante tunc consideranda est, cum Sol in eodem repertus fuerit. Quamobrem ex communi Astrologorum opinione Aries, Leo & Sagittarius, quæ trigonum igneum constituent, calida erunt & sicca: Taurus, Virgo & Capricornus, terrei trigoni signa, frigida erunt & sicca: Gemini, Libra, & Aquarius signa aerea, calida erunt & humida: Cancer denique Scorpius & Pisces, signa aquea frigida erunt & humida.

Sint itaque ex accurata contemperatione tot concurrentium simplicium testimoniorum eligendæ duæ illæ qualitates, tanquam per excrecentes seu prævalentes numeros, quæ temperaturam nati propriam indicent, & in temperamento nati prædominium habeant. Cæterum dictis qualitatibus respondent crasses ipsæ hac ratione: calido & humido responderet sanguinea, calido & sicco cholericæ, frigido & humido phlegmaticæ, & denique frigido & sicco melancholicæ. Pru-

dentis itaque & circumspēcti Medici partes erunt coniecturis hisce Astrologicis Physicas etiam indicationes adiungere, sic enim tutius complexionem ipsam nati cuiuscunque indagabit. Summa autem in contemperandis tot tamque diuersis qualitatibus, industria & iudicantis sagacitate opus est, eo quod huiusmodi rerum adeo multipliciter sese variantium, exquisitiones vix capiat humanum ingenium.

CAP. II.

De vitis & morbi corporis in genere.

PTOLEMÆVS erudite sane hanc materiam pertractat cap. 13. Tertij Apotelesmatici, cuius vestigiis & nos insistemus.

Primo itaque distinguenda sunt vitia à morbis, & vitia seu læsiones sunt sensui patentes notæ, formam corporis deturpantes, quæ semel tantum, dum scilicet ab initio infliguntur, dolorem adferunt, suntque postmodum inseparabiles: vt cæcitas, surditas, gibbositas, aliaque huiusmodi. Morbi autem dicuntur, qui, dum adsunt, vel continuos vel reciprocos dolores infligunt, & natura sua sunt separabiles: & reciproci quidem illi appellantur, qui definitis temporibus recurrunt, vt sunt asthma, comitialis, podagra, aliaque huius generis: alij vero morbi, qui non habent definita accessionum aut recessionum tempora, continui nominantur, & sunt febres, morbi laterales, angina & similes. Pro diiudicandis autem vitis & morbis corporis, considerat Ptolemæus in genere duos Horizontis cardines, alterum Orientis, qui est prima domus, alterum Occidentis, qui est domus septima, quibus adiungit domum sextam ascendentem in conjunctionem, dicta enim Cœli loca corporis affectionum sunt susceptiua, quæ si à maleficis, vel ab altero saltem eorum, seu corpore, (quod nocendi vim habet maximam) seu radiis noxiis, oppositis vel tetragonis infecta fuerint, vitia & morbos corporis nato infligunt; eruntque hi effectus euidentiores, si luminaria vel ambo, vel vnum saltem in dictis locis reperiatur, à maleficis modo supradicto infectatum: neque magni interest, vitrum malefica stella luminari coniuncta, ipsum vel præcedat, vel subsequatur, dummodo illa sit in cardine vel sexta domo; magis tamen obest succedens Planeta quam antecedens. Iam vero qualitatem futurarum affectionum indicabit natura, tum ipsorum luminarium damnatorum, tum vero maleficorum damnantium, necnon & his configuratorum Planetarum (Planeta enim species & causas symptomatum aperiunt) & signorum in Horizonte utroque afflictorum. Ex his enim omnibus eruemus locum in corpore humano decretam impressionem suscepturum; sicque cognoscemus, si ne pars illa corporis aut læsionum, aut morborum, aut denique vtriusque generis calamitatum capax. Vbi & hoc animaduertendum, maleficis orientales læsiones, occidentales morbos solere infligere; potentiores enim sunt dum orientales à Sole sunt, hoc est, dum ante Solem oriuntur, debiliores vero seu minus potentes, dum ab eodem sunt occidentales, hoc est, dum post Solem occidunt. Porro corporis totius partes tum signis Zodiaci, tum duodecim Cœli stationibus hac ratione ascribuntur.

Aries & } habet caput, faciem, oculos, aures, & morbos, qui in capite
Prima domus } generantur; ac præest cholera.

Taurus & Secunda domus	} præest collo, ceruici, gutturi, & melancholico humori.
Gemini & Tertia domus	} tenet humeros, brachia, scapulas, manus, mamillas & sanguini dominatur.
Cancer & Quarta domus	} pulmonem notat, pectus, epar, costas, splenem, & falso phlegmati præest.
Leo & Quinta domus	} dominatur stomacho, ventriculo, cordi, dorso, lateribus, dia-phragmati, & cholerico humori.
Virgo & Sexta domus	} ventrem habet & intestina, ac melancholiam parit.
Libra & Septima domus	} lumbos, vmbilicum, renes, vesicam, femora, & inferiora ven-tris indicat, ac sanguini præest.
Scorpius & Octaua domus	} obtinet inguina, pudenda, vesicam, anum, ac phlegmati do-mi natur.
Sagittarius & Nona domus	} coxis, natibus, femoribus ac cholera præest.
Capricornus & Decima domus	} poplites, & genua denotat, ac melancholicum humorem sciet.
Aquarius & Vndecima domus	} crura, tibias, ac fibulas indicat, ac sanguinem habet.
Pisces & Duodecima domus	} talo & pedibus, ac phlegmati dominatur.

Saturnus præterea habet ex sensibus auditum præcipue auris dextræ, ex virtutibus retentiuam, ex humoribus atram bilem, ex complexionibus melancholicam seu frigidam & siccam, ex partibus seu membris humanis splenem quæ est receptaculum atræ bilis, aurem dextram, ossa, vesicam vrinæ, dentes cum cartilaginibus & ligamentis.

Iupiter dominatur ex sensibus tactui, ex virtutibus principalibus naturali, participante tamen Venere & Luna, & etiam vegetatiuæ, & ex minus principalibus seu administrantibus digestiua, ex humoribus sanguini, ex complexionibus calidæ & humidæ, ex membris seu partibus hominis, hepati, seu iecinori quod est officina sanguinis, carni, sanguini, venis, & pulsui.

Mars gubernat ex sensibus auditum sinistrum, ex virtutibus irascibilem & attractiuam, ex humoribus flauam bilem & sanguinem inflammatum, & complexionibus cholicam, seu calidam & siccam cum excessu, ex partibus hominis fel quod est receptaculum flauæ bilis, renes, intestina, sedem ac sinistram aurem.

Sol regit ex sensibus visum, maxime oculi dextri, ex virtutibus vitalem potentiam, & attractiuam ex humoribus choleram, remissam ex complexionibus calidam & siccam moderate, ex membris hominis oculum dextrum, cor, arterias addito sanguine in eis contento, & dextram hominis partem.

Venus præest ex sensibus odoratus gustuique, ex virtutibus appetitiua, & cum Luna augmentatiua, & cum Ioue generatiua, ex humoribus phlegmati naturali, ex complexionibus phlegmaticæ vicinæ temperamento, ex membris humanis vasis seminariis, & semini, pudendis vtriusque sexus, venis, clauibus, colo, nati, propter odorem, labiis ob voluptatem, vmbilico, lumbis & ventriculo.

Mercurius præest ex sensibus phantasiæ, memoriæ, & sensui communi, ac præterea sermoni, intell. & i. menti & rationi, ex virtutibus seu facultatibus animalibus, ex humoribus melancholicis adustis, ex membris humanis pulmone (cuius officium est spiritum trahere, corq; & reliqua membra sua anhelatione refocillare, inferuit etiam loquelæ plurimum) linguæ & omnibus instrumentis vocis, manibus, digitis, nervis & lieni.

Lunę respondent ex sensibus visus, præcipue vero oculi sinistri, & ex parte gustus, quod is maxime necessarius est nutritioni, ex facultatibus naturalis, quam gubernat v. na cum Ioue & Venere, ex virtutibus expulsiuæ, ex humoribus phlegma, seu pituita adlito sanguine menstruo, quod & ille pituitosus etiam est, ex complexionibus phlegmatica seu frigida, & humida, ex partibus corporis cerebrum, oculus sinister, guttur, ventriculus & sinistra omnia.

Sed nunc ad particulares læsiones ac morbos accedamus, prout Medico inferuire possunt. Ex læsionum quidem duo sunt genera, alia enim sunt grauiores, vt cæcitas, sterilitas, claudicatio: alia vero leuiore, & ad cutim ac carnē solum pertinentes, vt vitiligo, lepra, impetigo & lentigo: De claudicatio autē g'bbōsitate, lingue impedimentis, aliisq; huiusmodi nullus nobis erit sermo, quorum cognitio ad Astrologos potius, quam ad Medicos pertinet; de quibus qui erudiri volet, Ptolemæum aliosq; scriptores passim de his agentes consulat.

C A P. III.

De cæcitate & visu debilitate.

PTOLEMÆVS quinq; constellationes ad oculorum læsionem pertinentes recenset; quarum quattuor primæ alterius tantum oculi infortunium præsagiant, quinta & vltima vtriusque.

Ex prima quidem est, cum Luna fuerit in memoratis centris primæ vel septimæ, vel etiam in sexta domo, Soli coniuncta, vel eadem ē diametro opposita.

Secunda cum Luna fuerit in iisdem locis & Solem quadrato aspiens applicet ad Stellæ fixas nebulosas siue in Zodiaco, siue extra Zodiacum, dummodo cum illis qui extra Zodiacum sunt reperiatur in eodem circulo positionis. Sunt autem stellæ nebulosæ illæ omnes, quas iam secundum Tychonis calculum ad annum Domini 1600 vel secundum Copernicum in iis, quas Tycho non obseruauit, referemus.

Pleiades seu Vergiliæ, quæ occupant in longitudine à grad. 23, 30. 8 vsq; ad gr. 24. 47. cum latitudine gr. 4. circiter Borea.

Præsepe seu nebulosa in pectore Cancrī, quæ est in grad. 14. 6. & cum latitudine gr. 1. 4. Boreali. Asellæ à primo gradu & vsq; ad 3. 8. &

Aculeus Scorpīi gr. 19. 0. + cum latitudine Meridiana gr. 13. 20. secundum Copernicum. Nebulosa sequens aculeum gr. 22. 36. + cum latitudine Meridiana gr. 13. 15. secundum eundem.

Cuspis sagittæ Sagittarii gr. 25. 56. + cum latitudine 6. 30. Meridiana secundum eundem.

Coma Berenices à gr. 18. 17 vsq; ad gr. 23. cum latitudine Borea à gr. 24 vsq; ad 28. Et nebulosa cuius incidit secundum Copernicum in gr. 16. 16. cum latitudine gr. 30. Septentr.

His adduntur & aliz quædam stellæ ad cæcitatem cooperantes, vt sunt:
Nebulosa oculi Sagittarii ex Copernico in gr. 6.3.6. + cum latitudine gr. 3.4.5.

Boreali.

Nebulosa in Capricorno à gr. 27. vsq; ad 30. 30; cum latitudine circiter vnus gradus Borea.

Cingulum Orionis à gradu 17. vsq; ad 19. 6'. II, cum latitudine Australi à gradu 23.3.8. vsq; ad 25. 2'. I.

Γαλαξία seu Via lactea incipiens à gradu 20. II vsq; ad 2. 59 & ex parte opposita à grad. 6. vsq; ad 16. Sagittarii, ac denuo à gradu 24. eiusdem Sagittarii vsque ad gr. 6. 30.

Quibus omnibus addit Pontanus Linum Piscium, & caput Arietis: in vniuersum autem præter nebulosas, relique etiam omnes stellæ occultæ, quæ sunt de natura Solis & Martis, vel Lunæ ac Martis ad oculorum læsionem conferunt.

Tertia Ptolemæi constellatio est, cum maleficus Orientalis Lunæ cardinali lumenque vacanti in ascensione succedit, hoc est cum maleficus ad Lunam motu quotidiano fertur, ita enim fit vt eam expectet in partibus proxime succedentibus.

Quarta cum malefici cardinales ante Solem sursum motu vniuersitatis feruntur, mane Soli prælucentes & validi.

Quinta cum malefici ad vtrumq; luminare memoratis modis respiciunt, idq; seu in vno eodemq; signo per præsentiam, seu in aduersis per oppositionem, ita vt Soli sint eoi, Lunæ vero hiesperii.

Quibus constellationibus iam enarratis si stellarum fixarum etiam testimonium accesserit, longe peiores euadent ad oculorum infortunium significandum. Vbi & hoc animaduertendum est superiores constellationes etiam in aliis quam in prædictis angulis vires ad nocendum obtinere, licet debiliores producant effectus.

Debilem præterea visum præagit nodus Austrinus in horoscopo absq; beneficio alicuius testimonio. Suntq; etiam complures à diuersis Astrologis adducti aphorismi in hac materia, licet maiore ex parte confusi & inordinati, & qui facillime ad ipsius Ptolemæi constellationes possunt reuocari.

Tempus autem quo similis oculorum læsio seu ægritudo accessura sit, nisi à natiuitate addit, ex directione luminarium ad Planetarum malum hoc decernentium radios colligemus. Sic ego multoties obseruauì luminarium ad præsepe, & afellos, aliasque supra memoratas stellæ, deuolutionem, oculorum discrimen attulisse, dummodo à radice infortunii adsit significatio, & si non est à tempore nascendi significatio, nihilominus ex prædictis directionibus de fluxu humorum ad oculos visum pro tempore labefactantes adducunt, cito tamen transiuros.

C A P. IV.

De sterilitate & genitalium viriū.

STERILITATIS indicationes ac læsiones circa genitalia vasaq; seminaria sumuntur præcipue secundum Ptolemæum & Astrologos à Veneris corrupto positu. Hæc enim si fuerit in aliquo sæpe memoratorum angulorū orientis scilicet ac maxime occidentis, necnon etiam in sexto loco, & à Saturno per præsentiam,

vel

vel diametrum, vel quadraturam, vel per mutuam locorum propriorum receptionem seu commutationem vitiata, Marte super eam eleuato aut in diametro constituto, tunc quidem fiunt viri steriles, & ob semen corruptum infœcundi, & pigri etiam, fœminarumque consuetudinem abhorrentes: mulieres vero infœlices experiuntur conceptiones ac subiectæ sunt abortionibus, & intempestiuis ac immaturis fœtum deiectionibus, & hoc maxime vbi commemorata figuratio incidit in ♄, ♀, & ♃, & Luna Orientalior, Marte eidem proxime applicet.

Quod si iisdem sic stantibus accesserit etiam Mercurius, ita vt eidem Veneri vna cum Saturno copuletur per præsentiam, vel diametrum, aut oppositionem, aut mutuam propriorum locorum commutationem, qui sic nascuntur euadunt eunuchi, vel androgini, vel ex genitalium meatuum concretionem læsi.

Præterea si iisdem si sese habentibus. Sol quoque eidem Veneri, iuxta aliquem modorum de Saturno, & Mercurio memoratorum, configuretur, sintque luminaria, & Venus masculiscentia, & Luna marcescens, & malefici planeta in partibus subsequenter succedentes, tunc quidem ex huiusmodi constitutione viris pudenda præcidentur, eruntque in eis insignes læsiones; atque hæc calamitas magis sæuiet, si Venus in Ariete aut Libra constituetur. Fœminæ vero euadunt infœcundæ ac steriles. Et qui sub tali constitutione nati fuerint, oculorum etiam læsionibus erunt obnoxii ob luminarium deprauationem.

Iulianus Ristorius ait se obseruasse, Venerem à Saturno commaculatam semper sterilitatem adferre, ita tamen vt vel ambo vel Venus sola in signo sterili reperiatur.

Porro huc pertinent aphorismi nonnulli, quos iam opponimus. Venus in sexta propter loci malignitatem semini genitali obest, vnde viros efficit frigidi coitus, & plerunque steriles, mulieres vero ex partu laborantes, & quæ partum immaturum edunt, suntque hæc mala eo maiora, quo ipsa Venus magis à maleficis infortunabitur.

Venus in occasu & vespertino exortu, Saturno ex culmine Cœli quadrangulata, non minus viros, quam mulieres frigidi efficit coitus.

Venus in decima Saturno partiliter per corpus aut inimico radio copulata, & in Lunæ quadratura vel oppositione, sterilitatis indicium non leue affert.

Venus in dignitate Martis inuenta, siue in ortu, siue in Cœli culmine, in diametro, vel tetragona configuratione, vel etiam antisocio maleficorum domicilium permutanuum, spadonem fore, qui sic nascetur, indicat.

C A P. V.

De vitilagine, lepra, impetigine, aliisque leuioribus vitiiis.

QUANDO Luna vel dominus horoscopi in memoratis locis primæ, septimæ, vel sextæ infestantur à maleficis & decurrunt per partes notis cardinalibus proximas, tunc quidem secundum Ptolemæum accidunt leuiiores cutis, carniunque extremarum læsiones; Ac vitilagini quidem erit obnoxius natus, si Luna vel horoscopi dominus circa proximas Arietis partes verfabitur; est aut vitiligo vitii leuissimæ solæ cutem defœdans; sed si prope Autumnale signum, hoc est circa Libræ dicti significatores fuerint, lepra, hoc est squamosa scabie, diuocabitur. Iam vero
circa

circa tropicum æstium seu Cancrum producit dicta constitutio impetiginem, eiq; id vitium grauius, calorem enim pilorum immutat, ac radices in carne profundiores agit. Deniq; prope hybernum signum, hoc est circa capricornum, lentiginem, hoc est maculas subrufas lenti similes adducit.

Sed nunc aphorismos aliquot ad hanc rem facientes proferamus.

Mercurium in sexto loco Lunæ crescenti copulatum vitiosas decernere ægritudines, & corpus nati albis maculis infectum iri, neoterici quidam tradiderunt.

Mars in trizodia aquea oppositus Lunæ impetiginem denunciat.

Luna in diametro Saturni, in Tauro vel Scorpione, nulla benefica radiatione intercedente elephantia vitium ob corruptum sanguinem nato comminatur.

Luna in trizodia aerea à Marte impedita, nisi beneficorum auxilio subleuetur, putredinem ac lepram infligit.

Luna in aquea triplicitate à Saturno infecta, absq; fortunæ aspectu lepram albam, podagram, vel cancerum significat: & si infortunæ simul in aqueo trigono Lunæ copulabuntur, decernent morpheam, scabiem, vel alopeciam.

Saturnus in signo aqueo, & in sexta à Sole combustus, leprosos efficit, & in septima dat fistulas & cancrios in pudendis.

Sol in sexta Saturno per diametrum in signis maleficis oppositus paraly sim comminatur.

Luna cum Saturno & Marte in duodecima & Solis diametro neruorum resolutionem indicat.

Saturnus, & Mercurius coniuncti in octauo loco in genitura diurna calculo & vesicæ vitio laborantes efficit.

C A P. VI

De Morbis in specie.

HVCVSQUE de læsionibus, nunc de morbis agendum, qui nato solent euenire, quando in constitutione supra capite 2. memorata malefici sunt à Sole occidentales, quod tunc debiliores sunt ad infligenda mala ob Solis ab iisdem elongationem; & à Luna orientales, quod tunc Luna ab illis defluat ac separatur.

Efficit autem Saturnus in genere, vt Ptolemæus ait, ventribus frigidos, ac valde pituitosos, & fluxione plenos, tenues simul ac valetudinarios, ictericos, dissentericos, tussientes & expuentes, colicos & leprosos; & præter hæc fæminas ex tero laborantes.

Et si Mercurius ei configurabitur, frigus Saturni augebit, facietque assiduum agitationem, ac humorum & fluxionum conturbationem, præcipue eorum quæ à capite descendunt, ac circa pectus, stomachum, guttur seu fauces tumultuantur.

Mars vero facit sanguinem expuentes, anhelosos seu ægre spirantes, scabiosos, sectionibus & vitionibus subiectos, vexationes continuas in abditis locis patientes, ob fistulas, hæmorrhoidas, inflammationes, vlcera ardentia & carnem depascentia: in mulieribus abortus, euulsionem foetus, & corrosiones foetura inchoatæ.

Cum quo si Mercurius conspirauerit, augebit malam Martis significationem

cooperando ad defecationes, quæ fiunt & cernuntur in exulceratione, depilatione, incrustationibus, apostematibus, et yspelatis, aliisque ulcerationibus feruentibus, & in lichenibus feris, id est canceris & gangrenis.

Particulare vero de morbis sumitur iudicium ex astrorum illos decernentium, & his configuratorum naturis ad certas corporis partes relatis, quas indicant signa affecta, quæ in angulos vel sextam domum incidunt.

Peculiariter autem Cancer, Capricornus & Pisces, & in genere humi versantia & aquatica signa octauæ Sphæræ faciunt affectiones ulcerum depascentium, serpentiumq; & scrophularum aut pustularum ac lepræ, & his similia. Sagittarius vero & Gemini ad comitalem disponunt: & denique astra iam dicta in extremis dodecatemiorum partibus seu signorum primi mobilis reperta circa membrorum extremitates ex humorum defluxu morbos decernunt, unde in vniuersum oriuntur lepræ, podagræ, & chiragræ.

Sed & hic adiungendi sunt aliorum Astrologorum aphorismi, valde memorabiles ad morbos pertinentes.

Saturnus vel Mars in sexta aut duodecima, infortunans dominum sextæ, maxime si in sextam inciderit aliquod ex his signis ♄, ♀, ♃, debilitatem in partibus inferioribus significat, facitq; artheticos, podagricos, vel qui dolore iuncturarum cruciantur.

Maleficarum alterutra peregrina in septima significat infirmitatem in natibus & hæmorrhoidas, & multo magis si ambæ ibidem fuerint.

Dominus ascendens in septima à malefico damnatus, vel natura sua maleficus existens, hæmorrhoidas vel morbos ani decernit.

Saturnus in horoscopo in opposito Martis, & Luna domina sextæ in septima infortunata, hæmorrhoidas vel ani morbos promittit.

Sic Mars in Scorpione absq; aspectu beneficæ idem præfagit.

Dominus horoscopi, quicumque ille fuerit, in sexta domo constitutus, semper valetudinarium efficit, ut & dominus sextæ afflictus seu infelix: qui si fuerit Saturnus, & à Sole aut Marte damnatus, vel Lunæ coniunctus corpus catharrosum & paralyti obnoxium decernit, interdum etiam hydropicos facit, vel assiduo urinæ fluxu laborantes, vel scabiosos aut podagricos, pro natura signi quod Saturnus obtinuerit. Sin vero Mars fuerit debilis, vel à Sole combustus, vel alioquin impeditus febres acutas aut tertianas & combustiones decernit, præcipue in signis igneis; in aqueis vero dysenteriam aut fluxum alui periculosum.

Iupiter in sexta infelix seu damnatus, inflammationem hepatis, rubedinem faciei, aut pustulas in ea decernit.

Sol dominus primæ in sexta, vel dominus sextæ à maleficis afflictus & debilis, facit cardiacas passiones & tremorem cordis.

Venus ita se habens debilis vel à maleficis afflictæ, stomachi imbecillitatem adfert, & mulieribus matricis passiones, & difficultates partus, aliaq; similia.

Luna eodem modo posita, & à Saturno afflictæ, cholicas plerumque passiones, tormina ventris, & dolores intestinorum, præsertim in Virgine aut Libra decernit.

Cæterum hic animaduertas oportet, in memoratis omnib. læsionum & morborum significationibus, quod si beneficorum aliquis affulserit vel luminaribus,

vel maleficis morborum auctoribus, ita tamen vt non sit à maleficis suppletus velin eorum potestate, dictas læsiones futuras mitiores, & morbos facile sanabiles; at si beneficæ nullam opem tulerint, magis isthæc mala læuient.

CAP. VII

De vitæ prorogatoribus, & locis prorogatoriis.

DIUDICATVRO ex Ptolemæi & probatissimorum Astrologorum doctrina de vitæ temporibus sciendum est, quinque esse in figura cœlesti loca aphætica seu vitæ sustentatiua, in quibus necesse est vt aphæta, qui vitam debet decernere, reperiatur, suntque singula hæc loca cum horoscopo, qui maximam cum nato conuenientiam habet, radio aliquo colligata: vt domus decima seu Cœli culmen, quod cæteris locis potentius est, & ab horoscopo tetragono radio diffidet: Horoscopus seu ascendens, id est prima domus, quæ post cœli culmen cæteris præstat: vndecima domus quæ hexagono radio intuetur, ascendens septima domus quæ oppositis, & denique nona quæ trinis radiis primam domum aspicit, estque nona domus cæteris omnibus in significanda vitæ gubernatione inferior ac debilior. Iam vero vnaquæque domus exordium capit quinque gradibus æquinoctialibus ante cuspidem seu centrum suum, & definit gradibus viginti quinque post cuspidem. Cæterum excluditur domus octaua à vitæ gubernatione (quæ quod supra terram extet, videri posset admittenda) eo quod contrariam vitæ actionem habet, mōrti enim significat, & nullo cum horoscopo vinculo seu radiis copulatur: sic duodecima licet ipsa etiam supra terram sit, vitam tamen largiri nequit, quod horoscopo inconiuncta sit, & quod planetæ iam iam ab Horizonte emergentes & in duodecima constituti à terræ vicinæ humoribus impediti, vires suas maxime vitales diffundere nequeunt. Reliquæ autem domus omnes subterraneæ, sola prima excepta, quæ ortui proxima est, à vitæ significatione excluduntur.

Vt autem gubernator seu aphæta est vel Sol, vel Luna, vel Horoscopus Regionis, vel Horoscopus Lunaris, vel etiam quicumque alius Planeta, qui deficientibus luminaribus dominium vitæ iuxta conditiones iam exponendas, adeptus fuerit. Eligendi vero sunt vitæ sustentatiui hiscæ rationibus.

In genitura diurna præferendus est Sol, si ille in aliquo dictorum locorum hylegialium reperiatur; sed si idem octauam fortasse vel duodecimam obtinuerit domum (quas domos supra tanquam non vitales reieciimus) tunc Lunam assu- memus: quæ si nec ipsa locum hylegialelem possederit, recurramus ad illum Planetam, qui in loco vitali repertus, tria minimum suffragia seu dignitates ex quinque quæ sunt domus, altitudo, trigonus, finis, & irradiatio, in his tribus locis conditionis diurnæ obtinuerit, nempe in loco Solis, in loco coniunctionis genituram præcedentis, etiam si proxime antecesserit oppositio, & in horoscopo Regionis, quia ad Solem, dominum scilicet temporis refertur. Quod si neque talis Planeta pro vitæ gubernatore haberi poterit, tunc tandem horoscopum seu gradum ascendentem accipiemus. Verum cum non raro possit euenire, vt plures in genitura diurna sint: aphæta, vt ambo luminaria & Planetarum vnus, tunc quidem præferemus luminarium illud, quod maiorem habuerit prærogatiuam, tum respectu loci hylegialis, tum signi in quo versatur, & quod conuenientiori radiatione cum beneficis copulabitur. Nonnunquam tamen postponemus lu-

minaria Planetæ illi, qui trium locorum supra memoratorum dominus extiterit, si is duas habeat conditiones, nempe ut sit in potiore loco aphetico, quam sint luminaria, & sit dominus vtriusque temporis, hoc est ut non solum tres dignitates in tribus locis conditionis diurnæ, sed totidem etiam in tribus locis conditionis nocturnæ obtineat, in loco Lunæ scilicet, oppositionis præcedentis, & Lunaris horoscopi.

In genituris nocturnis autem eligenda est primo Luna si obtinuerit aliquem locorum hylegialiū: secundo Sol si fuerit in prima domo, hoc est in illis viginti quinque gradibus, qui à linea, seu cuspide horoscopi pro prima domo numerantur, dummodo Luna sit in loco minus vitali. Tertio si vtraque luminaria à vitæ dominio exciderint, illum præferemus Planetam, qui in loco hylegiali positus tria minimum obtinet suffragia in totidem locis conditionis nocturnæ, qui sunt locus Lunæ horoscopus Lunaris (qui conditionem Lunæ sequitur) & oppositio præcedens, etiam si proxime natiuitatem coniunctio antecedit.

Quarto si nullus ex supradictis obtinuerit vitæ dominium, tandem vel horoscopus Regionis assumemus, si proxime antecesserit natiuitatem luminarium coniunctio, vel horoscopus Lunarem si oppositio. Postremo vero si neque horoscopus Lunaris sit in loco ad vitam sustentandam idoneo, extremum refugium erit ad horoscopus regionis.

Atque hæc est sententia Ptolemæi de eligendo vitæ gubernatore primario seu præcipuo, cui adiungendus est aphæta seu vitæ dator secundarius vnus vel alter: ut exempli gratia si Sol secundum conditiones supra memoratas vitæ dator principalis, si Luna quoque fuerit in loco vitali, eligemus eandem vnam cum horoscopo Regionis pro vitæ dominatoribus secundariis; sed Luna existente in loco ad vitam inhabili, solus gradus ascendens secundarius erit vitæ dator; & sic de reliquis etiam Planetis.

Cæterum hic etiam obseruandum est, semper horoscopus Regionis in gubernatione vitæ, & in decernendis ægritudinibus efficacem esse, quando per directionem ad infausta Planetarum loca deuoluitur, etiam si vel ambo simul luminaria, vel alterutrum eorum hylegalem potestatem obtineat. Quin immo & luminaria ipsa licet sub terra sint, vel in locis illis, qui supra terram extantes à vitæ gubernatione excluduntur, ut in octaua vel duodecima domo, valent nihilominus ad ægritudines significandas, licet non ad vitam terminandam ex morte naturalis; nam eo qui veraciter est vitæ significator bene se habente, vita quoque nati firma persistit ac salua, permanetque natus incolumis, etiam si reliqui interea competitores patiantur maleficium. In genere autem locus ille, qui vitæ sustentatiuus est, fortior esse debet, quocunque alio eorum, qui ad hanc dignitatem aspirant. Neque hoc prætereundum est, genitum esse valentiorum pro vita sustentanda, quando plures habuerit aphætas, eosque validos ac robustos, tunc enim vita euadit etiam robusta & diuturna; neque natus facile nisi ex valida causa decumbit, prout infra, ubi de directionibus agemus, referemus; neque enim vnus ille tantum prorogatur, qui potestate reliquos opprimit, & qui in vita gubernanda pondus accipit, dirigendus est in causa vitæ, sed & reliqua loca authentica, quæ de vitæ dispositione aliquantisper participant.

Quod si vero solus horoscopus Regionis fuerit vitæ princeps, nec à maleficorum radiis infestetur, sed à beneficiis auxiliante radio adiuuetur, luminaribus in-

terim validis & à beneficiis bene irradiatis, tum quidem vita etiam nati robusta ac longæua esse poterit, præsertim si ipsa Luminaria horoscopum benigne aspererint: ac maxima quidem vis per diu est Solis, noctu vero Lunæ.

At si aphætæ ipsi debiles fuerint, vita quoque nati debilis erit, quæ tamen longæua esse poterit, prout ipsi aphætæ tarde ad loca anæretica, de quibus paulo post differemus, delabentur. Solo autem horoscopo imperium vitæ sustinente, & luminaribus interea infœlicibus, ac inualidis, vita nati leuissima de causa sæpe sæpius abscinditur, atque eo magis, si & horoscopus ipse debilis fuerit ac male affectus.

C A P. VIII.

De locis, qui vitæ prorogatoribus occurrunt, & anæretæ seu vitæ abscissores appellantur.

ANÆRETÆ, abscissores, seu interfectores vitæ in genere dicuntur ij, qui quoties significatori vitæ per directionem obuiam fiunt, vitam nati abscindere, vel saltem graui aliqua noxa sanitatem eius labefactare possunt. Duplicem autem directionem Astrologi cum Ptolemæo faciunt, sicut nos in Canone 42. nostrarum Tabularum Primi Mobilis seu directionum ostendimus; altera generalis est & legitima, quæ à Ptolemæo Actinobolia, seu vt aliis lubet, directæ, vel in signorum consequentiam directio appellatur, atque hæc communiter omnibus dominatoribus, vbicunq; locorum in figura Cœli compertis, conuenit, sitque dum promissores, quos in negotio vitæ anæretas, vel abscissores vocant, ex partibus sequentibus ad significatorem vitæ vel alterius cuiuscunque rei accedunt, & ad illius Horizontem reducuntur, vnde ipse vitæ dominator in loco suo persistens expectat perimentum inuasionem; altera directio particularis est, & conuersa, seu in signorum præcedentiam, & à Ptolemæo horiæ dicitur, quæ locum habet dominatore vitæ in quadrante Cœli descendente constituto inter Cœli culmen & Horizontem occiduum, & vnicum tantummodo interemptorem habet, gradum occidentis sc. de qua fusius egimus Canone 48. dictarum nostrarum Tabularum, vbi opin. nostram de praxi huius directionis, explosa Cardani ac Valentini Naibodæ sententia, attulimus, quorum postremus, Naiboda sc. in Commentariis suis supra Ptolemæi Quadripartitū, in eadem fusius ac prolixius scribit sententiam, quam in Commentariis supra Alcabitium attulerat; ac deniq; parum de hac Ptolemæi directione satisfactus, allatis nonnullis inconuenientibus, quæ ex eadem emanant, hisce verbis sermonem vniuersum concludit: Vnde forte non iniuria quis suspicari possit, ista quoque Ptolemæi adiectiua & ablatiua habere quandam perplexionem haud ablimilem adiectionibus & ablationibus illis, quales Arabes suo Alcodeço circa vitæ tempora colligenda assignarunt. Hæc ille. Atque vt ingenue fatear quod sentio, existimo ego additiones illas & ablationes in directione conuersa, in efficares & vanas esse; simplicem tamen aphætæ descensum ad gradum occidentis effectum aliquem producere nequaquam ambigo; sed directio huiusmodi simplex nihil aliud est, quam horoscopi Regionis ad oppositum aphætæ deuolutio, eritque hac ratione vna sola directionum species.

Huius itaque legitimæ directionis interemptores dupliciter diuiduntur, alij enim sunt generales abscissores, qui vbicunque reperti fuerint, vim perimenti

retinent, & occidunt per se generaliter, licet non necessario semper, & hi sunt octo: nempe duo corpora maleficorum Planetarum Saturni & Martis, duo opposita eorundem, & quadraturæ tum dextræ tum sinistræ amborum: alii sunt interemptores speciales, qui per se generaliter non occidunt, nisi adhibita aliqua certa conditione, & hi sunt de sententia Ptolemæi, primo quidem maleficorum Saturni & Martis hexagoni & trigoni aspectus, accedentes ad naturam tetragoni respectu ascensionum Æquatoris; & quidem hexagonus, si incidit in signa longarum ascensionum, in parte Cœli ascendente, adeo deprauatur, ut in naturam tetragoni degeneret; & trigonus in eadem parte ascendente in signis breuium ascensionum, quadrati etiam ingenium suscipit. Sic in parte Cœli descendente, hexagonus in signis longarum descensionum, & trigonus in signis breuium descensionum in tetragonum deriuant. Nos autem magnificimus ipsas tetragonas radiationes perfectas in Æquatore sicuti docuimus in nostris directionum Tabulis Canone 40.

Secundo possunt etiam iidem aspectus maleficarum sextilis & trigonus interimere, etiam si ab Æquatore non deprauentur, nec in quadrati naturam degenerent: ut si maleficus ille fuerit dispositor mortis, hoc est octauæ domus dominus, vel in eadem per præsentiam repertus, vel etiam in sexta aut septima domo positus: præterea si fuerit idem maleficus aphætæ inimicus vel ratione signi, ut quando ab initio aphætæ & anæreta fuerint in aspectu opposito vel quadrato, siue in antiscio aut partibus inuicem imperantibus, & obedientibus: adhuc quando memorati aspectus, sextilis ac trigonus scilicet, cadunt prope antiscia tum primaria tum secundaria eorundem maleficorum: primaria autem antiscia sunt, quæ in eundem parallelum cum Planeta incident, & hæc proprie antiscia appellantur; secundaria vero, quæ cadunt in diuersos parallelos æquali spatio ab æquatore remotos, & aliter dicuntur imperantes & obedientes partes.

Plurimum etiam possunt iidem sextiles ac trini radii in genituris debilioribus in quibus vnus tantum, & debilis est vitæ significator, & non raro vitæ discrimen motumque etiam adferunt: iidem tamen aspectus in Æquatore assumpti licet interimere fortasse nequeant, grauem nihilominus noxam & periculum inferre abunde possunt.

Tertio habent & antiscia maleficorum vim inimicam ac hostilem, nec aggritudines solum ac externa pericula, sed mortem etiam quandoque inferunt, id quod nos ipsi sæpius experti sumus. Partes autem imperantes obedientesque, quas secundaria antiscia appellamus, malæ quidem sunt ac noxiæ, sed minus possunt, quam antiscia.

Hinc est, quod tetragonæ maleficorum radiationes, quæ circa medietates dodecatemorum fixorum incident, ut sunt γ Ω η & \approx efficaciores sunt cæteris quadraturis, & certius mortem inferunt propter conduplicationem malignitatis, quod in dictis medietatibus etiam antiscia concurrant.

Quarto connumeratur inter abscissores quadratus proprius aphætæ cuiuscunque in Zodiaco, quam in Æquatore: nec non & sextilis eiusdem longus ac trinus brevis, ab Æquatore ita deprauati, ut quadrato sint viciniore. Aphætam autem intelligo quemcunque, qui hylegalem adeptus sit potestatem, siue is Sol fuerit, siue Luna, siue horoscopus Regionis, siue Lunariorum, vel etiam quicumque alius Planeta, cui tale dominium cesserit.

Quinto ponit Ptolemæus locum seu corpus Solis pro peremptore, si id Lunæ vitam sustentandi occurrerit. Neq; id caret ratione, luminaria enim distinguuntur sectis aduersariis. Verum enim uero etiam si corpus Solis Lunam perimat, tetragonus tamen eiusdem, seu diameter, siue etiam antiscium ægritudines tantum comminantur. Nec Lunæ solum obest Solis aspectus seu corpus, sed horoscopo etiam & cuiusq; alio vitæ significatori, tum vero maxime, si à radice Sol ipsi aphætæ aduersabitur, vel amicitiam contraxerit cum domo mortis, vel in eandem fuerit, vel etiam à maleficorum aliquo siue per præsentiam, siue per radiū malignum diuexabitur.

Sexto Luna fit interfectrix tum horoscopo Regionis, tum Soli, secundum Auenesram, ob sectæ discrepantiam; dictus enim horoscopus Solis naturam sequitur. Quinimo idem ille asseuerat, Lunam infectis Solis imbutâ radiis omnem alium significatorem perimere, maxime si octauæ domus dominium acceperit, aut in eadem præsens fuerit.

Septimo Mercurius potest etiam fieri anæreta, dum malefici naturam induit. Acquirat autem Mercurius ingenium maleficum, quando corpore vel radiis aliqui maleficorum commiscetur, siue cum reperitur in eodem circulo positionis cum stella fixa violenta, aut est in malefici potestate, aut hostili radio dominatori vitæ configuratus, aut etiam in contrario signo suæ domus, aut altitudinis, aut etiam retrocedens.

Octauo nodi Lunares ac præcipue Austrinus, quem vulgo caudam Draconis dicunt, auctore eodem Auenesra, perimunt Lunam, non autem alios significatores; & constat experientia ipsum nodum Austrinum obtinere vim noxiam, & non solum Lunam sed etiam Solem, aliumve quemcunq; vitæ significatorem per directionem offendere.

Nono stellæ fixæ, quæ de maleficorum natura sunt, vim interemptricem obtinent, vt sunt Pleiades, Hyades, quarum præcipua est, quam dicunt Pailitium, seu Aldebaran, Hercules, Cor Scorpij, seu Antares, Caput Gorgonis, Bellatrix, Lanx Austrina, & aliæ nonnullæ de natura maleficorum. Tanto autem certius perimunt, quanto propius ipsi significatori occurrerint, respectu deuiationis ab Ecliptica, vt si fuerit vtriusque, tum aphætæ, tum fixæ, eiusdem affectionis & quantitatis latitudo, vel potius declinatio, tunc enim per eundem parallelum feruntur. Porro cor quoque Leonis, quamuis in cæteris causis, vt ait Naiboda, prosperitatem faciat, in causa tamen vitæ, propter caloris exuberantiam ad perimendum cõfert, id quod nos ipsi sæpius in pueris experti sumus, quibus dicta stella parum ab Horoscopo distabat, luminariibus extra loca vitalia incidentibus.

Postremo addunt tum Arabes, tum alii nonnulli scriptores superioribus omnibus alios adhuc interfectores, vt sunt termini seu fines Planetarum, quos & Ptolemæus considerandos esse præcipit, non quidem vt abscissores, sed prout hic vel ille Planeta dominium in illis obtinet, vt suo loco dicemus; deinde cuspides domorum seu stationum Cœli infœlicium, quæ sunt octaua, sexta, duodecima, & septima; his addunt domus quartæ cuspidem, si aquea sit & infortunata. Præterea etiam harum domorum dispositores vim perimendi obtinere volunt, quod incertum est, nec recentioribus Astrologis probatur. Cæterum cuspidem quartæ domus, quam imum Cœli, seu foueam Planetarum appellant, ad interimendum

dum plurimum valere, vt permulti affirmant, obseruantibus manifestum fiet; atq; sic etiam dispositorem octauæ, aut Planetam in octaua compertum, maxime si is fuerit aliquo affectus infortunio; cui sententiæ subscribit Naiboda in Commentariis supra Quadripartitum Ptolemæi.

Sed & hoc coronidis loco est adiiciendum, nempe anæretas illos, qui alioquin in robusta ætate, & in validis genituris interficiendi vim non obtinent, in senecta tamen & genitaris debilibus euadere satis efficaces ad perimendum. Sed nunc de conditionibus, quæ anæretæ, vt certius interimat, inesse debent, agamus.

CAP. IX.

De distinctione malorum occursum, qui vitæ prorogatoribus contingunt.

ENARRATIS hucusque abscissoribus vitæ simplicibus, restat vt explicemus, quæ directiones prorogatorum vitæ ad abscissores validæ sint ac efficaces ad vitam terminandam: quæ vero ad insultus graues inferendos: & quæ deniq; leui tantum ægritudine afficiant.

Supradicti itaq; interfectores, alicui vitæ significatori obuiam facti non semper absolute possunt interimere, sed tunc solum cum afflicti, seu male affecti fuerint, vt si directio incidat in terminos maleficorum, vel si illi successerint proxime radii alterius malefici, beneficis à loco interfectorio absentibus, vel si malefici inimicitiam cum aphæta seu loco interemptorio contraxerint, aut eiusdem loci dominium obtinuerint. Sic si maleficus, corpore significatori vitæ occurrens, validus à Sole fuerit & angularis, ac perëgrinus, seu infortunatus deiectione domus vel altitudinis, validissimus erit ad perimendum.

Et si contigerit directio in loco malefici opposito, atque si ille proprio loco dignitate aliqua pollebit, tunc etiam potentissimus erit ad nocendum, eo quod loci peremptorii euadit inimicus. Sic etiam, si maleficus extiterit in aliqua suarum dignitatum, & occursum eius per tetragonum fiat in loco suæ deiectionis, maligna erit constitutio; vt si Mars fuerit in Ariete, & directio sit ad tetragonum illius in Cancro; vel contra, si fuerit cadens à dignitate, & directio fiat in loco suæ dignitatis, vt si Marte existente in Libra, occursum ad tetragonum illius fiat in Capricorno.

Sed & malefico dignificato occursum in loco, vbi ille dominatur, perniciosus est (minus tamen quam in supradictis casibus) vt si Mars Capricornum possideat, & tetragonus eius obuiam fiat significatori vitæ in Ariete. In vniuersum enim malum est, maleficum dominari in loco interemptorio: peius, si eidem erit inimicus; nam maleficis intente nocituris conuenit infortunium; minus vero nocituris, in proprio loco dominium; atq; hac ratione occursum corporeus malefici in propria dignitate constituti minus malus est, quam si idem esset peregrinus, seu cadens à dignitate: omnis enim Planeta domum seu altitudinem suam tuetur ac custodit, non autem euertit. Iam vero si supradictis conditionibus adfuerint & alia infortuniorum testimonia, vt scilicet aphæta siue vitæ prorogator etiam ipse infelix sit, inualecet directionum malignitas: vt si aphæta ab initio anæretæ aduersabitur, aut si locus in quem cadit directio, eidem vitæ prorogatori erit contrarius. Sic Soli occurrens locus interemptorius in Libra vel Aquario, Luna in Capricorno & Scorpio infortunium auget.

Cæterum quinque sunt conditiones, quæ vim locorum perimentium inhibere solent & impedire, ne semper occidant. Prima si in benefici alicuius, Iouis scilicet ac Veneris terminum incidat directio.

Secunda, si beneficis corpore vel radiis loco interemptorio secundum ordinem signorum successerit, dum tamen non excedat illa distantia beneficorum à dicto loco, metas suorum orbium, vt scil. Iupiter non absit plus gradibus duodecim, & Venus plus gradibus octo. Verum hic obseruandum est, beneficum, qui ratione terminorum, vel etiam corpore aut radiis auxilium tulerit, si debilis sit vel aliquo modo infelix, aut afflictus, aut cognationem cum morte habuerit; vel nullam vel exilem opem ferreat si contra potens fuerit ac dignitate pollens, plurimum adiuuare. Neq; aspernanda est benefici opera, si locum directionis proxime antecefferit, eoq; magis, quo vicinior ipsi loco fuerit.

Tertia conditio est, si vitæ domini locum anaretæ ab initio benigne respicientes disponant, aut etiam in loco directionis dignificentur. Expediit enim saluantes stellas tam in propriis, quam in peremptoriis locis dignitatem obtinere.

Quarta est, cum prorogator & interfector diuersam habent latitudinem, tunc enim promissor fertur, secundum modum directorum, per circulum æquatori parallelum, & diuersum à circulo significatoris; ac proinde debilitatur effectus directionis, quæ eo erit efficacior, quo viciniore fuerint hi circuli, & efficacissima, si per eundem circulum tum promissor, tum significator incedat, vt quando eiusdem affectiones obtinent ambo declinationem. Qua de re egimus Canone 52. Tabularum Directionum.

Quinta ac postrema conditio est, si interfector fuerit sub Solis radiis, tunc enim nihil ipsum virium obtinere testatum reliquit Ptolemæus, cui Cardanus, Naiboda, & plerique omnes hucusq; Astrologi vnanimi consensu subscribunt. Nos autem experimentis quampluribus didicimus, interfectorem radiis Solis inuolutum, vim obtinere noxiam, eiusq; radios vitæ prorogatori obuiantes pericula & ægritudines inferre, raro tamen mortem, nisi natiuitas debilis sit, & alia conspirent infortunia.

Distinguntur autem occurfus mali in peremptorios simpliciter, in gradarios, seu scalares, & in transitorios.

Peremptorius absolute est ille occurfus, qui penitus & sine controuersia vitam abscindit, vt quando exacerbata sunt omnia loca peremptoria rationibus supra expositis, vel etiam quando eadem ab vtriusq; generis lumine, primario scilicet ac secundo infecta sunt, hoc est, quando vitæ prorogatores perueniunt per directionem ad loca peremptoria, quæ partim à lumine primitus (ab initio sc. nascendi) impresso sunt infestata, vt si à maleficis damnentur, & à beneficiis deferantur; partim à lumine secundario seu superueniente ad exitum anni scilicet deprauantur, hoc est, in reditu Solis ad suum initium, de quo paulo post; in quo si damnentur loca vitalia, & à locis peremptoriis absint beneficia; penes planetarum transitus scil. & progressiones annuas, erit occurfus ille siue directio validissima. Exempli gratia si in reuolutione anni alicuius, in quem maligna incidit directio, luminaria à maleficis aliqua ratione affligantur, per ingressum, vel transitum, vel per progressionem annuam; nec beneficia, in eodem anni reditu, respiciant loca interemptoria, ad quæ significatores vitæ per directionem processerunt, tunc quidem mors certa, ex coniecturis Astrologicis, est expectanda.

Gradarius seu scalaris concursus contingit, quando non omnia loca peremptoria sunt penitus exacerbata à lumine primario, sed aliqua tantum; & sic etiam quando à lumine superinducto, hoc est, in anni reditu, non sunt infecta: b. sol. telora vitalia & peremptoria, sed aliqua tantum & leuiter: tunc enim occurus ille periculosas infert ægritudines, & ambiguas, ita vt æger nunc ad salutem pendere, nunc mortis indicia monstrare, nunc grauissimis conflictari accidentibus videatur, adeo vt quem finem ægritudo habitura sit, in controuersia sit. Terminabit autem ægritudo ad salutem, si testimonia beneficorum præualuerint maleficis ægritudinem inferentibus; contra vero interibit natus, si maleficæ superabunt beneficas vel potentia, vel testimoniorum suffragiis. Quam in re sagax periti Medici, & Astrologi iudicium & industria requiritur.

Transitorius denique occurus accidit, quando loca ipsa peremptoria non sunt afflicta ab initio, nec in anni reditu infecta sunt loca præcipua; vitalia scilicet & peremptoria, sed potius beneficæ iisdem auxiliantur, tunc enim huiusmodi occurus languores ac leuia nocumenta, & ægritudines cito terminandas adducunt, prout eorundem occursum fert conditio.

Non est autem silentio inuoluendum, posse nonnunquam vel Medici imperitia, vel malo ægroti regimine, vel ex alio aliquo accidente externo, transitorium occursum conuerti, & transire in gradarium grauem; cum nihil aut certe parum distet transitorius à gradario leuiore; & similiter posse gradarium occursum interdum assumere vires, & permutari in peremptorium simpliciter iisdem de causis.

C A P. X.

De colligendo tempore ægritudinum vel mortis ex directionibus infaustu.

TEMPORIS quantitas seu annorum numerus, quo interemptor quicumque obuiam sit vitæ prorogatori, sumitur ex intervallo vtriusque, penes æquinoctialis tempora inter vtrumque interiecta secundum Sphæræ ascensionis, iuxta situm seu elevationem poli supra circulum positionis ipsiusmet prorogatoris. Quæ res quoniam satis prolixè à nobis est pertractata in Directionum Tabulis, non amplius hic de eadem verba faciemus; sed studiosos eo remittimus, vt directionum doctrinam, quæ præcipuum totius Astrologiæ fundamentum est, nauiter ac sedulo addiscant. Quantum autem temporis correspondeat singulo gradui Equatoris, id etiam in dictis Tabulis Canone 49. definiuimus, sed cum post illud temporis, quo Tabulæ nostræ Directionum euulgatæ sunt, Serenissimus ac optimus Mantuæ ac Montisferratis Dux VINCENTIUS GONZAGA, inter Principes Italia liberali munificentia ac splendore erga liberales artes, & præcëlentes animi dotes, ac summa quæque ingenia, compressis conspicuus, cuius tot in me extant singularis munificentia beneficia, vt quacunque ratione grati animi officium, imo iustissimum obsequium declarare pro virili nunquam sim destitutus, cum, inquam, is clementissime ac humanissime mihi indulserit, vt doctissimum Valentini Naibodæ Erphodiensis, Mathematici, & Astrologi longe eruditissimi opus, quod manuscriptum Dux ipse thesauri instar possidet, diligentius, per summum otium domi meæ euoluerem; non parum gauisus sum, vbi ex mente dicti auctoris, naturalem dirigendi modum, secundum Ptolemæum,

penes circulos positionum instituendum esse (id quod meæ sententiæ, quam super hac rein dictis Directionum Tabulis euulgavi, cõsonum est) non autem per horaria tempora, vt Cardanus, Stadius, alique nonnulli hætenus fecere, animaduerti. Atque cum idem Naiboda in opere supradicto probare conetur temporis mensuram in directionibus esse de mente Ptolemæi iuxta mediij motus diurni Solis quantitatem, ideo rem longe grauissimam studiosis facturum mesum arbitratum, si à Serenissimo Duce exorarem, vt quæ eius est humanitas, & erga liberales artes beneuolentia benigne mihi concederet, vt integram Naibodæ de hisce duabus controuersis disputationem, sub finem huiusce tractatus adiungerem & publici iuris facerem. Quod cum facile à Principe erga nostra studia optime affecto exorasset, non dubito, quin eidem in acceptis relaturi sint studiosi, quicquid ex hac Naibodæ opinione utilitatis sunt percepturi.

CAP. XI.

De reuolutionibus annuis recte hoc saculo instituendis.

QUONIAM superius Cap. 9. de annuo Solis reditu, seu reuolutione tanquam summe necessaria, & cum directionibus coniungenda, vt quæ earundem effectus vel aggrauet, vel leniat, mentionem fecimus, non ab re fore iudicamus ea de re nunc ex instituto disserere. Est autem reuolutio annua, Solis ad epocham seu locum suum, quem ab initio nascendi obtinuerat, reuersio, idque ad certum temporis momentum, quod ex recentissimo præstantissimi ac nobilissimi Tychonis Brahe calculo, qui palmam in hoc genere obtinet, docebimus inuestigare. Enimuero quam alias tradidimus Copernici rationem, hanc erroneam esse in Progymnasmatum primo Tomo Tyche ipse cum fundamento demonstrauit. Cæterum magnificendam esse Solis ad natalitium locum reuolutionem, quotidiana docet experientia, & Ptolemæus in fine capituli vndecimi sui Quadripartiti admonet. Arabes autem, alique Astrologi præteritorum temporum, tantum tribuebant reuolutionibus, vt non dubitarent integra de illis volumina conscribere; quorum tamen plerique omnes multa profana ac superstitiosa huic arti immiscuere, à quibus eandem pro virili, quantum ad Medicinam attinet, vindicare statuimus. Scripserunt autem antea de reuolutionibus Hermetes, Abenragel, Bonatus, Albumassar, Gauricus, sanctinus, Bonincontrius alique.

Constructurus itaque reuolutionem alicuius anni recurrere ad Tabellam primam Reuolutionum Solis positam in primo Progymnasmatum Tychonis tomo, pag. 108. in quam ingredi cum annis completis, ad quos reuolutionem desideras, vel simplici vel duplici ingressu, sub signo conueniente, & colliges horas & minuta, quæ semper addenda sunt horis ac minutis à meridie numeratis in radice, vt proueniat momentum temporis, quo Sol ad suum initium restituitur. Quod si aggregatum excesserit viginti quattuor horas, totidem ab illo detrahens, & residuum reseruandum est pro tempore reuolutionis, quan sit eiusdem dici radices, an vero sequentis, ex Ephemeridum inspectione edices: & supputatis inde ad tempus inuentum locis Planetarum, ac figura cœlesti, vt moris est, erecta, reuolutionem constitueris. Hoc tamen obseruato, vt si Sol non fuerit in initio alicuius signi, sed aliquot gradus in eodem processerit, tunc quidem vt exacta fiat operatio,

ingredieris Tabulam superius memoratam cum initio illius signi, quod Sol obtinet, & obseruata differentia horarum & minorum, quæ ad sequens signum excrefcit, accipies partem proportionalem, vt moris est, pro gradibus Solis; quam vbi adieceris primo numero cum principio signi Solis obseruato, exactum temporis momentum pro reuolutione adeptus fueris.

Subseruiet autem dicta Tabella absque graui errore tum pro sæculo præterito, tum etiam pro tempore venturo, ab anno scilicet 1500. vsq; ad annum 1700. vt ipse Tycho affirmat.

Sed hanc Tabellam Deo volente, in nostris Ephemeridibus iam sub prælo versantibus, pro commodiore vsu reponemus.

C A P. XII.

De qualitate, & effectibus reuolutionum annuarum, quoad vitam nati, ac valetudinem.

CONSTRUCTA redivus Solis seu annuæ reuolutionis figura perpendenda erit diligenter & cum radice conferenda, necnon & cum directionibus & progressionibus annuis, vt exactius iudicium de vita & valetudine nati ferri queat; quod vt rite fiat, hæc imprimis obseruanda sunt.

Primum in genere obseruetur Luminarium status; an scilicet illa à maleficis stellis commaculata sint absq; beneficarum auxilio, nam tunc infelicem obnunciant annum, dum tamen Luna ingressa non fuerit in locum quem beneficis Planeta in radice corpore vel salutaris radio occupabat: neque etiam benefica transitum fecerit per ipsummet Lunæ locum radicalem, si quidem tunc lenietur valde mala illa luminarium significatio. Quod si luminaria ipsa fuerint à maleficis libera, & beneficis stellis configurata, tunc optimam decernunt nati valetudinem ac tranquillitatem, dum modo non adsint alia infortunia, vel ex ingressu maleficorum in loca luminarium radicalia, vel ex ingressu luminarium in loca radicalia ipsorum maleficorum. Enimvero malum est, maleficum aliquem in reuolutione occupare locum Lunæ radicalem, vel illum ex diametro, tetragono, vel antisicio lædere; sic Lunam ipsam in reuolutione inueniri in loco, quem maleficus corpore, vel radio noxio, vel antisicio in radice obtinebat. De Sole autem, cuius respectu fiunt reuolutiones, in confesso est, quod dum affligitur à malefico in reuolutione, necessario dictus maleficus vel corpore vel quadrato, vel opposito locum Solis impugnet.

Secundo aspicendum est, quomodo se habeat dominus horoscopi radice in figura reuolutionis, necnon etiam dominus horoscopi ipsiusmet reuolutionis, an scilicet vnus & idem Planeta, & is beneficis, vtrique horoscopo præsit ac dominetur, an vero duo. Quod si duo, optimum erit ambos societate aliqua vel ratione signi, vel irradiationis coniungi. Præterea, si iidem ponantur in locis figuræ laudabilibus, hoc est, in angulis (præterquam in septima) vel etiam in aliis domibus conuenientibus optime se habebunt, præsertim si fuerint dignificati, & à maleficis liberi. Quod si sextam, septimam, octauam, vel duodecimam possederint, significabunt vel malas valetudines, vel angustias, & tribulationes, tum vero maxime si etiam alia accesserint infortunia, & si domus illa, quam obtinent, ab initio nascendi, fuerit male affecta. Horoscopus autem reuolutionis conueniens erit, si fuerit è signis in bono figuræ radice loco collocatis, & bene affectis; discon-

disconueniens vero si fuerit signum sextæ, septimæ, octauæ, vel duodecimæ domus radices, & si eadem domus infortunium aliunde sentiat. Quod si fuerit idem horoscopus reuolutionis cum illo radices, aliquid promissum in genitura eueniet & longe maius ac certius, si etiam Luna reuersa fuerit ad locum natalitium, vel si dominus horoscopi radices aliqua ratione in reditu annuo configurabitur cum loco eiusdem radicali.

Tertio consulendus est dominus anni, qui erit semper dispositor signi annuæ profectionis, ad quod horoscopus ad initium illius anni pertingit. Hic autem si fuerit fortunatus, & in bono figuræ reuolutionis loco positus, necnon etiam in radice felix, testimonium præbebit prosperitatis nati ac bonæ valetudinis. Contra vero si fuerit maleficus, & in vtroque cœli themate male collocatus, patietur natus aduersa pro magnitudine vel paucitate infortunii. Incipit autem dominus anni vires & ius suum exercere, quando progressio annua pertingit ad initium signi illius, cui ipse dominatur, quos it vt dominium non ad anni principium, sed nunc tardius, nunc citius immutetur; dum tamen horoscopus non fuerit in initio alicuius signi. Conducit autem ad statum meliorem, si dominus horoscopi radices simul euadat anni dominus; & optima erit conditio, si idem in horoscopo reuolutionis imperium teneat, & in conueniente Cœli loco statuatur.

Quarto perpendenda est figura reuolutionis in genere perinde ac si foret aliqua genesis: significant enim aliquid planetæ in figura reuolutionis, respectu domorum, in quas incidunt, licet debilius ac leuius, quam in radice, & non nisi pro illo anno, & in comparatione ad radicem: vt exempli gratia si in sextam domum reuolutionis inciderint malefici, ægritudines quidem sed leues indicant, dummodo adsint in radice significatum, & sic de aliis. Planeta namque in reuolutione augere vel imminuere potest significata radices, auertere autem nequaquam. Vnde si contrarium aliquid & alienum à radice significauerit, vmbra potius suæ significationis, quam effectum producit. Benefici autem angulares in annuo reditu ac fortes prosperitatem ac bonam valetudinem nati indicant, ceteris non repugnantibus: infortunæ vero ita positæ, & maxime in horoscopo malum seu ægritudinem obnunciant, pro natura signi, quod possederint, & pro significato in radice.

Cardanus affirmat, omnem reuolutionem, in qua planetæ sunt cōtrario modo dispositi statui radices, etiam si bene disponantur, malam esse, & periculum ingens denotare, vt si in genitura planetæ omnes sint sub terra, & in reuolutione inciderint supra terram vel contra; sic si in radice omnes planetæ fuerint cadentes à domibus, & in reuolutione in suis domibus; necnon si fuerint in genesi planetæ omnes retrogradi, in reuolutione vero directi & contra. Deterioris autem erit conditionis hæc permutatio, si constellatio bona radices in malam & infelicem reuolutionis conuertetur.

Verum si reuolutio fuerit absolute similis radici, bona erit vt plurimum, & tunc magni aliquid, à genitura antea promissum erit expectandum.

Quinto per Canonem 50. nostrarum Tabularum Directionum elicies in genitura Zodiaci partes illas ad quas singuli significatores vitæ anno illo, cuius reuolutionem perpendis, peruenerint: & per Canonem 53. addisces signa, ad quæ eorundem significatorum annuæ progressionem fuerint deuolutæ. Deinde viden-

dum est, utrum in partibus illis per directionem sumptis, sint vel corpora, vel radii quicunque tum beneficorum tum maleficorum; quorum radiorum auctores, hoc est natura illorum ac vires diligentes sunt examinandæ, necnon & finium, in quos directio incidit, dominatores sunt perpendendi: & horum omnium significaciones cum progressionibus iam dictis, & cum figura ipsius reuolutionis conferendæ. Enimuero planeta ille, ad cuius corpus vel radios significatoris peruenit directio, chronocrator generalis & præcipuus dicitur; dominus autem terminorum seu finium ipsius directionis, particeps domini appellatur: & horum duorum natura qualitatem ipsius directionis, malene sit an felix, declarabit. Efficacia autem eiusdem ex robore vel debilitate significatoris vitæ & promissoris seu radiorum domini colligitur. Atque cum significator fortis est ac robustus, promissor vero debilis & inualidus, minus nocet mala directio; at significatore existente debili, ac promissore malo ac valido, praua erit directio, & ad labefactandas natæ vires efficacissima. Porro præcipua directionis vis ac robur illo anno maxime, in quem exacte incidit, natum occupat ac maxime viget; impressio autem per directionem facta tantisper perdurat, quousque planeta illius, qui promissoris officio fungitur, meta orbis extenditur, dummodo intra easdem metas non successerit promissor alius prioris significationem derogans.

In genere autem Martis effectus validi ac potentes breuiiores sunt, solent enim eodem anno, quo significator ad corpus vel radios eiusdem fertur, terminari: verum infortunia à Saturno illata diuturniora sunt, & ad annos aliquot producuntur. Quamobrem si generalis chronocrator, & collega eiusdem seu finium dominus illo anno, quo fit reuolutio, fuerint benefici, bene dispositi, & nulla ex parte ab infortuniis supra nominatis infelices, prosper erit annus ille & natus optima si uetur valetudine: at si iidem fuerint malefici & infortunati, contrarium eueniet. Tum cum his conferantur profeciones, quæ si bonæ sint, directiones felices promouent & adiuuant, infelices vero ac malas debilitant & aliquo modo labefactant: at si malæ sint, directiones bonas contraminant, malas autem peiores ac perniciosiores reddunt, quibus si accesserint aliqua ex infortuniis supra memoratis, virus augent, & ad nocendum potentiores euadunt: si quidem videmus indies directiones ipsas per se minus esse validas ac potentes, nisi à progressionibus annuis & transiibus planetarum adiuuentur; progressionibus vero & transitibus sine directionibus parum posse, & exiles ac vimbriales quodammodo effectus producere. Ceterum si in reuolutione illius anni, in quem exacta cadit directio, significator ad locum promissoris, vel hic ad locum illius redierit, promissor autem ipse seu significator vel corpore, vel radio aliquo ibidem præsens fuerit, effectus utriusque directionis scilicet, & reuolutionis erit, efficacissimus.

Sexto considera planetas, qui vel corpore vel radiis per loca illa Zodiaci, ad quæ directiones vel progressiones significatorum vitæ illo anno pertigerint, concurrunt: qui si fuerint benefici bonam indicant illo anno valetudinem, si malefici, aduersam. Validiores autem sunt transitus per loca directionum, quam per loca progressionum annuarum. Porro transitus etiam ipsi extra reuolutionis initia aliquid, licet minus operantur: quippe si planetæ benefici per horoscopi aut significatorum vitæ loca transferint, faultus erit transitus, si malefici infaultus. Sic etiam in reuolutione transitus domini ascendentis super loca genituræ malefica, matus

est, super benefica bonus, tum vero maxime, si locus ille, hoc est planeta maleficus vel beneficus in reuolutione prærogatiuam aliquam obtinuerit.

Iam vero transitus mali in specie coniungendi sunt directionibus pro inueniēdo mense ac die, quam proxime futuri mali vel ægritudinis Occurrente enim directione aliqua infælici, diligenter examinandi sunt mali planetarum transitus illius anni, atque eorum maxime, qui ad directionem ipsam pertinent. Addūt autem nonnulli profectiones etiam nocturnas & diurnas, quæ cum directione aliqua conueniunt; de quibus nos in Directionum Tabulis egimus. Sed hac in re summo iudicio est opus, quod in anno quocunque plures contingant infausti transitus, qui directionem ipsam possunt depravare.

Septimo si progressio horoscopi, vel Solis vel Lunæ peruenierit ad locum quem maleficus quispiam in radice per præsentiam vel hostilem radium inf. statuit: atque ipse maleficus in reuolutione eundem locum maligne respexerit, iudicium est ægritudinis vel angustiarum animi, seu alterius periculi, pro natura ipsius malefici.

Octauo & ultimo Eclipsis vel cometes, quæ vel in annuæ reuolutionis initio, vel post contigerit, super gradum Solis proxime, vel Lunæ, vel horoscopi, mala est & nonnunquam lethalis, & ad mortem inferendam sufficiens, præsertim si lumine offensam hylegalem potentiam, hoc est vitæ dominium obtinuerit. Sed & idem eveniet, si cometes vel eclipsis acciderit in loco directionis cuiusunque vitæ significatoris: aiuntque alii malum etiam esse, si occurrerit in horoscopo reuolutionis, vel in loco Lunæ eiusdem.

C A P. XIII.

De conicienda qualitate ægritudinis vel mortis ex mala directione.

SV PRA capite octauo recensuimus complures anæretas qui vel ad inferendas ægritudines, vel ad vitam terminandam sunt idonei: sed de qualitate ægritudinum ab anæretis illis prodeuntium; & de mortis causa nihil egimus, idque eo consilio, vt ea præmitteremus, quæ ad sequentium maiorem intelligentiam facerent. Vt igitur iam cognoscamus, cuius speciei sint ægritudines ac mala quæ ab vnaquaque directione proueniunt, consulendus erit locus, ubi sit occurfus, id est ipse promissor: qui vel erit corpus vel radius alicuius planetæ, vel antiscium: & hic quidem planeta principalis ægritudinis vel mortis author existet: cui si alius vel corpore, vel radio proxime successerit, is etiam pro qualitate mortis vel ægritudinis discernenda erit assumendus, ita tamen vt summum imperium hac in re primario auctori, seu promissori concedamus. Quin immo omnis Planeta, qui si superioribus aliquo pacto configuratur, & finium loci directionis dominus est, variandæ qualitatis ægritudinis vel mortis facultatem non contemnendam habet. Horum itaque omnium proprietates ad inuicem commiscere & temperare conuenit, coniungendo etiam naturam loci seu signi, ubi cadit directio; & propriam significationem, quam fortientur Planetæ in radice tum respectu loci figuræ, tum respectu signi in quo versantur; quorum ingenium edifices ex capite superiore de vitiis & morbis. Verū enim uero si peremptor seu occurrans fuerit proprius ipsiusmet aphææ quadratus, tunc pro conditione mortis seu ægritudinis definienda accipiemus illos Planetas, qui post illum aspectum quam proxime vel corpore vel radiis succedunt, & qui finibus, in quos

aphatæ a pectus incidit, prædominantur. Nunc autem simplices idiotropias, seu significationes singulorum Planetarum, ex Ptolemæo, Cardano, Naiboda, Ferrerio aliisque recenscimus; quæ licet in singularibus raro comperiantur, attamen ad certam speciem seu formam particularem, ex aliquot simplicium concurrunt.

Saturnus ægritudinem vel mortem adfert ex intemperie frigida & materia cruda, ex morbis qui in humoribus melancholicis, & humiditatibus aquosis fundantur, & cum splene & matrice, & omnibus aliis cavitatibus retentioni destinatis cognationem habent, ut sunt febres quartanæ, diurnæ, & quotidianæ, phthisis, lepra, & omnia cutis vitia à putridis salis & atis humoribus orta, ut scirrhus, cancer, strumæ, inueterata maligna; & vlcera, alopecia & ophiasis, surditas, diuturna spirandi difficultas, canina appetitæ, hepatis & lienis obstructio, cachexia, hydrops, colicus affectus à flatibus vel pituita, hæmorrhoidum dolores, vesicæ calculus, hernia, vteri durities & suffocatio, mola, podagra, chiragra, & ischias ex frigidis humoribus, varices, & quicumque morbi ex crassis & melancholicis succis aut flatibus, vel ex immoderata corrumpenteque copia frigoris generati longiore tempore perdurant.

Iupiter facit morbos, qui cum alterato excretoque spiritu rem habent, ut sunt asthma, scætor oris, angina, pleuritis, peripneumonia, cõuulsio, apoplexia ex plenitudine, dolores capitis & pectoris ex copioso sanguine, febres synochæ non putridæ, diariæ omnes febres, columellæ inflammationes, singultus, ac insuper interiores omnes ac exteriores ex sanguine tumores, & morbi ex copioso sanguinis & spiritus corruptione exorti.

Mars facit ægritudines vel obitus vel plagas, per sanguinis exspuitiones, per hæmorrhagias, seu sanguinis per intestina, sedemque fluxiones, per febres tertianas, continuas, & ardentes, per pestem, & vlcera ardentia, per hemicraniam, capitisque dolores ex bile: Ac insuper conueniunt Marti, phrenesis, mania, & motus, cholera, icterus, dysenteria, nephritis, exanthemata, herpes, erysipela, furunculus, carbunculus, & breuiter omnes morbi, qui ex bile aut torrefacto sanguine, aut renum affectione, & calidi superflua & corrumpente copia ortum ducunt; & in mulieribus particulariter significat abortiones, & difficiles, infauscosque partus.

Soli adscribuntur calidi defluxus humorum ad oculos, cæcitates, ophtalmiæ, syncope, cordis palpitatio, cardiaca, febres continuæ mitiores, capitisque dolores ex calido humore vel spiritu à Martis feruore declinantes.

Veneri morbi sunt ex superflua pituita, humiditateque & intemperantia cõsurgentes, & qui cum ventriculo & intestinis & genitalibus cognationem habent, ut sunt abscessus molles & pallidi, œdemata, satyriasis, priapismus, gonorrhœa, imaginaria Venus, concumbendi impotentia, insania ex amore, morbus gallicus, vlcera quoque molliter serpentina & fistulæ, potiones venenorum, & denique Medicinæ importunæ exhibita Veneri adscribuntur.

Mercurius facit morbos, qui cum cerebri spiritibus, & nervis, pulmonibus, linguaque cognationem habent, ut sunt mania, seu insania & amentia, phreneses, lethargus, vertigo, caducus, tussis sicca & leniter irritantes, multa frequensque expuitio, balbuties, & alia linguæ, seu loquelæ impedimenta, & vitia cogitationes horri-

horribiles, & inquietudo animi, & quotquot ex superflua & corrupta siccitate proueniunt, & quicumque incertis temporibus affligunt & occultam causam habent.

Lunæ tandem, teste Ferrerio, conueniunt epilepsia, podagra, anthritides, hydrops ex flatibus, aut pituita serosisue humoribus, sed tamen participante Saturno propter diurnitatem, ac insuper apoplexia, paralysis, lethargus, coma, catochos, catalepsis, soporiteræque affectiones, conuulsiones, tremores, catharri, grauedines, destillationesque omnes, oculorum vitia ex frigidis & humidis causis, stomachi frigiditas & imbecillitas, diarrhoea, lienteria, lumbrici, luxationes, & quicumque cum frigidityte humiditatem admittunt.

Cæterû hæ affectiones, Planetis adscriptæ, non sunt alienæ ab attributis quatuor anni temporum, quæ ab Hippocrate recensentur; quæ enim Ptolemæus & Astrologi beneficis Ioui & Veneri assignant, eadem Hippocrates tribuit temporibus Vernalibus: similiter Martis ac Solis attributa conueniunt morbis per Æstatem grassantibus, Mercurio cum Saturno conueniunt morbi Autumnales, magis tamen Mercurio; Hyemales demum morbi conueniunt Saturno ac Lunæ.

Huius etiam loci est scire quattuor esse mortis genera, quæ Ptolemæus cap. 10. Quarti Apotelesmaticorum introduxit. Vna est mors mitis & naturalis per humidi radicalis consumptionem, calorisque vitalis defectum in ultimo senio, quæ raro hominibus contingit: alia est propria naturalis, sed non mitis, quæ contingit ex morbis ab utriusque temperamenti intemperie suscitatis, qui violentiam quandam internam nato causant, ex qua mors præmature, seu temporis nato accedit, & huius generis occubitus sunt ex morbis acutissimis, ut est pleuritis, angina, peripneumonia, & quicumque alius morbus pestilens, & referuntur etiam huc mulierum abortus, & fetus mortui.

Hi autem occubitus proprii & naturales accidunt, quotiescunq; potiores mortis auctores qualitatem eiusdem decernentes fuerint in locis propriis & domesticis, adiuti à beneficiis stellis & eiusdem sectæ, & minime superati à sectæ contrariæ stellis. Tertia & quarta mortis species, sunt neces violentæ & crudeles à causa externa illatæ: & harum vna est priuata, ut si quispiam in rixa aliqua occidatur, vel aquis mergatur, vel precipitio vitam finiat: altera est publica, ut quando ex condemnatione spectantæ populo capite truncatur, vel suspenditur, vel crematur. Has autem mortes violentas euenire vult Ptolemæus in genere, quando ambo malefici Saturnus & Mars imperant seu dominantur loco anæretico, seu coniuncti, seu quadrangulares, seu oppositi, vel quando alteruter maleficorum seu ambo affligunt alterum, vel utrumque luminare. Sed non est nostri instituti mortis violentæ significationes referre, cuius singulæ species seu formæ particulares recensentur tum à Ptolemæo, tum ab aliis nonnullis. Proposuius enim nobis ea tantum scribere, quæ ad rem medicam faciunt, & quæ à sacrosancta Ecclesia Catholica, cui ego in omnibus me subiiicio, scribi posse conceduntur.

C A P. XIV.

De momento temporis, quo quis primum decubuit, diligenter obseruando.

COMMVNI omnium tum Astrologorum, tum Medicorum, qui hanc artem, Astrologiam dico, præclare exercent, opinione receptum est, construendam

esse figuram cœlestem ad morbi cuiuscunque initium, vt eiusdem tum essentia, tum dies critici, tum accidentium varietates, & denique exitus prævideri queant; siquidem ex tali cœlesti schemate, sitne ægritudo lethalis vel ad salutem terminans, diuturna vel brevis facillime ratiocinari possumus. Sed horam primi insultus ipsius ægritudinis exacte inuenire difficillimum est, tum vero maxime in febribus, & aliis compluribus morbis: in plerisque tamen, vt in vertigine, apoplexia, epilepsia, paralyti, hæmorrhagia, pleuritide, & similibus non est magni oneris horam morbi præcisam consequi. In genere autem illud temporis momentum pro morbi initio assumendum est, quo quis manifestam operationum in corpore senserit læsionem, aut cum manifesto febricitare incipiens decubuerit. Quod temporis punctum, vt facilius nonnulli assequerentur, horam æstimatam ipsius decubitus, non aliter quam si foret aliqua genesis, solent rectificare per Animodar, iuxta doctrinam Ptolemæi capitis secundi Apotelesm. 3. de parte Horoscopi. Quam ego temporis inueniendi curiosam rationem neque refello, neque approbo, sed Medicis, quorum illud est oneris, experientia approbandum relinquo. Sed aliorum quorundam curiosam superstitionem maxime redarguendam censeo, qui ægritudinis principium ignorantes, ad damnatam quæstionem seu interrogationum artem confugiant, & figuram cœlestem interrogationis erigunt ad illud temporis momentū, quo vrina ægri ipsi oblata est, aut quo de morbi auxilio ab ægroto consuluntur; & de hac figura non secus iudicium ferunt, quam si exactum primi decubitus punctum obtinuissent. Atq; hæc Arabum quondam & Iudæorum Astrologorum fuit amentia, quos nescio quo consilio neoterici complures sectantur, vt Albertus Magnus, Marsilius Ficinus, Villanouanus, Apponensis, Boderius aliique. Quinimmo & Augerius Ferrerius peruersa aliorum opinione induci se est passus, vt crederet tolerandam esse hanc doctrinam, dummodo Medicus horam interrogationis non deliberato animo, sed quasi interrupto sortiatur. Scribit enim in hæc verba in libello de diebus decretoriis: Putant Astrologi repentinos illos incautosque animi motus è Cœlo promanare, Cœlumque & ad accerendum Medicum, & ægotantis amicos & ministros eo modo impellere. Verum enimvero nos superstitiones hæc, apparenti aliqua veritatis vmbra, seu super inducto illinimento contextas, omnino repudiandas censemus, & rationabilia artis principia tantum retinenda, non minus enim hanc interrogationum Astrologicarum vanitatem, quam Geomantiæ friuolam superstitionem à bonis omnibus merito damnatam, explodendam iudicamus.

Constructa itaque ad morbi initium cœlesti figura diligenter conferenda est cum figura natiuitatis ægri, & cum reuolutione anni illius, in quo natus decubuerit, examinatis prius singulorum vitæ sustentatiuorum directionibus, progressionibus annuis, aliisque requisitis, de quibus paulo post agemus. Enimvero decubitus magnam habet familiaritatem & dependentiā à genitura; nam cum ab initio nascendi cuicumq; nostrum calor quidem cœlestis primarius infundatur, nobiscum vsque dum viuimus permanens, & cum suæ cuique impressæ ac congenitæ sint peculiare influentiæ ad sua accidentia naturalia; huic primario calori inceptus superuenit calor alius secundarius ac influentiæ aliæ, ex quibus succedentibus temporibus accidentia ipsius nati subinde aliter atque aliter afficiuntur, prout ipsorum siderum positus continenter penes directiones, progressiones, & transi-

transitus variantur, in comparatione tamen ad primam natiuitatis radicem, cum hæc omnia per experientiam inueniantur adinuicem congruere. Quapropter velle resolute scire essentiam alicuius ægritudinis, & exitum eiusdem, est reducere eandem ad sua principia propria, & ad suas causas, in quib. latitat, tanquam regrediēdo ab effectu ad causam. Enimvero certum est, Planetas, ad sanitatem & infirmitatem, vitam & mortem tanquam causas efficientes, secundarias & instrumentarias naturales ex diuina providentia concurrere. Cœlestia enim corpora non solum agunt lumine, motu, & influentia in quattuor elementa, sed etiam in omnia elementata, & præcipue in hominem, non solum in ipso nascendi principio, verumetiam continuo vsque ad eius durationem & interitum, nunc excitando in ipso sanitatem, quæ stat in perfecta humorum contemperatione, cum scilicet loca sustentatiua vitæ benignos ac salutares radios attigerint directione, processu, & transiibus: nunc infirmitates varias eidem inferendo, alteratis nimirum humoribus eius, & eductis de potentia materiæ contrariis qualitatibus & præter naturam, idque propter malam aliquam sustentatiuorum vitæ directionem ad noxios Planetarum maleficorum & vitæ inimicorum radios, quæ qualitates corrumpere valent complexiorem innatam membrorum, excitando in illis noxios humores, & conducendo ad talem statum, sub quo temperatura nati stare non potest: vnde cum actus solitos & operationes necessarias subire natus nullo pacto queat, non solum in ægritudines labitur, sed & ad mortem sæpiissime conducitur.

Vt autem morbi cuiuscunque efficientem causam ex præcognita genesis figura cognoscamus, confugiendum nobis erit ad Canonem 50. nostrarum Tabularum Directionū, quo mediante loca ipsa Zodiaci ediscemus, ad quæ directiones singulorum, vitæ sustentatiuorum illo anno peruenerunt; vnde facillime postea constabit, an illis in locis adsint malefici vel corpore, vel radiis noxiis, vel perantificium, & vtrum ægritudo futura sit periculosa vel leuis, & ex qua causa. Quæ omnia cognoscemus, si loca ipsa occursus, & vitæ prorogatores diligenter examinauerimus, sicut in superioribus docuimus. Et vbi Planetā illum, qui ægritudinem causat, inuenerimus, conducet etiā plurimū ad speciem morbi dignoscendam figura cœlestis ad illius initium constructa, in qua per consensum apparebit vel Lunam infortunium pati ab eodem Planeta, qui morbi auctor est, vel aliud quidpiā consimile. Enimvero volunt Astrologi ac Medici in figura ægritudinis Ascendentem seu primam domum, & Lunam cum dispositore ascendentis in vitam æroti & corpus eius ac humores præcipuum obtinere dominiū, & nonnunquam etiam Solem. Sed ascendens & Luna dispositores proprie tunc significantes animæ ipsius nati & infirmitatum, quæ eidem accidere possunt, vt alienatio mentis & rationis, mania, melancholia, phrenesis & similia. Quare si ascendens, Sol, & Luna damnati fuerint, ægritudo erit in toto corpore; si horum etiam dispositores vel omnes, vel duo saltem afflicti fuerint, erit etiam ægritudo in spiritibus cum mentis alienatione. Considerant porro sextam tanquam domum ægritudinum, sicut in genesis, licet nonnulli septimam morbo adscribant, vt Cardanns; sed optimum erit vtramque tam sextam, quam septimam pendere. Octaua autem mortis significationem retinet. His adiungit Cardanus luminaria viribus laborantis ascribi, & infortunas viribus morbi, & curiosiores quidam aiunt decimam domū eiusque dominum significare Medicum; quartam vero & eius dispositorem indi-

care medicinas & astantes ac seruientes egroto. Sed Ferrerius diuersam ab aliis opinionem tenet, ait enim, ascendentem morbo deberi, septimam ægro, decimam Medico, & quartam medicamentis. Quod cum rationi ipsi & communi omnium opinioni repugnet, non video, qua ratione possit experientia (nam ita se exper- tum esse scribit Ferrerius) respondere.

Verum penes auctorem sit fides, ego enim nunquam succenserim figuram ad initium morbi constitutam hac in re diuersam esse à genituris.

Cæterum ex hac consideratione in genere iudicium ferre possumus de statu infirmi; nam si prima domus & Luna eorumque domini male afficiantur ratione signi vel domus erit languenti malum, si damnati sint à maleficis, erit mortis periculum, maxime vero si cum domino octauæ cognationem habuerint. Contra si bene afficiantur, morbus erit sine laboribus, si saluentur & à maleficis liberi sint, nihil erit periculi in ægritudine. Præterea si fortuna fuerit in ascendente & bene affecta, æger erit boni regiminis & salubribus incumbens, ac Medico ac astantibus obtemperans: at si ibidem fuerit infortuna, æger sua victus & animi intemperantia morbum fouebit & augebit, nec erit Medico aut sibi seruientibus obediens.

Deinde beneficis Planeta in sexta vel septima domo morbum abiq; medicamentis curat; maleficis vero ægritudinem in aliud morbi genus traducit, & malum plerumque finem comminatur.

Adhuc beneficis in decima Medicos salutes porrigit, maleficis ibidem inutiles. Tandem vero si quartam domum fortunatus Planeta obtinuerit, medicamenta nato proderunt, si maleficis, illa quæ prodesse debebant, morbum augebunt.

Sed hæc in genere dicta sunt, nunc ad particulares figuræ ad inuasionem morbi constitutæ indicationes accedamus; quæ Medico summâ opem ferent, etiam si genituram ægri non viderit, magis tamen proderunt, si & genituram ipsam & reuolutionem annuam, prout monuimus, simul obseruarit.

C A P. XV.

De essentia, seu natura ægritudinis, ex figura ad initium morbi erecta, cognoscenda.

DIXIMVS supra, causas efficientes primitiua alterationis & corruptionis humorû, ex quibus ægritudines proueniunt, à cœlestibus corporibus deriuare, præsertim vero à maleficis stellis, quando aliquo pacto vitæ significatori- bus obuiam fiunt. Quamobrem cum luminaria vt plurimum vitam foueant, accidit interdum, vt Sol tempore illo, quo quis decumbit, malo aliquo transitu diuexetur, sapius autem Luna, quæ quoniam terris est proxima, magis regit nostros humores, & ob sui cursus velocitatem cæterarum stellarum influxus ad nos desert. Quin etiam quandoque contingit, vt tam Sol, quam Luna ad initium morbi à maleficis per transitum affligatur, & tunc validum erit iudicium grauissimæ ægritudinis, quæ plerumque morte terminabitur; cui assentitur Rīgus Aphorismo 92. dum ait, detestabilissimas esse figuras natiuitatû, quando ambo luminaria sunt in oppositione duarum infortunarum, ac vtraque in malo aspectu.

Sed & alius quicumq; Planeta malæ affectionis à seipso significatæ indicium dabit, si in radice testimonium talis morbi obtinuerit.

Vbi igitur Solem videbis ad initium morbi afflictum à Saturno vel coniunctione, vel quadratura, vel oppositione, vel per antisicium, coniicies protinus ægritudinem futuram Saturninam vtpote ex melancholicis humoribus ortam, & ex genere illarum, quas Saturno proprias esse supra diximus: pro qua particularius dignoscenda alix etiam coniecturæ requiruntur, vt sunt testimonia reliquarum stellarum, quæ cum Sole vel Saturno commiscentur, item Luna & horoscopus; & signi emergentis ad initium morbi dominus, qui semper significationem habet super esse ægri. Idem iudicandum est, si Sol repertus fuerit in loco Saturni radices, vel in eius opposito, vel quadrato, quando de genitura constat, etiam si directiones annilabentis ignorentur.

Verum si Sol à Marte ad initium morbi aliquo modo infortunetur, ægritudo erit cholericæ & à bile orta, aut ex mala affectione cordis, vt palpitatione, aut etiam ex alia ægritudine à Sole vel Marte originem trahente, vtpote ab exuperantia caloris & corrupta siccitate. Sin auem Iupiter afflictus erit, morbus ex mala hepatis affectione, aut ex alia causa, quæ Ioui conuenit, procedet, iuxta ea quæ capite 13. scripsimus. Venere autem existente infortunata, morbus erit ex intemperantia coitus, vel nimia crapula, & circa pudenda, vel ex mala ventriculi affectione, vel ex alia causa Veneri cognata. Sed si Mercurius infortunabitur, laborabit æger ex inquietudine animi, vel amentia, vel phrenesi, vel similibus indispositionibus supra Mercurio assignatis. Postremo vero si Luna à malefico aliquo infortunium patietur, iudicandum erit de ægritudinis essentia & qualitate pro natura ipsius malefici, & pro ingenio signi illius, quod tunc Luna possidet. Qua in re consulerem ego recurrendum esse ad Mercurij seu Hermetis Trismegisti Iatromathematicam, vel ad libellum Hippocratis de decubitu infirmorum, id est, de statu ægrorum secundum motum & dispositionem Lunæ, necnon ad libellum eiusdem materiæ Galeno adscriptum: qui omnes ita inter se conueniunt, vt videatur doctrinam hanc per manus mutuo sibi tradidisse. Sed his superiorum auctorum scriptis sobrie est vtendum, vt ait Ferrerius, largior enim est eorum doctrina, quam vt in tanta corporum affectionum varietate eodem tempore in omnibus reperiri possit.

Sed & ad hanc cognitionem conferunt ea, quæ Cardanus scribit Segmento Quinto, Aphorismo 101. vt, Saturnus in igneis, cum Sol debilis fuerit, facit heceticas febres; Iupiter autem sanguineas absque putredine; quod si Mars affuerit, putridas.

Præterea Mars in signis igneis facit arduas febres omnis generis, & acutas ex materia cholericæ, & Venus in iisdem ephemeræ; sed Mars Veneri commixtus putridas febres ex pituita gignit. Mercurius vero in signis igneis mixtas febres pollicetur. Quod si Luna ipsa in eis similiter sit, pituitosas gignit febres ex crasso humore putrescente. At si Saturnus sic existens cum Marte misceatur, fiunt febres melancholicæ. Si Mars sub Sole sit in sexto loco vel duodecimo in igneis signis, febres æstuosas ac incendentes, & perniciosas, similesque venenis efficit. Quod si his existentibus humana signa pro igneis supponantur, eadem erunt: sed vt mitiora videbuntur, sic magis occulta, ac veneni qualitatem præferentia. At si cum his Saturnus, aut cauda, caputve, aut Venus combusta misceatur, vel stella fixa, quæ venenum decernat, vt est Cor Scorpii, aut constitutio fuerit pestifera, vel Planetæ hi in Scorpione vel Leone adurantur, erunt febres hæc omnino

pestilentes ac perniciosæ. Proprium autem prauarum febrium est, ut fiant Sole in Leone damnato. Sed Sole ipso valido existente, non fiunt febres ex putrescente materia, nisi casu. Signa autem aquæ febres putridas minantur, & mali moris, sed & putredines, & corruptiones cum Mars in eis dominatur, præsertim combustus. Postremo vero terrea signa à putridis febribus maxime sunt remota. Idem Cardanus alibi ait: Beneficas stellas mites, maleficas prauos suggerere morbos: & orientales, manifestos, occidentales occultos, sed sub solaribus radiis latentes, prorsus etiam incognitos: quanquam Planeta ibi constitutus, si morbi auctor erit, solum virtutis languorem, & humorum exustionem decernit. Hæc ex Cardano, quibus addere possumus illa, quæ Ludouicus de Regiis Aphorismo 73. secundæ partis tradidit; Lunam scilicet in Ariete in octaua indicare calidam infirmitatem in capite, & in pectore. Deinde & Aphorismo 91. eiusdem partis ait: In omni morbo Lunam considerandam esse, quæ si fuerit in opposito Martis, morbos venenosos inducit, sicut in signis igneis, terminanturq; cito, & raro ad vitam. Si vero fuerit iuncta Marti in signis aereis, & potissimum in Geminis incisionem ferri seu percussionem demonstrat. Ait præterea Federicus Chrysogonus, Saturnum in trigono aqueo, dum morbi auctor est, ægritudinem producere ex materia frigida, & humida, maxime si Planeta humidus testimonium præbuerit, ut Venus, vel Luna: & materia morbi tunc erit multa, vel grossa, vel vitiosa, cum accidentibus & paroxysmis longis, cum frigiditate, horripilatione vel tremore. Sed si idem Saturnus fuerit in signis fixis, efficit febrem longam, subintrantem, vel raro à febre mundum, vel quartanam: si vero in signis mobilibus fuerit, facit pituitam nasi, vel descensum catharri à capite ad stomachum, ubi putrefit, & stomachi dolorem ac nauseam adducit. Et si ratum ille fluxus per nunciam habuerit, dolores causabit in membris & iuncturis. Saturnus etiam ultra febres, existens in diuersis signis solet causare morbos inseparabiles, quando morbi causa fuerit. In signis a. fixis facit lepram, podagram, vel sciaticam, & chiragram. In signis autem mobilibus facit fluere humores per totum corpus: puta hydropem, debilitando virtutem digestiuam ipsius, resoluendo calidum eius naturale nimia eius frigiditate: quod si Mars ibi testimonium præbuerit, & in signo mobili fluere faciet catharrum falsum à capite ad pectus, qui ulcerando substantiam pulmonis & pthisim causabit. Si vero extiterit in signis communibus, scilicet in Geminis, Virgine, & Sagittario seu Piscibus; ægritudo non erit vna, sed plures, & recidiua patietur: in qua si Saturnus cum bonis fuerit in illa recidiua sanabitur, si vero cum malis, in illa morietur. Si vero Mars febris causa extiterit, & in Leone fuerit, ebullitionem humorum & caustionem producet, minera cuius erit in venis magnis prope cor. Si vero in signis mobilibus, ut in Ariete, Cancro, Libra, vel Capricorno, febris erit acuta & cito terminatur, ut in pluribus in malum. Si vero in signis communibus, ægritudines erunt plures, & acutæ, cum recidiua; cuius accidentia erunt repentini motus, & crises veloces in bonum vel in malum pro natura aliorum significatorum. Signa etiam longarum ascensionum adiuuant ad longitudinem morborum, & in toto corpore breuium autem ascensionum, diminutionem morborum, vel amissionem alicuius membri causabunt, cito terminantem. Si vero æqualium ascensionum fuerint, morbos causabunt æquales in malitia & longitudine: si autem Mars fuerit morbi significator, breues morbos, sed acutos significat. Sed si Saturnus longas ægritudines; si vero cum bonis

bonis fuerit, minuetur de malo, & si cum malis augebitur de malo. Hucusque Ch. yfogonus.

Sunt etiam, qui dicant sextam Cœli domum, eiusque dominum ostendere infirmitatem, & eius causam; in quam si inciderit signum terreum, indicabit ægritudinem ex frigidityte & siccitate, & proinde melancholicam: si aerum ægritudinem ex caliditate & humiditate, & per consequens ex sanguinis corruptione genitam esse: si ibidem sit aqueum signum, erit infirmitas ex frigidityte & humiditate, vtpote ex phlegmate, si fuerit igneum signum, erit infirmitas cholericæ ex caliditate & siccitate proueniens. De domino autem ipsius sextæ domus præcipiant obseruandum esse signum, quod ipse possidet, vt in cognitionem deueniat, quo in mēbro futurus sit morbus & infirmitas, maxime si dictus Planeta infortunium in illo signo patietur, vt si fuerit in Ariete, denotabit morbum in capite, si in Tauro, in collo, & sic de reliquis, iuxta prædominium super membra corporis, de quo extat supra cap. 2.

Alij considerant Planetam maleficum morbi auctorem, & iuxta domum, in qua inuenitur, veniantur corporis partem, quæ morbum passura sit: vt si talis Planeta in prima domo fuerit, capiti infirmitas imminet; si in secunda, collo, & sic de aliis. De domorum autem significatis super humani corporis membra, egimus dicto 2. cap. Verum considerata est imprimis propria ipsius morbi auctoris natura, habita etiam ratione signi, quod possidet. Nec debet Medicus his tantum causis cœlestibus, quæ à priori essentiam & causas ægritudinis cōmonstrant, acquiescere, sed oportet, vt eandem inuestiget à posteriori, per signa & accidentia, quæ ipsam ægritudinem consequuntur, quo tutius ac certius iudicium ferre queat de ægri vel salute, vel morte, & vt in medicamentis adhibendis recto procedat ordine.

C A P. XVI.

De quattuor anni temporibus à Sole per Zodiacum discurrente factis, ac de quattuor diebus quadrantibus, qui totidem anni temporibus assistunt.

CVM Medico omnino sit necessarium, vt in ægritudinibus dignoscendis statum temporis anni diligenter obseruet, quod singulis anni partibus proprii ac peculiare destinentur morbi ex consimili humore temporis genii, opere precium facturi videmur, si de his etiam breuiter nonnulla differemus.

Contingunt autem diuersitates temporum non solum ob propinquitatem & remotionem Solis, quam sortitur oblique ascendendo vel descendendo, sed habent etiam illæ respectum ad priorem terræ dispositionem; quinimo in vnoquoque horizonte singulæ hæc quattuor temporis qualitates alterari possunt ex varia reliquarum stellarum cum inter se, tum ad Solem habitudine.

Sol itaque initium Capricorni obtinens, longius à vertice nostro recedit, & terram obliquis admodum radiis ferit, quo fit, vt eandem non admodum calefaciat; vnde terræ ipsius & aquæ vis frigida maxime dominatur, nec tūc aer rorescit aut arefcit, propter radorum Solis debilitatem, imo potius spissatur in nubes, quæ deinde dissoluntur in pluias vel niues. Hinc fit quædam anni varietas frigida & humida, quam hyemem dicunt, quæ producit ac perdurat, donec Sol quadrantem integrum Zodiaci, quæ hyemalem dicunt, vt Capricornum, Aquarium, & Pisces pertrans-

pertransierit. Ingreditur autem Sol primum Capricorni punctum hac nostra ætate die 23. Decembris anni Gregoriani.

Quamobrem ex debili actione Solis terram parum excalefacientis, & ex forti resistentia frigoris tunc admodum vigentis cōstringuntur pori superficiei terræ, nec calor ille exiguus in eandem immissus potest euaporare, sed retētus potius inter terræ viscera, radices herbarum & arborum nutrit, vicemq; matris prægnantis obtinet. Crementum autem conferre nequit, quia nec humor, nec calor, ex quibus est omne crementum, potest ascendere. Sic etiam in corpore humano pori ex frigore cōstringuntur, vnde calor nequiens euaporare deinetur intus ac plus consumit, quo fit vt homines hyeme plus cibo indigeant, quam cæteris temporibus: quamobrem sanitati maxime conducit vesci tunc cibis calidis & siccis. Est autem hyems in genere frigida & humida, sed tamen sub principium est magis frigida, & minus humida, dum scilicet Sol Capricorni signum permeat, in medio æqualiter est frigida & humida, Sole discurrente per signum Aquarii; sed in fine est magis humida, quam frigida Sole per signum Piscium deambulante. Assimilatur autem hyemi ex elementis aqua, ex humoribus phlegma, ex complexionib. frigida & humida, & ex hominum ætatibus decrepita. Præterea vt phlegmatici tempore hyemali male se habent, quod phlegma ipsum augeatur, ita contra cholerici probe & optime valent; & sicut hyeme, qua phlegma dominatur, male se habent senes, ita è contrario optime iuuenes. Quod verò ad morbos attinet pessimi sunt illi, qui ex phlegmate oriuntur, vt febres quotidianæ, minus mali, qui ex cholera originem trahunt, vt tertiana. Contingunt autem vt plurimum hyeme catharri, destillationes, morbi laterales, & pulmonis inflammationes, tumores, grauedines, atq; raucedines, tusses, dolores pectoris, punctio laterum atq; lumborum, capitis dolores, vertigines & apoplexiæ. Sunt q; vt plurimum hyemales morbi longi, ac variantur interdum iuxta variam ipsius hyemis constitutionem, & prout præcedens anni constitutio se habuerit, vt apud Hippocratem & Medicos patet.

Veris initium Sol efficit attingens primum arietis punctum Æquinoctij die 21. Martij, & discurrente per totum quadrantē Zodiaci Vernalem, qui continet Arietem, Taurum & Geminos. Porro cum Sol ipsum Æquinoctium ingreditur, tunc est in medio ascensu respectu vtriusq; tropici, nec à vertice nostro nimium remotus, nec nimium propinquus, ideoq; nec aer nimis vel calidus, vel frigidus, vel siccus, vel humidus, sed inter quattuor qualitates temperatus est; ex qua deinde temperie pori terræ aperiuntur, euaporatq; fumus humidus, qui per radices herbarum & arborum ascendens confert eis augmentum & vegetationem. Est autem hoc Veris tempus de sui natura calidum & humidum, sed tamen inconstans, vt scilicet nunc pluuiosum & humidum sit ob hyemis vicinitatem, nunc remisse calidum, nunc vero frigidum. Et viget in illo calor maxime ac humor: calor quidem ob accessionem seu eleuationem Solis respectu verticis, humor vero ob vicinitatem præcedentis hyemis. Præualeat tamen in principio Veris humor calori, discurrente Sole per signum Arietis; sed dum ille Taurum obtinet, medio scil. Veris tempore, calor & humor ex æquo prædominantur; in fine autem, Sole in Geminis versante, calor humorem superat.

Adhuc Vernali tempori assimilatur ex elementis aer, ex humoribus sanguis, ex complexionibus calida & humida, ex ætatibus pueritia. In hoc melius se habent

bent melancholici, peius sanguinei, melius senes, peius pueri. Pessima est infirmitas ex sanguine ortum ducens, vt synocha; minus mala, quæ venit ex melancholia, vt quartana. Accidit autem sæpissime, vt homines tempore Veris; maxime vero in initio, dum Sol prope Equinoctium versatur, in egritudines incidunt, quod tunc corpora humida aperta sint ex calore, qui illo tempore vigere incipit, ideoq; mox superueniente frigore corrumpantur. Grassantur autem Veris tempore furores, & atræ biles, morbi comitiales, profluvia sanguinis, angina, grauedines, raucedines, lepræ, tussis, impetigines, vitiliginis, pustulæ vlcerosæ, tubercula, & articularum dolores. Suntq; Vernales morbi vt plurimum breues, & salubres potius, quam exitiales.

Sol Canceri initium ingressus (ad quod 22. die Iunij peruenit) Æstatem constituit, quod tunc altior est respectu nostri verticis, & quadrans æstiuus, tria continet signa, Cancrum, Leonem, & Virginem, in quibus Sol existens terram incendit & desiccatur, ideoq; æstas calida est & sicca. Prædominator autem calor magis in initio, siccitas magis in fine, & æqualis in medio est constitutio. Vis huius temporis est radices herbarum & arborum desiccare; & conuenit Æstati ex elementis ignis, ex humoribus cholera seu flaua bilis, ex complexionibus calida, & sicca, ex ætatibus iuuentus. Melius se habent hoc tempore phlegmatici, peius choleric; melius decrepiti, peius iuuenes. Pessima est infirmitas, quæ prouenit ex cholera, vt tertiana, minus mala, quæ fit ex phlegmate. Fiunt autem vt plurimum Æstate febres acutæ, continuæ & ardentes, causones, synochi, tertianæ, vomitus, alui profluvia, lippitudines oculorum, aurium dolores, vlcera oris, sudamina, & genitalium putredines.

Autumnus incipit Sole per Libræ initium deuagante, die 23. Septembris scilicet, & durat vsque dum Sol per Libram, Scorpionem & Sagittarium progressus fuerit. Estque hoc Autumnale tempus de sui natura frigidum & siccum, in principio tamen magis siccum, in fine magis frigidum, & in medio indifferens seu æquale: & colliguntur tunc fructus humorem in se continentes (vt sunt racemi, alique) qui ex gemina siccitate Æstatis & Autumni maturuerunt. Assimilatur autem Autumnus ex elementis terra, ex humoribus melancholia, ex complexionibus frigida & sicca, & ex ætatibus senectus. In hoc melius se habent sanguinei, peius melancholici, melius pueri, peius senes. Detestabilis est agritudo, quæ ex melancholia originem ducit, minus mala quæ ex sanguine. Est autem tempus ipsum multum inæquale ex vicinitate præcedentis æstatis, & subsequents Hyemis; vnde ex succis fructuum tunc abundantium in discrete homines periclitantur. Nutritur tunc atra bilis, ex quo oritur pituita stomachi, & fiunt plurimi morbi, vt febres erraticæ, quartanæ, lienes, aquæ inter cutem, tabes, stillicidia, vrinæ, difficultates intestinorum, coxendicum dolores, angina, asthmata seu anhelationes, morbi comitiales, furores, atræ biles.

Cæterum considerandus est etiam quadrans diei, quo quis ægrotare incipit, pro cognitione humoris prædominantis & peccantis. Enimvero à prima diei hora vsque ad sextam seu meridiem, sanguis prædominatur; à meridie ad duodecimam, seu ad occasum flaua bilis, seu cholera: inchoante vero nocte vsque ad medium eius, atra bilis, seu melancholia, reliquo denique noctis tempore pituita dominatur.

CAP. XVII.

Criticos dies penes verum Luna motum determinare, in morbis præsertim acutis, qui Luna motum sequuntur, & ex consequenti dies malos ac bonos pro ægroto enunciare.

SVMME etiam necessarium est ex Astrologica disciplina dies criticos & iudicarios cognoscere; sic enim Medicus tutius regimen dietarium & curativum ipsius ægroti ordinabit, & firmitus iudicium de fine ægritudinis, & quibus diebus æger male, quibus bene se habebit, ferre poterit. Dies itaque critici & iudicarij simpliciter sumuntur respectu Lunæ (de quibus plura diximus in Commentariis super tertium Librum Galeni de diebus Decretoriis, cap. 6. & 9.) & sunt illi quibus Luna peruenit ad quadraturas proprias, respectu loci sui ad morbi initium, & ad semiquadraturas ac oppositionem. Sed quia Luna non est adæquata causa omnium ægritudinum, non fiet adæquatum iudicium in his diebus simpliciter criticis, neque totalis erit facienda prognosticatio de alteratione infirmi & progressu ægritudinis per solam Lunam, & per solos dies criticos hac ratione acceptos. Cum enim omnes in genere Planetæ, necnon & stellæ fixæ ac signa Zodiaci sint adæquatæ causæ ægritudinum, & omnium effectuum naturalium in hisce inferioribus contingentium, ut omnes Astrologi longa rerum experientia elocti censent, idcirco de ægritudine ipsa iudicandum erit non aliter, quam de genitura aliqua, ratione habita omnium simul Planetarum ac fixarum, & pro varia illorum habitudine tum inter se, tum facta comparatione ad loca genituræ, si de illa constiterit. Præcipue autem Luna respicienda est, quod illa cæteris Planetis velocior est, & terris vicinior, ac proinde aptissima ad recipiendas omnes virtutes & influentias reliquarum stellarum, & ad nos subinde transferendas. Accedit huc, quod cum humiditatis domina sit ac productrix, terrena omnia humido constantia auget, dum lumine plena est; minuit autem & virtutem humidam subtrahit, dum lumine diminuta est, ut manifeste apparet in debilibus, & ægrotis, qui à modicis læduntur & sensibiliter alterantur. Merito igitur Lunæ cursum in progressu ægritudinum, & in prognosticis de statu infirmi eruendis, attendemus: non quidem ut causam totalem, sed partialem ac principalem, & quæ magnam habet conuenientiam & potentiam in humoribus & humiditatibus nostri corporis alterandis.

Erecta itaque figura Cœli ad initium morbi, prout diximus Capite decimoquarto, examinabimus eam diligenter iuxta præcepta capituli decimiquinti, ut ægritudinis ipsius essentiam ac naturam cognoscamus, & à quo Planeta potissimum dependeat. Tum vero si fuerit acuta ægritudo, obseruanda erit imprimis luna, iuxta peragrationem, quam faciet ad proprias quadraturas, ac semiquadraturas, & ad suum diametrum (Chryfogonus & Boderius hexagonos etiam ac trigonos Lunæ aspectus considerant) & quibus diebus illa acciderint, notandæ sunt configurationes reliquorum Planetarum cum ipsa Luna. Vbi si videris, beneficorum aliquem Lunam ipsam feliciter intueri, aut eidem corpore coniungi; vel eandem sine aspectu aut applicatione alterius Planetæ in dignitate sua constitutam, iudicabis illa die ægrum nonnihil à morbo subleuandum, pro viribus ipsorum beneficorum. Verum si contigerit Lunam

nam malefico alieni applicare hostilibus radiis, vel per corpus, aut eandem in casu suo aut detrimento esse, tunc quidem languenti malum erit & grauius, ac si malefica illa cum Luna congregiens fuerit valde potens, & natura sua morbum causans vel fouens, de morte etiam timendum erit.

Admonet autem Ferrerius infortunam seu maleficum non semper augere vel aggrauare morbum; nam cum Planetæ malefici vis naturæ morbi contraria extiterit, non exasperat vt plurimum ægritudinem nec auget: atque hac ratione pituitosus Saturnus biliosas augere nequit ægritudines quas proprie Mars infert ac fouet: neque Mars igneus phlegmaticos aut melancholicos cum Saturni natura congruentes morbos promouet: sed quisque sua natura mala exasperat. Eadem ratio est beneficorum, morbum à se illatum propriis qualitatibus fouentium. Iupiter enim, cuius temperamentum sanguineum est, nisi refrigeretur à signo frigido, in ipso existens, aut à Veneris & Lunæ aspectu, non potest Iouiales, hoc est, à seipso illatas depellere ægritudines, vt pleuritides, phlegmonas & similes. Nec Venus lienterias, fistulas, œdemata, cæterosque Venereos morbos lenire potest, nisi radiis beneficiis Iouis, vel Solis, vel Martis adiunetur, & nisi signum naturæ morbi contrarium possederit. Sed exemplo declaranda sunt ea quæ diximus. Ponamus itaque in initio alicuius ægritudinis Lunam versari in gradu 10. ♋, vt in hac figura, & ibi formari primum angulum: à quo si numeraueris octies 45. gradus, patebunt octo principales anguli ipsius figuræ: nempe quattuor primarij, vt Lunæ locus radicalis, locus ei oppositus seu diameter, & ambæ quadraturæ: reliqui quattuor minus primarij, qui sunt in locis inter supradictos intermedijs, & semiquadrati dicuntur; quibus si adiunxeris hexagonos ac trigonos radios, obtinebis duodecim loca in Zodiaco, quæ ad Lunam respectum habent, & cognitionem aliquam, in comparatione scilicet ad locum radicalem quem ab initio inuasionis morbi obtinuerat.


Primus itaque locus radicalis, in quo scilicet Luna sub morbi initium inuenitur, est gradus 10. ♋, & dicitur primus angulus figuræ ipsius principalis octogonæ.

Secundus locus est gradus 25. ♎, distans à loco Lunæ radicali grad. 45. qui est secundus angulus figuræ octogonæ, & semiquadratus aspectus loci Lunæ radicalis, quem Luna assequitur quarta die, estque indicatiuus primus, qui respectum habet ad primum decretorium die septima subsequenter.

Tertius locus est grad. 10. ♎, nempe hexagonus Lunæ aspectus sinister ad distantiam grad. 60. à loco ipsius radicali, qui à Boderio & Chrysogono tanquam indicatiuus consideratur, & hunc assequitur Luna die 5. circiter. Sed cum sit aspectus mediæ amicitie & conueniens, idcirco non fit crisis aliqua per se, nec fit iudicium aliquod nisi per accidens, prout fuerit Luna tunc in aspectu aliorum Planetarum; aut etiam si aspectus ipse consisterit è signis quadratum radium in Equatore conformantibus.

Quartus locus est grad. 10. ♍, nempe ad sinistram ipsius Lunæ quadraturam, ad distantiam 90. graduum, vt sit tertium latus figuræ octogonæ, ad quod

peruenit Luna vt plurimum diebus septem completis: cumque hic aspectus sit malus sua natura, & mediæ inimicitia, ob dissidentiam signorum in qualitatibus, ideo tunc contingit pugna inter morbum & virtutem; atque hinc iure merito dicitur criticus, seu decretorius primus; in quo si contigerit Lunam affligi à Saturno vel Marte, vel à mortis domino, crisis vt plurimum ingrauescente morbo fiet ad mortem.



Sed si Luna à beneficis tunc sustentabitur, virtus ægri subleuabitur, & iudicium vsque ad decimam quartam diem, qua Luna diametrum suum assequitur, solet transferri.

Quintus locus contingit in gradibus 10. Sagittarij, ad distantiam scilicet gr. 120. à loco Lunæ radicali, & hic constituit Luna trinum radium sinistrum; qui aspectus beneuolus est & perfectæ amicitia, ideoque, nisi alia adsint contraria, virtus ægri subleuatur, ac proinde Medicus huic non debet confidere, neq; pro indicatio decimi quarti simpliciter recipere, sicut falso Boderius & Chryslogonus affirmant, dummodo non deprauetur hic trigonus respectu æquatoris, vt in quadratum aspectum transeat. Attingit autem hunc locum Luna nona vel decima die.

Sextus locus est peragratio Lunæ ad gr. 25. 4, hoc est ad distantiam gr. 135. à sua epocha, vbi cadit semiquadratus secundus sinister, ad medium interuallum scilicet inter tetragonum primum & oppositionem; ad quem locum Luna peruenit die vndecima, & interdum duodecima, quæ deinde indicatiua est decimæ quartæ vel decimæ quintæ.

Septimus locus est diameter loci radicalis Lunæ, nempe gr. 10. 33, ad quem pertingit Luna die 14. vel 15. estque hic aspectus perfectæ inimicitæ, & virtutem ægri maxime aggrauans, & multum deprimens: in quo si Luna applicuerit malefico alicui, fiet crisis ad mortem, pro potentia ipsius malefici; solent enim in hoc statu morbi acuti terminari ad malum, & malitia huiusmodi febrium accrescere, licet in peracutis, & adhuc magis in perperacutis soleant de malignitate sua nonnihil remittere. Dicitur autem hic dies decretorius primarius secundus.

Octauus locus contingit in grad. 25. 10. ad distantiam ab epocha per gradus 225. vbi incidit semiquadratus primus dexter, quæ Luna occupat post dies 17. vel 18. quæ indicatiua est vigesimi vel vigesimi primi, quo Luna peruenit ad secundam quadraturam.

Nonus locus est in gr. 10. 7, scilicet in trino aspectu dextro respectu loci Lunæ radicalis, à quo distat ille grad. 240. quos ingreditur Luna post dies 18. vel 19. & huius trini aspectus dextri eadem est natura, quæ trini superioris sinistri.

Decimus locus habetur in gr. 10. 8, in quem incidit secundus quadrangulus dexter, remotus à loco Lunæ radicali per gradus 270. quos Luna conficit diebus viginti vel 21. prout fuerit motu velox, aut tarda, & interdum etiam die 22. Est autem hic dies decretorius principalis & tertius in ordine, & est similis primo decretorio, nam & in hoc solent nonnunquam infirmi decedere.

Vndecimus locus occurrit in radiatione hexagona dextra ipsiusmet Lunæ ad interuallum à primo loco graduum 300. quod emetitur Luna diebus 23. circiter. Est autem hic locus eiusdem naturæ cum tertio loco, vbi incidit sextilis sinistri.

Duodecimus locus incidit ad distantiam gr. 315. à primo loco, & est semiquadratus Lunæ dexter secundus, & dies indicatiuus vigesimæ septimæ, seu vigesimæ octauæ, ad quem Luna accedit die 24. vel 25.

Postremo vero Luna emensis omnibus hisce locis reuertitur ad suam epocham, seu locum radicalem, quem ad initium decubitus possederat, qui reditus absoluetur diebus fere 29. postquam Luna emensa fuerit totum Zodiacum, in quo sane dierum spatio complentur dies critici omnes & indicatiui, quos Medici solent obseruare, prout alias diximus, inter quos memorabiles sunt tres dies decretorii principales, qui sunt vt plurimum septimus, decimus quartus, & vigesimus primus: in quibus febres acutæ & perperacutæ solent terminari. Atque hoc est quod Hippocrates dixit acutos morbos in quatuordecim diebus iudicari, & tertianam exquisitam septenis circuitibus: contingunt enim septem tertianæ accessiones antequam ad decimam quartam diem accedamus; vnde in dicta decima quarta plurimi à morbo liberantur: in qua si contigerit febris accessio, tunc solet morbus produci in diem vigesimam primam, vel vigesimam octauam, vel etiam ulterius. Præterea in eodem mense Lunari apparent omnes periodi febris tum tertianæ, tum quartanæ, nam complentur in ipso quindecim paroxysmi,

seu accessiones tertianæ, & decem quartanæ. Adhuc post diem decimum quartum, hoc est transacta Luna in oppositione, solent febres acutæ remitti, nisi per errorem Medici, vel ob malum infirmi regimen virtus aggrauetur, & morbus inualescat. Verum si Luna fuerit extra memorata loca, nullum sit iudicium per Lunæ cursum de ipso morbo, quod tunc nullo aspectu configuretur cum loco morbi radicali, vnde cursu vacua in hoc casu appellatur à nonnullis: cum tamen proprie Luna cursu vacua vocetur, quando nullo aspectu Planetæ alicui iungitur, & sine virtute est, & efficacia; ideoq; rectius fortasse dixeris, si Lunam tunc radicali loco in coniunctam appellaueris.

Cæterum hæc criticorum dierum ratio locum omnino habere non potest in morbis chronicis, qui motum Solis, vel aliorum Planetarum sequuntur, vt febris quartana & similes: sed vt plurimum viget in morbis acutis, & quando Luna in principio ægritudinis maleficum aliquem corpore vel radiatione noxia non attigerit; constat enim experientia, quod dum Luna ad initium morbi cum Sole, vel aliquo malefico, seu corpore, seu radio coniuncta fuerit, crism tunc frequenter dubiam fieri, & maximas alterationes effici, cum eadem ad hostiles alios aspectus vel eiusdem malefici, vel ipsius Solis peruenierit, siue decretorio id die, siue non decretorio acciderit; vbi si tunc Luna à beneficiis subleuabitur, spes aliqua salutis superest, & æger non sine labore conualecet; si beneficorum radiis salutaribus non fouebitur, mortis non infima suspicio, vel certe periculosa recidua expectanda est; sed si maleficorum testimoniis mali significationes duplicabuntur, de vita actum est; præsertim si concurrerint adhuc alia mortis indicia paulo post à nobis adferenda. In genere autem quando Luna attigerit hostiles maleficorum radios, vel corpora, vel etiam Solis tetragonum seu oppositionem, die decretorio vel non, vt plurimum tunc languenti malum erit, peius autem, si maleficus ille consenserit ipsi ægritudini, licet extra dies decretorios, ex applicatione Lunæ ad maleficos, non possit colligi iudicium de crisi subsequutura. Illud etiam scias, teste Boderio, quando Luna in diebus criticis est foeliciter illustrata, & illi dies nihil leuamenti afferunt, mortis iudicium, vel morbi transmutationem, ac longitudinem afferunt, tunc enim coniectari licet perniciosam occurrere significatori vitæ directionem & Lunam in locum maleficum genituræ incidisse. Demum & hoc obseruandum est, Luna sub initium ægritudinis è combustione exeunte morbum inualescere, donec eadem ad oppositum gradum perigerit; quo tempore si maleficorum alicui vel corpore vel radiis noxiis applicabit, præsertim domino mortis, periculum esse grauissimum; si non secus, euasione promitti.

C A P. XVIII.

In chronicis & diuturnis morbis Solis motum præcipue, vel alterius Planetæ morbum facientis obseruari.

DISTINXIMVS morbos è materia emergentes in diarios, hebdomadarios, menstruos, & annuos, ex Suslani, aliorumque sententia, in Commentariis supra tertium librum Galeni de diebus Decretoriis capite septimo, vt vt Federicus Ch yfogonus huic sententiæ sese opponat. Potest autem hæc diuisio bimembris fieri, ex opinione Galeni in eodem septimo capite, ita vt morbos in dupli-

duplici differentia esse cum eodem asseramus. Sunt enim alii acuti, qui proueniunt à Sole & Marte; & hi Lunæ motum sequuntur, & alterationem secundum septimanas suscipiunt, vt idem Galenus asserit, & nos capite superiore ostendimus; terminantur autem vt plurimum intra mensem, nisi forte per accidens mensis spatium excedant. Alii sunt morbi chronici seu diuturni, qui licet motum Solis sequantur, minorem tamen seu originem trahunt à Saturno & Mercurio, aliique etiam Planetis, atque hi quidem intra annum plerumque desinunt, licet vterius produci queant, vt sunt febres quartanæ & similes, Sunt etiam & alii morbi longiores & chronici, quod tardiores Planetæ gubernant, & producuntur in annos; sed hos cum rari sint, nulla; eorum apud Astrologos fiat mentio, nos etiam silentio inuoluemus. Erit autem nobis sermo in hoc capite de morbis chronicis, quia à Sole moderantur; in quibus vice Lunæ Solem obseruabimus, quomodo is affectus sit à maleficis, oportet enim vt vel ab ambobus, vel ab altero maleficorum ad initium morbi impugnetur; vel etiam vt constitutur in loco malefico, quem seu Mars, seu Saturnus corpore vel radiis noxiis obtinebat in genitura, aut in reuolutione annua, tunc, quando mala significatorum vitæ occurrit directio morbum hunc diuturnum prælagis. Fieri etiam potest, vt maleficus, qui morbi auctor est, sub illius initium discurrat per locum alterutrius luminarium præsertim Solis, vel super gradum horoscopi, vel per locum directionis ipsius vitæ significatoris, vel vt aliud aliquod simile infortunium hora ægritudinis accidat. In quibus omnibus casibus Solem respiciemus, & decretoria tempora faciemus illa, quibus ipse tetragonas & diametram stationem respectu loci sui radicalis assequutus fuerit, sicut diximus in supradicto capite septimo Galeni; accidunt enim hæc crises in temporibus anni diuersis, id quod Hippocrates attestatur dum ait, æstiuas ægritudines hyeme, brumales vero vt plurimum æstate solui. Quia immo & illi dies attendendi sunt, quibus Sol cum malefico aliquo morbi auctore congregitur, siue corpore, siue aspectu inimico; vel etiam, quibus Sol transit per loca Zodiaci à maleficis aliquo modo in genitura infestata, iis enim diebus languens periculum adibit. Postremo beneficorum etiam aspectus ad Solem non sunt omittendi, vt enim malefici seuissima causant symptomata, ita benefici subleuant ægritudines & languenti sanitatem restitunt. Denique & Luna respicienda est illis maxime diebus, quibus crises Sol efficit.

Demus nunc ad maiorem huius capitis dilucidationem exemplum à Ferrerio sumptum; ait is decubuisse aliquem die 3 Maii anni 1546. ex palpitatione cordis cum febre, dum Sol obtineret grad. 22 Tauri & Marti tetragona radiatione iungeretur, qui percurrerat grad. 22 Aquarii. Constat igitur ægritudinem à Sole quadratum aspectum cum Marte constituentem significatam fuisse; nam ægrotus vita functus est die 10. Septembris anni eiusdem, quando Sol gradus 27. m. ingressus diametrum constituebat cum Marte retrocedente in gradibus 27. Piscium, qui Mars morbi auctor fuit.

Neque profuit languenti Iouis trigonus ad Solem, cum quia in gradibus 27. 30, scilicet in casu suo politus, & à retrocessione stationarius, necnon & Soli ob signū Virginis, quod aduersum est lux domui, inimicus esset, tum etiam quod à Marte retrocedente sextilia aspectu, hic in fausto pulsaretur. Sic ego, cum in mea genesi Saturnus constitutur in grad. 11. Arietis quartana febre grauissima ac longa correptus fui die 21. Septembris anni 1576. quo die Sol accedebat ad locum Saturni oppo-

ni oppositum in radice, erat enim in gradibus 8. Libræ; perfectum autem diametrum non potuit Sol expectare, quod illa die vigesima prima Septembris Luna in gradibus 25. Virginis, loco Martis radicali posita, in Saturni, gradus 25. Sagittarii obtinentis, diametro constitueretur, qui Saturni locus prope aberat à gradu horoscopi meæ geneleos, qui est grad. 21. 3' 8. Sagittarii. Porro directio horoscopi illo anno deuoluēbatur ad Saturni tetragonum, qui morbi auctor extitit. Accedebat huc horoscopi ad corpus Martis, & Solis ad corpus Saturni progressio. Quinimmo & in anni reditu Sol per præsentiam à Saturno patiebatur, à quo solum per quattuor gradus aberat. Producta itaque tot concurrentibus malis, fuit hæc quartana ad plures menses cum sæuissimis accidentibus, & parum abfuit, quin vitam cum morte commutarem; euasi autem, quod Sol præcipuus vitæ gubernator per directionem saluus esset, quam diem non annotauit. Sed dabimus exempla aliquot chronicarum ægitudinum sub finem huiusce libelli.

C A P. XIX.

An futurus sit morbus diuturnus vel brevis.

DE longitudine vel breuitate morbi iudicamus tum à genitura, tum ab anni constitutione, tum vero à figura ad morbi ipsius initium fabricata: vt nihil interim dicamus de propria ipsius morbi natura quæ Medicis vt plurimum aliunde constat. Si itaque de genitura constiterit, & directiones singulorum vitæ sustentatiuorum confectæ fuerint, perpendenda erunt tum loca principalia, quæ vitam gubernāt ac fouent, & sunt vt plurimum Ascendens, Sol ac Luna, tum etiam loca anæretica seu peremptoria, ad quæ tunc temporis dicti vitæ prorogatores accesserunt. Enimuero si tam promissores, quam abscissores validi omnes fuerint, vel debiles omnes, iudicium erit morbum euasurum longum; nam tunc confictum æqualem exercent, malorum virtus, & virtus vitæ prorogatorum, & ambigua vtrorumque est victoria. At si vitæ datores robusti; anæretæ vero imbecilles fuerint, ægitudine breui tempore ad salutem verget; sed si contra prorogatores vitæ debiles, anæretæ vero fortes extiterint, brevis etiam morbus erit, sed ad mortem seu malignitatem tendens. Morbi in super frigidi & sicci in genere, qui à Saturno fiunt, & Mercurio, & qui in vniuersum à Sole reguntur, sponte sua longi ac diuturni sunt: calidi vero & ficci, qui à Sole & Marte incrementum suscipiunt, & à Luna potissimum gubernantur, breues existunt. Solet autem particulariter Saturnus longos morbos facere, Iupiter & Sol breues, Mars breuissimos, Venus mediocres, Mercurius varios, Luna deniq; reuertentes, vt vertigines, comitiales, podagras & similes. Præterea Sole in signis vernalibus constituto salubres & breues fiunt morbi, in æstiuis signis breues & periculosi, in autumnalibus lethales, & in hyemalibus longi. Sed de morbis quattuor anni temporum egimus abunde capite decimo sexto.

Ex figura autem ac statu Planetarum ad morbi initium traduntur hi aphorismi de longitudine vel breuitate morbi, qui desumuntur à luminaribus, à domino ascendenti, & à sexta domo, ac eius domino.

Quando ambo luminaria cadunt ab angulis, & eorum dispositores & dominus ascendenti fuerint impediti, periculosa erit ægitudine; sed si beneficæ auxiliū tulerint,

lerint, prolongabitur morbus, & ex acuto euadet diuturnus, seruabiturque natus præter spem si beneficæ præualebunt.

2. Si infirmus coeperit egrotare versante Luna in signo mobili, maxime si fuerit in ascendente, vel fuerit etiam ascendens signum mobile, æger vel cito morietur, si aderunt mortis significationes, vel si non aderunt, cito liberabitur, & ad bonū terminabit ægritudo. Si vero fuerit ipsa Luna in signo fixo, ægritudo erit longa, & si in communi, mediocritas & mutabilis. Et hæc applicari etiam possunt Planetæ morbum inferenti.

3. Luna coniuncta cum Planeta orientali velocis motus, aut directo, breuitatem ægritudinis arguit, sed cum occidentali tardiore & retrocedente diuturnitatem.

4. Si Luna aut dominus ascendentis, fortunæ regredienti corpore vel aspectu sociabitur, salutem quidem pollicetur, sed morbi longitudinem.

5. Cum luminare morbo dominans (ait Cardanus) grauioribus Planetis commiscetur ac tardis, morbus natura & euentu longus erit: sin autem grauioribus Planetis natura velocibus aut motu, vt cum Saturnus & Iupiter prope Solē sunt, morbus quidem natura sua diuturnus breuior fiet: sicut contra, si Mars, Venus ac Mercurius tardi fuerint, morbi natura breues protrahentur; sin veloces, velociter finientur morbi natura etiam per se breues.

6. Luna cum Saturno, corpore vel radiis noxiis colligata, valde mala est, morbum enim prolongat, præsertim si Saturnus fuerit cursu tardus; velox autem non ita diuturnum facit morbum. Sed si retrocedat, fueritque ante oppositionem Solis, reciduiam minatur. Præterea Luna si Saturno iuncta si cursum intendit, & lumine decrescit, timendum est de ægritudine diuturna & crisi horrenda; si motu tarda & lumine augeta, minus mali significat, quam si lumine diminuta foret.

7. Cum Luna Marti corpore, vel radiis tetragonis aut oppositis iungitur morbos acutos efficit, qui cito vel ad vitam, vel ad mortem terminantur.

8. Cum Luna ad initium morbi fuerit proxima occultationi, hoc est prima vel secunda die ante nouilunium, æger aut morietur, aut diuturno morbo detinebitur.

9. Si Mars in ascendente fuerit hora decubitus, ægritudo ipsa paruam moram seu terminum habebit, & vt plurimum ad malum terminabit. Sed si Saturnus in ascendente compertus fuerit, longos producit morbos.

10. Sexta domus habens signum fixum (vt nonnulli dicunt) significat longitudinem ægritudinis; mobile breuitatem, commune mediocritatem, seu mutationem ægritudinis, vel reciduiam.

11. Si fuerit Saturnus dominus sextæ indicat ægritudinem fore longam, si Iupiter, vel Sol, vel Mars mediocrem, si Venus, vel Mercurius, vel Luna breuem.

C A P. XX.

De magnitudine & malignitate ægritudinis, seu morbi in genere, & an sit curabilis & ad salutem terminans, an vero incurabilis, & ad mortem ægrum conducat.

QUANTVM adiumenti hac in repræstet genituræ inspectio, supra satis ostensum est, vbi de morbis, qui nato possunt euenire, cognoscendis discernimus, atque etiam de directionum malarum significationibus & effectibus, & quæ
O sint

sunt prauæ & morbi magnitudinem significantes, & quæ leues tantum ægritudines, & quæ denique mortem inferre valeant. Nunc vero magis particulare iudicium trademus ex figura morbi, vel sola, vel cum genesi comparata, si hæc cognita fuerit. Quoniam vero raro contingit aliquem ægrotare, qui non habeat malam aliquam directionem alicuius vitæ significatoris, idcirco conuenit etiam, ut ingressus & transitus Planetarum tempore decubitus male se habeant, & cum directione ipsa congruant; vnde vel tunc luminaria, vel alterum eorum, & præcipue Luna infortunium patietur à maleficorum aliquo, vel coniunctione, vel oppositione, vel quadratura, vel antisicio; aut quidem in loca, quæ malefici ab initio nascendi, vel in reuolutione illius anni infestant, incident. Ait enim Cardanus, quod quibuscunque sub initiis morborum Cæli constitutio longe lenior est morbo, his à natiuitate morbus sæuitatem contraxit, principalibus locis, id est Sole vel Luna in praua loca cadentibus. Quapropter nihil mirum est, si quandoque tempore inuasionis morbi neque Sol, neque Luna à malefico aliquo affigatur, tamen si morbus grauis sit. Nam si genesis & reuolutionem illius anni, in quem morbus incidit, aspexerimus, proculdubio statim innotescet infortunii origo, apparebunt enim loca infecta in vtraque figura; in genesi quidem per directionem, in reuolutione autem per configurationem Planetarum inter se, & cum genitura.

In figura itaq; ad initiū morbi erecta considerādus est status luminarium, præcipue vero ipsius Lunæ, deinde & ascendens eiusq; dominus obseruari sunt, & cum domino octauæ comparandi: quinimo & beneficorum, qui auxiliari solent & maleficorum, qui morbi auctores existere, positis attendendus est, videlicet quomodo illi se habeant ad luminaria, ad ascendentem eiusque dominum, necnon ad octauam, & sextam domum. Accedunt huc coniunctiones luminarium morbi initia proxime antecedentes, à quibus in genere de morbis illo mense venturis iudicium sumitur. Enimvero si domini trigoni coniunctionis præcedentis validi fuerint, & benefici ac benigne inter se configurati, seruabunt ægros illo mense à morte; at si debiles & inualidi magna ex parte perdent. Porro quando luminaria non sunt admodum infortunata (neque enim possunt esse omnino libera) nec dominus ascendens à malefico quopiam diuexatur; neque luminaria aut horoscopus cognationem habent cum domino mortis, & beneficiæ maleficis præualebunt, ac iam dictis locis auxiliabuntur, iudicabimus ægrum facile ab ægritudine posse liberari; mutabitur autem morbus in melius & æger conualescet, vbi Luna tempore morbi ad planetas morbo contrarios, maxime vero ad Iouem, Venerem, vel Solem deferetur. At si luminaria & horoscopus, illiusq; dominus infortunium patiantur, maleficis præualentibus, & beneficiis abiectis ac nullum auxilium locis supradictis ferentibus, malignam seu acerbam fore ægritudinem morte vt plurimum terminandam iudicato, eoque magis si Luna vel horoscopus dominus, à domino domus mortis impugnetur.

Est autem malum ac metuendum cum Sol de die in principio ægritudinis & Luna noctu fuerint impediti, vt ait Hermes aphor. 96. Deterior vero conditio incipientis morbi est, teste Cardano, si morbo suo existente Luna & dominus ascendens non existentes cum malis ad malos deferantur.

Luna in augmento sui luminis mala est, si morbus fuerit ex copia humorum, ait Auenaris, vel ex repletionē; sed diminuta lumine melior est, quod tamen graue est.

ue est in ægritudine quæ fit ex inanitione, cui conuenit Lunam augeri lumine. Sic Cardanus: cum Luna fuerit in principio ægritudinis perseverantis, vel sub radiis Solis, aut cum cauda Draconis, vel cum Saturno, aut Marte, ingens periculū significatur. Quod si senex fuerit infirmus, etiam Ioui iuncta, aut Veneri, vel Mercurio: quod si horum oppositis vel quadratis, idem sed leuius continget. Quod si cum hoc in locis his etiam à genitura inuēta fuerit, procul dubio morietur. Cum igitur duo ex his conuenerint, & alterum validum fuerit, ægrotabit homo; sin autem ambo valida sint grauiter; si tertium adest, morietur: sed in senio duo tantum possunt occidere.

Dicit præterea Ludouicus Rigijs Aphorismo 93. Secundæ partis: Per applicationem Lunæ ad beneficas non dispositas à maleficis vinci naturam morbi, & per separationem ab illis, & applicationem ad infortunas causari mortem. Beneficas vero, ait idem Aphorismo 94. transire in maleficas, hoc est maleficarum naturam inducere, quando morbus de natura beneficorum, siue de natura suarum significationum erit; sicque etiam maleficas eadem ratione, seu conditione in beneficas permutari, quia contraria contrariis curantur effectibus. Sed & idem Aphorismo 95. affirmat coniunctionem in luminarium signis Martis, vel in signis humanis, Venere & Mercurio ibidem existentibus retrogradis morbos inducere terminantes omnino ad mortem: & si illa coniunctio erit in Ariete, ducere infirmum extra mentem sine spe. Adhuc, ait Cardanus, Martem in ascendente hora initii morbi, morbum facere velocem, vehementem, & partes superiores affligentem, perturbantemque mentem. Quod si cum hoc dispositores luminarium & ascendentis fuerint impediti, succedet mors.

Sed & stellarum fixarum in hoc negotio accurata habenda est ratio, quarum crudeliores permixta luminaribus, vel hora ægritudinis orientes aut occidentes morbum ipsum plurimum augent & exasperant. Caterum de coniunctione Lunæ cum singulis planetis ad morbi initium alii vberius tractauerunt, nos nihilominus probatioris aliquos Aphorismos huius materiæ ex Auenare, & aliis compendiose recensebimus.

Coniunctio Lunæ cum Saturno mala est, præstigit enim vt plurimum ægritudinem diuturnam; quæ grauior, mitiorve erit penes bonam vel malam affectionem tam Saturni quam Lunæ.

Si enim Saturnus cursu tardus fuerit, plurimum nocet, morbumque aggrauat: & retrogradus ante Solis oppositionem, facit recidiuam. Contra vero velox motu, vel retrogradus post oppositionem cum Sole minus nocet. Orientalis à Sole alluiat morbum à frigidityte procedentem, augeat vero morbum ex caliditate productum.

Occidentalis autem à Sole, morbum frigidum exasperat, calidum remittit. Luna cursu tarda & aucta lumine ægritudinem mitigat, velox & diminuta lumine eandem promouet, augeatque.

Pernitiosa denique censenda est Lunæ & Saturni oppositio & tetragonus, licet minus quam coniunctio. Sed si Saturnus in congressu cum Luna, receperit ipsam ex domo vel altitudine sua, minus ipsi nocebit.

Coniunctio Lunæ cum Ioue, prospera est, maxime si contigerit in Cancro, vbi uterque planeta dominatur, vel etiam in alijs domibus Iouis, minus tamen bo-

na est in Capricorno, in quo vterque cadit à dignitate. Porro cæteri quoq; aspectus Lunæ cum Ioue boni sunt, magis tamen trinus & sextilis, minus vero quadratus & oppositus.

Confert autem Iupiter magis ægris adultis post mediam ætatem, minus vero pueris & iuuenibus ante mediam ætatem.

Coniunctio Lunæ cum Marte pessima est, & sine beneficorum radiis in morbis calidis lethalis, magis vero cū Luna crescit lumine, quam cum decrescit, augebiturq; ægritudo si motu velociore prouecta lamine incrementō turgescere incipiat. Adhuc Mars occidentalis non adeo furit, neque ita formidabilis est, vt orientalis. Denique & diameter Martis ac Lunæ malus est, necnon & tetragonus, sed minus.

Coniunctio Solis & Lunæ semper mala est, & vt plurimum mortem præfigit vel periculosam ægritudinem. Sed de his infra.

Coniunctio Veneris & Lunæ salutaris est, sicut & Iouis: confert tamen Venus plus ægritudinib. cholericis quā Iupiter, sicut hic magis adiuuat ægritudines frigidas, quam Venus. Præterea prodest Venus magis iuuenibus ac mulieribus egrotantibus, quam senibus. Sunt deniq; & cæteri omnes Veneris aspectus cum Luna auxiliares, sed conuenientiores trinus ac sextilis.

Coniunctio Lunæ ac Mercurii medioeriter bona est vel mala, pro ingenio ipsius Mercurii, prout scilicet ipse fuerit in bono statu respectu radiorum Solis, & aliorum planetarum, & pro natura signi quod obtinet; idemque etiam censendum est de reliquis Mercurii ac Lunæ configurationibus.

C A P. XXI.

Complectens aphorismos particulares, seu indicationes Astrologicas de decubitu lethali respectu locorum geniturae, & annuæ reuolutionis.

TRADITURI nunc particulares aphorismos de morte ægrotantis, è re studiorum futurum arbitrati sumus conuenientem in his aphorismis Astrologicis adferendis ordinem sequi, ne ingentem rerum farraginem sine capite vel cauda proponeremus; ideoque hoc præfenti capite illas indicationes Astrologicas de decubitu lethali adferemus, quæ ex genitura ægri & annuæ reuolutione ad figuram ad initium morbi comparata constant. Deinde proximo capite aphorismos hac eadem de re, à sola morbi figura procedentes complectemur. Verum licet non semper necessario hi aphorismi ægrum ad mortem conducant, nihilominus plures concurrentes certum testimonium, vel mortis, vel grauissimæ ægritudinis adferunt.

Aphoriz. 1. Cum fuerit ascendens ad initium morbi aduersus horoscopo genituræ de vita timendū est, nisi profectio horoscopi genituræ ad ea loca venerit. Aduersa autem signa sunt, quæ sextam, septimam, octauam, & duodecimam domum in genesis obtinent, 41. sententia Auctoris centiloquii.

2. Ascendens signum ad initium morbi, quod in genitura, vel in annuæ reuolutione, licet minus, malefica possidebat, ægrum acerbissime diuexat, maxime si gradus ille, quam proxime in horoscopo constituatur.

3. Morbus qui cœperit, cū Luna fuerit in loco maleficæ genituræ, vel reuolutionis annuæ, vel in eius opposito, vel quadrato, vel antiscio grauissimus futurus

est, & si maleficam illam aspicit, periculosior, eoque magis si Luna fuerit temporis domina, & gubernatrix vitæ. Verum si ad morbi initium Luna fuerit in loco vbi genituræ tempore, vel reuolutionis annuæ benefica erat, nihil grauius metuendum est, 42. sententia Auctoris centiloquij.

4. Quando loca aphatica radicalia eum dominis ascendentis genituræ & figuræ ad initium morbi constructæ oppressa fuerint, confestim mortem iudicato, nisi fuerit receptio inter maleficas, & beneficorum salutaris aspectus; sic enim volente Deo euadere poterit.

5. Cum quis ægrotauerit sub mala reuolutione, in qua vnus locorum hylegialium genituræ per directionem affligatur, cæteris vitæ sustentatiuis locis per ingressum & progressum male se habentibus, euidentissimum mortis periculum adibit æger. Quibus si accesserint alia infortunia ad horam decubitus, certior mors expectatur.

6. Si ad initium morbi Sol fuerit in loco genituræ malefico, quem scilicet malefica ab initio nascendi vel corpore, vel radio noxio, vel antisficio obtinebat, grauissima erit ægritudo, & plerumque chronica ac diuturna: si tunc etiam à malefico aliqua ratione patiat, adhuc magis lethalis efficitur morbus; qui denique infirmum ad mortem conducet, si Sol fuerit vitæ prorogator, ac per directionem affligus.

7. Morbus, qui cœperit eo anno, quo Eclipsis contingit in ascendente genituræ, vel annuæ conuersionis partiliter seu intra distantiam quinq; graduum, vel etiam in loco alicuius vitæ prorogatoris, exitiosus & mortalis est. Minus tamen nocebit, si in dictorum locorum opposito, vel quadrato acciderit. Porro intellegendus est hic aphorismus, quando Eclipsis ipsa mala fuerit, eiusque dominatores malefici. Quanto autem maior erit Eclipsis, tanto grauior ac intensior erit ægritudo: quod si parua, debilis. Fortasse idem poterit, si contigerit in loco directionis horoscopi, vel luminaris aphatici.

8. Morbus qui cœperit eo anno, quo duorum maleficorum Saturni & Martis coniunctio accidit in ascendente genituræ, vel annuæ reuolutionis, vel in loco prorogatoris vitæ partiliter, lethalis est: sicq; etiam si contigerit in opposito vel quadrato dictorum locorum, sed minus. Quin & idem operatur Saturni & Iouis, vel Iouis & Martis coniunctio, præualente tamen malefico in ipsa coniunctione, maxime vero si & alter maleficus inimico radio testimonium attulerit.

9. Apparitio cometis vel nouæ stellæ super gradum horoscopi genituræ, vel super locum luminaris vitæ sustentantis, noxia est ac lethalis; idemq; valet, si contigerit in loco ad quem illo anno deuolutio horoscopi vel luminaris vitæ fontis facta fuit.

10. Transitus malefici ad initium morbi per locum horoscopi radices vel luminaris vitæ gubernantis perniciosus est, minus tamen si per oppositum, seu quadratum dictorum locorum deferetur. Necnon & transitus malefici per locum directionis horoscopi, vel luminaris aphatici malus est, maxime si amborum maleficorum aliqua erit inter se confguratio.

CAP. XXII.

Continens aphorismos particulares seu indicationes Astrologicas de decubitu lethali, ex sola figura ad morbi initium constructa prorum-pentes.

II QVANDO orientis seu horoscopi domus fuerit cum domino octauæ loci, aut cum Planeta locum illum obtinente coniunctus vel hostiliter configuratus, aut per antiscium, mortis affert testimonium, præsertim nullo auxiliante benefico, eoque magis si etiam Luna particeps fuerit huiusce infortunii, vel alio modo male afficiatur. Quod si inter ascendentis & octauæ domus dominum sit receptio per aspectum vel corpus mortem quidem languens effugiet, sed non grauem ægitudinem. Magis autem periculi est, si dominus horoscopi iungatur malefico, vel domino mortis, eumque recipiat, quam si dominus mortis illum receperit. Habet similem aphorismum Hermes, dum ait 71. timetur in ægrotantibus, cum Luna & dominus ascendentis fuerint ab octauæ loci domino impediti.

11. Dominator signi orientis si ex sua retrogradatione separatur à Planeta dominum mortis sibi vendicante, desperationis indicium est, nisi propter retrogradationem à Sole fuerit combustus.

13. Dominus ascendentis si fuerit infortunatus in octaua domo absq; beneficiis radiis, Luna existente corrupta, mortis præbet indicationem, quæ causa ipsius ægri proueniet, nempe ex inordinato regimine, vel alio errore.

14. Dominus ascendentis in ascendente combustus mortem præfagit.

15. Dominus ascendentis si simul etiam præfuerit octauæ domui (vt quando ascendit Libra vel Aries, tunc enim plerunque cadit in cuspidem octauæ Taurus vel Scorpis) & infortunatus fuerit, mortem obnunciat sui ipsiusmet causa, quæ futura erit quando ipse vel Luna peruenit ad gradum octauæ domus.

16. Dominus ascendentis cum domino sextæ, vel septimæ, vel duodecimæ male colligatur, siue per corpus, siue per aspectum malignum, siue per antiscium; testimonium enim affert vel mortis, vel diturnæ infirmitatis. Idem significat si in dictis domibus reperiatur, præsertim in casu suo, vel retrogradus, vel combustus, vel à maleficis aliqua ratione infestatus.

17. Dominus horoscopi in septima, vel deiectus sub terra præcipue, in quarta vel sexta domo; vel etiam in aliis domibus cadentibus à maleficis oppressus, & dominus octauæ domus summum Cœli fastigium aut occidentis cardinem obtinens, mortis præfagium obnunciat.

18. Dominus horoscopi in sexta, & vicissim dominus sextæ in horoscopo eodem tempore ad initium morbi aliquantulum afflæti, chronicam ægitudinem; infortunium grauius passi, perniciem pollicentur.

19. Dominus octauæ domus in angulo, & præcipue in occidente, existente Luna, & horoscopi domino in cadentibus, aut à malis infestato, semper morbus lethalis est, magis vero si octauam infortuna disponet.

20. Prope ascendentem seu lineam horoscopi, si fuerit maleficus Planeta, præsertim ☿, vel fixa crudelis (de quibus cap. 8. de vitæ abscissoribus mentionem fecimus) ita vt non distet à gradu horoscopi plus tribus partibus, mortis indicium est; suprauiuet enim tot diebus æger, quot gradibus distiterit malefica illa stella à gra-

à gradu horoscopante, dummodo signum sit mobile, sed Saturnus ibi constitutus solet obnunciare longas ægitudines, vt alias diximus, quin & in septima domo malefica cõstituta, ita vt partiliter horoscopus oppositis radiis feriat pernitiem affert, licet non adeo sicut si fuerit corporaliter in horoscopo.

21. Malefici ambo Planetæ possidentes angulos malum obnunciant, præsertim si hostiliter sese aspexerint, & aliud aliquod infortunium adfuerit, vt scilicet vel Luna, vel dominus ascendentis sit infœlix.

22. Maleficus Planeta in sexta, vel quicumq; Planeta ibidem infœliciter positus, significat ægitudinem ad malum terminaturam, vel saltem malitiam illius morbi à se facti indicat.

23. Luna à domino ascendentis ad dominum octauæ lumen suum immediate transferens, indicium mortis præbet, sed non semper in morbo peridico.

24. Lunæ applicatio ad stellam aliquam in octaua existentem lethalis est, sicut etiam ad ipsius octauæ dominum.

25. Luna Libram permeans Saturno & Marti iuncta lethalis est.

26. Luna cum pleiadibus in domo mortis partiliter inuenta, mortem indicat. Idem puto contingere si fuerit cum aliis stellis fixis pernitiis, vt sunt hyades, antares, Hercules, lanx australis, & caput Medusæ.

27. Luna Orientalis plus sex gradibus à Sole non distans, ægrum ad periculum conducit, & quanto ipsi propinquior erit, tanto certius periculum adferet. Nam pessimus est ille Lunæ status, vergit enim ad combustionem: verum ad duodecim vsq; gradus distans à Sole mala quidem est, sed tantam influxus acerbitem non admittit. In Ariete autem & Leone minuitur infortunium. Quod si Sol dominium in octaua obinuerit Luna sic combusta, maius mortis periculum subest. Sic quoq; cum ipsa luminaria coniuncta inciderint in sextum, septimum, octauum, & duodecimum Cœli locum ab ascendente.

28. Luna ad caput vel caudam Draconis accedens intra quattuor, vel quinque ad summum gradus, mortis testimonium confert, debilius vero testimonium est si recedat ab eodem.

29. Cum Luna ad initium morbi constituitur in quadrato seu opposito Solis malum est, fiunt enim crises malæ quando eadem ad malos Solis radios & conjunctionem peruenerit. Et si contigerit ipsius Lunæ, vel Solis Eclipsis in prima, vel secunda, vel tertia cricatione ab initio morbi, languentis pessima erit conditio; quo enim maior, peiorque erit Eclipsis, eo magis periculum subibit.

30. Luna velox motu & diminuta lumine cum Saturno tardî motus vel retrocedente congregiens, præsertim in signis disconuenientibus, & sine beneficorum auxiliis, mortis discrimen adducit.

31. Lunæ congressus cum Marte perniciosus est, nullo beneficorum adiuuante, & si vterque quartum Cœli locum teneat, mors subsequetur.

32. Luna inter vtrunq; maleficum Saturnum & Martem obfessa, necnon etiam inter Solem & Saturnum, vel inter Solem & Martem, nullo beneficorum auxiliarem manum porrigente, validum internecionis est indicium.

33. Luna in horoscopo mala semper est, ibi n. corpus ægroti super quo significat, magis afficit, cū ille locus oriētis sit cõtrariæ naturæ ipsi Lunæ, & quo vicinior fuerit

fuerit lineæ orientis, eo deterior, & si fuerit male affecta, non leue indicium mortis præbet.

34. Cum Sol ab initio ægritudinis à malefico quopiam corporaliter, vel tetragonis aut oppositis radiis affligitur, aut etiam per antisfium perfectum, præsertim si Sol luminare sit temporis, & malefico applicet, & non defluat, signum est vel mortis, vel validæ ac periculose ægritudinis, quæ plerumque solet esse chronica & diuturna; nisi etiam Luna affligatur, vel adsint alia indicia seu infortunia mortem accelerantia.

35. Cum luminaria ambo sub terra male affecta fuerint hora inuasionis morbi, timor ægrotanti, ac mortis discrimen imminet.

36. Luminaria ambo à Marte sauciata ad initium ægritudinis acutæ, citissimam, & quodammodo repentinam seu violentam necem inferre consueverunt.

C A P. XXIII.

Continens particulares aphorismos, seu indicationes salutis.

ET si supra cap. 20. tradiderimus generalem doctrinam, qua ex figura ad inuasionem morbi constructa eruebat iudicium de ægritudine ad salutem terminanda, nihilominus non minimum adiumenti Medicis videbimur attulisse, si de salute ægri particularia quædam præcepta, seu aphorismos tanquam in Tabella describemus: vt collatis, tum quæ ad mortem, tum quæ ad salutem faciunt, significationibus, pro parte vincente iudicium statui queat.

Aphorif. 1. Dominus ascendentis receptus à domino octauæ in figura ægritudinis, & vterque liber à maleficis, indicat ægrum post desperatam salutem conualescere.

2. Dominus ascendentis si extiterit beneficis, & in bono Cæli loco bene affectus atque à radiis noxiis liber, ad salutem languentis confert.

3. Dominus octauæ separatus à domino ascendentis, & à beneficis adiutus salutem tribuit ægrotanti.

4. Si benefici Planetæ præualuerint maleficis conualescentiam arguunt, maxime si Lunæ ac horoscopo auxiliabuntur.

5. Sol in Horoscopo bene affectus, aut in sexta Cæli domo, aut comburens dominum sextæ, septimæ, vel octauæ salutem ægro denuntiat.

6. Iupiter & Venus in horoscopo constituti, vel alibi in bono Cæli loco Lunæ commixti, sanitatem indubie pollicentur.

7. Si Luna, horoscopus, & vtriusque dominatores non fuerint combusti, aut à maleficis sauciati, neq; in malo aspectu dominorum sextæ, vel septimæ vel octauæ, ægroto salutem decernunt.

8. Luna si fuerit in bono Cæli loco bene affecta, nullique malefico commixta, foelicem ægritudinis finem indicat.

9. Luna separata à malefico debili, & applicans beneuolo potenti, indicat post afflictionem sanitatem securam.

10. Luna in bono Cæli loco alligata domino horoscopi, vel per corpus, vel per aliquem radium, etiamsi ille fuerit maleficus, dum tamen non sit aliunde infortunatus, & vterque sit cursu auctus ac lumine sanitatem inducit.

11. Luna ab ambobus beneficis in bona Cæli statione circumdata absque maleficorum radiis, auxilium non leue ad salutem tribuit.

12. Luna in Tauro vel Libra Veneris domibus, vel in Sagittario & Piscibus, Iouis domiciliis inuenta in bono aspectu alicuius eorum, præcipue si fuerit in bono Cœli loco, & à malis tuta, sanitatem ægroto decernit. Sic quoque in Cancro, domo sua & Iouis altitudine conualescere facit.

C A P. XXIV.

De tempore salutis vel mortis particulariter indagando.

TEMPVS nunc inuestigandum est, quo æger conualescet, si indicia salutis conuenientia aderunt, vel quo decedet è viuis, si validiores mortis significationes reperiantur. Cognita itaque ægritudinis essentia ac magnitudine obseruandus est motus Lunæ in diebus criticis, in quibus si contigerit Lunam à beneficis Planetis, qui tamen octauam domum non disponant, coadiuuari, tunc quidem incipiet æger, facta bona crisi subleuari. Sic etiam quando Luna extra dies criticos, discedens vel non discedens à maleficis, fortunarum aspectus attingit, maleficis interim absentibus, sanitati paulatim restituitur languens, maxime si tunc etiam dominus orientis saluus fuerit, vel cum celerius directo graditur cursu, domino domus mortis ab eodem recedente. Necnon & de salute bene sperandum est, cum Luna transit per loca genituræ benefica, dummodo absint malefica.

Verum ubi de morte languentis ex supradictis certiores erimus, perpendenda erit diligenter magnitudo morbi, an scilicet acutus sit, vel acutissimus, an vero longus. Et si quispiam ex damnata prorsus Cœli constitutione laborabit morbo acutissimo, is vel quarta die à morbi initio, si tunc Luna infortunia patietur, vel septima, si tunc ad proprium tetragonum cum testimonio maleficorum peruenit, interibit. At si morbus sit simpliciter acutus, decimaquarta dies mortem indicare poterit, si tum Luna maleficorum radiis in opposito loci radicalis ad morbi initium obruatur. Potest etiam & ante illam diem languens è viuis excedere, si Luna grauiter à maleficis extra dies criticos infestabitur, præsertim si malefica illæ stellæ morbi auctores, ac potentes extiterint: nec Luna à beneficis stellis subleuetur.

Volunt nonnulli horam mortis colligi posse à domino ascendentis, quando scilicet ille vel corpore, vel maligno aspectu domino octauæ coniungitur, vel etiam, quando dominus octauæ gradum ascendentem, aut gubernatorem vitæ attingit. Præterea aiunt ægros deterius se habere vt plurimum à Meridie vsque ad mediam noctem, in descensu scilicet Solis, & illa diei parte plures decedere, quam à media nocte ad Meridiem dum Sol ascendit. Alij frequenter se obseruasse asserunt, illos qui graui ac periculoso morbo decumbunt, mori Luna ex oriente, vel in medio Cœli existente, raro autem in quarta vel septima, ac nunquam fere in reliquis domibus.

Iam vero in morbis chronicis Solem in primis obseruare conuenit, vnde si recte ea, quæ superioribus capitibus tradidimus, percepisti, nullius negotij erit ipsam horam, vel saltem diem interitus prope verum cognoscere. Particularia enim hæc eruuntur è suis vniuersalibus, quæ diligenter in primis sunt cognoscenda.

CAP. XXV.

*De electionibus in medicina & cura agrotantium faciendis, & primo de confortandis
& coadiuandis virtutibus corporis per influxum
debitum.*

HVEVSQVE ea tantum proposuimus, quæ ad cognitionem ægritudinis necessaria nobis visa sunt, vt essentiam ipsam ac speciem ægritudinis ex propriis ac præcipuis causis à priori scilicet, hoc est, à cœlestibus corporibus cognosceremus. Quibus si sagax ac prudens Medicus ultro adiunxerit indicationes à posteriori, ab accidentibus scilicet, & effectibus ægritudinem ipsam concomitantibus, collectas, perfectum indicium de fine ægritudinis & essentia eiusdem consequetur. Reliquum est vt de praxi Astrologica in curandis ac medendis morbis nonnulla disseramus. Quæ vt meliori ordine (vt in reliquis hucusque pro virili facere conati sumus) prosequamur, agemus primum de electione temporis in confortandis & adiuuandis virtutibus seu potentiis humani corporis, deinde in purgandis humoribus superfluis per pharmaca, postea in sectione venæ, atq; in cucurbitis adhibendis, & deniq; de cura in corporibus ordinanda pro particularibus ægritudinibus secundum rationem cœlestem. Sic namque actiua passiuus debito modo coaptando ac commiscendo, debitum ac optatum sanitatis finem tutius ac commodius, vt plurimum Medici consequentur. Neq; me eorum absterrent calumniæ, qui licet alias non parua cum laude ac vulgarium hominum applausu medicinam exerceant, Astrologiam tamen vaticano prosequuntur odio, & publica voce affirmant; nihil opus esse Medico Astrologiam nosse, licere quouis tempore venam secare, potiones exhibere, & reliquis medicinæ muniis fungi, nulla habita ratione cœlestium corporum; non quod ipsi per experientiam ira experti sint, nihilum enim de Astrologia norunt, sed ne vulgatum illud dictum mentiri sinant, quod ait: Ars non habet cauillatorem, nisi ignorantem. Nam qui hanc Astrologiæ partem ingenue tractauerunt, iis optime notum est, quam sit periculosum & impium medicinam sine hac exercere. Ait Lucius Bellantius in opusculo suo de dieb. criticis: medicinæ scientiam absq; cœlesti fauore sæpius inanem ac noxiam doctissimos plerosque viros iudicasse. Haliabas primo Theoricæ cap. 3. ita inquit: Astronomia quoque indiget Medicus, qua medicaminibus electis temporibus, quibus Luna beatis & felicibus fuerit contemptata Planetis, & sub competentibus figuris vtatur. Cornelius Gemma Medicus Louanienfis ac Mathematicus longe doctissimus, de Arte Cyclognomica Libro primo, Capite octauo, sic de Luna loquitur: patet vsus eiusdem vberimus In arte medica, quod post coniunctionem Lunæ ac Solis commodiores ferme sint venæ sectiones, purgationes per urinam atque sudorem, & quæcunque à centro corporis, ad eiusdem circumferentiam ducunt, propter motus Lunaris analogiam. Contra digrediente Luna ab opposito Solis, magis & vomitus solent succedere, & alui purgatio, si modo & ægri vires, morbi tempus, & vtriusq; natura vniuersa consentiat: nec interim obstat congressus malefici, vel irradiantium siderum loca. Nec dubium quin & Planetæ vel stellæ cæteræ pari prorsus ratione ad Solem collatæ, vel ad Eclipticam, vires vbique particulares conferant, vnde in rebus naturæ arcana plurima colligantur, præsertim quæ in dierum criticorum ambiguo lapsu, in excitandis tempestatibus Cœli, & popularibus morbis, in adhi-

bendis humano corpori salubribus medicamentis exigi consueuerunt, &c. Sed audiamus nunc Federicum Chryfogonum obiurgantem Cæsarem Optatum, Astrologiæ contemptorem, dum in fine cap. 6. de Prognosticis ægritudinum per dies criticos ita scribit: Neque possum silentio pertransire dictum eius scilicet quod Medici exercitati non inuenerunt differentiam in pharmacando, vel flobotomando in nouilunio, vel aliis malis aspectibus Lunæ cum Sole. Quæro tamen ab ipso si ille sit vnus de illis sic exercitatis & bonis Medicis, qui non adinuenit diuersitatem in flobotomando & pharmacando suos infirmos in plenilunio, vel nouilunio. Caueat dicere quod sic, quia viles mulierculæ lauantes pannos, essent magis prudentes ipso, quæ nouilunium vel coitum Lunæ cum Sole obseruant, ne panni in illa hora loti corrodantur, & piscatorum retia in mari tunc existentia corrumpantur. Censuram etiam Hippocratis incurreret dicentis, quod quisque caueat à Medico ignorante Astrologiam, quia stellæ confundunt & alterant quattuor elementa, confundunt & quattuor humores: quare ipsæ stellæ in suis aspectibus sunt confusæ; humoribus astantibus confusis & ipsis in ebullitione positos, si pharmacia vel flobotomia illa in hora exhibeatur, certe æqualiter humores boni pariter & mali effluent. Neque virtus regitiua totius regulare poterit contra operantiam tanti influxus, & quamuis eadem virtus sit magis sollicita per se, vt retineat magis apud se bonos humores quam malos; tamen superata à confusione & ebullitione humorum per combustionem luminarium causata superatur, & indifferenter humores per pharmaciam vel per flobotomiam efflaunt. Hęc ille. Sed nimius forem, si omnium, qui Astrologiam medicinæ laudabiliter coniunxerunt, auctoritates ad artis huiusce veritatem, & ad obstrepentium confusionem referre vellem; vnum solum, ac Theologum quidem (qui instar omnium esse potest) hinc adiiciam. Scotus secundo sententiarum distict. 14. q. 3. in responsione ad secundum argumentum, ita inquit: Conueniens est & necessarium, quod bonus Medicus habeat scientiam Astronomiæ, posset enim propinare aliquo tempore medicinam, quæ interficeret, & tamen alio tempore liberaret. En vobis obtrectatores non solum Medicorum, sed & Theologi fundatissimi præclara huiusce artis testimonia, quibus omnis sanæ mentis facilius quam vobis fidem tribuet. Sed hæc *παρρησια* dicta sunt, nunc ad rem nostram, vnde digressi sumus, reuertamur.

Primo itaq; adiuuari possunt in corpore nostro virtutes eius principales, quæ sunt vitalis, naturalis, & animalis; necnon & virtutes illis ministrantes, quæ sunt attractiua, digestiua, vegetatiua & expulsiua.

Vitalis autem virtus, quæ in corde residet, regitur ac fouetur ab influentia Solis. Vtemur itaque ad eius corroborationem rebus calidis & siccis temperate, vel calidis & humidis, atque illo maxime tempore, quo Sol dominatur, ac benignis radiis Iouis ac Lunæ commiscetur.

Naturalis virtus gubernatur à Ioue cum participatione Veneris & Lunæ, & residet in hepate, in quo generantur quattuor humores, & confortatur præcipue per Iouem, si vtemur rebus calidis & humidis tunc cum Iupiter fuerit optime dispositus, & præcipue in horoscopo, vel Veneri ac Lunæ configuratus absensibus maleficiis.

Animalis virtus distinguitur in intellectuam, quam regit Mercurius; & in sensitiuam, quam gubernat Luna cum Ioue & Venere.

Fouetur autem ab iisdem Planetis optime dispositis, cum vtimur rebus temperatis, & cum illorum natura congruentibus.

Attractiua (vt ad virtutes minus principales, & primarijs illis administrantes tranſeamus) viget in caliditate & siccitate per influentiam Solis & Martis, qui calidi sunt & sicci, magis tamen per ipsum Solem, qui temperate calidus & siccus est; Mars autem ob intemperatam caliditatem ac siccitatem, corruptiuam potius naturam obtinet. Confortatur autem attractiua à rebus calidis & siccis, Luna discurrente per signa Υ Ω & \ddagger . Excipiunt tamen Astrologi nonnulli signum Leonis tanquam inconueniens, nimis enim robustum est ac valde ardens. Si itaque Luna in reliquis duobus signis benigno aspectu Soli configurabitur, vel etiam Marti (dummodo is occidentalis sit, & in signo noxias suas qualitates moderante) confortabitur optime virtus attractiua. Sin autem Lunam in dictis signis habere non possumus, sufficiet eandem alteri dictorum Planetarum amico aspectu copulari tunc cum in horoscopo fuerit vel Ω , vel \ddagger .

Retentiua viget in frigiditate & siccitate per Saturni influxum, & corroboratur, si elegerimus Lunam in signo triplicitatis terræ, vt sunt Υ , η , & \wp . Conducet etiam, vt Luna felici radio cum Saturno coniungatur: & si Luna in dictis signis non extiterit, sufficiet deligere tempus, quo aliquod ex dictis signis in horizonte fuerit.

Digestiua virtus viget per influxum Iouis in calido & humido; vnde Luna constituta in trizodia aerea, quæ constat ex π , \sphericalangle , & \approx , apta erit ad hanc virtutem constabiliendam: maxime si Ioui configurabitur. Quod si Luna in dictis signis haberi nequeat, consultum erit eligere tempus, quo signum aereum in ascendente sit.

Expulsiua virtus indiget influxu Lunari frigido & humido, dum Luna fuerit in trizodia aquea, verbi gratia in ϕ , η , & χ , vel dum vnum è dictis signis in ortiuo horizonte fuerit.

C A P. XXVI.

De electione temporis ex astris, quo phlegma, quibus humores superflui & damnosi in corporibus humanis expelluntur, exhibere consule possunt.

QUONIAM accidunt nonnunquam hominibus humores superflui, & damnosi à temperamento naturæ, qui ad ægritudinem, & quandoque ad mortem inducendam valent, idcirco Medici partes sunt, humores illos à corpore nostro depellere, illudque ad conueniens temperamentum reducere. Porro autem non omne tempus ad hanc rem conueniens est, sed primo cauendum est, ne feruente Æstate, aut summa Hyeme fiat corporum purgatio; commodius enim Vere, vel saltè Autumno purgatur, difficilius diebus canicularib. aut frigidissimis.

Secundo obseruanda est Luna in medicinis exhibendis, vt sit lumine decreſcens potius quam aucta, neque sit Soli propinqua, sed aliquantisper ab illo remota, & à maleficorum corpore vel radiis præsertim noxiis libera, nec Planetæ retrogrado nisi Ioui aut Veneri coniuncta; ita enim affecta magis confert ad purgandos humores.

Tertio videndum vt Luna sit in signo expellendo humori contrario, vel saltem vt tale signum in Horizonte ortiuo scandat; & sunt signa aquea trizodia, vt

Cancer, Scorpius, & Pisces, maxime idonea ad eiiciendos & subducendos prauos humores cholericos; eo quod Luna humectatrix in similibus sue nature vires suas magis exercens, aluum etiam efficacius ciet, & commodius eiicit humorem contrariū, qui non est in ebullitione. Et hoc est quod Almanfor Aphor. 25. dixit: quod meliora signa in accipiendis laxatiuis & purgatoriis sunt aquatica, & horum melius est signum Scorpii, deterius Cancrī. Præterea etiam recentes ægri- tudines commodius purgantur Luna existēte in Piscibus, vel saltem piscium signo scandente. Adhuc & signa acree, vt ♈, & ♊ satis apta sunt, maxime ad melancholicos humores subducendos; terrea autem, vt Taurus & Virgo commodiora sunt ad ægri- tudines vetustiores per euacuationem expellendas. In primis autem cauendum est, ne medicina exhibeatur, dum Luna in Leone est, vel dum Leo scandit, quod ille ventriculo præsit.

Quarto considerandi sunt aspectus Planetarum ad Lunam, alii enim operationem adiuuant, alii impediunt, pro natura tum aspectus tum Planetarum in comparatione humorum expellendorum. Enimuero in genere Iupiter & Venus Lunæ corporaliter iuncti, impediunt medicinæ actionem, sed eidem configurati nō tantum. Extat enim auctoris centiloquii aphorismus talis; diminuitur medicinalis pharmaci operatio, quando Luna Ioui iungitur. Ratio est, quod cum corpus humanum Lunę in primis subiiciatur, quando illa Ioui iungitur, robustior fit natura, quam vt medicinalis pharmaci virtus operari in illa queat. Est autem de medicinæ laxatiuæ ratione vt naturam vincat. Idem etiam in Venere locum habet, sed debilior est Venus. Saturnus etiam & Mars Lunam aspicientes impediunt medicationes; & Luna cum Planeta retrocedente copulata vomitum causat.

Quinto curandum est, vt deprimatur ille Planeta, qui præest humori euacuando; quod fiet si Luna cum illo non congregiatur, nec Planeta incidat in fortiorem Cœli locum tunc cum medicina exhibetur: alias si ille Luna fortior erit, remanebit humor ille in corpore, tantumque inualefcet, vt à Medicis postea non ita facile expelli seu deuinci queat. Eligendus est itaq; Planeta oppositæ virtutis. Vt exempli gratia pro euacuanda cholera & purgandis renibus, quibus Mars præest, fortificanda est vel Venus vel Luna, & Mars ipse deprimendus. Curandum est igitur vt Luna, si fieri potest, sit in Cancro, & Veneri configurata; aut saltem vt Venus sit in potenti Cœli loco. Pro purganda melancholia & splene elige Iouem Lunæ aliquo aspectu configuratum, vel certe in forti Cœli loco constitutum: deprime autem Saturnum melancholiæ auctorem. Porro pro euacuando phlegmate vttere Solis ac Martis influxu; caue vero à Venere & Luna. Ac deniq; pro sanguine & hepate purgando Venerem ac Lunam elige, Iouem vero sanguini & hepati prædominantem reiice.

Sexto obseruandum est signum, quod in Horizonte est, dum medicina offertur; si enim illud cum operatione medica non congruat, differendum erit tempus quousq; signum conueniens in ortu reperiatur. Excipiuntur in hoc proposito signa ruminantia, quæ dum ascendunt operantur ad euocandam medicinam, vel impediunt quominus excrementa ad inferiora ferantur, vel aliud quid in cō modi afferunt. Sunt autem hæc ♃ ♄ ♅ & ♆; quæ tamen conducunt, cum medicinæ etiā per vomitum debent euacuare: vt antimonium & similia medicamenta. Præterea attendendū est, vt dominus horoscopi tunc emergentis iungatur corpore vel per aspectum Planetæ alicui sub terra versanti, ita enim conducit ad deiiciendas for-

des per aluum. Si enim supra terram extaret, moueret stomacho nauseam, & sic euacuationem impediret. Hac de re ponit Hermes aphorif. 74. Melius est autem in purgationibus, vt tam Luna quam dominus ascendentis descendant, & sint sub terra; in vomitoriis autem vt ascendant.

Septimo sedulo cauendum est, & si de genitura constet, ne Luna sit in loco natiuitatis malefico, & ne ascendat signum genituræ contrarium, id quod ex superioribus capitibus manifestum est.

C A P. XXVII.

De eligendo tempore, maxime ad phlebotomiam, seu vene sectionem ex astrorum positu, accommodato.

QUÆMADMODVM in exhibendis medicinis, ita & in phlebotomia obseruanda sunt generalia quædam præcepta, nempe ætas ægroti, vires, consuetudo, & anni tempus. Ætas enim respicienda est, vt scilicet puero ante annum duodecimum non extrahatur sanguis, neque seni in vniuersum, sed si vires supersint, etiam in senē forti ac robusto phlebotomia fieri poterit, in debili autem, tum per ætatem, tum per morbum, nequaquam.

Deinde & consuetudo seruanda est, nam si vir maturæ ætatis phlebotomiæ nō affueuit, abstinendum est à sanguinis extractione. Deinde & temporis anni habenda est ratio: nam tempore calidissimo maxime diebus canicularibus præcauenda est phlebotomia, tunc enim humores perturbati sunt, ac facilius boni quam mali effluerent; sic in summa frigiditate humores compacti sunt, & si euocarentur, confuse tum boni tum mali elaberentur. Porro tempore Verno & Æstiuo fiat phlebotomia in parte corporis dextra, Hyeme vero atq; Autumno in parte sinistra. His itaque in genere obseruatis, specialia etiam quædam præcepta ex Astrologica disciplina obseruanda sunt.

Primo Lunæ habitus ad Solem attendendus est: fugienda est enim in primis Solis & Lunæ coniunctio, & toto isto tempore, quo Luna sub radiis Solis occultata permanet, biduum sante, & biduum post coniunctionem, à venæ sectione super sedendum est, quod tunc corpora ab humoribus vacua sunt, & per phlebotomiam nimium euacuantur.

Sic laminarium oppositio per diem vnum tam ante quam post cauenda est, & in vtrisque quadraturis per mediam vel etiam integram diem à sanguinis effusione abstinendum est. Præterea iuuenibus conuenit Lunam esse in luminis sui augmento, senibus autem & ætate profectoribus in decremento. Quamobrem primus Lunæ quadrans, à coniunctione ad primam quadraturam, congruens est pro iuuenili ætate; secundus quadrans à prima quadratura vsq; ad oppositionem, pro iuuenili ac virili; tertius ab oppositione ad secundam quadraturam pro virili, & senili: quartus ab hac quadratura vsque ad coniunctionem pro senili tantum.

Secundo præcauendum est, ne Luna, vel per corpus, vel per radios à maleficis infestata sit, sed beneficiis configurata. Etenim coniunctio, vel oppositio Lunæ cum Saturno vel Marte, vel eum capite ac cauda venæ sectionem impedit per diem vnum ante & post dictas configurationes. In quadrato autem illorum maleficorum cum Luna, tantisper à phlebotomia super sedendum est, quousque

usque maleficus per gradus duodecim ante, & per gr. 8. post à Luna separetur. Est autem bona coniunctio Lunæ cum Ioue vel Venere, modo Venus non sit combusta, ad promouendam minutionē sanguinis; necnon & trinus, & quadratus vel sextilis eorumdem aliquid auxilii suppeditat. Laudabilis etiam est trinus vel sextilis aspectus Solis & Iouis vel Lunæ, aut etiam trinus vel sextilis Martis & Lunæ. Ad hæc congressus etiam Lunæ cum stellis fixis imprimis fugiendus est, vt sunt pleiades, hiades, præsepe & æelli, lances, Hercules, caput Medusæ, & aliq̃ de natura maleficorum.

Tertio eligendum est signum conueniens complexionī ægroti, vt in illo Lunareperiatur, dum vena incidenda est. Enimvero in signis igneis, vt ♀, & ♄, minutio prodest phlegmatis. Excipitur tamen signum Leonis, quod sit domus Solis & signum ardentissimum. In signis aereis ♊ & ♋, minutio conuenit melancholicis: signum autem ♋ ideo excluditur, quod spatulis, brachiis, & manibus præest, potest tamen & in illo sanguis euacuari in aliis corporis partibus, aut membris. In signis aqueis ♋, ♌, & ♎, fit minutio pro cholericis, licet nonnulli caueant à signo Scorpī, eo quod in illo Mars prædominetur, & Luna à domo cadat: In signis terreis ♍, ♎, & ♏ sanguinis extractio omnis parum bona est, sed tamen pro cholera nigra seu melancholia potest Luna secundum nonnullos in illis signis accipi. Pro sanguineis vero bona signa sunt ♋, ♌, & ♍, mediocria autem ♋ & ♌. Extat autem de supradictis Almanforis Aphorismus 24. & 32. Hoc autem imprimis obseruandum est, ne Luna præsit signo illi, quod membro dominatur, ex quo sanguis educendus est: nam cum Luna soleat totum corpus humectare, tanto magis membrum illud, quod incidendum est, humore replebit; vnde si ferrum ipsi adhibuerimus, non vulgare periculum ob immoderatum effluxum poterit exoriri. Extat hac de re auctor centiloqui enunciatum 20. quod ait: Membrū ferro non percuto, cum Luna signum tenuerit, quod membro illi dominatur. Vnde non minoris est considerationis aphorismus ille vulgaris: Caue ne Luna existente in Ariete caput tangas, tum præcipue si infortuna ibi radios dirigat; sed si ab initio ibi fuerit infortunata, violenti casus effectum similem producet.

In Ariete itaque cephalica seu capitis vena excipitur, in Cancro pulmo & venę cordis reiciuntur, in Libra nates, in Sagittario coxę, in Aquario tibię, & denique in Piscibus venę pedum.

Quarto & signum in Horizonte ortiuo scandens obseruandum est, dum sanguinis sit euacuatio; cauendum enim est ne signi ascendantis dominus, vel etiam Luna sit in sexta vel octaua Cœli domo, & ne cognationem habeat cum dominis dictorum locorum, aut maleficis aliqua ratione copuletur; & si ita fieri poterit optimum erit vt malefici ab angulis decendant.

At hæc diligens adhibenda est cura, ne signum quod tempore euacuationis ascendit, ab initio nascendi, aut in reuolutione annua infestatum sit à maleficis.

Idque etiam de signo quod Luna obtrinet, obseruandum est.

De curatione particularium morborum secundum astra, vt facilius ac citius, quo ad fieri potest, cura efficiatur.

ADIVVAT cœlestium constellationum electio ad particularem morborum curam, vt testantur Medici Astrologiæ periti, atq; imprimis Marsilius Ficinus in libro de Vita cœlitus comparanda. Quam curandi methodum per Astrologicas rationes si quis sequi voluerit, oportet vi imprimis attendat, quæ signa dominantur membro male affecto, sicut à nobis traditum est cap. 2. Deinde videndum à quo planeta morbus proueniat, idq; ex cap. 13. Primo itaque in omni curationis tempore respice ad locum morbi in corpore, & cura vt luminaria inueniatur in signo illi membro prædominante, aut saltem, vt tale signum in Horizonte ortiuo scandat. At si neutrum horum obtineri nequit, sufficiet Lunam obtinere signum eiusdem quadrantis; vt verbi gratia sit ægritudo in parte corporis superiore complectente caput, guttur, & superiorem pectoris partem; curabis itaq; vt huic ægritudini subuenias, dum Luna est in aliquo trium signorum primi quadrantis, vt in ♊, & ♒. At si ægritudo sit in secunda corporis parte, à spatulis, vsq; ad vmbilicum, medelâ adhibe, dum Luna est in secundo quadrante, vt in ♋ & ♌. Si morbus erit ab vmbilico vsq; ad genua tam in anteriore, quam in posteriore corporis parte, curâ eundem existente Luna in ♍ & ♎. Denique in inferiore corporis parte à genibus vsque ad pedes curam adhibe morbo dum Luna est in vltimo quadrante, vt in ♏ & ♐. Caue autem ne Luna sit in signo fixo: morbum enim protrahere solent hæc signa, inter quæ pessimum est Leo, mitius, Taurus.

Secundo fortificandus est planeta morbi auctor, vt scilicet sit à maleficis liber, & cū beneficis configuratus, maxime cum Luna, necnon vt sit in felici Cœli loco.

Tertio præcauendum est, ne Luna incadat in horoscopum, & si fieri potest, vt in illam domum incadat, quæ membro male affecto præest, sicut diximus cap. 2. Aut saltem cura, vt beneficis illam domum obtineat, absit maleficus. Sit denique Luna iuncta fortunato planetæ, vel per corpus, vel per aspectum, sit velox cursu, aucta lumine, & à maleficis libera, & ab octauæ ac sexti loci domino separata.

Quarto saluus sit horoscopi dominus à maleficis, & in bono Cœli loco beneficis vel beneficis configuratus, & à domino sexti ac octauæ loci seiunctus.

Exempli gratia in cura oculorum obseruatis his, quæ diximus supra, constitues Iouem in ascendente, vel in bono loco configuratum ascendenti; cauebis autem à cœllationibus, quæ oculis obsunt, de quib. c. 3. Neq; Luna sit in ascendente, & in signis terreis, nec Marti coniuncta, dum Chirurgus morbo oculorum manum admouet. Quæ omnia circa oculorum curam

tradidit Hermes aphor. 39.




AD BENEVOLVM

LECTOREM.

POSTEAQVAM nunc doctrinam de legitimo Astrologiæ in Medicina vsu absoluiamus, non minoris commodi studio-
 sis futurum arbitrati sumus, si obseruationes aliquas, tum
 aliorum, tum nostras, secundum hæc præcepta institutas
 subiecerimus. Poterunt enim hisce vestigiis insistere iuniores, & faci-
 lius etiam, quæ à nobis in hoc libello tradita sunt, intelligere. Nostræ
 autem obseruationes, vt quod res est fatear, non sunt à nobis ad hunc
 finem tempore elapso institutæ, vt pro Astrologico Medicinæ vsu ali-
 quando subseruirent; id enim si egissem, diligentius profecto ægritudi-
 num nonnullarum progressum obseruassem; nihilominus tamen sub-
 seruire poterunt, vt consensus significationum cælestium, tum figura-
 rum morbi, tum natiuitatum Medico innotescat. Nos enim in eo
 hucusque toti fuimus, vt euentus seu effectus directionum tum in Zo-
 diaco, tum in Æquatore factarum, necnon & totius artis Astrologi-
 cæ veritatem experientia comprobaremus. Cæterum quas ex Boderio
 obseruationes attulimus, illas omnes exactiori calculo subiecimus,
 quippe cum is solum ad integros gradus figuras suas cælestes ex calcu-
 lo Alphonsino liberiore vsu erexisset; figuræ autem ipsæ ita inordinate
 ac confuse à typographo editæ sunt, vt vix cognoscas, quem
 situm, aut Cæli locum planeta sor-
 tiantur.

PRIMA OBSERVATIO.

Decubitus Socratis laborantis tertiana febris, positus pro exemplo à Federico Chryfogono Iadertino Medico insigni.




In hac figura horoscopus considerandus est cum eius domino, quem horoscopus inueni in ♊ grad. 23. & Saturnum dominum eius retrogradum in ♎ cadentem in secunda domo in suo detrimento, seu in casti sue exaltationis: Solem etiam in ipsum fulminantem ex domo mortis existentem cum ♎ retrogrado, qui quidem status horoscopi & Saturni mali significant Socratem à forti causa decubuisse. Dominus etiam ascendentis & Luna, qui supra corpus dominium habent in ♎ signo existentes: Sol etiam & Mercurius morbi causa existentes inuenti sunt in ♊ signo etiam mobili, quæ signa mobilia humores de sui natura in motu semper ponere consueuerunt, & in ebullitionem, qui corrupti febrem causant malignam. Cognita causa efficietie bullitionis humorum, querenda est causa, scilicet qui humores, à quibus Stellis corrumpuntur. Saturnus dominus ascendentis & ♎ qui supra humores domini sunt in ♎ signo mobili, & igneo: Sol etiam cum ♎ combustio morbum Socratis causantes cum radiis Martis ex quadrato influentis, & supra febrem significationem addentis. Hæc quidem constellatio febrem ex materia cholerica à predominio significarunt. Luna vero, quæ humida est & nocturna, ad Saturnum fluens, qui frigidus est, corruperunt phlegmatis partes subtiles, quibus admixta materia multa cholerica iam à Sole, &

Marte corrupta, fecerunt materiam falfam febrem caulonidem, quæ mal gna
semper effe solet, attento etiam tempore anni, quia in fine Ætatis, quando tales
febres solent causare. nunc autem cognoscenda est minera huius febris. Sol au-
tem cum in hac febre Socratis causa morbi extiterit cum Martis sydere, qui Sol
supra corpus sign. Mars vero supra ipsum epar, dico quod materia huius febris
fuit principaliter in corde & eius venis, communicata tamen ipsi epati & aliis eius
venis magnis: attento etiam quia in regione epatis reperta fuit satis notabilis ten-
sio & oppilatio. Capitulando ergo præsentem ægritudinem crit febris causon ex
materia falsa continua proportionalis de tertio in tertium magis affligens. Co-
gnita autem essentia ægritudinis, & ipsa capitulata: certe tunc prognostica erunt
facilia (inspectis causis omnibus) quæ cum multæ & fortes extiterint supra mor-
tem significarunt. Quare etiam prima die prognosticauimus ægrum moriturum.
Consideratis etiam anis accidentibus, quæ à posteriori à Medicis tradita sunt su-
per idem arguebant: virtus enim subito ceciderat, neque cum morbo pugnare
causa fuit propter materiam venenositatē. Æger & astans perterritus, & Medici de
salute hesitantes, vniuersalia exhibuerūt magis blandiendo ipsi materiæ, quam i-
psam irritando. In die tertia ab ægritudine fuit secundus paroxysmus, Luna tamen
in illa non potest esse in aliquo aspectu ad gradum hora decubitus: ideo non fit a-
liquod iudicium per Lunæ cursum, dum vacua & sine aspectu est. Sed status Lunæ
quærendus est in primo sextili, qui erit die quinta currente, quam inueni in gr.
23. II fluentem à cauda draconis ad sextilem Saturni male affecti: similiter &
ad trinum Solis & Mercurii, qui quidem aspectus quamuis sint amici per na-
turam, tamē malitia Saturni retrogradi & Solis male affecti in domo mortis con-
tra operati sunt cum fortitudine contra hos amicos aspectus: ideo hic sextilis Lu-
næ modicum virtutis ægri subleuauit. Tertius status Lunæ contemplandus est
in die septima, quando scilicet peruenit ad aspectum quadratum loci decu-
bitus, quam inueni coniunctam Ioui & in oppositione Martis & in quadra-
to aspectu Saturni, quæ mala constellatio idem confirmabat, quod & princi-
pium ægritudinis significauerat, & nisi Iupiter opem præstiuisset, & virtutem
subleuasset, fuisset crisis eodem die in malum, quamuis satis intensa & mala ac-
cidentia apparuissent. Die autem Iouis nona & in trino aspectu ad locum decu-
bitus Luna peruenit ad 9 grad. 23. & ad trinum Veneris, & sextilem Mercu-
rii, æger remissius se habuit propter hos amicos aspectus partim, & partim per ea,
quæ exhibita fuerē euacuando, digerendo, confortando cum bono regimine
in sex rebus non naturalibus: neque Medici confidant in simili subleuatione,
quando viderint, quod in decima quinta planetæ supra mortem significan-
tes fuerint apodeati & fortes, & boni planetæ male affecti. In aliis vero diebus
11. scilicet & 13. quando Luna sit vacua cursu, per quam non fit iudicium in tali
esse, dicat Ptolemæus quicquid velit in 60. verbo centiloquii, scilicet quod sta-
tus Lunæ obseruandus est in singulis angulis figuræ sexdecim laterum. In die
Mercurii 15. ab ægritudine Luna peruenit ad Libræ grad. 23. & in aspectum op-
positum sui principii, qui aspectus cum sit malus & maxime solet grauare virtu-
tem, quam stimulando sollicitat ad crism & ad pugnam eo magis, quia peruenit
ad coitum Mercurii, & quadratum Martis, & oppositionem Saturni, qui quidem
Mercurius cum Sole fuerunt causa morbi cum quadrato aspectu Martis: tan-
ta enim potentia istorum fuit ad causandam mortem huius ægri, quod neque

lætitis alpectus Veneris, neque Iouis quadratus contulerunt, & minus exhibita. Sed æger hora 12. noctis sequentis Luna descendente & Marte refluxente vitam cum morte commutauit. Quæ profecto omnia etiam prima die cognita & prognosticata fuere, ex cognitione scilicet causarum efficientium, quæ sunt Stellæ & formæ cœlestes inspecta figura sic æquata, ex qua cognitione patet, quod totalitudo facultatis Medicinæ sine hac arte priuata & imperfecta est, maxime ipsius Auicennæ, qui declinauit ab hac scientia, excusando se, quod ad alium artificem spectat de futuris, scilicet de diebus criticis per stellas iudicare, sed ad accidentia, & ad ea, quæ per crises apparent se conuertere voluit.

Secunda observatio.

Augerii Ferrerii ægroto tertiana febri dnplici laboranti.




Inuasit quendam tertiana duplex, anno & hora sicut supra, quo Luna Marti iungebatur. die 26. sumpto purgante medicamento febris eum reliquit, quo die quadratus Solis aspectus obesse nō potuit, quod in initio morbi Solē Luna nulla potenti radiatione pulsasset. Die 27. 28. 29. perfecte curatus videbatur, neque vlla febris vestigia apparebant. Die 30. qui octauus à principio aggritudinis erat, tetragonus Martis radius febrem continuam cum periculosis aciditibus ex leuissima causa excitauit; vt iam eo die & delirare inciperet, & floccos euellere, & ad oblata minime bene se habere. Verum quia in morbi exordio Luna à Martis congressu Veneris aspectum petebat, cessare cœperunt periculosa omnia symptomata die sexto

sexto Maij, qui decimusquartus erat ab initio morbi, quo Venus trigonum cum Luna effecit. Nec oppositio Martis rursus obfuit die 8. Maij: quod à Marte ad Io-
uem, mox ad Venerem Luna fœliciter pertransiret. Fortunas autem certum est
præferuare, quocunque aspectu infortunat, vel Lunam attigerint. Hæc autem
ita ventura indicauerant sextiles trigonique Martis & ♃ radij.

Tertia observatio ex Cardano.

Decubitus Ioan. Antonii de Campionibus.



Io. Antonius de Campionibus (ait Cardanus) annorum circiter triginta ex itinere ægrotauit, primum quidem vt visus est leuiter vsque ad quartam diem, quod Luna esset in sextili Veneris & Venus illam reciperet; nam Venus erat in suis dignitatibus.


Et quia Luna erat cursu valde tarda, morbus non est visus accipere incrementum, remorante vt dixi Venere, quæ Luna attigit partem vigesimam quintam ♐ in diebus tribus horis 18. ferme, ob motus tarditatem, vnde protracta est quarta dies; tunc vero occurrit Iouis & Martis ✕ in ♏, & cum stellis humidis, id eo factum est incendium magnum, & turbulentia in vrina, quæ ob protensam quartam diem visa sunt habere initium in quinta. In septima vero cum nondum peruenisset ad nonagesimum gradum distantie ob motus tarditatem, sed ad Leonis initium tantum, deterime se habuit, quoniam nulli beneficiæ occurrit (imo incidit in antisecio Solis existentis in sexta domo, & in caput draconis) similiter in octaua & nona morbus augebatur: quia tunc Ioui & Marti iunctis iungebatur, & quia erant inter humidat stellas, sudauit. Calor enim cum humido sudorem creat, & vrinam multam, quam reddidit. In vndecima sudauit, fuit tamen cum magno labore: nam Luna oppositum ♄ superauit, sed ei successit ✕ ♀.

Duodecima ægre se habere visus est, quia multum delirauit. Sed tamen ob

Veneris ✱ vrinæ concoctæ apparuere. Decimatertia ob Mercurij quadratum (quia inimicus est horoscopi) nihilo deterius se habuit, quia erat motus iam ad salutem; sed nec melius ob Mercurium: decimaquarta sudauit iterum, & melius se habuit. In ea non potuit solui morbus, quia Luna non peragrauerat nisi partes 174. minuta 22. & oportuit extendi morbum ad 17. vsque. In decimaquarta tamen occurrit ☿ sextili Iouis & Martis, & quadrato Veneris, ideo sudauit, decima septima liber euasit, cum iam Luna oppositum loci superasset, & trino Veneris applicuisset. Hactenus Cardanus.

Quarta obseruatio ex eodem Cardano.

Decubitus cuiusdam, qui mortuus est die decimaquarta.



Hic Lunam ab initio habuit in quadrato Veneris, ex intemperie cibi & potus ægrotauit, celeriter grauatus est ob motum Lunæ velocem, in septima deterius valde se habuit, nam Luna erat cum cauda, & vacua à Iouis aspectu ibat ad ♀ ♀, & tunc Sol ☐ haſſigebatur. Octaua leuari viſus eſt fluente è naribus ſanguine, ſed tamen virtus cecidit ob Veneris oppoſitum. Nona aliqualiſter reſpirare viſus eſt ob trinum Solis. Decima fuit loco vndecimæ, cum ad angulum, id eſt, Piſcium initium perueniſſet ad ♄ ♄ & ☿.


In vndecima par erat illum mori, cum ad Saturni coniunctionem hora decima, ad Solis ☐ hora decima octaua perueniſſet. Mortuus eſt quinta Iunij hora 3. ante meridiem, & fuit initium decimaquartæ, & Luna peruenerat ad oppoſitum loci ſui ad vnguem. Hactenus Cardanus.

Cæterum quod hic decubitus debuerit eſſe lethaliſ, colligitur ex Luna, quæ vix horoſcopum ſuperauit, quæ quidem lumen Saturni per antiſcium colligit, i-
pſumque deſert ad Venerem per tetragonum intuitum horoſcopi & octauæ do-
minam, quæ in angulo medi j cœli comperitur, vnde congruunt hic fere tres a-
phoriſmi capitis 22. lethales, nempe 19. 23. & 33. Iupiter autem hexagono radio
reſpi-

respiciens Lunam ac horoscopus non potuit opem ferre, sed tantum ipsum morbum prolongare, quia corporaliter coniunctus est malefico Marti, qui horoscopi hostis est ob ω signum.

Quinta observatio ex eodem Cardano.


Initium ægitudinis ex transfossione brachii Baptiste Cardani,
ex qua obiit.



Hicalter (ait Cardanus) affinis meus erat & vir sexagenarius, cum vulneratus est, Luna à Marte separabatur, & Mars cum capite erat, & Luna cum cauda, & applicabat Saturno & Iouis infelicitis opposito, non tamen statim grauatus est, quia \mathcal{D} ibat ad sextilem Mercurij, & vulnus erat brachii transfossio. Quarta grauatus est propter Solis quadratum, caruit tamen febre quia nulla malefica oppugnabat, ob id vsque ad decimam adeo leuatus est, vt surgeret. In vndecima grauatus est hora noctis tertia, cum Luna ad oppositum Solis tenderet. Hic autem erat anæreta, dominus siquidem oppositi loci Lunæ. Et post \mathcal{D} , ad Mercurii oppositum ibat. Febre igitur, & sanguinis profluuium correptus est 14. die, quæ fuit secunda Ianuarii hora diei tertia, cum Luna corpore Marti iungebatur, expirauit. Hæc Cardanus. Verificantur hic aphorismi 11. 16. & 32.

capitis 22.


Sexta observatio ex Thoma Boderio.



Quidam anachoreta ægrotare cœpit, ac viribus destitui Luna permeante 30 Leonis, seu initium ♌, ac constituta in aspectu Solis, Martis, & Iouis domini domus mortis collegiati quadrangulari radicatione cum Saturno. Ex his radiorum commixtionibus exoritur ægrotatio à fluxu ventris (pro Galeni sententia cap. de Schematibus ♄. in ♍.) cum dolore hypochondriorum, vena incisa, iuxta Medici mandatum, ac sumpto medicamento obiit die 9. ab initio morbi Luna diametraliter verberibus ♄ pulsata, ac stante ad Iouem dominum octauæ loci. Hactenus Boderius. Quod hic occubitus sit mortalis, colligitur ex Sole primum, qui dominus est horoscopi, cum lædatur tetragono radio à Saturno in sexta domo, præsertim quod Sol est cum cauda, nec ipsi auxiliatur Iupiter succedens, cum sit dominus domus mortis. Præterea ♄ concurrit etiam ad consignificandam mortem cum sit in horoscopo transferens lumen Solis horoscopi domini ad Iouem octauæ dominum. Videaphorif. 11. 16. 22. 23.

33. cap. 22.

Septima

Septima observatio ex Thoma Boderio.


Filius cuiusdam nautæ celeriter febre diutina captus fuit, Luna perambulante gr. 24. ♀ à Saturno horoscopi domino 21. ♀ possidente ad Solem octauæ stationis hospitorem 25. ♀ gradum incubantem accedebat, ea ratione infortunata, quia radiis solaribus occultata, die 6. ab ægrotationis exordio ipsa Luna 8. Cancrigradum attingente alui excrementa deiecit febre abeunte ipsamet die. Quibus è rebus à matre diem & horam radice natiuitatis habui, signum ♄ in radice oppido quam faustum erat, maxime 8. pars Cancrigradum, pariter & die prædicta, quia Sol, Venus, & Iupiter dictum octauum gradum feliciter irradiabant, & Mercurius quadrata radiatione. Quapropter hæc quatuor syderum societas prædictam Lunam intuentium boni iudicii signum attulit; non ab re conscripsimus aliquos dies esse particulares, quorum figuræ natales nos certiores reddunt, ut de his sententia feratur vera, nihilo secius licet perfecte sanus ante videretur, reuertente citra manifestam causam febre, ab humanis decessit prædictus puer: quia decubitus lethalis erat. Ratio exitij ipsius pueri principalis & præcipua decernitur ex Luna à domino ascendente segregata, cum Sole octauæ domicilii domino se colligante, ideo Lunæ combustionem minime fuisse primam, & principalem occasionem teneo: Hucusq; Boderius. Vide Aph.

23. 24. & 27. c. 22.

R

Ostiana


Oſtendit obſervatio ex eodem Boderio.



Quidam scriba febre acerbâ cum dysenteria decumbere cœpit Luna in horoscopo platice posita in 16. ♋ partē peragrans, deinde 45. gr. ab initio morbi perambulante ac quatuor syderum aspectibus irradiata, consultis Medicis in viuis esse desit; decubitus enim fatalis erat. Hucusque ex Boderio qui plura etiam prosequitur, sed quæ veram huius decubitus causam non concernant. Martis igitur certior indicatio colligitur à Luna posita in horoscopo prope caudam infortunata & à Sole tetragono mortis applicante, quin & à Venere horoscopi domina cum Marte possidente domum sextam, & octavæ domui imperante commixta. Vbi igitur ♄ applicuit quadrato ♀ in initio ♋ prope semiquadratum ipsiusmet Lunæ, & simul Sol attingit tetragonum Saturni interit hic ægrotans tertia scilicet die Maij, quæ fuit quarta ab initio morbi. Vide aph. 22.

28. & 33. 22. cap.

Nona observatio ex eodem Boderio.




Guillelmus Gronctus grauissima ægritudine compressus fuit hora vt supra; Medicus istius ægroti venam percuti mandauit, sed noluit ipsum audire. Prædixi hunc ægotantem fore cardiacum pro opinione Galeni libro de decubitu infirmorum c. de schematibus ♄ in Leone: quoniam Luna à Sole & Marte lacescita peragrabat ♄ in 4. domicilio positum, & gradum 4. domicili occupantem, & ita vsu venit inter quatuor dies ab hora decubitus diem suum obiit ipse Cardiacus. Hucusque Boderius.

Hic sunt plures mortis indicationes, nimirum ♄ in tetragono exacto Martis domini sextę ac ipsam sextam possidentis qui etiam octauę domui ob altitudinem præest; Dominus horoscopi ♄ in 6. & retrocedens & in secundario anti-

scio ♄. Vide aphorif. 16. 22. 24. & 31. secundi capitul.

Decima observatio ex eodem Boderio.




Petrus Binetus decubuit die & hora vt supra, Sole signi ascendentis domino, & Marte octauum ab horoscopo locum permeantibus ac partiliter fere coniunctis, vnde ex hoc mors decernitur. Iste ægrotans intra 5. diem à decubitu mortem obiit, propterea ego teneo à cardiaca haud immunem fuisse, quia Luna gr. 15. ♏ perambulabat. Hæc Boderius. Vide aphor.

13.33.34. 22. cap.

Vnde-


Vndecima observatio ex eodem Boderio.



Quidam ordinis Augustinensis die & hora, vt supra, febre assidua & ardenti correptus decubuit gr. 11. ♀ Lunam ferente disiunctam à Sole octauam distanti Arietis partem tenente, qua de re ipsa Luna radiis solaribus calefacta, ad primum hexagonum accedente à Marte ad Solem iter habente sine beneficarum præsidio plurimum vexatus fuit iste æger, dehinc locum trigonum tangente ac Solis, Saturni, & Mercurii aspectibus etiam Iouis radios per suum antiscium irradiata, foeliciter se habuit iste æger, nihilo tamen secius ad vnguem minime percuratus fuit, propterea paucopost tempore inter viuos agere desinit, quia ♀ Orientis dominus in domo mortis inuentus, Marti domino prædictæ octauæ cælorum stationis immixtus erat. Hæc Boderius. Vide aphor. 11.


13 27.28. capitis 22.

Duodecima observatio ex eodem Boderio.



Quidam lanus acerba febre diutina captus fuit, vt supra. Vena incisa, iuxta Medici mandatum, supremum vitæ diem obiit. Decubitus enim fatalis erat, quia Iupiter Orientis dominus retrogradatione vexatus octauū ab horoscopo locum peragrabat, & per Lunę translationem Marti copulatus. Hæc testimonia huius lanii mortem obnunciabant. Hæc ille. Vide aph. 13. 16. & 29. capitis 22.


Decimatertia observatio ex eodem Boderio.



Quidam Faber Ferrarius octauum, agens annum occubuit momento supra notato nimio febris ardore prægrauatus, quia calidus de vno fonte potauerat, ex quo occubitu mortuus est. Hæc Boderius.

Luna in horoscopo infelicitè collocatur, iuxta aph. 33. 21. c. præsertim quia est in casu suo, & in diametro ♀ domina octauæ: Mars præterea horoscopi dominus infelix est ob ☿ ac in diametro ♀, atque etiam Sol luminare conditionariū pessime collocatur in octauo loco ac trigono Saturni, qui Sol descendit cum Stellis infelicibus, quæ sunt pleiades ac hiades. Quare tot malis concurrentibus nil mirum hunc agrotum interisse.


Decimaquarta observatio ex eodem Boderio.



Quidam scholasticus decubuit die 16. Augusti hora sicut supra annotatum fuit, & ipsa Luna ad quadratum accedente animam reddidit. Boderius non bene causam huius lethalis occubitus assignat, quam constat esse manifestissime ex malo Lunæ po situ, quæ cum dominium obtineat in domo mortis & à Marte tetragono radio pulsetur, mortem significat; præsertim quod & Sol luminare temporis incidit in octava domo, & ♃ horoscopi dominus occurrit in antisio h, qui demum Saturnus lædit etiam Venerem & Mercurium coniunctos oppositis radiis, & horoscopum tetragonis, ut nihil auxilii restet pro hoc ægroto. Cum igitur


Luna ad proprium tetragonum & Martis corpus applicuit, quod fuit die 23. eiusdem mensis, ægrotus is è viuis decessit nimirum in ipsa septima completa ab initio morbi.

Decimaquinta obſervatio ex eodem Boderio.



Quidam ruricola morbo phrenetico (vt ex Hermete & Galeno libro de decubitu infirmorum colligi valet c. de ſchematicis) in ♀ laborare cœpit hora ſupra notata Luna in hexagona radiatione quadratum ſubſequentē, collocata, vitam amiſit diſtus ruricola, quia Luna intra quinque gradus caudæ draconis hora decubitus copulata erat. Hæc Boderius. Addi poteſt præceſſiſſe Lunæ Eclipſim proxime nempe die 11. eiufdem menſis hora 15. à meridie, & Lunam eſſe tetragono Martis afflictam. Vide Aphor. 22. & 28. capite 22.


Decimasexta observatio ex eodem Boderio.



Quidam Sacerdos non mediocriter morbo praeputatus pleuritico decubens hora supra annotata, ante quadratum sputa deiecit, Luna quadrangulum possidente supremum diem expleuit. Huius Sacerdotis obitus causa, in hac quadrangula radiatione decernitur ex Lune coitu intra duos gradus cum cauda draconis. Hæc Boderius.

Manifestum est autem hunc occubitus perniciem effallaturum, quia Sol
luminare conditionarium constituitur in quadrato Saturni angularis & potentis
qui etiam ☿ infelicem oppositis radiis affligit, ut ille nihil auxilii potuerit præ-
stare; præterea etiam ☿ horoscopi dominus alligatur Marti octauæ domui, sunt-
que ambo cum calamitosis hiadibus. Interit itaque die 16. eiusdem mensis, hoc
est in septima completa dum Luna attingit proprium tetragonum
coincidentem cum ☿.


Decimas prima observatio occubitus Thomæ Boderii.



Labente anno 1545. die & hora, vt supra (ait ipsemet Boderius) febre diuina cum thoracis, & hypochondriorum grauitate non vulgariter fatigatus decubui, Luna ad medietatem primam aspectus perueniente à Saturno, Venere retrograda & Mercurio separata, Sol, Iupiter, & Mars ipsi Lunæ schemata porrigebant, in hexagono obrutu prædicta Luna à Saturno, Venere, & Mercurio discreta. Sol etiam, Mars, & Iupiter sua schemata Lunæ porrigebant: quamuis isti dies critici opportunis prædictorum siderum radiationibus muniti essent, ad sanitatem minime me reduxerunt, vt supra scripsimus, tropici sæpissime menssem excedunt, septem septimanas prægrauatus fui ex illo in febres quartanas huiusmodi morbus pertransiit, me ipsum aggrauantes circiter duos annos: prædicta Solis & Martis synodus dictam ægrotationem portendit. Mars enim morbos habet acutos, Sol chronicos. Lunæ coitus cum ipsis maiorem vim præbet ad ipsos morbos producendum. Plurimi in nostro Caletio in Archiepiscopatu Rhomagenfi sito huiusmodi morbis aggrauati fuere, quorum nonnulli senectute confecti in hydropem lapsi sunt. Omnibus diligenter perpenſis, Medicos plures accerſui, qui vno ore pronunciauerunt me fore hydropicum, natura tamen coeperat subleuari, nihilo ſecius vt mihi cauere, ligui ſancti deccctionem pro maiori cautela confeci ipsis Medicis refragantibus, de qua potaui decem diebus, ex illo valere cœpi, ac paucis poſtea menſibus corpus meum huiusmodi ægritudinibus deſunctum, ſalubrius fuit, perfecteque conualui. Ex hac noxa valetu

dine vnum mihi haud incognitum fuit, quod Solis & Martis coitus febres quartanas portendit, maxime si Luna copulatur corpore, vel aspectu. Hæc ille. Memorabilis profecto est hic occubitus, vt non pauci mirentur, cur mortem citam non attulerit, nam Martis & Solis cum Luna coitus morbum cito ad perniciem terminat. Sed cum Iupiter horoscopi dominus sit saluus ac potens in propria domo ac in angulo respiciatque trigonis radiis dicta luminaria cum Marte coniuncta dubio procul ægrum ipsum à morte præseruare potuit, non tamen absque longa ægritudine, accedit etiam quod Saturnus mitigatur à radiis trigonis Veneris, qui Saturnus fuit in causa vt morbus transiret in quartanam. Saturnus enim vt habetur in Aphor. 9. decimi noni capitis in ascendente compertus longos producit morbos.

Decima octua observatio ex eodem Boderio.




Vicarius perpetuus Bellebonensis febre diutina laborare cepit, Luna gr. 17. m^{p} à Sole supra vnum gradum minime disiuncta, vno circiter mense infirmitate molestissima cruciatus fuit, hæc febris diutina in tertianam versa est, dehinc in quartanam, postremo sputamine ciecito. 12. ante diebus prædicta quartana salubriter recessit. In summa colligamus, Lunam radiis Solaribus calefactam, morbi malignantis non autem lethalis iudicium asferre. Hæc ille.

Fatendum est certe, hunc occubitus debuisse esse lethalem, nam præterquam quod Luna combusta est à Sole intra vnum gradum longitudinis, (quæ Sola indi-

catio

catio videri potest sufficiens ad mortem causandam, sicut diximus aphor. 27. cap. 22.) sunt etiam ambo luminaria laesa à Saturni diametro, qui dominus est horoscopi & Sol octauæ domui præest, vnde congruit hic aph. 11. dicti met. 21. cap. Cæterum cum ☿ valde potens luminaribus ipsis affulgeat suo hexagono radio, & cum Venus etiam auxiliare præstet radios horoscopo, nil mirum si hic æger post longam ægitudinem salutem acquisierit, eoq; magis, quod Luna recedit à Sole, præcipue autem ratione latitudinis eius Boreæ, quæ ipsam occidentaliorem facit plustribus gradibus, quod valde consideratione dignum censeo.

Decimanona obseruatio ex eodem Boderio.




Magister Martinus Mondetus prædicta die vltima Augusti febre molestissima decubuit Luna gr. 20. n̄ permeante à Sole discreta, in primo hexagono Sol, Saturnus, Iupiter, & Mercurius Lunæ sua schemata obiciebant, nihilominus sudores tetrum odorem reddentes eiecit hic ægrotus: in tetragona irradiatione dicta 4. sydera Lunæ sua schemata dabant. Rursus sudores graue olentes emisit. Medicus Magistri Martini domum concessit secum volutans, ipsum Martinum affatim medelæ sumpsisse ad eius salutem nihil fecisse: propterea ipsi Mondeto consuluit, quo suæ præcaueret animæ ac iniquitatum vulnerib. mederetur. Post hac ad dictum Martinum iui sine vlla salutis expectatione desperatum, mihi omnia referentem: die & hora decubitus mihi cognitis ac perpenſis dixi hunc ægrotantem breui ab hac valetudine pernicioſa fore immunem, quoniam decubitus, nequaquam lethalis erat. Hactenus Boderius.

Cæterum cum hic occubitus non differat nisi tribus horis à superiore decubitu, sitque hic posterior, manifestum est Lunam adhuc magis à Sole elongari ac proinde non adeo esse noxiam, præterea mutantur hic domini ascendents & octauæ, & Iupiter horoscopi dominus & si in sextam domum incidat, non est tamen male affectus, imo dignificatur in ☿, & excipit quadratos radios Veneris quæ & ipsa quoque in ascendente dignitatem obtinet.

Vigesima observatio.


Decubitus Ioan. Antonii Magini Auctoris.



Ægrotare cœpi febri quartana sub hac Cœli constitutione, in qua Saturnus morbi auctor, & ascendens dominus sextam ægritudinum domum obtinet, & Luna à quadrato Martis ac Sextili Solis & Mercurij discedens, ferebatur ad sextilem Iouis sui dispositoris. Decernebat itaque hæc figura morbum quidem longum, sed ad salutem terminaturum, tum vero maxime quod Iupiter in loco radicali positus trigonos radios auxiliares Saturno porrigebat. Innebat autem hanc ægritudinem in genesi directio Solis vitæ prorogatoris ad trinum Saturni in grad. 11. 20. ♄ cui succedebat antiscium Veneris, & sextilis Mercurij. Porro in hac ægritudinis figura Sol est in loco opposito Saturni radices, qui Saturnus non longe abest à loco ipsius Solis radicali, vt videre est in genesi nostra in Tabulis Directionum posita sub anno 1555. Iunij die 14. horis 6. 57. P.M. Euasi autem ab hac quartana, quando Sol attigit grad. 29. Sagittarij locum scilicet oppositum Saturni huiusce figuræ, non longe à Iouis sextili, idq; die 21. Decembris eiusdem anni, quod illa die vltimum paroxysmum passus essem, nec impofterum quicquam mali sensissem; die enim 24. eiusdem mensis, in quem vigilia sanctissimi Natalis Saluatoris nostri incidit, cum solitam febris accessionem expectarem, nihil in hi superuenit, eratq; tunc Sol in opposito loco radices, & Luna in gradibus octo Sagittarij posita recedebat à quadrato Veneris figuræ superioris, & applicabat sextilis Solis in loco, quem ipsa à morbi initio possidebat.

Vigesima prima observatio.

Decubitus Francisci Gasparini Civis Patauini.




Dum anno 1591. per Æstatem Patauium patriam meam dulcissimam me consulissem, Franciscus ille Gasparinus, amicus meus singularis, pro solita ipsius erga me beneuolentia, humanissime mihi indulgit & vltro obtulit, vt ad domum ipsius suæ proximam me meaque omnia conferrem. Vbi dum familiarissime vna viremus, ecce tibi nescio qua de causa (nisi fortasse ob iniuriam à muliere ipsi illatam) grauissimo animi dolore Gasparinus obruitur, quem vt ab animo euelleret, genio ac voluptatibus iam senior plus solito indulgens rei Veneræ totum se abdicabat, adeo vt debilitatis naturæ viribus, die & hora supradicta, maligna correptus febris decumberet. Cui malo & hoc accessit infortunium, quod Medicus, cuius opera ipse alias vi solebat, die antecedente, ab vrbe discesserat. Quamobrem ipse Gasparinus accersito chirurgo sponte sua die mensis nona venam sibi secari iussit. Id quod sæpius antea Medicus se inhibuerat, affirmans vires naturæ refarciendas potius quam debilitandas esse. Quinimmo ipse ego instabam, ne periculum vitæ adiret, pessimam Cœli constitutionem esse frustra inclamans. Sed late rem, quod aiunt, laimus; aiebat enim ipse sibi melius de natura sua constare, quam nobis. Erat autem tunc Luna in Geminis prope hiades, accedens ad quadratum Solis ac Mercurij; quæ mobrem inualuit malum, & æger erroris sui pœnas dedit; diem enim quarto ab inuasionem morbi, qui septimi indicatiuus est, hoc est, die mensis vnde. mo pessime se habuit, quo tempore Luna Saturno copulabatur, ac tandem die decretorio septimo, mensis decimo quarto sub auroram vitam cum morte commutauit, dum Luna proprium quadratum attigisset. Porro mortem in superiore figura indicabat Saturnus dominus horoscopi, cū capite Draconis in casu suo, in angulo septima oppositus horoscopo. Luna et in cœlix conspira-

spirabat ad malum, quippe in quartæ domus cuspide in opposito Iouis à Saturno per tetragonū damnati, & in Saturni sextili aspectu longo, horoscopo aduersatur. Conuenit autem cum hac figura aphorismus vigesimustertius vigesimiprimi capitis: Luna enim à Saturno domino ascendente transfert lumen suum ad Solem dominum octauæ, & in illa constitutum. Habet etiam ex parte locum hic aphorismus decimusseptimus & vigesimus.

Vigesima secunda observatio.

Decubitus perillustis D. Marii Scappi Senatoris Bononiensis.




Anno 1592. dabat operam studiis Bononiæ Dominus Vincentius Pauanius Patauinus, qui cum sub me Astrologiæ vacaret, & veritatem artis in Medicina comprobare vellet, obseruauit decubitus perillustis Viri Domini Marii Scappi Senatoris, dum vna cum Medicis quorum curæ æger suberat, visitationibus interesset.

Quare cum figuram hanc ad initium morbi constituissimus, Pauanius ex me rogare cœpit, quem finem habitura esset ægritudo; cui ego mortem significari afferui. Nam Luminaria ambo è diametro sibi aduersantia, à quadrato Saturni infœlicis affligebantur, nullo beneficorum auxiliante, quinimo Venerem Mars tetragono aspectu offendeat, & Iupiter prope aberat à secundario Saturni antisocio. Accedebat huc Martis octauæ domus domini, & infœlicis in casu suo trinus aspectus ad horoscopum, necnon & Iouis inimici quadratus aspectus ad eundem. Mercurius autem ascendens dominus, etiam ipse in casu suo infœlix, Saturno sextæ domino aspectu trino iungebatur; quæ omnia præsentissima mortis indicia erant. Porro cōprobantur hic aliquot aph. 22. 29. 33. & 34. Fecit autem æger magnam sanguinis euacuationem die vltimo mei sis Martij; quæ aliquantulum adiumenti, vt videbatur, attulit; sed non potuit esse saluifera, quod tunc temporis Luna in signo Scorpii sibi aduerso ed diametro Martis octauæ domus domi-

domini accedebat. Nihilominus die tertia Aprilis quando Luna Ioui iungebatur, non nihil à morbo subleuabatur; verum die quarta, cum Luna vix tetragonum suum prætergressa in diametro, Saturni & Solis, morbi auctorum, constitueretur, animam Deo reddidit.


Observatio vigesima tertia.

Decubitus Ioan. Baptistæ Tirundulæ Veronensis.



Memorabilis est hæc observatio: quippe infœlicissimus hic adolescens dum Patavij studiis vacaret anno vigesimo octavo sue ætatis tempore supradicto gravissimum vulnus in genu dextro suscepit, ex quo vulnere tandem totum crus eadem abscissum est. Licet autem gravissime conflatus fuerit, adeo ut sæpius de vita ipsius desperarent Medici, nihilominus tandem convaluit, ac duobus circiter annis, ligneo deambulans crure superuixit. Siue itaque Luna sit horoscopi domina in hac figura, siue Sol (potest enim esse uterque, quod duo solum gradus Cancri post cuspidem primæ domus supersunt, & deinde Leo imperium accipit) parum refert; sunt enim ambo luminaria à maleficis infecta, utpote Luna à Saturno, & Sol à Marte, per præsentiam ac vicissim Luna à Marte, & Sol à Saturno per tetragonum, ipsis etiam luminaribus in quadrato constitutis. Vnde nihil mirum est sub tam infœlici siderum positu, adolescentem hunc tot vndiq; molestiis afflictum fuisse: quibus tamen non succubuit; quod ambo benefici antiscii mutuis conspirantes utrique luminari subuenirent, & maleficorum vires aliquantulum retunderent, siquidem Venus Lunæ ac Iupiter Soli, auxiliarem operam porrigit. De progressu autem ipsius ægritudinis & salutis tempore nihil mihi constat, siquidem magis sollicitus fui, ut viderem num accidens hoc cum genesi ipsius nati responderet. In qua cum radiorum in Æquatore vísitato nobis modo factorum veritas egregie elucescat, ad maiorem studiosorum utilitatem non grauabor genituram nati adiicere. Natus est itaque dictus adolescens Ioan.


Baptista Tirandula Veronenfis anno 1554. mense Iunij, die Martis 12. horis 0.35. ab occasu sub adiecto Planetarum siue cœli schemate.



In hac genitura nulla est directio significatorum in Ecliptica, quæ cum hoc accidente, vulneris scilicet conveniat, neque enim possumus trinum Martis recipere, ut occurrat tempore vulneris ipsi horoscopo; quippe hac ratione genitura tempus æstimatum (quod est ad horam 0.45. Noctis sequentis) antequam divideret dimidia horæ parte, quod rationi non est contentaneum. Quamobrem facta directione horoscopi ad tetragonum Martis in æquatore, tempus genituræ decem solum minutis anticipat, & euentus optime correspondet. Incidit autem quadratus Martis radius in grad. 33.1.28. & fertur ad horoscopum cum grad. 10.26. Eclipticæ, emenso arcu directionis grad. 27.25. qui æquivalet annis 27. mensibus 5. secundum communem opinionem. Potuisse autem Martem tam infelicem euentum significare satis constat, si naturam eius in loco diligenter examinemus; quippe à compluribus stellis fixis, ut sunt hiades, & stellæ orionis, cum quibus descendit, obfessis, in hexagono Saturni constituitur. Cæterum excessit è viuis hic adolefens post biennium ab accepto vulnere, morte tamen naturali, anno scilicet ætatis suæ 29 & mensibus duobus, quando Luna primaria vitæ datrix ferebatur per directionem ad quadratum Saturni in æquatore, qui incidit in gr. 269.53. æquatoris. Nam sub circulo positionis Lunæ graduum 24. fere est illius ascensio obliqua graduum 240.22. quæ sublata à dicto quadrato relinquit arcum directionis grad. 29.31. Præterea & Sol applicabat sexuli Martis tempore mortis, licet illi non obtineat potestatem hylegalem.


Vigesimaquarta observatio.

Decubitus Brunori Nasini Brixienfis.



Non est inferior hæc observatio priore, siquidem à levi origine ingens malum emanavit. Nasinus enim ille, dum Bononiæ studiorum causa ageret, anno ac die supradicto leniter in fronte, & in manu aliquanto gravius vulneratus fuit, sed paucis post diebus ab omni mortis suspitione liber, ac pene saluus, vagabundus domi forisque discurrens inordinato victu & licentiore coitu vsus in recidivam incidit, ac spasmo seu convulsione nervorum correptus, die 13. Aprilis hora 12. & dimidia vitalem hanc auram dereliquit. Fuit autem is dies decimusquartus à principio læsionis, quo Luna discurrebat per gradum 15. (in diametro Saturni existentis in gradu 15½. mp. Constat autem ex sola hac figura ad principium decubitus constituta, iudicium de morte patientis desumi posse. Nam Luna damnatur à Saturno & à cauda Draconis, necnon à Solis ac Mercurij retrocedentis antifcio; nec trigonus Iouis radius eidem opem vllam porrigit, cum in octava mortis domo constituitur. Venus autem horoscopi ac octavæ domini affligitur ab eodem Saturno per diametrum, de quo extat aphorismus decimusquintus capite 22. qui ait: si vnus & idem Planeta à maleficis infestatus, & horoscopo & octavæ domui præerit (vt hic Venus) tunc mortem significari ipsi asmet ægroti culpa consciam. Verum si & genefim ipsam, qualis mihi ab huius adolescentis fratre D. Ioanne Paulo adhuc superflite data fuit, inspiciamus, mirus Planetarum ad nati mortem conspirantium consensus patefiet. Enimvero tempore occubitus ferebatur horoscopus per directionem ad sextilem Martis longum in gra. 13. mp cum testimonio tetragoni Saturni paulo post subsequenter.


Erat autem Mars præcise sub eodem circulo positionis cum Hercule stella fixa
crudeli ac violenta. Præterea eodem tempore attingebat Luna per directionem
corpus Saturni. Atque in reuolutione annua Luna in gradu 8. Ω iungebatur



Marti in grad. 14. eiusdem signi constituto. At in figura decubitus locus Saturni & Lunæ incidit in locum quadratum Saturni radices prope ipsam horoscopi directionem; ac Sol in grad. 11. Arietis positus in quadrato Martis radicali collocatur. Mars autem totius mali primus auctor, tempore decubitus è gradibus 26. ♀ horoscopum radices è diametro oppugnabat.

Vigesimaquinta observatio.

Decubitus Serenissimi Principis Mantuæ.




Dum superiore Æstate, anni f. 1605. Mantuæ essem, vocatus à Serenissimo Duce, inuasit Serenissimum Principem Franciscum tertiana duplex mense & hora superius notata; quam egritudinem ipse exspectabat, siquidem aduenturam ei biennio ante prædixeram, idque ex directione horoscopi ad antiscium \odot occurrentis in grad. 26.54. \odot , locus enim Martis radicalis est in Celsitudinis suæ genesi in grad. 2.6.8. & horoscopus in grad. 12.40. \odot . In principio itaque ægritudinis Luna accedebat ad Regulum, seu cor Leonis, & ad locum directionis, dum supra Horizontem emergeret gr.6. m, quem Mars ab initio nascendi ferit oppositis radiis. Verum cum Mars horoscopi dominus & mali auctor recedat à Mercurio octauæ domino, & applicet diametro Iouis & corpori Veneris, indicabat ægritudinem minime lethalem futuram, eoque magis quod & Sol à

Veneris præsentia confortetur; conualuit enim circa finem eiusdem mensis.

Vigesima sexta observatio.

De Excellentissimo Viro Gaspare Taliacotio Medico Bononiense.



Cum de exemplis geniturarum hac adferendis sollicitus essem, forte fortuna inci in genefim Excellentissimi viri Gasparis Taliacotii, amici mei, dum viveret, integerrimi, Medici Bononiensis præclarissimi, ac nasum restauratoris solertissimi. Nihil autem alienum ab instituto meo facturus videbar, si hunc etiam genituram hisce exemplis interponerem, præsertim quod radiorum in Æquatore assumptorum, veritas in illa egregie elucescat. Hæc genitura V. r. hic duas ægritudines Saturninas, vnam anno suæ ætatis quadrag. simo septimo, & alteram anno quinquagesimo quinto, ex qua tandem diem suum obiit, anno scilicet 1599. Nouembris die septimo hora decima octava circiter. Verum dictis temporibus nulla erat infelix luminarium directio, igitur necessario ambæ hæ ægritudines à Saturno illaræ ab Horos. opo prouenerunt. Atque cum ille non nisi semel deferri queat in hoc casu ad Saturni tetragonum in Ecliptica, prout fecit anno 55. abique omni dubio altera ægritudo anni quadriagesimi septimi ab eiusdem horoscopi directione ad tetragonum dicti Saturni in Æquatore dependebit. Dicto itaque anno 47. ægrotauit grauiter hic vir ad complures menses, præsertim vero tota hyeme. Non fuit autem mortalis hic morbus, quod dictus Saturni tetragonus incidit in grad. 343. 4'. Æqua-


toris, quibus respondent in Ecliptica grad. 29. 24'. ∞ , à quo loco directionis propeabest tum Iouis, tum ipsius horoscopi sextilis aspectus in Ecliptica. Porro mortalis fuit altera ægritudo anni 55. quando horoscopus attingit per directionem quadratum Saturni in Ecliptica: cuius malitiam superueniens lumen secundarium magnopere auxit. Nam in reuolutione anni 55. quæ fuit ad diem septimam Martii 1599. circa meridiem, Sol & Venus coniuncti, constituebantur in antisio Saturni percurrentis grad. 15. 4'. ∞ , Luna vero incidens in grad. 21. Ω accedebat ad diametrum Martis obtinentis gradus 23. ∞ , fuitque is Lunæ locus in reuolutione infestatus ab eiusdem Martis antisio. Nihil itaque mirum est, tot concurrentibus malis, virum hunc è viuus excessisse: atque si de initio ægritudinis certi quid habéremus, proculdubio, consensum Planetarum in figura morbi ad mortem conspirantium inueniremus, constat autem mortis tempore supradicto Lunam fuisse in quadrato Saturni anæreta. Fuit autem ægritudo hæc & longa & interrupta, quippe per Æstatem superiorem varie constabat æger, interdum enim videbatur euasisse malum, ac deinde denuo vehementiore decumbebat morbo. Hoc autem in confesso est, Medicos ipsos ægritudinem non cognouisse, vt anæreta sub radiis Solariis indicabat.

Vigesima septima observatio.

De Barbara Magina filia Auctoris.

Latitudines Planetarum

♄	2	7	S.	D.
♅	0	52	S.	D.
♆	0	40	M.	D.
♇	3	12	M.	D.
♈	0	32	S.	A.
♉	4	36	M.	A.




Placuit superiori genituræ & hanc etiam filiolæ mæx adicere, quæ cum decimum septimum mensem ageret, die prima Februarii anni 1606. leuiter cœpit male habere, nihilo tamen secius discurrebat per ædes more solito: die vero tertia eiusdem mensis (horam obseruare non potui) morbi inclemētia obruta decum-

bore

bere cœpit. Credo autem fuisse horam vnam aut alteram à meridie, dum Luna circiter gradus 25. +) obtineret. Porro accrescente in dies morbo, die septima dicti mensis, à cibo & lacte materno abstinere cœpit, nec inde vsque ad 10. mensis diem, quicquam præter vinum, aliosque liquores degustauit. Vbi hoc obseruatione dignum est, momento mortis, quæ duabus horis ante Solis ortum fuit, eundem gradum supra Horizontem ortuum emisisse, qui ab initio natiuitatis ascēderat, eratque etiam Luna tunc temporis in grad. 26.)(in quadrato scilicet loci fuit ab initio morbi sumpti. Verum enimvero cum de præciso decubitus tempore mihi non constet (nisi quod Solem à Martis tetragono affligi certum est) planetarum in hanc mortem coniurationum in genesi ipsa examinabimus. Luna itaque quæ hic hylegalem potestatem obtinet, sub circulo positionis gr. 42. fere descendit cum gr. 153. 2' 9. æquatoris, & cum gr. 15. 5' 7. ♄. Hæc igitur ferebatur ad exatū quadratum Martis. Præterea & Horoscopus attigerat sextilem Martis longum, qui prope abest à quadrato in æquatore. Nec omnino aspernamur Mercurii Lunaris conditionarii domini in hanc mortem coniurationem, quippe qui per directionem ad quadratum idem Martis deuolueretur.


Observatio vigesima octaua.

Facta ab Excellentiss. D. Hieronymo Rubeo Rauennate Medico nostræ ætatis celeberrimo in decubitu Illustriss. & Reuerendiss. Card. Antonii Mariæ de Saluiatis, qui fuit talis.



Ex his facile cognosci potest, vera dixisse Galenum 3. de diebus decretoriis c. 6. Lunam, si ad planetas intemperatos steterit, prauos molestosque dies facere, morborumque initia pessima, & plurimum periculosa. Quis enim Medicus, si ut est Hippocratis libro de aere, aquis, & locis præceptum; Astronomiam nouerit & quod

& quod ibidem idem affi- mat, ex ea morbum præcogno- uerit, & huiusmodi animaduertisset morbi initium, eum maxime periculofum fore non pronunciat- set, maleque se habiturum egrotum, cum ad opposita, & quadrata loca Luna per- uenisse. nempe die 14. 21. & 28. eiusdem mensis, quibus diebus non esset medica- mentum vacuans, aut alioqui uehemens adhibendum, cum dicat ibidem Gale- nus diebus illis mutationes fieri magnas: In lethalibus morbis lethales, in salubri-



bus bonas. Pater autem morbum hunc inter lethales fuisse collocandum, cum Saturni locum radicale Luna insidens pessimum ex sententia Galeni morbum indicaret. Pari censendus fuisset periculo dies 19. eiusdē mensis, quo Luna ad lo- cum radicale Martis & Solis adiit. Quo etiā die vertente, nempe ubi post iteratas malorum locorum à Luna peragrationes, robur innatum viri, in victus ratione tota vita temperati infractum est. Obiit ipso scilicet die 19. Aprilis hora 19. horo- logii. Sed videtur facere difficultatem id, quod ibidem scribit Galenus, in morbis salubribus dies eosdē, locosq; esse considerandos, videlicet cum Luna ad quadra- ta & opposita loca peruenerit. Cum enim hæ inimicæ irradiationes esse scriban- tur, malum potius quam bonum allaturas esse verisimile est, præstaretq; si hexa- gonum, aut trigonum animaduertendum esse asseruisset.

Respondeo, mutationes in morbis & crises, de quibus scribit in illis libris Ga- lenus, siue salubres morbi sint, siue insalubres, fieri propter eam causam, quia natura inimica aduersus morbum insurgit cum eoque luctatur. Vnde ob hanc

turbationem, & naturæ lucem dicebat Hippocrates 2. Aph. 13. Quibus crisis fit, noctem, quæ accessionem præcedit, grauem esse: expellit enim natura quod noxium est, si robusta sit, & tunc salubris est morbus, si vero imbecilla fuerit, succumbit, & morbus dicitur lethalis. Cum igitur irradiationes illæ oppositæ, & quadratæ hostiles habeantur, & in signis fiant, quæ vires habent aduersas, non fuerit mirum, si morbum natura oppugnat, & perinde ac hostis eum in prælium vocat; & cum eo decertat, superatur enim si valens sit, sin minus prosternenda ac prote-renda à morbo, qui tunc lethalis habebitur. Atque hoc est, quod in omnibus morbis, siue salubres sint, siue insalubres, crises fiunt die septima, & decimaquarta: ex naturæ autem vi maiore, aut minore, quæ ex locis planetarum beneficorum, aut maleficorum hauritur, salubres, aut lethales. At quomodo verum esse potest, quod inquit Galenus, Lunam cum planetis genesis salubres morbos facere, illorumque esse initia sine periculo & salutaria, cum eo tempore ne morbum quidem facere deberet? Si quidem longe maius est, morbum præsentem expellere ac sanare, quam futurum præcauere: si igitur Luna cum beneficiis morbos sanat, multo magis præcauebit. Igitur nunquam erit, vt morbi incipiant, quando Luna cum beneficiis planetis fuerit, præsertim quia ipse etiam paulo supra Galenus scripserat, hominem tunc bene degere, cum Luna locum beneficorum in genesi possederit. Itaque si bene tunc degit, non potest ægrotare, aut morbi initium habere.

Respondeo principium morbi esse teste Galeno primo de Crisibus cap. 4. & primo Aphorif. 12. cum natura primum in illum impetum, primamque inuasionem facit. Itaque eo tempore si cum beneficiis genituræ locis Luna fuerit, indicatur valentem eam esse, & morbum ob id superaturam: sin contra, superandam. Quod vero additur, si tunc homo benedegit, quando Luna est cum beneficiis, igitur non poterit ægrotare, aut morbi initium esse. Verum id quidem est, si simpliciter accipjatur, & in sanis hominibus, vt ibidē explicat Galenus. Sed vbi morbi causa iam in promptu est quam mali forte ingressus ac transitus collegerunt, impleque morbus iam naturam stimulat, tum ipsa in morbum insurgat necesse est, bonasque esse huiusmodi aggressiones, & quæ deinde sequantur, mutationes.

Ex his inferri poterit, quod Galenus omisit, ex cuius tamen dictis potest colligi, nempe, quid erit dicendum, cum Luna in neutro locorum fuerit, nec beneficorum, nec maleficorum, quemadmodum in sequenti nostra obseruatione fuit. Hactenus Excellentissimus Rubeus.

Additio Magini.


Puto ego, horoscopum natalitium Illustrissimi huius Cardinalis fuisse gr. 3. 15. —, præsertim quod æstiuatum tempus est ad horam 4. 30. Horologii, atque tempore mortis accessisse ad tetragonum radium Saturni secundum æquatoris partes. Enimvero si recta Saturni ascensionem graduum 157. 15. addantur gr. 90. definitur sinister ipsius Saturni tetragonus in gr. 247. 15. æquatoris, à quo sublata directionis gr. 64. 15. cui secundum opinionem Cardani, & Naibodæ debentur anni 65, cum diebus 76. Neque enim persuaderi possum Illustrissimum hunc virum è viuis decessisse absque valida aliqua directione.

Correspondet autem in Ecliptica huiusmodi Saturni quadratus radius inter-

fector gradibus 22.16'.m. concurrens fere cum hexagono ☿ ex gr. 23.35'. 70 pro-
iecto, quem directionis loco præcise admodum occupabat Saturnus obtinens
grad. 22.5'.m. in anni reditu, & in opposito Lunæ constitutus percurrentis tunc
gr.24.8. Quod profecto mirum videri debet, & pro validissimo testimonio ve-
ritatis radorum in æquatore. Præterea idemmet horoscopus progressionem affi-
ciebatur à diametro Saturni, & Lunæ progressio annua deuoluta erat ad grad.
24. m. nempe ad locum directionis horoscopi, quem Saturnus corporaliter oc-
cupabat. Quare afflictiis adeo simul ambobus ipsis vitæ largitoribus à h. validissi-
mo anæreta, vt pote horoscopo per directionem & annum processum, & Luna
per transitum & annum pariter processum; ac præterea eodem h. inficiente di-
rectionis horoscopi locum ad initium anni, nil mirum si tunc Illustrissimus hic
Cardinalis è viuus decessit cum omnium dolore. Non ignoro fuisse aliquos, qui
confugerint post subsequutam eius mortem ad horoscopi mutationem, statuen-
do ipsum in gr.14.2 proxime, vt tempore mortis occurrat ad tetragonum h. in
Zodiaco, parum curantes, tempus hac mutatione nimis ab æstimato recedere, vt
pote integra hora, quod non est credibile de viro nobilissimo nato, cuius tempus
natalitium à patre fuit diligenter annotatum, vt ab ipso met Cardinali testabatur.

Observatio vigesima nona.


Eiusdem excellentissimi Rubei ad initium morbi Illustr. & Reueren. D. Mar-
filii Landriani Episcopi Vigleuanensis, vt in hac figura.



Hic Luna in nullo generis maleficorum, aut beneficorum loco reperitur: Incidit tamen Illustrissimus Dominus, dum Rauennæ legationem Romæ diolæ sustinens commoraretur, in magnam syncopem à stomacho, è qua cum restitutus esset plerisque adhibitis remediis, sic tamen vt per duodecim circiter horas absque pulsu esset, successisset autem febris, in quarta liber omnino fuit. Luna est in quadrato Mercurii generis, qui est dominus sextæ domus; aliquid etiam facit, quia est in loco Saturni annui reditus. Sed quia parui hæc momenti fuerunt, idcirco tum ad oppositum Iouis generis Luna peruenit, morbo solutus est, cum aliqua tamen difficultate ob quadratum Saturni, & Martis, qui magis obfuisset, nisi initio Luna à maleficorum radiis libera fuisset. Atq; hæc pro explicanda Galeni sententia dicta sint. Hæc excellentissimus Rubeus.

Ecce genesis iam dicti Illustrissimi Episcopi.

225. 23.




Latitudines Planetarum.

♂	1	32	S.	D.
♀	0	52	M.	D.
♂	0	33	S.	D.
♀	1	2	S.	A.
♀	0	36	S.	D.
♂	4	8	S.	A.

Obferuatio trigesima & vltima.

Decubitus eiusdem Illustriſſimi & Reuerendiſſimi Epifcopi Vigleuanenſis.



Idemmet Illuſtriſſ. Epifcopus Bononia tunc prolegatus ægrotauit momento tēporis, ſicut ſupra. Ob inſtempeſſiū vſum potus gelidi, dum occuparetur in corporis purgatione, quam ante aliquot dies ex Medicorum conſultatione iniuerat. Hæc autem ægritudo adeo vires eius proſtrauit, vt ex debilitatione pulſus, ac ex aliis ſymptomatibus die 26. præſertim & 27. ſuperuenientibus Medici præſtantiffimi quotquot ad eius curam vocati erant vnanimi conſenſu de eius ſalute proſus deſperarent, deridentes potius prædictionem ſalutis: quam D. Franciſcus Ingoſus eius auditor ac Aſtrologiæ peritiſſimus, atque ego conſtanter ex coniecturis Aſtrologicis non leuibus aſſeuerabamus. Nam quamuis tunc temporis horoſcopi directio deuoluta eſſet ad tetragonum Mercurii domini octauæ ſtationis, atq; etiam Venus Aphæta, & Luna ſimul (quæ ambæ in eodem fere poſitionis circulo cadunt) accederēt per directionem ad Saturni hexagonum in ſigno ipſi Veneri inimico, nihilominus ſpem futuræ ſalutis nobis dederunt directiones ipſæ non admodum valentes ad mortem inferendam; præſertim non cōſentiente annua reuolutione. Sed & non leuem ſalutis ſpem nobis fecit poſitus Lunæ ad morbi initium in loco radicali ad vnguem beneficiæ Veneris, quæ tunc domina erat horoſcopi, ac octauæ domus, à cuius * ipſa ☽ ſeſe ſeparando ad Iouis applicabat diametrum. Nihil nos deterruit videntes, hunc præſidem male ſe habuiſſe die 26. dum ☽ per locum H radicali diſcurreret, & die 27. percurrente eadem Luna locum ☽ genituræ, quinimo dum anxie vocatus acceſſiſſem dicta die 27. ad ægrotum pereunſtantem me, quid de exitu eius ægritudinis, quæ à Medicis lethalis cenſebatur, ex Aſtrologicis ſentirem prædictionibus, eidem ingenuè ac ſanctè aſſirmaui, me nihil de eius morte timere, imo ſperare pro certo illa eadem die debere ipſum à morbo aliquantum ſubleuari, & ſucceſſiue ſequentibus diebus vires magis ac magis acquirendo, quamprimum conualeſcere, ſicut euenit.



DE ANNI TEMPO- RIS MENSURA IN DIRECTIONE BVS EX COMMENTARIIS VALENTINI NABI- bodæ Mathematici eruditissimi super caput decimum Apotelesmatici Tertij Claudij Ptolemæi.



Is adiicio quæstionē, circa quam multos doctos hēsitasse cognoui, neminem vero, qui quicquam in ea determinare voluerit, ne dicam potuerit: quia enim cum Ptolemæus hic dicat *ἐν τῷ ὅρῳ*, hoc est, annum Solarem, seu integram Solis conuersionem, atque in sese restitutionem proprie censeri & esse tempus, in sequenti vero de vita tractatu, vbi agit de vitæ prorogatoris directione, dicit tempora Æquatoris æquabiliter transire per vtrumq; & per horizontem, & per Meridionalem circulum, quorum respectu localium distantiarum similitudines, seu paritates accipiuntur, & ynumquodlibet talium temporum bona ratione valere seu efficere annum Solarem vnum. Ideo hic queri potest, vtrum per tempus Æquatoris intelligat partem eius trecentesimam & sexagesimam, an vero aliquam aliam. Qui *τὸ ἐν τῷ ὅρῳ* vrgent, & subter corticem litteræ nihil vident, iis apparet præsens ista hæsitatio superflua & otiosa. Et inter plures alios doctos, & familiares viri eruditissimi Io. Stadius dulcis meus amicus, quasi deridendo partem illam 72. qua Cardanus tempora directionum augenda esse semper, & vbiq; constanterque præcipit, quærebat olim à me vtrum saltem suspicari possem aliquem Ptolemæi locum, in quo memoratam illam partem 72. insinuassem inueniretur Ptolemæus, sicut assertum est, & putatum à Cardano, vnde postea in Ephemeridibus suis posuit eam esse plane commentitiam, atq; à re ipsa pariter ac littera menteq; Ptolemæi alienam: suntq; inuenti plurimi, qui consentiant, & hanc eandem sententiam sequuntur, vt mirum sit, Cardanum in hoc sese neq; defendere, neq; apertius declarare voluisse, ne quidem in commentariis in Ptolemæum postremo recognitis, & locupletatis: præsertim cum satis appareat, ipseq; licet recte, indicet non incognita sibi fuisse dictarum illarum Ephemeridum contenta, alias enim de ipsis noluisset, vel non potuisset quicquam iure iudicare, & tamen interea hoc dum agit, huius, in quo præcipue in illis coarguebatur, & ex quo tanquam ex re non parui momenti scetoribus, & studiosis tot enascerentur dubitationes, nullam plane faciens mentionem, totum hoc negocium silentio præterit. Nec coniciere mihi licuit, quo consilio alio, si non quia in littera Ptolemæi forte nihil occurreret, aut esset in promptu, quod id quod prodidisset sufficienter firmatum constare posset. Itaque hæc scribens cogitabam apud me, an ne aliquid esset & inueniretur apud Ptolemæum,

maum, quo excusari, defendiq; posset Cardanus, & per quem demonstrari posset, insinuatum esse à Ptolemæo id, quod de cōmuniter vsitatis Æquatoris temporibus septuagesima secunda ipsorum parte adaugendis astruxit. Succurrebant autem statim rationes non inuitæ, neq; dissentaneæ à re ipsa, nec ab ipsis Ptolemæi verbis, menteq; abhorrentes. Ptolemæus vbiq; testatur hanc disciplinam, & sua præcepta, verbaq; naturaliter esse intelligenda, & seiungenda penitus à numeris arbitrarijs, vt quib. à natura nulla visagendi sit inserta. Qua ratione ductus hoc quoq; loco asseruit vnā integram Solis conuersionē efficere vnū naturale: omniumq; hominum sensus incurrens & quod proprie dici mereatur tempus; quasi dicat, Ægyptios, aut Arabum, imo & ipsos nostros Iulianos annos non esse naturales, sed arbitrarios atq; à naturalibus longe diuersos, & de se & ipsis, vel excessibus differentes, & qui ob id in hac arte naturali nō possint tenere verum, vbi vere physicum locū. Similiter intelligendus est Ptolemæus in capite sequenti, vbi dicit, quodlibet Æquatoris tempus indicare aut definire nobis annum Solarem vnū, quod videlicet loquatur de Æquatoris naturalibus, non autem arbitrarijs temporibus, & hoc maxime, quia adiecit id fieri *εικονῶς*, hoc est bonis & naturalibus consentaneis que rationibus. Nulla est autem ratio, vt res arbitraria indicet in hac arte rem naturalem: sed oportet, vt tempora naturalia iudicentur à naturalibus, & neutiquam arbitrarijs temporum numeris: cumque annus Solaris sit quædam ipsius naturalis reuolutio, & in sese reditus, restitutioque. Ergo de sententia Ptolemæi exquisite desiderat indicari ab Æquatoris temporibus naturalibus, non autem arbitrarijs, qualia tercentum additis sexaginta circulum conficiunt. Quod autem circuli in tricenas sexagenas partes sectio sit artificialis & arbitraria, non autem naturalis, id ex se se manifestum est, & in confesso apud omnes. Patentur enim omnes, natura Solisque diurno per signiferum incessu monstrante, cœlestes ambitus suis distribui temporibus aut partibus, quibus ob id quoque apud recentes noua inuenta est additaque appellatio. Nam quas prisci partes appellarunt, moderniores gradus à Solis diurno progressu vocant. Sole enim quotidie tantum cœli percurrit, quantum fere fies est ad conficiendam vnā circuli tricenam sexagenam partem. Quem numerum artifices prætulerunt, non quia naturalis sit, aut in ipsa rerum natura coherens, sed calculo maxime conueniens. Recte ergo Cardanus & ex mente Ptolemæi voluit sectionem circuli in partes 360. tanto abesse à sectione physica, quanto supputationibus artificialibus est conuenientior, aptiorque. Itaque & ob eam causam circuli naturalis est sectio in tot tempora vel partes, quot temporibus, seu gressibus Solis naturalibus diurnis vna reuolutio conficitur, expleturque. Nam talis & huiusmodi Solis diurnus gressus, non autem pars sexagena sit & efficitur naturalis numerus, & secundum potentiam annus solaris. Quod autem hæc sit sententia Ptolemæi & non alia, paulo ante clarissime demonstraui. Non enim vult Ptolemæus, annum Solarem naturalem componi, constituique, aut indicari ab aliquo tempore, quod arbitrio hominum sit limitatum: sed quod in ipsa rerum natura cohereat, & cui ipsa natura limites posuerit, & naturalem habeat potentiam componendi Solarem annum. Habes ergo iam demonstratum in Æquatore reperiri naturalia tempora tot quot sunt Solis gressus diurni ad conficiendum, explendumque suum ambitum sufficientes, nempe 365. potissime: atqui tempora eiusdem Æquatoris artificialia, quibus in supputationibus necesse

